



ANALYSIS LOGICA  
 EVANGELII  
 SECUNDUM  
 JOHANNEM:

UNACUM SCHOLIIS  
 & observationibus loco-  
 rum doctrinæ.

AUTORE  
 M. JOHANNES PISCATORE,  
*sacrarum literarum in illustri schola  
 Herborensi Professore.*




LONDINI,  
 Impensis Geor. Bishop.  
 1 5 9 5.





ILL VSTRI AC GENEROSO  
DOMINO, DOMINO ARNOLDO,  
*Comiti in Bentheim, Teckelburg & Steinfurt : do-  
mino in Rheda & Wevelinghoven &c. domino suo  
benigniss.*

JOHAN. PISCATOR  
GRATIAM ET PACEM A DOMINO.



ILLUSTRIS ac generose Comes,  
domine benignissime. Quemad-  
modum olim tempore Moſis Deus  
Iſraëlitis præcepit, ut ad ſacri illius  
tabernaculi ſtructuram pro facultatibus ſinguli, quorum animus ſpon-  
te moviſſet ipſos, conferrent: unde  
factum eſt, ut alii quidem aurum,  
argentum, gemmas, pannum pretio-  
ſum; alii verò pelles arietum aut  
pilos caprarum contribuerint: Ita dubium videri non deber,  
quin idem ille Deus hodie quoque ſingulos Chriſtianos dona  
ab ipſo accepta, ad Eccleſiæ coördinationem velit conferre:  
maximè verò eos quibus in Eccleſia docendi munus mandatū  
eſt, huc enim ſpectat parabola illa Domini de talentis in ſœnore  
collocandis: itemq; altera accommodari huc ſpeciatiim poteſt,  
de operariis in vineam conductis. Quum igitur Dominus me  
quoq; in numero docentium eſſe voluerit: inde ab illo tempore  
quo docendi provinciam legitima vocatione mihi commiſſam  
ſuſcepi, omne mihi ſtudium duxi adhibendum, ut in vinea Do-  
mini fideliter laborarem, talentū mihi creditum in ſœnore col-  
locarem, & deniq; quicquid pro facultate ab ipſo mihi conceſſa  
poſſem, ad tabernaculi illius cæleſtis, ſanctę inquam Eccleſiæ,  
ſtructuram atq; coördinationem in medium conferrem. Atq;  
hec ipſa cauſa me movit, ut ſacras literas in ſchola Heibornenſi  
ad explicandū mihi propoſitas, non ſolūm quā diligentiffimè  
fideliffimèq; fieri à me potuit, jam per ſex annos & eo amplius,  
auditoribus meis interpretatus ſim atq; enarrariim: verum etiā  
virorum piorum & doctorem atque autoritate prædiorum  
judicio fretus, illas meas præleſiones typis chalcographicis  
deſcribi curariim, atque ita cum pluribus communicariim.

Eſſi autem iſta mea munera fortaſſe non cum auro vel ar-  
gento,

## P R Æ F A T I O.

gento, sed cum pellibus arietum aut pilis caprarum comparanda videantur: tamen hoc mihi quidem satis est, quod Dominus non ipsam muneris præstantiam, sed animum offerentis spectat: quem si sincerus sit & ipsius honorandi cupidus, acceptum gratumque habet. Igitur editis per superiores annos quarundam Pauli epistolarum analysibus meis: visum est hoc tempore illis addere analysin Euangelii Johannis: quam sexto abhinc anno in schola nostra discipulis meis dictavi, nuper autem recognovi atque expolivi. Ad quam quidem divulgandam stimulos mihi addidit hortatus amicorum quorundam, doctrina & pietate præstantium virorum: tum verò etiam, quod putabam, accuratam huius libri explicationem hoc tempore quam maxime necessariam esse: ut nimirum salutari hujus Euangelistæ de vera Christi domini ac servatoris nostri deitate doctrina, pectora nostra muniamus contra hæresin Arianorum & Samosatenianorum: quam utramque hæresin diabolus non ita ante multos annos in Transsylvania & Polonia atque Hungaria rursum ab inferis excitavit: qui hæretici utrique veram Christi deitatem, licet diversa ratione diversisque argumentis, exitiali errore negant & oppugnant. Nos verò salutarem nostram de vera Christi domini ac servatoris nostri deitate fidem, clarissimis Spiritus sancti testimoniis solidissimisque rationibus, ex verbis tum Euangelistæ & Apostoli Johannis, tum verò ipsius Christi ab illo recitatis, possumus ac debemus confirmare. Et sanè operæ pretium facturus mihi videor, si illa testimonia illasque rationes (saltem plerasque) hæc recitem, & in omnium piorum conspectum proponam: præsertim quum hic Euangelista id in primis & ex professo (ut loquuntur) egisse videatur, ut veram Christi deitatem contra Ebionem & Cerinthum jam tum exortos hæreticos quam studiosissimè assereret.

Ut autem doctrinam hanc compendio proponam: non observabo ordinem capitum hujus libri, sed argumenta omnia ad certa genera revocabo: & quæ ad unum aliquod genus pertinent, ex diversis locis colligam. Ac primum quidem argumenti genus pono ipsa Apostolica pronuntiata, quippe quæ apud nos vim divinorum testimoniorum obtinent. Quid igitur Apostolus Johannes de quæstione proposita pronunciat? Pronunciat disertè, Christum esse Deum. *Et sermo ille*, inquit, *erat deus*, cap. I. v. 1. quis autem sermo? nempe ille ipse de quo paulo post pronunciat, ipsum factum esse carnem, id est, assumisse naturam humanam, & gloriam ejus ab Apostolis conspectam esse, tanquam

## P R Æ F A T I O.

tanquam unigeniti egressi à Patre. Is autem extra controversiam est dominus noster Jesus Christus. Atque hanc ipsam sententiam adhuc expressius enunciat sub finem epistolæ suæ primæ, quum de Christo loquens ait, *Hic est ille verus Deus*. Sed occurrit in hoc ipso libro alterum quoque pronunciatum, cap. 20. v. 28. non quidem ipsius Euangelistæ, sed Apostoli Thomæ: qui CHRISTO post resurrectionem ejus conspecto & agnito, exclamavit, *Domine mi & Deus mi*. quam illius pronuntiationem atque confessionem Dominus approbavit.

Secundum argumenti genus duco à Dei natura seu attributis, quæ sunt proprietates ejus essentielles: cujusmodi sunt æternitas, immensitas seu infinitas, omniscientia. Ac æternitatem quidem Christi insinuat Euangelista, statim in libri principio, quum ait, *In principio erat Sermo ille*. Si Sermo ille (*id est Christus*) in principio, hoc est quum mundus creari inciperet, jam erat: ergo erat ante mundum conditum. Si erat ante mundum conditum: ergo erat ab æterno. Id ipsum significat quoque Johannes Baptista, quum Christo testimonium perhibens, inter alia dicit, *Prior me erat*, cap. 1. v. 15. & 30. At secundum naturam humanam Christus illo erat posterior, quippe junior sex mensibus. Significat igitur Baptista, Christum se esse priorem secundum deitatem, atque adeo fuisse ab æterno. Quin Christus ipse æternam suam essentiam innuit: quum Judæis ex ætate ipsius argumentantibus, quod fieri non possit ut Abrahamum vidisset, opponit hoc pronuntiatum: cap. 8. v. 58. *Ansequam Abraham existeres, ego sum*. Et adhuc clariùs æternam suam subsistentiam indicat, quum in solenni illa sua precatione quam ut summus Ecclesiæ sacerdos, paulo post sese oblaturus, ad Patrem habuit, glorificari ab illo petit *ea gloria quam habui* (inquit) *apud te priusquam hic mundus existeret*, capite 17. vers. 5. Jam immensitatem seu infinitatem essentiae suæ innuit, ubi cum Nicodemo colloquens inter alia dicit, cap. 3. v. 13. *Nemo ascendit in cælum nisi qui descendit è cælo, filius hominis qui est in cælo*. At qua ratione Christus tunc erat in cælo? Non certè secundum naturam humanam, quippe secundum quam in terra stabat vel sedebat cum Nicodemo: sed secundum naturam divinam, qua cælum & terram replebat: id quod sibi Jehova apud prophetam Jeremiam tanquam proprium vendicat. cap. 24. v. 23. Porro omniscientiam Christi declarat Euangelista sub finem capitis secundi: ubi cum dixisset, multos in nomen ejus credidisse, eo quod conspicerent signa quæ edebat: subjungit, *Ipse autem Jesus non credebas*

## P R Æ F A T I O.

*credebat se ipsis: eo quod nosset omnes, nec opus esset ut quisquam ei testaretur de homine: ipse enim sciebat, quid esset in homine. Quibus verbis satis perspicue indicat, Christum esse ἀποδυσταλως, id est cordium cognitorem: quod ipsum Petrus quoque ei tribuit: quum post ipsius resurrectionem iterum atque iterum interrogatus, an ipsum amaret: respondit, Domine, tu omnia nosti: tu nosti, quod amem te, cap. 21. v. 17. At hanc arcanorum atque intimorum cordis affectuum notitiam Jehova sibi vindicat, apud Jeremiam cap. 17. inquit, Ego Jehova scrutator cordis, probator renum.*

Atque hæc paucis dicta sint de secundo argumentorum genere, quod ducitur à Dei natura seu attributis. Tertium genus summo à divinis operibus, quæ sua vi efficere præter Deum nemo potest: quæ ita distingui possunt, ut eorum alia intelligantur proficisci ab ipso tanquam creatoris omnipotentia: alia verò manare ex gratia ipsius tanquam redemptoris. Prioris generis sunt creatio conservatioque mundi & miracula. De creatione mundi testatur Evangelista cap. 1. v. 3. *Omnia, inquit, per hunc Sermone facta sunt: & absque eo factum est nihil quod factum sit. De conservatione verò mundi extat illustre pronuntiatum Christi, cap. 5. ubi contra Judæorum criminationem de sabbato per ægroti illius ad piscinam decumbentis sanationem violato, sese defendens, ait: Pater meus usque adhuc operatur: etiam ego operor. Porro miracula à Christo edita sunt partim in rebus vitæ expertibus: quarum vel naturam atque substantiam mutavit, ut quum ex aqua fecit vinum in nuptiis, capite secundo: vel quantitatem auxit, ut quum quinque panes & duos pisciculos in tantum multiplicavit, ut inde saturarentur quinquies mille viri, & superessent fragmentorum cophini duodecim, capite sexto. Partim verò edidit miracula Dominus in hominibus: puta in ægrotis sanandis, mancisve restituendis, atque etiam mortuis excitandis. Capite quarto narratur, quomodo sanaverit filium regii moribundum, corpore absens, pronuntiatis tantum illis verbis, *Vade, filius tuus vivit*. Capite quinto narratur, quomodo sanum fecerit quendam qui decumbebat ad piscinam Hierosolymis, expectans turbationem aquæ ab angelo, & quidem tricesimo octavo annum jam in morbo agens. hunc igitur quomodo sanum fecit? Dixit illi: *Surge, tolle grabatum tuum, & ambula. Et statim sanus factus est homo ille: & sustulit grabatum suum, & ambulabat*. Capite nono narratur, quomodo visum dederit cuidam qui cæcus erat natus. at quomodo? *Spuis humi, & fecit lutum ex spuo: & ille visum oculis cæci: dixitque ei, Vade, lava in piscina Siloam. Abiit ergo & la-**

## P R Æ F A T I O.

*vis, rediitq; videns.* Capite undecimo narratur, quomodo excitârit Lazarum, fratrem Mariæ & Marthæ, quum is jam quatri-  
dum in sepulchro jacuisset, & jam oleret, at quomodo rem  
tantam effecit? *Clamavit voce magna, Lazare, ades dum foras. Tum*  
*qui fuerat mortuus, prodiit manus & pedes vinctus fasciis: & Iesu ju-*  
*bente, solutus est & abiit;* ac postea cap. 12. Bethaniæ in cœna unâ  
cum Christo & aliis convivis accubuit. Imô quod plus est, ipse  
seipsum ex morte excitavit: atque hoc ipso miraculo Judæis  
jam autea cap. 2. demonstravit, se potestatem habere repurgan-  
di templum, quod illi mercimoniis excercendis contaminave-  
rant. Etenim quum venditores boum & ovium & columbarum  
& numularios flagello é funiculis facto eiecisset: & argentario-  
rum numulos effudisset, mensâsque subvertisset: rogatus á Ju-  
dæis, Quod signum ostendis nobis, quòd ista faciendi potesta-  
tem habeas? respondit: *Destruite templum hoc, & triduo erigam*  
*illud.* Loquebatur autem (ut Evangelista monet) *de templo corporis*  
*sui:* ac proinde quum surrexisset á mortuis, recordati sunt disci-  
puli istud sibi ab eo dictum fuisse. Atque hæc sunt exempla prio-  
ris generis operum divinatorum: quæ edidit Christus ut omni-  
potens creator. Jam opera gratiæ seu potius operationes gra-  
tiosæ quas exercet ut misericors redemptor, sunt variæ: ut elec-  
tio ad vitam æternam, donatio Spiritus sancti, conversio seu  
donatio fidei & vivificatio cordium, conservatio fidei, exaudi-  
tio precum, denique donatio vitæ æternæ. De hisce singulis te-  
stimonia in Evangelio Johannis passim occurrunt: ut de *electio-*  
*ne* ait cap. 13. vers. 18. *Non de omnibus vobis loquor: ego scio quos ele-*  
*gerim,* quibus verbis Judam Iscariotem á numero Electorum  
suorum excludit. Rursus cap 15. vers. 19. ad discipulos ait: *Si ex*  
*mundo essetis, mundus quod suum est amaret: quia verò ex mundo non*  
*estis, sed ego elegi vos ex mundo, propterea odit vos mundus.* De dona-  
tione verò Spiritus S. occurrunt hi loci. Capite quarto v. 10. & 14.  
in colloquio cum muliere Samaritana ad fontem, promittit se  
electis suis daturum aquam vivam: ex qua quisquis biberit, non  
sitiat in æternum: sed fiat in eo aqua illa fons aquæ salientis in  
vitam æternam. Per quam aquam intelligit Spiritum sanctum:  
sicut exponit ipse Evangelista cap. 7. vers. 38. 39. ubi Dominus  
promissionē hanc repetens ait, *Qui credit in me: sicut dixit Scrip-*  
*tura, flumina aquæ vivæ fluens ex ventre ejus.* Atque hanc Spiritus  
sancti donationem ac operationem per illum, insinuavit quoq;  
per suavissimam illam similitudinem qua cap. 15. sese viti, nos  
autem palmitibus comparat: significare volens, quemadmodū

# P R Æ F A T I O.

vitis in palmites succum suum infundit, quo illi & vegetantur & fructuosi redduntur: ita sese infundere in nos Spiritum suum, cujus virtute & vegetemur in vita spirituali & suaves fructus bonorum operum Deo teramus. Sed hanc Spiritus sancti donationem expressius promittit sub ejusdem capitis finem: ubi dicitur fertè dicit, se missurum à patre paracletum illum, Spiritum veritatis. Jam quòd Christus corda convertat, fide donet atq; ita vi vivificet, affirmat ipse cap. 5. vers. 25. ubi ait, *Veniet tempus, & nunc est, quum mortui audient vocè filii Dei; & qui audierint, vivent.* In quibus verbis non loquitur de excitatione corporum: quippe de qua paulò post, tanquam diversam ab hac sententiam pronuntians, mentionem facit: sed loquitur de excitatione cordium per vocem Euangelii, qua corda electorum ad Deum convertuntur, fide donantur, atq; ita ex morte æterna excitantur & spiritualiter vivificantur. Quòd autè idem Christus fidem, postquam illam electis suis semel donavit, perpetuò conservet, ne illi per diaboli tentationes priventur, clarè docet cap. 10. v. 28. ubi de ovibus suis ( id est, electis in ipsum credentibus ) sic loquitur: *Ego vitam æternam do eis; nec peribunt in æternum; neque rapies eas quisquam è manu mea.* Jam quòd Christus exaudiat piorum preces, ipse nobis testatum facit suavissima promissione quæ extat cap. 14. v. 13. ubi ait: *Quicquid petieritis in nomine meo, hoc faciam; ut glorificetur Pater in Filio.* Denique quòd Christus nobis auctor sit vite æternæ, plurimis in locis testatur. ut cap. 3. v. 16. *Ita Deus dilexit mundum, ut fil. um suum unigenitum dederit; ut quisquis credit in eum, non pereat, sed habeat vitam æternam.* Sic cap. 6. v. 40. *Hæc est voluntas ejus qui misit me, ut omnis qui videt Filium, & credit in eum, habeat vitam æternam: ego vero suscitabo eum ultimo illo die.* Et cap. 11. v. 25. *Ego sum resurrectio & vita; qui credit in me, etiamsi mortuus fuerit, vivet; & quisquis vivit & credit in me, non morietur in æternū.* Et cap. 14. v. 6. *Ego sum via & veritas & vita.* Et cap. 17. v. 2. *Dedisti ei ( ait ad Patrem ) auctoritatem in omnem carnem: ut quotquot dedisti ei, det eis vitam æternam.* Et cap. 20. v. ult. *Hæc scripta sunt ( inquit Evangelista ) ut credatis Iesum esse Christum filium illum Dei; & ut credentes, vitam habeatis per nomen ejus.*

Atque hæc dicta sint de tertio argumentorum genere, quod sumtum est à divinis operibus. Quartum genus petitur à cultu Dei proprio, id est, qui soli Deo debetur: cuiusmodi est fides seu fiducia & adoratio. Maledictus enim in Scriptura pronuntiatur qui confidit in homine, nempe tali qui nil nisi homo sit: & de adoratione præcipitur, Dominum Deum tuum adorabis, & illi soli



## P R Æ F A T I O.

soli servies. *Fiduciam* autem Christus in se collocari vult, quæ-  
ties credentibus in ipsum vitam æternam promittit: cuiusmodi  
promissiones paulo ante à nobis sunt recitatæ. *Adorationem* au-  
tem sibi ut filio Dei ac vero Deo exhibitam approbavit tum in  
illo cui visum donaverat, capite nono; tum in Apostolo Tho-  
ma, quum illi apparuisset post resurrectionem, capite vicesimo.

Sequitur quintum argumentorum genus, quod suppeditat  
nobis *relatio Christi ad Deum Patrem*, unde intelligitur illi *ὁμοῖος*,  
id est ejusdē cum ipso essentia. quippe quum sit *filius Dei unige-  
nitus*, ut affirmat Evangelista cap. I. v. 14. & 11. item quū sit *unum  
cum Patre*; nempe unius ejusdemq; essentia, ac proinde & potē-  
tia; sicut ipsemet affirmat cap. 10. v. 30. Ad hæc, quum *Pater sis  
in ipso, & ipse vicissim in Patre*, cap. 10. v. 38. & cap. 14. 10. & 11.

Huc etiam pertinet dulcissima illa promissio quæ extat cap.  
14. v. 23. *Si quis diligit me, sermonem meum servabit: & pater meus  
diliget eum; & ad eum veniemus, & apud eum mansionem faciemus.*  
Ejusdem generis est, quod de illuminatione Spiritus sancti lo-  
quens ait, *Ille me glorificabit: quia de meo accipiet quod renuntiabis  
vobis: Omnia quæ habet Pater, mea sunt: propterea dixi, illum de meo  
accepturum quod renuntiabis vobis.*

Restat sextum argumentorum genus, quod colligitur ex co-  
herentia sententiarum. Cuiusmodi est sermo ille Domini de cæco  
nato, cap. 9. de quo quum interrogassent discipuli: ipsēne ille  
cæcus, an verò parentes ejus peccatis suis commeriti essent ut  
ille nasceretur cæcus: respondit Jesus, *Neque iste peccavit, neque  
parentes ejus (nempe ut cæcus nasceretur) sed cæcus natus est, ut  
opera Dei manifesta fiant in eo.* Et mox addit: *Oportet me operari  
opera ejus qui misit me.* ubi ex coherentia sententiarum percipi-  
tur: sanationem illius cæci ita fuisse opus Dei patris, ut simul  
esset opus filii, nempe Christi. Sic cap. 11. v. 4. de morbo Lazari  
ait, *Morbus iste non est ad mortem: sed immissus pro gloria Dei, ut per  
eum morbum glorificetur filius Dei.* ubi gloriam Dei patris sibi com-  
munem facit. Cum primis autem illustris est locus ille qui ha-  
betur cap. 12. v. 39. 40. & 41. ubi Evangelista recitato vaticinio  
Esaie de excecatione Judæorum nolentium credere in Je-  
sum: subjungit, *Hæc dixit Esaias quando vidit gloriam ejus,* nempe  
Jesu. At Prophetæ Esaias capite sexto, unde vaticinium illud  
depromptum est, dicitur vidisse gloriam Domini, id est Adonai:  
quod nomen soli Deo tribuitur. Et illi Domino acclamarunt  
ibi Seraphim, hoc est Angeli: Sanctus, sanctus, sanctus est Je-  
hova exercituum. unde jam planè efficitur: Jesum esse Adonai  
scu

## P R Æ F A T I O.

seu Jehovah, id est verum deum; cui sit laus & gloria in secula seculorum, amen.

Sed hæc hæcenus de singulari hujus libri ad hæc nostra tempora utilitate, dicta sufficiant. Tuo verò nomini, illustis & generose Comes, hunc meum cōmentarium inscribere volui: ut te merito honore afficerem. Honorari enim ab hominibus literatis meretur illi domini, qui bonas literas ac inprimis sacras in honore habent, & illarum studium suis opibus promovent, ac apud subditos suos publicè tractari, atq; etiā liberos suos in illis erudiri curant. quæ omnia in te, generose domine, conspicua sunt. quippe bonis literis ipse adolescens operâ navasti Argentorati in patria mea, præceptore usus privatim quidem doctissimo viro Gerharδο Falkenburgio: publicè autè clarissimo viro Dn. Johanne Sturmio: quem etiā quamdiu vixit ( sicut ex filiis tuis intellexi ) ut veterem præceptorē coluisti, prudentibus ejus consiliis usus, & solita eum munificentia profecutus. Atq; hic amor bonarum literarum quæ adolescens imbibisti, haud dubiè etiam stimulos tibi addidit, ut publicum literarum ludum & bonarum artium gymnasium ante biennium Schutterfii aperires; quod quidè gymnasium propter majorem ( ut audio ) loci commoditatem civiumq; singularem humanitatē Streinfurtum nuper transtulisti. Jam de dulcissimis pignorib. tuis, tribus inquam filiis tuis, generosissimè indolis maximeq; spei adolescentibus, Eberwino-Wirico, Adolpho & Arnoldo-Jodoco, nuper Heidelbergam studiorum causa missis, quid dicam? quorum ego educationem in schola nostra Herbornensi jam per annos circiter quinque, tam liberalem, tam ingenuam, tam honestam, tam denique piā conspexi, & pro mea parte adjuvi: ut optimam de illis spem conceperim, fore ut si in præclarè cœpto curriculo strenuè pergant ( id quod facturos confido ) eximia lumina atque ornamenta sui ordinis evadant. quid dico, evadant? Imò jam, pro sua quidem ætate, in talia lumina evaserunt, lumina inquam & exempla eruditionis, modestiæ, humanitatis, pietatis. quo fit ut non liceat eis retrogredi aut subsistere; progredi autem in hoc sapientiæ & pietatis feliciter cœpto cursu omnino ipsos deceat. Deum patrem Domini nostri Jesu Christi oro, ut corda eorum sancto suo spiritu semper gubernet, ut vera sapientiâ instituti & vera pietate imbuti, aliquando ad rempub. capeffendam quam instructissimi accedant: & vobis parentibus dulcissimis singulare gaudium afferant. Vale illustis ac generose domine Comes. Herbornæ. 16. Martii 1591.



# ANALYSIS LOGICA EVANGELII IOHAN- NIS; UNA CUM SCHOLIIS & Observationibus locorum doctrinæ.

## ARGUMENTUM.



*S*icut reliqui tres Euangelistæ, sic etiam Johannes histo-  
riam vite ac mortis Domini nostri Jesu Christi describit.  
Hoc tamen singulare habet, quod multos Christi sermo-  
nes, à reliquis ommissos, quibus ille de persona & officio suo  
copiosè disseruit, accuratè commemorat: nec non miracu-  
la nonnulla, de quibus reliqui prius tacent. Ac sermo-  
nes quidem à solo Johanne descr:pti, hi sunt: cap. 3. sermo  
cum Nicodemode de regeneratione: cap. 4. sermo cum Sa-  
maritana de aqua viva: cap. 5. sermo cum Judæis de mi-  
raculosè sanato eo, qui 38. annos decubuerat: cap. 6. sermo cum turba de pane vi-  
tæ: cap. 8. sermo cum Phariseis in templo, ubi eus exprobat cecitatem & maliti-  
am: cap. 10. sermo de bono pastore, item de ovibus suis: cap. 11. sermo cum Martha  
de resurrectione: cap. 14. 15. 16. sermo cum discipulis, peracta ultima cæna, de  
Spiritu sancto paraceto: cap. 17. preces ad patrem pro Ecclesia: cap. 20. sermo  
cum Thoma de fide: cap. 21. sermo cum Petro de sui dilectione. Miracula verbò  
quæ apud solum Johannem reperiuntur, sunt ista: cap. 2. miraculum aquæ in  
vinum verse: cap. 5. miraculum sanati ejus qui decubuerat annos 38 cap. 9. mi-  
raculum sanati cæci à natiuitate: cap. 11. miraculum excitati è morte Lazari.  
Vocatur autem hæc historia *Εὐαγγέλιον*, id est letum ac felix nuntium, *καὶ  
ἡσυχία*: quoniam conscientis sensu peccatorum consternatus nihil letum annun-  
tiari potest, quam gratia Dei in Christo nobis exhibita, sicut hystoria hæc testatur.  
Tradit Hieronymus, Johannem novissimum omnium historiarum Evangelicam  
scripsisse, idque rogatum ab Asiæ Episcopis, adversus Cerinthum & Ebionem,  
qui Christi divinitatem negabant quam Johannes statim in principio asseruit ac  
demonstrat. Quam etiam ob causam veteres, illi aquilam ex curru Ezechielis  
appinxerunt: quod contemplatione deitatis Christi veluti in sublime instar  
aquile subvoles, ac jubar illud majestatis divine oculis mentis insueatur.

## ANALYSIS CAP. I.

### ARGUMENTUM.

Caput primum in tres principes partes distingui potest. In prima parte  
describit Johannes personam Christi, usque ad vers. 15. In secunda parte  
describit officium ejus, à vers. 15. usque ad 35. In tertia ac postrema parte  
narrat, quomodo ad fidem in Christum pervenerint Andreas & Simon Pe-  
trus, & Philippus & Nathanaël.

### DE PRIMA PARTE.

**I**n principio erat Sermo ille, & Sermo ille erat apud Deum: eratque ille Ser-  
mo Deus.

## ANALYSIS EUANGELII

- 2 Hic Sermo erat in principio apud Deum.
- 3 Omnia per hunc Sermonem facta sunt, & absque eo factum est nihil quod factum sit.
- 4 In ipso vita erat, & vita illa erat lux hominum.
- 5 Et lux illa in tenebris lucet, sed tenebre eam non comprehenderunt.
- 6 ¶ Fuit homo missus à Deo, cui nomen Johannes:
- 7 Is venit ad dandum testimonium, id est ut testaretur de illa luce, ut omnes per eum crederent.
- 8 Non erat ille lux illa, sed missus fuit ut testaretur de illa luce.
- 9 Hic erat lux illa vera quæ illuminat omnem hominem venientem in mundum.
- 10 In mundo erat, & mundus per eum factus est: sed mundus eum non agnovit.
- 11 In sua venit, sed sui eum non acceperunt.
- 12 Quorquos autem eum acceperunt, dedit eis hoc sive ut filii Dei essent, nempe iis qui credunt in nomen eius:
- 13 Qui non ex sanguine, neque ex libidine carnû, neque ex libidine viri, sed ex Deo geniti sunt.
- 14 Et sermo ille caro factus est: & commoratus est inter nos, (& spectavimus gloriam ejus, gloriam inquam ut unigeniti: egressi à Patre) plenus gratiæ ac veritatis.

**Q**uod ad personam Christi attinet, describit primum ejus divinitatem, usque ad vers. 14. deinde humanitatem vers. 14. Statim igitur in principio assentit, Christum (nomine *Χριστός* intelligi Christum, apparet ex vers. 14. & deinceps, quem vocat *Χριστός*, id est Sermonem) esse Deum, & esse personam à Patre distinctam. Deitatem ejus ostendit primum ex æternitate, ubi ait, *eum fuisse in principio*. Si enim fuit jam tum quum res creatæ esse inciperent; consequens est, eum fuisse ab æterno, ac proinde esse Deum: quum ante res creatas nihil fuerit præter creatorem Deum. Esse autem personam à patre distinctam, docet his verbis, ubi ait, *eum fuisse apud Deum*, nempe apud Deum patrem; *καὶ ὁ υἱὸς τοῦ πατρὸς* appellari solet Deus, propter originis principatum. Et si enim filius Dei, itemque Spiritus sanctus, patri coæternus est; tamen uterque à patre originem habet: Filius quidem per æternam & ineffabilem generationem, Spiritus sanctus verò per æternam & ineffabilem processionem sive emanationem. Tertiò disertè assentit, Christum esse Deum, nempe unius essentia cum Patre & Spiritu sancto: *ὁ υἱὸς* autem, id est Sermonem, appellat filium Dei, tum quod est Patris sapientia (sic nominatur Prover. 8.) per quam ille omnia condidit, ut affirmat V. 3. tum quod est ejusdem legatus ad genus humanum, per quem pater arcum suum consilium de hominum æterna salute nobis exposuit, ut dicit infra vers. 18.

2 Hic ] Repetit primum & secundum enuntiatum, eaque in unum conjungit.

3 Omnia ] Addit secundum argumentum ad astringendam deitatem Christi: quod sumit ex effectis, videlicet ex omnium rerum conditarum creatione: quarum facit tres gradus, nam quædam solummodo sunt, ut res inanima: quædam etiam vivunt, ut res animata, nimirum plantæ & animantes: quædam denique ratione sive luce intelligentia insuper præditæ sunt, ut homines. Quem extremum gradum illustrat antithesi tenebrarum, id

id est ignorantiz, quam homo sibi per defectionem à Deo contraxit.

6 *Fuit*] Tertium gradum, nempe quòd Christus sit author lucis in hominibus, confirmat testimonio Johannis Baptiste, cujus officium simul declarat; quod erat, testari de luce illa vera Christo, ut omnes (nempe auditores illius quotquot ad vitam æternam electi erant) per eum crederent.

10 *In mundo*] Repetit antithesin de ignorantia Dei in hominibus, tum univèrsis, tum nominatim Judæis: eamque ignorantiam amplificat ex causis contrariæ cognitionis, videlicet ædificio mundi & familiari visitatione atque conversatione.

12 *Quorquor*] Ignorantiæ & incredulitati reproborum Judæorum, opponit fidem electorum: illiusque fidei tum effectum dignitatis & felicitatis plenum exponit, nimirum jus filiorum Dei seu adoptionis, id est, adoptionem; tum verò etiam causam efficientem, quæ est regeneratio per Spiritum Dei: quam illustrat antithesi generationis naturalis: ut ostendat, fidem non proficisci ex viribus liberi (quod vocant) arbitrii, sed esse singulare Dei donum mentem illuminantis & assensum flectentis.

14 *Et sermo*] Hactenus asseruit deitatem Christi, nunc asserit ejusdem humanitatem. Affirmat igitur, filium Dei esse incarnatum, id est, assumpsisse carnem nostram è carne & sanguine Mariæ virginis: & commoratum esse, ut verum hominem, inter Judæos, maximè discipulos suos: atque ibi rursus inserit argumenta duo deitatis ipsius ab effectis, videlicet miracula ex quibus gloria ejus, id est, majestas divina eluxit: & communicationem gratiæ spiritualis per ceremonias legales olim adumbrate.

## DE SECUNDA PARTE.

15 *Johannes testatus est de eo, & clamavit, dicens, Hic est de quo dicebam, Is qui me sequitur, antepositus est mihi: quia prior me erat.*

16 *Et ex plenitudine ipsius omnes accepimus, & gratiam pro gratia.*

17 *Nam lex per Moysen data est, gratia & veritas per Jesum Christum præstita est.*

18 *Deum nemo vidit unquam: unigenitus ille Filius qui est in sinu Patris, ille nobis exposuit.*

19 *Hoc autem est testimonium illud Johannis. Quando miserunt Judæi ab Hierosolymis Sacerdotes & Levitas ut interrogarent eum, Tu quis es?*

20 *Tum confessus est, neque negavit: confessus est inquam, dicens, Non sum ego Christus.*

21 *Tunc interrogaverunt eum, Quid ergo es? Tunc es Elias? Ipse verò dixit, Non sum. Et illi, Es tu Propheta ille? Tum ipse respondit, Non.*

22 *Dixerunt ergo ei, Quis igitur es? ut responsum dedimus eis qui miserunt nos: quid dicu de te ipso?*

23 *Ait, Ego sum vox clamantis in deserto, Complattare viam Domini, prout dixit Esaias Propheta.*

24 *Qui verò missi fuerant, erant ex Phariseis:*

25 *Et interrogaverunt eum, ac dixerunt ei, Cur ergo baptizas, si tu non es Christus, neque Elias, neque Propheta ille?*

26 *Respondit eis Johannes, dicens, Ego baptizo aqua, sed in medio vestrum stat quem vos nescitis:*

27 *Hic ille est qui me sequitur, qui mihi antepositus est, cujus solearum ego non sum dignus ut solvam corrigiam.*

## ANALYSIS EUANGELII

28 *Hæc in Bethabara facta sunt secus Jordanem, ubi Johannes baptizabat.*

29 *¶ Postero die videt Johannes Jesum venientem ad se, & ait, Ecce agnus ille Dei qui tollis peccatum mundi.*

30 *Hæc est de quo dicebam, Sequitur me vir qui antepositus est mihi: quia prior me erat.*

31 *At ego non noveram eum: sed ut manifestus fiat Israël, propterea venit ego baptizans aqua:*

32 *Tum, inquam, testatus est Johannes, dicens, Conspexi Spiritum descendentem quasi columbam de caelo, qui etiam mansit super eum.*

33 *Et ego non noveram eum: sed qui misit me ut baptizarem aqua, ille mihi dixerat, Super quem videris Spiritum descendentem ac manentem super eum, hic est qui baptizat Spiritu sancto.*

34 *Ego igitur vidi, & testor hunc esse Filium illum Dei.*

Sequitur secunda pars capituli, ubi tradit doctrinam de officio Christi, primum in genere ostendens, eum esse nostrum servatorem, quippe qui bonorum omnium affluentiam in se contineat, ita ut nulla salutis gutta aliunde petenda sit: *¶. 15. & 16.* Quam sententiam vers. 17. illustrat antithesi, qua Christo opponit Moysen & legem Moysi opponit gratiæ & veritati: qua antithesi docet, in Lege adumbratam duntaxat fuisse spiritualium bonorum imaginem, in Christo verò bona illa solidè præstari: videlicet spirituales iustitiam, quæ consistit in remissione peccatorum & cordis renovatione. *Jer. 31. ¶. 31.*

18 *Deum* ] Expósito officio Christi in genere, nempe quòd sit noster servator, hic jam exponit primam officii speciem, videlicet officium propheticum, de quo ipse dixit Pilato, infra 18. *¶. 37.* *Ego ad hoc natus sum & ad hoc veni in mundum, ut dem testimonium veritati.* Deinde quum Apostolos mitteret in totum terrarum orbem ad prædicandum Evangelium, dixit, *Sicut misit me pater, ita & ego mitto vos* infra 20. *¶. 21.* Sic Paulus *Rom. 15. ¶. 8.* ait, Christum fuisse ministrum circumcisionis, id est ministrasse Judæis, nimirum docendo eos de seipso, de sua scilicet persona & officio. Sic ipse Christus infra cap. 4. *¶. 34.* ait, *Esca mea est, exequi voluntatem ejus quam misit me, & perficere ipsius opus,* id est, docere homines viam salutis: loquitur enim de sua concione habenda ad Samaritanos. Porro de hoc prophetico Christi officio ait Johannes, *Deum nemo vidit unquam,* hoc est, nemo unquam cognovit viribus ingenii sui mentem Dei & arcanam illam voluntatem de salute sua æterna, tum addit, *Unigenitus ille Filius,* id est, Christus, *qui est in sinu Patris,* hoc est, qui novit arcana Patris in illius pectore quasi recondita: *Ille,* inquit, *nobis exposuit,* nempe arcanum illud consilium Patris de æterna nostra salute per ipsum.

19 *Et hoc* ] Transít ad reliquas duas officii species, videlicet ad officium sacerdotale & regium: quæ ambo notantur appellatione Christi. Christum igitur esse Christum, id est, Messiam illum promissum Patribus, docet testimonio Johannis Baptistæ: cujus reddendi causam primò omnium exponit, videlicet petitionem Judæorum, qui missi ad illum legati, petiverunt ut sibi confiteretur, anne esset ipse Christus. Quod quum ille negaret, quæfiverunt, essetne Elias, an Propheta ille per Moysen promissus. *Deuter. 18.* Quod utrumque cum similiter negaret, petiverunt ut sibi rationem vocationis suæ exponeret. tum Johannes professus est, se missum esse ut viam pararet Christo: sicut prædictum fuerat à propheta *Esaia.* Ceterum quum Johannes instituisset novam ceremoniam, videlicet baptismum: quænam  
amplius

amplius legati, qua autoritate id faciat, quum nec Christus sit, nec Elias, nec ille Propheeta. Johannes respondet, se baptizare aqua: ubi intelligenda est antithesis ex Matth. 3. v. 11. nempe Christum baptizaturum Spiritu sancto. Quoniam ista antithesis non prorsus hic omissa est. Opponit enim hic sibiipsum Christum; & testatur, illum jam in medio ipsorum versari & quanquam ipsum sequatur ut discipulus, tamen decreto divino sibi praelatum esse, idque propter excellentiam cum personæ tum officii; quam excellentiam declarat collatione minoris, his verbis, quod ipse non sit dignus, qui solvat corrigiam solcarum ejus, id est, qui vel abjectissimum & maxime servile servitium ei præstet. Ad extremum indicatur locus ubi Johannes hoc testimonium Christo reddidit.

29 *Postero die* ] Sequitur aliud testimonium Johannis Baptiste de Christo, quod propriè ad officium ejus sacerdotale pertinet. nam digito cum commonstrans exclamat, *Hunc esse agnum illum Dei, qui tollat peccatum mundi*, hoc est, Jesum esse personam illam quæ à Deo ordinata sit, ut instar agni immaculati & innocentis mactetur in sacrificium expiatorium pro peccato illo generis humani admissio in paradiso, & omnibus inde ortis peccatis: quæ mactatio per mactationes agnorum sub lege fuerat adumbrata ac promissa. Deinde v. 30. repetit Johannes Baptista testimonium de excellentia Christi, per collationem inter se & illum, ut supra v. 15. Postea v. 31. rationem ac finem sui baptismi atque adeo ministerii exponit, se nimirum baptismo ac ministerio suo hoc agere, ut Judæis manifestum reddat Christum, adeoque discipulos illi colligat. Postremo v. 32. 33. & 34 testimonium suum de Christo, confirmat testimonio divino, quod constat signo visibili, nempe columba, quæ in baptismo Christi super eum descendit ac requievit; quæ res testimonium divinum erat, hanc personam à Deo ordinatam esse in Messiam seu Christum, ac proinde donis Spiritus sancti ad hoc officium inungi, unde etiam factum est, ut Christus baptizatus & Spiritu sancto in humana natura unctus, officium suum propheticum, id est, munus docendi aggressus sit, antea tamen ad illud tentatione triplici in deserto præparatus: ut ex ipsa historiarum serie apud Evangelistas perspicuum est. Porro testimonium hoc divinum concludit Johannes tali syllogismo:

Super quem videndus mihi erat Spiritus sanctus descendens ac requiescens, is est Messias: nam hoc dixit Deus, vers. 33.

Atqui hic Jesus est is super quem videndus mihi erat S. S. &c. nam super hunc vidi. v. 32. & 34.

Ergo hic Jesus est Messias v. 34.

## DE TERTIA PARTE.

35 *Postero die iterum stabat Johannes: & ex discipulis ejus duo:*

36 *Et introitus Jesum ambulantiem, dixit: Ecce agnus ille Dei.*

37 *Audierunt autem eum duo illi discipuli loquentem, & sequuti sunt Jesum.*

38 *Conversus vero Jesus, & conspiciens eos sequentes se, dicit eis,*

39 *Quid queritis? Illi vero dixerunt ei, Rabbi (quod dicitur, si interpretaris, Praceptor) ubi moraris?*

40 *Dicit eis, Venite & videte. Venerunt videruntque ubi moraretur: & apud eum manserunt diem illum, hora enim erat quasi decima.*

41 *Erat Andreas frater Simonis Petri, unus ex duobus qui audierant illa ex Johanne, & sequuti fuerant eum.*

42 *Invenit*

42 Invenit hic prior fratrem suum Simonem, & dicit ei, Invenimus Messiam, quod est, si interpretetur, unctus ille.

43 Et adduxit eum ad Jesum. Intuitus autem eum Jesus dixit, Tu es Simon filius Jona: Tu vocaberis Cephas, quod declaratur Petra.

44 Postero die voluit Jesus abire in Galileam: invenit autem Philippum, & dicit ei, Sequere me.

45 Erat verò Philippus ex Bethsaida civitate Andreae & Petri.

46 Invenit Philippus Nathanaëlem, & dicit ei, Invenimus illum de quo scripsit Moyses in Lege, & Propheta, nempe Jesum filium Josephi illum Nazarenum.

47 Tum dicit ei Nathanaël, A Nazareth potest aliquid boni esse? Dicit ei Philippus, Veni & vide.

48 Vidit Jesus Nathanaëlem venientem ad se, & dicit de eo, Ecce verus Israelita, in quo dolus non est.

49 Dicit ei Nathanaël, Unde me nosti? Respondit Jesus, & dixit ei, Priusquam te Philippus vocaret, quum esses subter ficum, videbam te.

50 Respondit Nathanaël, & dixit ei, Rabbi: tu es ille Filius Dei, tu es ille Rex Israel.

51 Respondit Jesus & dixit ei, Quia dixi tibi, Vidi te sub ficu, credes? Majora istis videbis.

52 Praeterea dicit ei, Amen amen dico vobis, Ab hoc tempore videbitis caelum apertum, & Angelos Dei ascendentes ac descendentes super Filium hominis.

Tertia pars capituli, de quatuor discipulis, quomodo in cognitionem Christi pervenerint. Ac primum Andreas cum altero quodam, cujus nomen reticetur, motus testimonio Johannis, Christum secutus est. hoc narratur vsque ad v. 42. Deinde Simon Petrus ab Andrea fratre ad Christum deductus: v. 42. & 43. Tum Philippus ab ipso Christo vocatus est: v. 44 & 45. Postremo Nathanaël à Philippo ad Christum deductus est: v. 46. usque ad finem.

## SCHOLIA IN CAPUT PRIMUM.

1 In principio erat Verbum. Id est, Quum inciperet mundus conditi à Deo. Sic Gen. 1. v. 1. Erat lux. Si jam tum erat: ergo ab aeterno erat: nam tempus unum cum mundo coepit: ante mundum autem fuit aeternitas. Sermo ille. ὁ λόγος. Id est, Filius ille Dei unigenitus, qui arcanum Dei consilium de nostra salute nobis exposuit: sicut nos per sermonem, animi nostri sensa aliis exponimus. Metaphora. Confirmatur autem haec expositio ex versu 18. infra. Apud Deum. ὁ πατήρ Θεός. Scilicet Patrem. Synecdoche generis, qua scilicet ex vocabulo generali & tribus personis communi intelligitur res specialis & propria, videlicet sola persona deitatis prima. Erātque ille sermo Deus. ὁ θεὸς λόγος. In Graeco partes enuntiati materiales, nempe antecedens & consequens, seu (ut vulgò appellant) subjectum & praedicatum, sunt trajectae. Partem autem antecedentem sive subiectum monstrat articulus ὁ. Et nomen θεός sine articulo, accipitur hic generaliter de ipsa deitatis essentia. Quasi dicat Johannes, Sermo ille non solum erat apud Deum (ὁ πατήρ Θεός) scilicet Patrem: sed etiam erat Deus (θεός) scilicet unum cum Patre &



& Spiritu sancto. Hæc expositio confirmatur ex Euangelistæ instituto & ipsa sententiarum coherentia. Planum est enim, propositum Euangelistæ esse doctrinam tradere de persona Christi quem vocat τὸν λόγον: de quo per enunciatum copulativum tria hoc versiculo pronuntiat: sicut ergo duæ præcedentes sententiæ aliquid enuntiant de Logo illo, sic etiam ista tertia.

4 *In ipso vita erat. ἐν αὐτῷ ζωὴ ἦν.* Id est, In Sermone illo (nempe in Filio Dei) erat vita, tanquam in fonte: hoc est, Ipse erat vita seu fons vitæ, tribuens scilicet vitam omnibus viventibus creaturis. *Et vita illa erat lux hominum. καὶ ἡ ζωὴ ἦν τὸ φῶς τῶν ἀνθρώπων.* Id est, & ille ipse Sermo qui erat vita, erat quoque lux illuminans homines, nimirum luce rationis: ex collatione versiculi noni.

5 *Et lux illa in tenebris lucet. καὶ τὸ φῶς ἐν τῇ σκοτίᾳ φαίνει.* Id est, Et ille ipse Sermo qui erat lux illuminans homines, lucet in mente hominis jam post lapsum obtenebrata, nempe tenebris ignorantie immersa: in hac inquam lux illa lucet, irradiando scilicet mentem obtenebratam notitiis quibusdam de natura & cultu Dei: nempe Deum esse, & esse bonum, justum, sapientem, omnipotentem &c. ac proinde humilima obedientia, timore, fiducia, ac dilectione colendum esse. *Sed tenebre eam non comprehenderunt. καὶ ἡ σκοτία αὐτὸ ἐκράτεβεν.* Id est, Sed mens obtenebrata notitias illas quibus à luce illa, hoc est Filio Dei irradiatur, non fovet, ut inde verum Dei cultum cum sua salute conjunctum extruat: sed evanescit in disceptationibus suis, ut docet Paulus Rom. 1. v. 21.

7 *De illa luce. καὶ τὸ φῶς.* Nempe de qua dictum est, v. 4. & 5. nimirum de Filio Dei seu Christo. *Omnes παύεις.* Nempe omnes electi Judæi qui ipsum de Christo restantem audirent. *Per eum, δι' αὐτοῦ.* Scilicet Johannem. Sic 1. Corin. 3. v. 5. Quis igitur est Paulus, quis autem Apollos, nisi ministri PER QUOS credidistis?

9 *Hic.* Scilicet de quo Johannes fuit testatus, nempe Christus. *Lux illa vera. τὸ φῶς τὸ ἀληθινόν.* Id est, Lux illa excellentissima ac verè cælestis seu divina, cum qua non sit ulla lux alia conferenda. Simili significatione usurpatur istud epitheton infra capite 6. vers. 32. Pater meus dat vobis panem illum è cælo verum, τὸν ἀληθινόν. & cap. 15. vers. 1. Ego sum vitis illa vera, ἡ ἀμπελος ἡ ἀληθινή. *Quæ illuminat. ὃ φωτίζει.* Scilicet luce rationis seu intelligentiæ. Nam quò minus hoc intelligi possit de luce fidei, obstant verba quæ mox sequuntur. *Venientem. ἐρχόμενον.* Nempe per nativitatem ex utero matris.

10 *Sed mundus eum non agnovit. καὶ ὁ κόσμος αὐτὸν οὐκ ἔγνω.* Hic nomen *Mundi* per ἀντανάκλησιν in diversa significatione accipitur, quam in proxime-præcedentibus. Illic enim propriè accipitur, & significat res omnes creatas: hic verò per synecdochen integri de hominibus solis intelligitur.

*In jud. eis τὰ ἰδιὰ.* Id est, In terram suam, nempe terram Israël, & ad populum suum in illa terra degentem. Etsi autem totus terrarum orbis Dei est: tamen singulari ratione Judæa dicitur esse Dei, quia populus ipsi consociatus illic debebat.

*Sui. οἱ ἰδοὶ.* nempe Judæi. Hoc intelligendum est de multo maxima parte. nam quòd aliqui eum acceperint, testatur versiculus sequens. *Non acceperunt. καὶ οὐκ ἔλαβον.* Nempe tanquam donum illud Dei: ut ipse Christus se vocat infra cap. 4. v. 10. hoc est, non crediderunt in eum: sicut ipse Euangelista mox exponit in fine versus duodecimi.

12 *Hoc ἡμεῖς, ἡμεῖς οὖν.* Εἰς τὰς, id est, licet, significat ius seu potestatem.

potestatem: *Ut filii Dei essent.* τέκνα Θεῶν ᾧ λέγει. Ad verb. Ut filii Dei facti sint. Sic Matth. 5. *ὅπως γένησθε υἱοὶ*, ut sitis filii. Item Marc. 1. vers. 17. *ποιήσω ὑμᾶς ἁγίοις καὶ ἀγαπῶντας*, faciam ut sitis p̄ficatores hominū. *In nomine eius.* εἰς τὸ ὄνομα αὐτοῦ Id est, In eum quatenus per Euangelii p̄dicationem innotuit. nam fides ex auditu est, Roman. 10. Sic Act. 4. vers. 12. Non est aliud nomen sub cælo, &c.

13 *Ex sanguine & αἱματίνων.* Ad verb. Ex sanguinibus. Hoc verbo & duobus sequentibus in summa hoc vult dicere, Fidem non omni ex generatione naturali seu carnali, sed ex regeneratione spiritali. *Ex Deo.* ἐκ Θεοῦ, pro *ὑπὸ Θεῷ*, à Deo. Sic Rom. 11. *ὅτι ἐκ αὐτοῦ*, &c. sunt omnia. *Geniti sunt.* ἐγενήθησαν. Id est, Regeniti per Spiritum sanctum: quæ regeneratio nihil aliud est quàm animi hominis renovatio atque immutatio, ut pulsus è mente tenebris Deum verè agnoscat, & pulsus è corde pravis affectibus ac desiderijs, delectetur studio pietatis.

14 *Caro factus est.* σὰρξ ἐγένετο. Scilicet assumendo semen Abrahæ, Heb. 2. *ὅτι caro σὰρξ.* Id est, homo. Synecdoche membri, usitata Scripturis. *Commoratus est.* ἐσκήνωσεν. Ad verb. Tabernaculum fixit. *Gloriam dedit.* Id est, Effecit & signa gloriæ seu majestatis divinæ in eo habitantis. Metonymia efficientis. *Gloriam ut unigeniti.* δόξαν ὡς μονογενοῦ. Id est, Gloriam qualis convenit unigenito Dei Filio. Vult dicere: Sicut ipse verè erat unigenitus Dei Filius, ita etiam gloriam divinam spectandam præbebat. *Egressi a Patre.* παρὰ πατρός. Ante *παρὰ* supple *τὸ ἐξελθὲν ὑπὸ τοῦ*. Hoc enim supplementum videtur postulare præpositio *παρὰ*: & illa phrasi utitur Christus ipse de se infra cap. 16. *ἐξελθὲν παρὰ τοῦ πατρός.* Nisi potius hic supplendum, *τὸ γεννηθέντος*, id est, geniti. *Plenus gratiæ ac veritatis.* πλήρης χάριτος καὶ ἀληθείας. Quid his duobus vocabulis significetur, intelligi potest ex versiculo 17. ubi eis opponitur Lex Moysi, Lex autem Moysi gratiæ opponitur, quatenus minatur maledictionem & iram Dei transgressoribus: *Veritati* vero, quatenus continebat ceremonias, quibus res à Christo præstandæ adumbrabantur. Christus ergo conspectus est plenus gratiæ ac veritatis: quia & à maledictione Legis nos liberavit, gratiæque Dei impetravit sua morte, & ceremonias Legis sacrificio suo implevit.

15 *Clamavit λέγων.* Id est, alta & clara voce pronuntiavit, digito illum demonstrans. *Hic est υἱός μου.* Ad verb. *Hic erat.* Imperfecti temporis verbum modo quodam loquendi videtur referri ad id tempus, quo non ita pridem Johannes de Christo absente verba fecerat: quem tunc præsentem digito demonstrabat. ut si hodie quæram ex aliquo. Quis erat ille de quo heri dicebas pro. Quis est ille, &c. *De quo dicebam.* ἐν ἑσπέρῳ. Pro, *αὐτὸς ἐστίν.* *Is qui me sequitur.* &c. ὁ ὀπίσω μου ἑρχόμενος. Ad verb. Qui ponè me venit. Id est, Qui me secutur, scilicet tanquam discipulus præceptorem. Hoc enim significari ista phrasi Hebræa, colligi potest ex collatione huius loci cum versiculo duodecimo capitis octavi in Isa. ubi Christus ait, ὁ ἀκολουθῶν μοι, ὁ μὴ ἀπειπαύσει ἐν τῇ σκοτίᾳ. Id est, Qui sequitur me, nequaquam ambulabit in tenebris, ubi Senus interpretes verba illa, ὁ ἀκολουθῶν μοι, iisdem planè verbis reddidit, quibus hoc loco illo, ὁ ὀπίσω μου ἑρχόμενος, nempe istis *מִן הַיָּמִים* Man debothri athe, id est, Qui post me venit, hoc est qui me à tergo insequitur.

*Antepositus est mihi.* ἑμὲ πρότερον. Ad verbum, Ante me factus est. Rursum phrasis Hebræa: ubi τὸ *ἑμὲ* non significat *Fieri* simpliciter, sed aliquo modo: ut quum Christus dicitur *ἑμὲ πρότερον* ἀποστασέναι ἀπὸ πατρός.



ἄνθρωπον, factus in similitudine hominum, pro, Simi is factus hominibus, ad Philippenſes ſecundo, verſu ſeptimo. Et adverbium ἡμῶν non tempus, ſed locum notat. Sententia eſt: Eſſi Jeſus nunc me ſequitur, ut diſcipulus præceptorem, ac proinde ut inferior ſuperiorem: tamen decreto Dei mihi jam eſt antepoſitus: id eſt, Deus decrevit illum mihi paulo poſt præferre, ut illius authoritas creſcat & mea minuat, denique ut diſcipuli illum pro unico magiſtro agnoſcant.

*Quia prior me erat.* ὅτι ἄνωτος μου ὤν. Nomen ἄνωτος hic ponitur pro ὁπότε. His autem verbis rationem exponit Johannes Baptiſta, cur Deus decreverit Jeſum ipſi præferre apud populum: quia nimirum ipſo ſit præſtantior ut æternus Deus. quaſi dicat: Ac merito quidem Deus illum mihi ita præferre decrevit: quum ipſe ſit longè me præſtantior: quippe qui erat prior me, nempe ut æternus Deus, nam ut homo, Jeſus Johanne erat paulo poſterior & minor natu.

16 Et ex plenitudine, καὶ ἐκ τῆς πληροῦντος. Non liquet prima fronte utrum Evangeliſta hæc verba & quæ cum iis coherant verſiculo decimo ſeptimo & decimo octavo, loquatur in ſua perſona, an verò pergat recitare verba Johannis Baptiſtæ, quibus ille teſtimonium dedit Chriſto. Infrà quidem capite tertio, verſu trigeliſimo quarto, ſimilem huic ſententiam Johanni Baptiſtæ aperitè tribuit, nempe quod Deus Chriſto non admetiatur Spiritum: Verutamen hic videtur loqui ipſe Johannes Evangeliſta. Omnino enim videntur coherere hæc verba cum fine verſiculi decimi quarti: ubi dixit, Chriſtum inter Apoſtolos commoratum eſſe, plenum gratiæ ac veritatis: Nunc ſententiam illam illuſtrans & amplificans addit, *Et ex plenitudine ipſius omnes accepimus, & gratiam pro gratia.* Præterea idem liquet ex ipſa ſententia, nam (ut rectè D. Beza obſervavit) ii quos tum alloquebatur Baptiſta, Chriſtum adhuc ignorabant: & ut Chriſti officiū nonnulli didiciſſent, tamen per obſcura erat hæc cognitio: ut cauſa non videatur fuiſſe ſatis idonea cur uteretur particula univerſali, & quidem præterito tempore potiùs, quàm præſenti aut futuro. Porro *Plenitudinem* intelligit copiam ſive abundantiam donorum Spiritus S. quibus Chriſtus ſecundum humanam naturam ſuit repletus, idque in hunc finem, ut ea cum fidelibus communicaret, quod ipſum ſignificatum fuit unctiōne ſummi ſacerdotis: cuius caput quum perfunderetur pretioſo illo & fragantiſſimo oleo, redundavit illud ac deſtillavit in barbam ipſius & oram veſtis eius: ſicut de Aharone expreſſe dicit 1. Paral. 133. Hæc plenitudo donorum ſpiritualium in Chriſto, per ſpecies declaratur Eſaiæ undecimo verſu ſecundo & tertio.

*Omnes, πάντες.* Nempe nos omnes, quotquot in ipſum credimus. *Accepimus, ἡλάβομεν.* nempe dona Spiritus ſancti: unuſcuſque ſcilicet pro meaſura donatōnis Chriſti, ut Apoſtolus loquitur, ad Epheliſios quarto, verſu ſeptimo. *Et gratiam, καὶ χάριν.* Videtur Et idem hoc loco valere atque *Et quidem*, nam apparet eſſe amplificationem ex collatione maioris, quaſi dicat, Non ſolum accepimus, ſed accepimus magna copia. *Gratiam pro gratia, χάριν ἀντὶ χάριτος.* Mihi quidam probatur exroſio eruditi illius (qui ſiquis eſt) viri: qui, ut reſert D. Beza, ſic explicavit: *Gratiam ſupra gratiam:* ut *ἀντὶ* ſic poſitum pro Hebræorum חַן. Eſſi enim fortaſſe in libris Hebræorum nuſquam ponitur חַן pro חַן, cuius vox reſpondet Græcæ ἀντὶ: tamen hoc eſt certum, reperiiri locum Novi Teſtamenti, in quo Hebræa particula חַן reddita eſt præpoſitione ἀντὶ: nempe Epheli. cu pto verſ. trigeliſimo primo. ἀντὶ τούτου: quod Hebræicè eſt חַן חַן. Geneliſigeliſimo quarto. Unde

probabiliter saltem dici potest, Johannem similiter quod Hebraicè dixisset *יְהוָה יְהוָה*, id Græcè reddidisse *χρὲν αὐτὴν χάριτος*. At obijciat quispiam, hæc non esse similia. nam *αὐτὴν* à Paulo adhiberi ad significandum causam, à Johanne non item: si scilicet *αὐτὴν* exponatur per *supra*. Fateor, ista hæcenus dissimilia esse: Veruntamen eatenus similia sunt, quatenus uterque pro *ἡ* posuit *αὐτὴν*. id quod de illo quidem certum est; de hoc autem verissimile. Deinde & hoc addo, posse illud, *αὐτὴν χάριτος*, etiam de causa exponi: & quidem de eodem genere causæ quod Paulus notavit, nempe de causâ impulsiva: quasi dicatur, *χρὲν διὰ χάρις*, id est, Gratiâ propter gratiâ, sicut Paulus dicit, *αὐτὴν τὸ πρὸς διὰ τὸ*: quomodo Græci verterunt Psal. 1. vers. 5. eas ipsas voces *יְהוָה יְהוָה*. Atque ita hic locus exponendus erit ex illo dicto Christi: Habenti dabitur, & exuberabit, Matthæi decimotercio, vers. duodecimo. Nam etsi propriè loquendo Deum ad augendum fidelibus sua dona non impellit ipsorum pietas, id est, quòd donis sibi jam datis recè utuntur: sed omnia Dei dona mere-gratuita sunt, id est, ex mera ipsius gratiâ proficiuntur: tamen quin istud per *αὐτὴν* Scripturæ usitatam de Deo dicitur, nihil vetat. Accepimus igitur gratiâ propter gratiâ: gratiâ consequentem propter rectum usum gratiæ antecedentis: ac proinde accepimus gratiâ supra gratiâ, ita ut gratiâ Dei cumulati simus. Non planè dissimile huic est loquendi genus, quo utitur Apostolus Roman. primo, vers. decimosextimo, *ἐκ πίστεως εἰς πίστιν*. Porro quò minus hic locus exponi debeat de veteri ac novo fœdere, quasi illa per vocabulum gratiæ repetitum inter se opponantur: ob stare videtur, quod sequente versu Verus fœdus nomine Legis significatur: eique gratia (quo nomine significatur fœdus novum) opponitur. Non igitur probabile est, vetus fœdus hoc loco gratiâ quoque nominari. Nec verò ista expositio confirmari potest ex particula causali, *ὅτι*, in principio sequentis versus. nam sequitur tantum illustratio eius quod dixerat, nos accepisse per Christum gratiâ. Istud sequente versu illustrat antithesi Moïsi: per quem scilicet non gratia data sit, sed Lex, quæ teste Apostolo iram operatur: & umbras tantum continebat gratiæ in novo fœdere donandæ.

17 *Lex. ὁ νόμος*. nempe lex Dei. quod notat articulus, vim habens *ἀποκριτικῶς*. Intelligendæ sunt autem omnes leges à Deo per Moysen datæ populo Israëlítico: inprimis autem moralis & ceremonialis. id quod colligitur ex antithesi: ubi legi morali opponitur gratia, ceremoniali autem veritas.

*Gratiâ. ἡ χάρις*. Nempe gratia Dei qua electis remittit peccata & eos regenerat per Spiritum sanctum. Hæc gratia annunciat per Euangelium: & opponitur Legi, in qua Deus minatur maledictionem transgressoribus, nec vires auditoribus præbet ad perfectè eam præstandam.

*Veritas. ἡ ἀλήθεια*. Id est, res ipsæ per ceremonias Legis significatæ atque adumbratæ. Sic Hebr. decimo, versu primo, Lex dicitur habuisse umbram futurorum bonorum, non ipsam imaginem rerum.

*Per Jesum Christum præstita est. διὰ Ἰησοῦ Χριστοῦ ἰψώστο*. Quatenus nimirum sacrificio suæ mortis, per sacrificia Legis præfigurato, expiavit peccata electorum, eisque impetravit favorem Dei, unde & peccata eis remittit, & spiritu suo eos regenerat.

18 *Videtur. ἰδεται*. Id est, Cognovit: nempe quantum satis est ad vitam æternam: quippe quæ in cognitione Dei consistit, infra 17. 3. Intellige autem, *Cognovit*, scilicet per se seu viribus & acumine sui ingenii. nam credentes

dentēs cognoverunt ex patefactione, sicut docet sequens antithesis.

*Unigenitus.* ὁ μονογενής. Pro, ἀλλὰ ὁ μονογενής. Sed unigenitus, Ellipsis conjunctionis adversativæ: ut intelligitur ē sententiarum inter se collatione, quæ conneſcuntur per antithesin.

*In sinu eis & κόλπον.* Pro, ἐν τῷ κόλπῳ. Enallage sacris scriptoribus usitata. Et ἀνδρῶν ποικίλαι, id est, metaphora (eaque metonymica) à natura & moribus hominum: qui dicuntur in sinu habere, si quid habent arcānum: & in sinu fovere, si quid habent charū. Significatur ergo, Filium Patri intimam esse, ita nimirum, ut & unice charus ei sit, & arcana ipsius consilia teneat.

*Ille.* ἐκεῖνος. Epanalepsis πλαιογενή, Johanni usitata, qua scilicet antecedens enuntiati per pronomen repetitur. Sic infra vers. 33. ἀλλ' ὁ πῦμας μου βαπτίζεν ἐν ὕδατι. ἐκεῖνός μοι εἶπεν, &c. Similis epanalepsis per pronomen τῷ τῷ facta, reperitur 1. Cor. 5. ψ. 5. Hunc autem Evangelistæ morem quidam non attendentes, legendum censent, ἐκεῖνον: ut scilicet referatur ad nomen Θεῶν. At duriusculā phrasis sit, ἐξηγήσω θεῶν, Exponere Deum pro, τὰ θεῶν θεῶν, vel τὰ ὡς γὰρ θεῶν ἀνέκοιτα: id est, ea quæ sunt de Deo quæque pertinent ad cognitionem Dei.

*Exposuit.* ἐξηγήσας. Scilicet, ut modò diximus, τὰ θεῶν θεῶν. Porro τὰ ἐξηγήσας, pro exponere seu enarrare, dictum ex eo puto: non quia ὁ ἐξηγητής, id est, is qui aliquid exponit atque enarrat, discipulum ad cognitionem rei introducatur (quod Græcè est εἰσαγῆναι, unde Porphyrii εἰσαγωγῇ) sed quod res obscuras ac latentes quasi è tenebris in lucem educat atque proferat, quæ ratione apud Latinos quoque exponere dicuntur qui rem obscuram declarant, quòd eam quasi extrà seu foris & in conspectu ponant: quum antea lateret abscondita: quo modo & institores suas merces exponere dicuntur.

19 *Hoc autem.* καὶ αὐτὸ. Pro, καὶ αὐτὸ δὲ. Redit ad cōmemorationem testimonii Johannis, quam paucis proposuerat ψ. 15. deinceps verò plenius & per circumstantias testimonium illud exponit. Nam quòd minùs vertendum sit. *Hoc etiam*: quasi superiori testimonio hic alterum adjungatur, obstat primum ipsa ratio loquendi, qua hoc loco utitur Evangelista, nimirum non dicens, καὶ αὐτὸ ἐστὶ μαρτυρία τοῦ Ἰωάννου: id est, Hoc quoque testimonium est Johannis, ut subaudiatur ὅτι. Sed dicit: καὶ αὐτὸ ἐστὶν ἡ μαρτυρία τοῦ Ἰωάννου: id est, Et hoc (vel Hoc autem) est testimonium illud Johannis, scilicet, cujus paulo antè mentionem facere cœpi. Itaque textum hunc sic iudicio distinguendū: καὶ αὐτὸ ἐστὶν ἡ μαρτυρία τοῦ Ἰωάννου. Ὅτι ἀπὸ τῶν αἰ Ἰουδαίων ἐξ Ἱερουσολύμων ἰερεῖς καὶ Λευῖταις, ἵνα ἐροῦσιν αὐτὸν, Σὺ τίς εἶ; καὶ αὐτοὶ ἀποκρίσας, &c. Id est: Hoc autem est testimonium illud Johannis. Quando miserunt Judæi ab Hierosolymis sacerdotes & Levitas, ut interrogarent eum, Tu quis es? tum professus est, &c.

20 *Tum.* καὶ. Coniunctio copulativa hic more Hebræorum servit annexendo consequenti enuntiati relativi temporis: itaque idem valet quod τότε: quum in antecedenti sit ὅτι.

*Confessus est.* ἀποκρίσας. Sic malo quàm *Professus est*, nam profitemur ultro: confitemur rogati. Cic pro Cecinna loquens de Ebnutio. Quid confiteatur? atque ita libenter confitetur, ut non solum fateri, sed etiam profiteri videatur, Recuperatores? Neque negavit, καὶ ἐκ ἡρώτων. Emphatica ejusdem sententiæ aliis verbis repetitio.

20 *Non sum ego Christus.* ὅτι ἐκ εἰμὶ ἐγὼ ὁ χριστός. Coniunctio ὅτι servit mimesi seu prosopopœiæ rectæ: quam equidem hic retinendam cen-

seo, quia sic magis declaratur, quàm simpliciter ac planè responderet Jo-  
hannes.

21 *Propheta ille.* ὁ ἀγγελὸς. Articulo rectè expresso: qui est *ἀγγελος*, & respicit ad promissionem Deut. 18. v. 15. ubi singularis quispiam pro-  
pheta, ab omnibus audiendus (videlicet ipse Christus) à Mose describitur.

26 *Aqua est ὕδωρ.* Ad verbum, *In aqua.* Hebraei. nam Hebraei li-  
teram Beth, quæ respondet Græcorum præpositioni ἐν, nominibus præfi-  
gunt ad notandum instrumentum. Sic Matth. 3. v. 11. βαπτίζω ἐν ὕδατι  
item ἐν πνύματι ἁγίῳ καὶ πυρί.

27 *Qui me sequitur* ὁ ἐπισὶ μου ἰσχυρότερος. Vide suprâ scholia ad v. 15.  
*Cujus solearum ego non sum dignus ut solvam corrigiam.* ἡ ἐγὼ οὐκ εἶμι ἄξιος  
ἵνα λύσω αὐτὸ τὸν ἰμάτα τῷ ὑποδηματί. Syntaxis subobscura propter  
verborum trajectionem. Sententia tamen facilis est. Græca verba sic con-  
struenda: ἐγὼ οὐκ εἶμι ἄξιος ἵνα λύσω τὸν ἰμάτα τῷ ὑποδηματί αὐτοῦ. Ubi  
notandum, pronomen αὐτὸ redundare ex more Hebræorum, quum præce-  
sserit s in principio sententiae. Latinorum autem verborum syntaxis hæc est:  
Ego non sum dignus ut solvam corrigiam solearum eius. pro quo postremo  
verbo dicitur *Cujus.* Magis perspicua fuerit oratio, si sic verba colloques: *Cu-  
jus solearum corrigiam ut solvam, ego dignus non sum.*

28 *Secus Jordanem* πρὸς τὸ Ἰορδάνης. Vel, Secundum Jordanem id est,  
in ripa Jordanis. Intelligenda autem hic ripa citior respectu Hierosoly-  
morum, ut in qua situm fuerit oppidum Bethabara: quippe situm in tribu  
Ephraim; sicut observavit D. Beza. Non rectè igitur hoc loco alii vertunt,  
*Trans Jordanem.* Omnino vox πρὸς apud Evangelistas respondet Hebrai-  
cæ עבר ēber: qua Hebraei utuntur etiam quum locum citiorem norant:  
ut Deuter. 1. vers. 1. Illa sunt verba quæ locutus est Moyses universo Israheli-  
cis Jordanem: וְעָבַר עָבַר ad verb. in transitu Jordanis. Baptizabat. ἢ  
βαπτίζων. Ad verb. *Erat baptizans.* Sic Marc. 1. vers. 4. ἐγένετο βαπτίζων, pro  
ἐβάπτισεν.

29 *Postero die* τῇ ἑσπέρῃ. Subaudi ἡμέρα. Latini etiam dicunt per ad-  
verbum, *Postridie* item per nomen *postero*, non addentes *die*: sicut docuissi-  
mus Lipsius annotavit ad lib. 1111. Annaïum Taciti. *Ecco agnus ille.* ἰδοὺ ὁ ἀγ-  
νὸς. Pro, ἔτος ἵστω ὁ εἰμὸς. hic est agnus ille.

*Agnus ille.* ὁ ἀγνός. Videlicet eximius ille agnus & singularis qui per ag-  
nos Sacerdotii Levitici adumbratus est. *Agnus ille Deus.* ὁ ἀγνός τῷ θεῷ. Id  
est, persona illa à Deo ordinata in victimam, ut scilicet instar agni mactetur  
& offeratur ad expiandum peccata electorum. Vocatur ergo Christus agnus  
per metaphoram ductam ab agnis: qui mactabantur in veteri Testa-  
mento. nam quemadmodum isti agni mactabantur ad expiandum peccata  
ceremonialiter: ita Christus mactatus est ad expiandum peccata reipsa.  
*Qui tollit.* ὁ αἰσθρ. Id est, aufert, nempe à credentibus: quatenus nimirum  
pro illis mactatus & sacrificatus est in cruce. Vel, *portat.* scilicet expiandi  
gratiâ: quo modo dicitur de hircu illo qui Christi typus fuit, Levit. 16 v. 22.  
Et portabit hircus ille super se omnes iniquitates eorum, &c. Et sic de  
Christo etiam ipse dicitur Esai. 53 v. 4. Morbos nostros ipse portavit, & do-  
lores nostros bajulavit. Item y. 11. Et iniquitates eorum bajulavit. Item  
v. 12. Et ipse peccatum multorum portavit, similiter loquitur & Petrus  
1. Pet. 2. v. 24. Qui peccata nostra pertulit in corpore suo super lignum. *Peccatum mundi.* τὸ ἀμάρτια τῷ κόσμῳ. Id est, peccatum illud cuius totus  
mundus reus est, seu totum genus humanum; nempe quod commisimus in  
paradiso;

paradiso: de quo Apostolus Rom. 5. a  $\psi$ . 12. usque ad finem capitis. Per synecdochen autem metonymicam simul intelligenda sunt cetera peccata, ex primo illo orta. nam sanguis Jesu Christi purgat nos ab omni peccato: 1. Johan. 1.  $\psi$ . 7. Item, Ipse est propitiatio pro peccatis nostris: nec pro nostris solum, sed etiam pro totius mundi peccatis: 1. Joh. 2. v. 2.

30 *Sequitur me ὁπίσω ἢ ἔρχεται* Vide supra ad  $\psi$ . 15.

31 *Ἰσραὴλ τοῦ ἰσραήλ.* Id est, populo Israelitico. Metonymia efficientis usitata. *Ἐνὶ ἡλθον.* Scilicet, missus a Deo: ut supra  $\psi$ . 6. *Ἀκουεν τοῖς ὕδατι.* Ut supra  $\psi$ . 26. Sic infra  $\psi$ . 33.

32 *Πνεῦμα το πνεῦμα.* nempe Spiritum sanctum, quod innuit articulus *διακριτός.* Quasi columbam, *ὡς εἰς πνεῦμα.* Lucas cap. 3.  $\psi$ . 22. addit, *σωματικῶς εἶναι.* Corpora scilicet. E quibus verbis, *εἶδος & ὡς εἰς*, colligat aliquis, non fuisse veram columbam. Sed verba illa referuntur ad Spiritum sanctum: ut doceatur, eum non esse corpora specie in sua natura, nec esse columbam: sed tunc apparuisse & conspectum esse Johanni in illa columba tanquam specie atque imagine quadam: quum ipse sua natura sit *ἀόρατος.* Sic in die Pentecostes apparuit in linguis igneis: de quibus dicitur Act. 2. v. 3. Et visæ sunt eis dispersitæ linguæ instar ignis, *ὡς εἰς πνεῦμα.* *Ἰλάνθισ ἡμεῖς.* Id est, ad tempus requievit: non continuo rursus disparuit & avolavit. *Super eum.* *ἐν αὐτῷ.* Scilicet Jesum.

33 *Πνεῦμα το πνεῦμα.* Id est, columbam, symbolum Spiritus. Metonymia subiecti pro adjuncto, nempe rei signata pro signo. *Πνεῦμα sancto.* *ἐν πνεύματι ἀγίῳ.* Ut supra  $\psi$ . 26. *ἐν ὕδατι.*

36 *Ecce agnus.* Vide supra  $\psi$ . 29.

37 *Eum.* Nempe Johannem Baptistam. *Loquentem.* Id est, Pronuntiantem verba illa de Jesu, Ecce agnus ille Dei. *Sequuntur sunt Jesum.* Nempe ex fide quam modo hauserant ex auditu prædicationis Johannis.

38 *Conversus, &c.* Imago pulcherrima summæ humanitatis ac facilitatis in Christo: qui prior alloquitur eos quos sibi adherere novit.

39 *Diem illum.* *ἡμέραν ἡμέραν.* In Græco subauditur *καὶ*, in Latino *per*, quæstio enim est, Quamdiu. *Quasi decima ὡς δεκάτη.* id est, Circiter decima, ac proinde non nisi duæ horæ illius diei restabant. nam Judæi diem in duodecim horas distinguebant: infra 11.9.

42 *Unctus ille.* *ὁ χρίστος.* Nam ut Evangelista Græcè scribens, vocem Hebræam declaraturus, convenienter exposuit per vocem Græcam: sic etiam convenit ut quivis interpret ea lingua vocem illam declararet, in quam ipse Græca transfert.

45 *Civitate.* *ἐν τῇ πόλει.* Id est, *ἐν τῇ πατρίδι,* ex patria. Sic Luc. 2. vers. 3. & 4.

51 *Credis? πιστεύεις?* Bene convenit interrogatio, quatinus admiratione Christi, admirantis fidem Nathanaëlis: ut qui statim crederet uno tantum miraculo Christi (nempe visione absentis) cognito, quasi dicat Christus: Si credis, unico hoc miraculo motus: quanto magis crediturus es, quum videbis miracula mea isto maiora.

52 *Dico vobis.* *λέγω ὑμῖν.* At modo præcessit, *Dicit ei λέγει αὐτῷ.* Verum quod hic dixit Dominus Nathanaëli, id cæteris quoque dixit qui unâ aderant. *Ascendentes ac descendentes, &c.* Id est, Videbitis me mira opera edere virtute cælesti ac divina, in quibus Angeli mihi ministraturi sunt, nam cum de miraculis suis loqui, ex occasione dicti colligitur: quam sumit ex verbis versus præcedentis, Maiora istis videbis.

## OBSERVATIONES LOCORUM

DOCTRINAE EX JOHANNE.

## EX CAP. I.

I. Ex  $\psi$ . 1. & 18. Quum Christus sit Sermo ille per quem nobis Pater suum de nostra salute consilium exposuit: ergo eum audiamus, dum adhuc quotidie per prædicationem Euangelii nos alloquitur.

II. Christus in una eademque persona Deus & homo est. Est enim filius Dei unigenitus, qui homo factus est. Versu 1. expresse nominatur Deus: ubi dicitur,  $\kappa\epsilon\iota\varsigma\ \theta\epsilon\upsilon\varsigma\ \eta\ \omega\ \lambda\omicron\gamma\omega\varsigma$ . Deinde deitas ipsius confirmatur certis argumentis: ut ab æternitate, ubi dicitur: In principio erat Sermo ille. Si enim quum mundus inciperet, filius Dei jam erat: igitur ab æterno erat. deinde à rerum omnium creatione,  $\psi$ . 3. & 10. Quo utroque argumento utitur & Paulus Coloss. 1.  $\psi$ . 15. 16. 17. Præterea deitatem Christi innuit Johannes Baptista, quum ait, eum sibi esse prelatum, vers. 27. & 30. item expresse eum proficitur filium illum Dei, nempe unigenitum,  $\psi$ . 34. Adhæc Christus ipse deitatem suam patefecit, dum tanquam  $\kappa\alpha\tau\alpha\ \tau\omicron\upsilon\varsigma\ \lambda\omicron\gamma\omega\varsigma$  suam de integritate sive sinceritate Nathanaelis sententiam pronuntiavit, eumque absentem sub sicu vidit vers. 48. & 49. Porro de humana natura in unitatem personæ à filio Dei assumpta, testatur Evangelista  $\psi$ . 14.

III. De unitate essentiae Dei & distinctione personarum in illa una essentia. Patrem & Filium esse personas inter se distinctas, liquet ex verbis Evangelistæ quibus testatur, Filium fuisse apud Patrem, v. 1. & 2. item per Filium à Patre omnia esse condita, vers. 3. & 10. Filium autem ejusdem esse cum Patre essentia, liquet ex eo quod dicitur non solum fuisse apud Deum, id est apud Patrem, qui est unicus ille & verus Deus: sed etiam ipse dicitur fuisse Deus, nempe ille ipse unicus & verus Deus, v. 1.

IV. Ex v. 5. Etsi mens hominis naturali luce rationis atque intelligentiæ est prædita: tamen tantis ignorantiae tenebris immersa est, ut filium Dei conditorem suum non possit per naturam seu naturali ingenii vi tenere atque cognoscere. De qua cognoscendi impotentia testatur etiam Paulus 1. Cor. 1. v. 14. Animalis homo non capit, &c.

V. Ex v. 7. 8. 9 14. 15. 26. 27. 29. 30. 34 36. Euangelium est testimonium de luce illa vera, id est, de Filio Dei manifestato in carne: quod nimirum ipse sit Christus, qui oblatione sui ipsius expiare debuerit atque expiaverit peccata omnium Electorum totius mundi.

VI. Deus per ministros verbi efficax est, efficiens nimirum in cordibus Electorum fidem per prædicationem ipsorum. Sicut hic de Johanne dicitur, eum venisse ad dandum testimonium de illa luce, ut omnes per eum crederent. Confer similem sententiam 1. Cor. 3. v. 5. Quis igitur est Paulus, quis autem Apollos, nisi ministri per quos credidistis.

VII. Ex v. 12. Fide adoptamur à Deo, ita ut simus filii Dei: quia fide scimus, Filium Dei unigenitum assumptione nostræ naturæ factum esse nostrum fratrem, ut nobis sua morte conciliaret paternum favorem Dei, nosq; hæredes Dei, suos verò cohæredes efficeret. Hebr. 2. v. 14. Gal. 4. v. 5. Eph. 1. v. 5. Rom. 8. v. 17.



## JOHANNIS CAP. I.

14

**VIII.** Ex v. 13. Fides non oritur ex generatione carnali, sed ex regeneratione spirituali : quum scilicet Spiritus sanctus per prædicationem Evangelii illuminat corda cognitione mysteriorum de salute æterna per Christum parta, simulque ea imbuat fiducia acquiescente in gratia Dei per mortem Christi reconciliata. Sic Matth. 16. quum Petrus suam de Christo fidem confessus esset, nempe ipsum esse Christum, filium illum Dei viventis : excipit Christus, Beatus es Simon Bar-Jona, quia caro & sanguis hæc non revelavit tibi : sed Pater meus qui est in cælis.

**IX.** Ex v. 16. Quum Christus ideo plenus sit cælestium gratiarum ac spiritualium bonorum, ut nos ab illo accipiamus : sequitur, nos bonorum illorum à natura inopes & vacuos esse.

**X.** Ex eod. v. Quum Deus in solo Christo, quicquid est spiritualium bonorum, residere voluerit : sequitur, simulatque à Christo discessimus, frustra nos vel guttam unam spiritualis ac cælestis boni quærere. Cavemus igitur, ne ista bona apud angelos aut sanctos homines quæramus.

**XI.** Ex eod. v. Quum Christus sit inexhaustus fons cælestium bonorum : minimè timendum est, ne quicquam nobis deficiat, si modò ex ipsius plenitudine hauriamus. Haurire autem licet fide & invocatione ex fide profecta.

**XII.** Ex v. 17. Gratia, quæ per ceremonias Legis fuit adumbrata, per Christum reipsa est præstita : videlicet gratuita peccatorum remissio & renovatio cordis. Cujus quidem gratiæ fideles sub lege quoque (sed non tanta copia) fuerunt participes : Christus enim est heri, hodie & usque in seculum. Confer Coloss. 2. v. 17. & Heb. 10. v. 1.

**XIII.** Ex v. 18. Salutaris Dei cognitio non nisi ex Evangelio haberi potest.

**XIV.** Ex eod. v. Evangelium est doctrina per unigenitum Dei filium patefacta, qua exponitur arcanum Dei consilium de salute Electorum per Christum.

**XV.** Ex v. 26. In sacramentis diligenter distinguendum est inter actionem Ministri & actionem Christi. Minister tantummodò dispensat terrenum elementum : quemadmodum hoc loco ait Johannes, Se baptizare aqua. Christus autem per Spiritum sanctum efficax est in cordibus electorum, & intus implet quod Minister exterius figurat. Sicut idem Johannes de Christo dicit, Ipsum baptizare Spiritu sancto, infra ver. 33. Errant igitur qui putant, ministros in dispensatione sacre cœnæ non solum panem & vinum, sed etiam ipsum corpus & sanguinem Christi dare : quum solus Christus hæc det, quatenus per Spiritum sanctum confirmat communicantium fidem : qua fide sola cibus ille & potus spiritualis edi ac bibi potest.

**XVI.** Ex v. 29. Res illa qua peccata omnium totius mundi Electorum expiata sunt, eorumque remissio illis à Deo impetrata, est unicum illud sacrificium Christi in cruce oblatum. Solus enim Christus est agnus ille Dei qui tollit peccatum mundi : dum scilicet in cruce mactatus & oblatus expiavit tum peccatum originis, tum omnia inde orta peccata Electorum. Sanguis enim Christi purgat nos ab omni peccato. 1. Johan. 1. Hinc sequitur, solam obedientiam mortis Christi nobis ad justitiam coram Deo imputari : quippe quum justitia illa, qua coram Deo consistimus, in remissione peccatorum sit posita : sicut docet Paulus, Rom. 4. v. 6 & 7.

**XVII.** Ex v. 31. Sunt qui doceant, sicut columba quam Johannes vidit, symbolum fuit Spiritus sancti præsentis, sic panem sacre cœnæ symbolum esse

## ANALYSIS EUANGELII

esse corporis Christi præsentis. Sed sciendum, non esse hic parem rationem. nam quum Spiritus sanctus ubique sit, consequens est fuisse quoque in ista columba: at corpus Christi non est ubique, sed uno tantum in loco, & jam quidem in cælo: ac proinde nequaquam in pane sacræ cœnæ. Deinde columba illa symbolum fuit non præsentiæ illius substantialis, qua Spiritus sanctus ubique est: sed præsentiæ cuiusdam singularis, nempe singularis operationis, qua Christi animam donis suis replevit: at talis præsentiæ corpori Christi attribui non potest.

XVIII. Ex v. 33. Sicut columba, quam vidit Johannes super Christum descendere, appellatur Spiritus, quia fuit symbolum Spiritus, id est signum unde cognosceretur, Spiritum sanctum suis donis Christum replevisse ac repleturum: sic panis sacræ cœnæ dicitur esse corpus Christi, quia est symbolum corporis Christi, id est signum, unde cognoscitur, corpus Christi pro nobis esse crucifixum.

XIX. Ex v. 37. 40. 42. 43. 46. 47. Quum primum audivimus testimonium Evangelii de Christo, agno illo Dei seu Mediatore, officii nostri est, continuo illum sequi, id est, fide eum recipere, & in ejus cognitione proficere studere, item alios quoque ad ipsius cognitionem adducere. Vide Esa. 2. v. 3.

XX. Ex v. 49. & 50. Miraculorum Christi usus est, ut ex illis agnosceretur esse filius Dei & Rex Ecclesiæ.

## ANALYSIS CAP. II.

## ARGUMENTUM.

Dux sunt hujus capitis partes: In prima describit Evangelista primum miraculum Christi, quod edidit in nuptiis in Cana Galilææ, ubi aquam in vinum convertit: in altera narrat, quomodo Christus repurgavit templum, & quomodo factum illud suum defenderit apud Judæos.

## DE PRIMA PARTE.

**D**ixit autem tertio nuptiæ factæ sunt in Cana oppido Galilææ: eratq; mater Jesu illic.

2 Vocatus est autem etiam Jesus ac discipuli ejus ad nuptias illas.

3 Et quum defecisset vinum, mater Jesu dicit ei, Vinum non habent.

4 Dicit ei Jesus, Quid mihi tecum, mulier? nondum venit hora mea.

5 Dicit ejus mater ministris, Quodcumque dixerit vobis, facite.

6 Erant autem ibi lapideæ hydræ sex posite secundum purificationem Judæorum, capientes singule amphoras binas aut ternas.

7 Dicit ei Jesus, Implete has hydras aqua. Impleverunt eas igitur usque ad summum.

8 Tunc dicit ei, Haur te nunc, & offerre architrachino. Oblulerunt igitur.

9 Ut autem gustavit architrachus aquam illam que facta fuerat vinum, (nesciebat autem unde esset: sed ministri sciebant, qui hauserant aquam) vocat sponsum architrachus.



## JOHANNIS CAP. II.

19

10 Et dicit ei, Omnes primo loco bonum vinum apponunt, & postquam convivæ assatiim biberint, tunc id quod minus bonum est: tu servasti bonum vinum usque adhuc.

11 Hoc initium signorum fecit Jesus in Cana oppido Galilee, & manifestam fecit gloriam suam: & crediderunt in eum discipuli ejus.

In describendis nuptiis, in quibus Christus primum suum miraculum edidit, indicatur primò *tempus*: nuptias illas factas esse die tertio, videlicet postquam Jesus testimonium publicè accepisset à Johanne Baptista: ut percipitur ex collatione hujus versiculi cum versiculo 29. 35 & 36. capitis præcedentis. Secundò indicatur *locus*, videlicet Cana Galilee. Tertio *convivæ*: videlicet mater Jesu, Jesus ipse & discipuli ejus. Quarto *ocasio miraculi*: videlicet defectus vini & admonitio matris. Quintò, *quid Jesus matri monenti responderit*: quo quidem responso reprehendit matrem ob usurpationem nimis auctoritatis, ut quæ ipsi vellet præscribere opis ferendæ tempus: simul tamen spem facit se suo tempore opem latitum. Sextò, *quomodo se gesserit mater Jesu ad illam reprehensionem*: hortata est ministros ut jussis Jesu obtemperarent: quo ipso significavit, se & reprehensionem illam æquo animo scire, & ex verbis Jesu spem opis concepisse. Septimò indicantur *miraculi educti cause instrumentales*: nempe vasa & ministri, *item materia*, nempe aqua. Ministri sex hydrias jussu Christi repleverunt aqua. Octavò narratur *testimonium architriclini*: qui vini ex aqua illa orti præstantiam & gustatu cognovit, & verbis apud sponsum professus est: illic testimonio conciliatur fides ex eo, quòd architriclinus ignorabat, unde illud vinum esset allatum: quo significatur, illud non laudasse istud vinum in gratiam Jesu tanquam ex compaeto, sed simpliciter dixisse quod sentiebat. Nonò subjicitur *epiphonema* quo miraculum hoc commendatur *ab effectu duplici*: primus est manifestatio gloriæ Jesu, id est, demonstratio deitatis ipsius: alter à priore dependens, confirmatio fidei discipulorum.

### DE SECUNDA PARTE.

12 Postea descendit Capernaum, & ipse & mater, & fratres & discipuli ejus: manseruntque illic non multos dies:

13 Nam præpè erat pascha Judeorum. Ascendit igitur Jesus Hierosolimam.

14 Et invenit in templo venditores boum & ovium & columbarum, & numularios sedentes:

15 Fascesque flagello & funiculū omnes ejecit de templo, & oves & boves: & argentiorum numulos effudit, mensasque subvertit.

16 Et columbarum venditoribus dixit, Tollite hinc ista: ne facite domum Patris mei, domum mercatus.

17 Recordati sunt autem ejus discipuli, scriptum esse, Zelus domus tuæ devoravit me.

18 Responderunt ergo Judæi, & dixerunt ei, Quod signum ostendis nobis quòd ista facias.

19 Respondit Jesus, & dixit eū, Destruite templum hoc, & triduo excitabo illud.

20 Dixerunt ergo Judæi, Quadraginta & sex annis edificatum est templum istud, & tu triduo illud excitabis?

21 At ille loquebatur de templo corporis sui.

22 Postquam ergo excitatus fuit à mortuis, recordati sunt discipuli ejus quòd hoc

hoc dixisset eū: & crediderunt Scriptura, & sermonem quem Jēsu dixerat.

23 *J. Quum autem esset Hierosolymis in pascha, in festo, multi crediderunt in nomen ejus, conspuentes signa ejus quae edebat.*

24 *Ipsē autem Jēsus non credebat eis semetipsum, eo quod nosset omnes:*

25 *Nec opus esset ut quisquam eī testaretur de homine, ipse enim sciebat quid esset in homine.*

Sequitur historia de repurgatione templi: ubi primū designatur *tem-  
pus* quo hoc gestum fuit, nempe paulo post nuptias illas in Cana Galilaeae, idque paulo ante festum paschae: deinde *ocasio rei gerendae*, videlicet praesentia eorum qui vendebant boves & oves & columbas, item numulariorum. Tertiū *instrumentum & ipsae rei gestio*, vers. 15. & 16. Quartū exponitur *ratio facti*: quia noluit ferre istum templi abusum: quippe quod sit exitium ut ibi invocetur pater: non autem ut ibi exerceatur mercatus. Quinto, exponitur *eventus duplex*: unus in discipulis, alter in Judaeis incredulis. Discipuli admirati sunt Domini zelum, & recordati sunt verborum Psalmi 68. Zelus domus tuae devoravit me. Increduli Judaei cum Domino expostularunt, postulantes signum, id est, miraculum quo demonstraret, se à Deo templi ita repurgandi accepisse potestatem. Christus promittit miraculum suae resurrectionis: sed iis verbis quae isti alio detorquebant & incident. Postremo narratur *effectus miraculorum, quae Christus tunc temporis ediderat*: nempe quod multi professi sint se in illum credere. Sed fidem illam non fuisse sinceram, probatur testimonio Christi tanquam *regis in seculo*. Porro hoc loco notandum est, historiam quam de repurgatione templi narrant ceteri Evangelistae, ab hac diversam esse: quoniam illa sub tempus mortis Domini accidit. Matt. 21. vers. 12. & Luc. 19. vers. 45. Unde intelligimus, Dominum bis profana ista ac foeda negotiatione purgasse templum: semel circa legationis suae exordia; iterum verò cum è mundo migraturus esset ad Patrem. Primū considerandi sunt fines propter quos negotiatio ista vendendi pecudes & columbas in templo à Judaeis instituta fuerit. Finis apparens adeoque praetextus erat, ut in promptu quisque haberet quod offerre posset Domino. Finis verus erat, ut sacerdotes ex multitudinis oblationum discederent. Deinde considerandae sunt causae, cur negotiatio ista Christo displicuerit, ac proinde templū illa purgavit.

Una causa fuit, quia sacerdotes isto mercatu ad questum & avaritiam suam (ut diximus) abutebantur. Altera eaque praecipua causa fuit, quia hoc instituto declinabant à mandato Dei.

Deus enim templum ordinavit ad preces & cultum suum, non autem ad mercatum. Sed quaeritur, cur Christus munus suum propheticum non potius inchoavit à doctrina? Respondeo, quia templi possessionem quodammodo adire voluit, ac divinae suae auctoritatis documentum statuere. Atque ut omnes ad ejus doctrinam attentī essent, torpentes ac soporitas mentes novo & insolito ac auctoritatis pleno facinore expergeri oportuit. Praeterea quum doctrinae puritatem restituere vellet, operae precium fuit ut se templi dominum comprobaret.

## SCHOLIA IN CAP. II.

4 *Horae mea, n. d. x. m.* Id est, illud temporis momentum quod mihi à Patre destinatum est, ut in eo potentiam meam miraculo declarem.

6 *Amphoras,*

6 *Amphoras, μετρητάς.* Nempe amphoras Atticas, non autem Romanas. Scripsit enim Johannes non in Italia, nec Latine: sed in Asia, & Græcè. Et omnino μετρητά Græcis Amphoram Atticam significat, quæ Romanam urna superabat, continens tres urnas. Jam duæ urnæ (seu amphora Romana) faciunt omam Argentinensem: Viginti autem Argentinenses omæ faciunt culeum. Hinc perspicitur, hydrias istas cepisse culeum plus minus. Nam si ceperunt singulæ metretas binos, ceperunt omas Argentinenses octodecim, id est culeum minus duabus omis nam bis sex metretæ sunt duodecim metretæ: duodecim autem metretæ sunt octodecim omæ: quum singuli metretæ sint tres urnæ, id est oma una & dimidia. Si verò ceperunt singulæ hydriæ metretas ternos, ceperunt omas Argentinenses 27. id est culeum & 7 omas: ut liquet, si superiori summæ sex metretas addas. sic enim erunt ter sex, id est octodecim metretæ. Hinc porro liquet, hydrias istas non fuisse urceos qui manu gestarentur: sicut vulgò hæc historia pingitur. Sed fuerunt vasa lata & patula, è quibus possêt hauriri: sicut percipitur ex versu octavo. Ac videntur fuisse labra, unde manu haurirent aquam sese more Judaico purificaturi: quum dicantur istæ hydriæ posite fuisse secundum purificationem Judæorum, hoc est, ita ut servirent illi purificationi.

10 *Bonum vinum.* τὸν καλὸν οἶνον. Pro, τὸν κρείττω, id est, melius: ut apparet ex antithesi. Subjungitur enim, τὸν ἡλάσω. *Affatum biberis.* μεθύσῃ. Id est, Vim vini senserint, seu vini potu exhilarati fuerunt. Neque enim hoc loco intelligenda est illa plusquam belluina vini ingurgitatio, qua nonnulli vinum reluctantem etiam naturam ingurgitant: sed liberalis vini potus quatenus eo cor exhilaratur. Atque sic verbum 729 quod vertitur Inebriari, accipitur Gen. 43. vult. de fratribus Josephi cum illo convivantibus. Imò idem verbum quandoque nihil amplius videtur significare quam Explere sitim: ut Hagga primo 2. v. 6. ubi propheta populum alloquens, inter alia dicit: Comeditis, sed non ad saturitatem: bibitis, sed non ad ebrietatem. Ubi ex antithesi clarè perspicitur: sicut saturitas dicitur, quum quis satis edie & famem explevit, ita dici ebrietatem quum quis satis bibit & sitim explevit.

11 *Hoc initium signorum fecit.* ταῦτα τὰ ἰστοῖον τῷ ἀρχὴν τοῦ σημείου. Id est, Hoc primum Jesu signum est: quod fecit in Cana, &c. Signum pro miraculo per synecdochen generis vel metonymiam adjuncti. nam miracula servorum Dei, signa sunt ac testimonia divina vocationis & missionis ipsorum, quòd scilicet à Deo vocati & missi sint ad docendum. *Et manifestam fecit.* ἡ ἐκδήλωσεν. Id est, Atque ita manifestam fecit. Sic Luc. 24. v. 26. Nonne hæc oportuit pati Christum, & introire in gloriam suam: id est, atque ita introire.

*Gloriam suam.* τῷ δόξαι αὐτοῦ. Id est, deitatem suam, seu maiestatem suam divinam, nam ejusdem potentia est (nempe divina) creaturas mutare seu transformare, cujus est creare. *Et crediderunt.* ἡ ἐπίστευσαν. Id est, Unde crediderunt, hoc est, in fide confirmati sunt: quod nimirum ipse esset Christus seu promissus ille Messias.

12 *Fratres.* οἱ ἀδελφοί. Id est, cognati. Synecdoche speciei, Hebræis usitata.

13 *Pascha Judæorum.* τὸ πάχα τοῦ Ἰσραήλ. Id est, Paschafestum Judæorum, τὸ πάχα ἢ ἰορτή τοῦ Ἰσραήλ. Sicut loquitur integrè infra cap. 6. v. 4. Nomen πάχα ortum est ex Hebræo פסח pesach: quod significat transfugum seu transmigrationem. Concurrent autem hic in una voce tres tropi:  
primum

primum synecdoche generis, quatenus nomine transitus intelligitur transitus Domini in Agypto, transeuntis domos Israhelitarum, dum percuteret primogenita Aegyptiorum, deinde metonymia subiecti, quatenus intelligitur illius transitus signi memoriale, videlicet agnus certa ceremonia jugulari & comedi solitus, tum altera metonymia subiecti, quatenus intelligitur tempus, quo iste agnus solebat jugulari & comedi.

15 *Flagello. ῥαβδόν.* Græca vox desumpta est ex Latina, sic alibi λατρίαν, ἀπὸ λατρεῖν, καὶ σπύλον, ex Latinis, linteum, spiculator, custodia.

17 *Zelus domus tuæ.* ὁ ζῆλος τοῦ οἴκου σου. Id est, Zelus quo fui accensus pro domo tua, ut scilicet domui tuæ seu templo constaret legitimus usus ad gloriam tui nominis. *Devoravit me.* κατέφαγέ με. Exhaustit succum meum vitalem, emaciavit me.

18 *Responderunt ἀπεκρίθησαν.* Catachresis Hebræa, pro Cæperunt loqui, sic Matt. 17. Ὑ. 4. *Signum σημεῖον.* Id est, miraculum, ut sup. Ὑ. 11. *Signum quod hæc facias.* σημεῖον ὅτι ταῦτα ποιῆς. Id est, Signum quo demonstres quod hæc faciendi potestatem habeas à Deo.

21 *De templo corporis.* ἡ οἰκία τοῦ σώματος. Genitivus notans speciem, resolvendus per appositonem, nempe, De templo quod est corpus ipsius: ut illud infra cap. 11. Ὑ. 13. Dormitio somni: item illud Roman. 4. Ὑ. 11. Signum circumcisionis.

22 *Quem. ὅν.* Pro, cuiuslibet.

23 *Crediderunt in nomen ejus.* ἐπίστευσαν εἰς τὸ ὄνομα αὐτοῦ. Pro, Crediderunt in eum, Metonymia adjuncti, nam nomen personæ ad unctum est. Porro *Crediderunt* hic vel exponendum, Profecti sunt se in eum credere: nam non omnes illos verè in eum credidisse, arguit verba sequentia, ubi dicitur, Christum se illis non credidisse. Vel exponendum, *Crediderunt ei:* agnoscetes scilicet eum pro doctore divinitus missò, ac proinde doctrinam ipsius tanquam veram amplectentes & laudantes. sicut cap. seq. v. 2. Nicodemus ex signis, i. miraculis Jesu colligit, ipsum venisse doctorem à Deo, Atque sic fuerit catachresis in ista phrasi: qualis etiam erat Exod. 14 v. ult. ubi dicitur populus credidisse in Moysen (sic enim sonat textus Hebræus) veruntamen si inciam suam in Moysen non collocant: id quod illa phrasi propriè significatur. *Signa τὰ σημεῖα.* id est miracula: ut supra. v. 11.

24 *Non credebat eis semetipsum.* ἐκ ἐπίστευσεν ἑαυτὸν ἑαυτοῦ. Elegans æτιολογία. nam idem verbum repetitur diversâ constructione & significatione.

## OBSERVATIONES LOCORVM

## DOCTRINAE EX CAP. 2.

## EX PRIMA PARTE.

I. Convivia nuptialia esse licita. Alioquin enim Christus hoc convivium nuptiale sua præsentia non approbasset. Idem sentiendum de conviviis ad benevolentiam testandam hilaritatis gratia institutis: qualia erant illa filiorum Jobi, dum modò luxur caveatur. Sic Christus convivii Pharisæorum non semel interfuit.

II. Quod Christus matrem suam asperis verbis reprehendit, non est reprehendum.

hendum in exemplum. nam fecit id quatenus erat dominus matris, quippe ejus creator ac proinde Deus : quippe qui deitatem suam mox ipso facto, nempe miraculo, erat demonstraturus. Similis reprehensio matris extat Luc. 2. v. 49. ubi quum mater ei dixisset, Fili, cur ita fecisti nobis? Ecce pater tuus & ego cruciati quarebamus te : respondit, Quid est quod quarebatis me? an nesciebatis quod in his quæ Patris mei sunt, oportet me esse? Sic Math. 12. v. 46. quum inter docendum admoneretur, foris stare matrem & fratres, quærentes ejus colloquium ; respondit, Quæ est mater mea & qui sunt fratres mei? Et protensa manu sua in discipulos dixit, Ecce mater mea & fratres mei &c. Hoc tamē in genere nobis discendum est ex isto Christi exemplo, quod gloriæ Dei omnia postponere debeamus, adeo ut ne reverentiæ quidem, alias parentibus debita, rationem habeamus. Agebatur enim in isto casu gloria Dei : quæ fuisset obscurata, si Christus visus fuisset miraculum illud ex motu & imperio matris edidisse.

III. Valde perversum esse & insanum judicium Papistarum, qui Mariam matrem Domini ipsi Domino anteponere non verentur : quippe cui publicè accinunt hæc verba, *Roga patrem, iube natum. & iure matris impetra.* Eiusdem generis est, quod eam appellant reginam cæli; spem, vitam & salutem mundi; honorem Christi proprium ad Mariam transferentes, planè contrā quam ipse fecit.

IIII. Modestia Mariæ nobis imitanda est : quæ reprehensionem Domini quantumvis asperam, æquo animo fert : quippe quæ petit à ministris, ut jussis Domini pareant. Simile ejusdem Mariæ exemplum extat Lucæ 2. v. 51. ubi dicitur verba Domini conservasse in corde suo.

v. Notanda dissimilitudo inter verum hoc miraculum Christi & fictitium miraculum Papistarum in Missa, ubi aiunt, panem transubstantiari in corpus Christi. At, inquam, si hoc esset verum : tum corpus Christi peracta transubstantiatione ibi sentiretur, panis autem non amplius sentiretur : sicut hic peracta transubstantiatione aquæ in vinum, vinum sentiebatur, aqua non item.

vi. Conjugium placere Deo : quippe quod filius Dei non solum sua præsentia in nuptiis ornavit, sed etiam primo suo miraculo honoravit, adeoque eximio beneficio conjuges illos novos ditavit. Quum enim vini ab eo creati fuerit culeus plus minus, & convivæ jam sitim explevissent : probabile est maximam illius vini partem remansisse in novorum conjugum usum Hebr. 13. 4. Honorabile est conjugium in omnibus, &c. Contra Papistas : qui interdunt conjugium sacerdotibus.

vii. Ebriosos non habere ex verbis Architrictini quod vitio suo prætexant : neque enim quicquid in sacris literis dictum à quoquam esse narratur, id statim tanquam rectè factum approbatur. Nec inebriandi verbum hoc loco notat nimiam illam vini ingurgitationem, quæ vulgo ebrietatis nomine damnatur : sed notat hilaritatem illam quæ ex mediocri vini potu solet existeret : sicut & Genes. 43. v. 34. ubi Joseph cum fratribus scribitur inebriatus fuisse. Hanc enim interdum esse significationem verbi Hebraei *גבש*, manifestè intelligitur ex verbis Haggai cap. 1. v. 6. ubi Dominus per Prophetam alloquens populum, inter alia ait : Seritis multum, & infertis parum ; comeditis, sed non ad saturitatem : bibitis, sed non ad ebrietatem. ubi intelligitur, ebrietatem sic opponi potui : sicut esca opponitur saturitas. Saturitas autem in vitio non est : quare nec ebrietas de qua hic sermo est : quippe quæ & ipsa nihil aliud sit, quam saturitas quædam, nempe saturitas potus, quum

quis satis bibit sitimque explevit.

VIII. Miracula esse signa seu testimonia divina, quibus Deus testatur se doctores, per quorum manus miracula edit, ad docendum misisse: ac proinde doctrinæ eorum credendum esse, Joan. 10. *V.* 37. 38. Unde efficitur, doctrinæ Christianæ tanquam verissimæ credendum esse: quippe quæ plurimis miraculis per Apostolos editis confirmata est.

IX. Notandum discrimen inter miracula Christi & aliorum doctorum: ut Prophetarum & Apostolorum. Christus miracula edidit per se seu sua ipsius vi ac virtute, nempe virtute suæ deitatis, itaque non præmisit invocationem Dei, excepto unico exemplo excitationis Lazari, infra 10. *V.* 41. ubi se Patris ministrum esse docere voluit. At Prophetæ & Apostoli ediderunt miracula virtute Dei: unde etiam illum prius invocant. Exempla vide Act. 3. *V.* 6. ubi Petrus ait claudio: In nomine Jesu Christi Nazareni surge & ambula. Et vers. 16. Fides quæ per ipsum (nempe Christum) est, dedit isti integritatem hanc coram omnibus vobis. Act. 9. 34. idem Petrus ait Aneæ in opido Lydda: Aneæ, sanat te Jesus Christus: surge & steme tibi ipsi. Is autem statim surrexit. Act. 16. 18. Paulus in urbe Philippis ejecit spiritum pythonis ex quadam ancilla, inquires: Præcipio tibi per nomen Jesu ut ex eas ab ea.

X. Usus miraculorum Christi est, ut ex eis agnoscamus ipsum esse filium Dei ac promissum Messiam. Miracula enim ipse hoc consilio fecit, ut manifestaret suam gloriam, id est, deitatem.

### DOCTRINÆ EX SECUNDA parte.

I. Quod Christus Legi Paschæ satisfecit, argumento est, quod Legi sese subjecit nostra causa, ut nimirum nos à maledictione Legis liberaret, factus pro nobis sancta victima: Gal. 4. *V.* 4. & 5. Hinc ipsemet ait, Non veni solvere Legem, sed implere, Matth. 5. *V.* 17.

II. Quod Christus tanto cum zelo inivit propheticum suum munus, argumento est eum repurgandæ Ecclesiæ destinatum esse. Itaque pii magistratus ope illius freti, repurgationem religionis magno cum zelo suscipere debent.

III. Non ita in ordinaria ad verbi ministerium vocatione acquiescendum esse, quin locus detur vocationi extraordinariæ, quoties res ipsa clamat tali vocatione ad repurgandum Dei cultum opus esse, quum is per ordinarios ministros sit corruptus.

IV. Etiam si verbum Dei non semper quum primum auditur, intelligitur: tamē postea suo tempore intelligi & à Spiritu sancto suggeri ad fidem confirmandum, ex *V.* 22.

V. Non satis tutam esse fidem eorum qui miraculis nituntur: quum miracula tantum ad fidem præparent, aut eam confirmant: ipsa autem fides oriatur ex auditu verbi, & eodem alatur atque conservetur. Rom 10.

VI. Quam Christus sciat quid sit in homine, hoc est, quum sit cordium scrutator & cognitor, consequens est, eum esse verum Deum. Act. 1. v. 24. Dominus vocatur, *ἡ ἀποστολικὴ ἐκκλησία*.



## ANALYSIS CAP. III.

## ARGUMENTUM.

Hoc caput duas continet partes. In prima parte describit Evangelista colloquium Christi cum Nicodemo de causis vite æternæ, usque ad ver. 28. In altera parte commemorat testimonium Johannis Baptistæ quod de dicit Christo, quum is ministerium docendi nuper aggressus esset.

## DE PRIMA PARTE.

**E**Rat autem quidam ex Phariseis cui nomen erat Nicodemo, ex primoribus Judeorum:

2 Hic venit ad Jesum nocte, & dixit ei, Rabbi, scimus te à Deo venisse doctore: nemo enim potest hæc ligna edere que tu edis, nisi Deus sit cum eo.

3 Respondit Jesus & dixit ei, Amen, amen, dico tibi, nisi quis fuerit genitus denuo, non potest videre regnum Dei.

4 Dicit ei Nicodemus, Quomodo potest homo gigni qui sit senex? num potest in uterum matris sue secundo introire, ac gigni?

5 Respondit Jesus, Amen amen dico tibi, nisi quis fuerit genitus ex aqua & Spiritu, non potest introire in regnum Dei.

6 Quod genitum est ex carne, caro est: & quod genitum est ex Spiritu, spiritus est.

7 Ne mireris me dixisse tibi, Oportet vos gigni denuo.

8 Venis quò vult spirare, & sonum eius audis, sed nescis unde veniat, & quò vadat: ita est quisquis genitus est de Spiritu.

9 Respondit Nicodemus & dixit ei, Quomodo possunt hæc fieri?

10 Respondit Jesus, & dixit ei, Tu es doctor ille Israël, & hæc non nosti?

11 Amen amen dico tibi, quod scimus loquimur, & quod vidimus testamur: sed testimonium nostrum non recipitis.

12 Si terrena dixi vobis, & non creditis: quomodo, si duxero vobis celestia, creditis?

13 Nullus enim ascendit in celum nisi qui descendit de celo, nempe Filius hominis qui est in celo.

14 Protulit autem Moses exaltavit serpentem illum in deserto, ita exaltari oportet Filium hominis:

15 Ut quisquis credit in eum non pereat, sed habeat vitam æternam.

16 Ita enim Deus dilexit mundum ut Filium suum unigenitum dederit, ut quisquis credit in eum non pereat, sed habeat vitam æternam.

17 Non enim misit Deus Filium suum in mundum ut condemnet mundum, sed ut servetur mundus per eum.

18 Qui credit in eum, non condemnatur: qui verò non credit, iam condemnatus est: quia non credit in nomen unigeniti Filii Dei.

19 Hæc est autem condemnatio, quòd lux venit in mundum, sed dilexerunt homines potius tenebras quàm lucem, nam opera eorum erant mala.

20 Quisquis enim quæ mala sunt agit, odit lucem: nec venit ad lucem, ne arguantur opera ipsius.

21 Qui verò dat operam veritati, venit ad lucem, ut manifesta fiant facta ipsius, quòd secundùm Deum facta sint.

Colloqui inter Christum & Nicodemum habiti, questio est *de causis procreantibus vitam æternam*. Christus primò omnium exponit *causam sine qua non*, hoc est, sine qua nemo vitam æternam potest consequi. Ea est regeneratio hominis, hoc est, renovatio animi per Spiritum sanctum, qua homo in agnitionem miseriæ suæ adductus sibi displicet, deque suis viribus diffidit ac desperat, ac proinde ad gratiam Dei confugit, ab eaque sola opem petit. Quæ regeneratio sentitur quidem ab iis qui regenerantur, sed quomodo perficiatur, non intelligitur, v. 3. 5. 6. 7. 8. Deinde monstrat *vitam æternæ auctorem*, qui nobis cælum antea propter peccatum clausum rursus aperuit, hoc est, jus hæreditatis æternæ quo per peccatum excideramus, recuperavit. Hunc docet esse seipsum, vers. 13. 16. & 17. Tertio exponit *formam seu modum agendi*, quo ipse tanquam mediator cælum nobis aperuerit, & jus vitæ æternæ nobis recuperarit, videlicet per obedientiam mortis suæ in cruce, vers. 14. & 16. Quarto indicat *instrumentum* quo ipsum tanquam salutis auctorem ac mediatorem nostrum amplectamur : quod instrumentum est fides seu fiducia, qua in eum recumbimus, vers. 15. 16. 18. Quinto indicat *causam procreantem vitam æternam principalem eamque impulsivam*, hoc est, quæ Deum movit atque impulit, ut vitam æternam nobis per Christum donaret, videlicet gratuitum Dei amorem, vers. 16. Ad extremum docet etiam *quæ sit causa interitus atque condemnationis impiorum*, videlicet incredulitas qua donum Dei ipsis oblatum, nimirum Christum, filium Dei, unicum salutis auctorem, contemnunt, idq; odio lucis Evangelii, qua peccata ipsorum arguuntur, v. 17. 18. 19. 20.

1. *Eras autem*] Primo omnium *describit personam Nicodemi ex adjunctis adherentibus duobus*, nimirum professione seu genere vitæ & dignitate sive honore publico. Ait enim primò fuisse Phariseum. i. doctorem ex honoratissima secta Phariseorum. Erant enim tū Hierosolymis doctores divisi in tres sectas: videl. Phariseorum, Sadduceorum & Essenorum. Pharisei Hebraicè פְּרִישִׁים perischim, à radice פָּרַשׁ parasch. i. exposuit, eò quòd Legem populo exponerent atque interpretarentur. Nam et si vox פָּרַשׁ participium passivum est: tamen hic, quia nominascit, significationem activam habet, & expositores significat. Id quod in lingua Hebræa fieri solere, plunbus exemplis demonstrat doctissimus Drusus observationum lib. 1. c. 2. Sadducei videntur sic dicti ex hebræo nomine זַדִּיקִים zaddikim. i. iusti, quòd sibi arrogarent singularem iustitiam, hi negabant resurrectionem mortuorum: negabant etiam esse spiritus. i. angelos & animas hominum à corporibus separabiles. Nec adnitebantur auctoritatem Prophetarum, sed tantum Moisis. Unde & Christus ex Mose errorem eorum de resurrectione refutat. De Essenis sive Essæis nihil habetur in sacris literis: veruntamen illorum mentionem facit Iosephus. Sunt ita nominati ex verbo Hebræo עֲשֵׂי אֲסִימָה Osim. i. agentes: eò quòd in vita quadam austerâ ac vitæ Eremitarum simili sese exercerent: quam Paulus ad Timotheum σωματικὴν γυμνασίαν. i. corporalem exercitationem nominat 1. Tim. 4. v. 8. Deinde ait Nicodemum fuisse ex primoribus Judæorum: quod etiam intelligitur ex narratione quæ habetur inf. c. 7. 50. ubi Nicodemus reliquis primoribus in Senatu contradicit.

2. *Hic venit*] Hic addit *circumstantiam temporis*, quo Nicodemus ad Christum venit: deinde *quibus verbis eum alloquutus sit*. Quòd nocte venit, argumento est eum metuisse odium faciorum. i. cæterorum Phariseorū, qui Christum oderant. Fieri etiam potest, ut eum puduerit interdiu coram multis arbitris erudiendū se Christo præbere: quum ipse esset magister Israël. Cæterum



Ceterum sermo ejus, quo Christum alloquitur, videtur recitari imperfectè, nihil enim continet præter insinuationem, qua sese in amicitiam Christi insinuat, dum proficitur se illum agnoscere pro vero ac divinitus missio magistro seu doctore. Probabile autem est eum ex hac ipsa sententia petitionem deduxisse, qua à Christo petivit ut de causis vitæ æternæ, quæ quæstio omnium maxime necessaria est, differeret. Porro Christum esse doctorem à Deo missum, fatetur se ex miraculis ab ipso editis agnoscere.

3 *Respondit*] Ex hac responsione Christi colligitur, verum esse quod dixi de sermone Nicodemæ imperfecto. quippe Christus quæstionem de causis vitæ æternæ rectè explicare incipit: admonens, ante omnia opus esse regeneratione: per hanc enim cor ad fidem præparatur atque etiam fide illuminatur. Ad quorum illud efficiendum Spiritus S. utitur prædicatione Legis: ad hoc autem prædicatione Evangelii. nam per prædicationem Legis deducit in agnitionem peccati & pravitatis innatæ; quæ agnitio facit ut homo de suis viribus desperare, & a libi opem quaerere cogatur. Corde igitur ita præparato ac veluti subacto, efficit Spiritus S. fidem per prædicationem Evangelii, hoc est, per promissionem remissionis peccatorum per & propter Christum mediatorem. Regenerationis igitur verbo intelligitur mutatio naturæ hominis in meliorem statum, nimirum illuminatio mentis & affectuum directio in obsequium Dei. *Videre autem regnum Dei* nihil aliud significat, quàm frui vita æterna. Alij tamen hanc phrasin de ingressu in Ecclesiam interpretantur. Confer Matth. 8. 11.

4 *Dixit*] Nicodemus doctrinæ Domini contradicit, eamque tanquam improbabilem atque adeò impossibilem arguit *argumento definitionis*. Si oportet hominem denuo gigni, oportet eum secundò introire in uterum matris, id est, oportet eum in utero matris rursus concipi ac formari, & inde per partum exire seu nasci. At hoc fieri non potest. Ergo nec illud. Hic prodit Nicodemus crassam suam inscitiam: ut qui in verbis Domini ac literaliter seu nativo eorum sensu hærens, ad mentem seu sensum verum non attendit. Decipitur ergo ex homonymia. nam quod Dominus dixit metaphoricè, id ille accepit tanquam dictum propriè.

5 *Respondit*] Christus animadvertens qua causa Nicodemus in errorem esset inductus, causam illam removel interpretatione suorum verborum. Monet igitur se non loqui de generatione naturali, sed spiritali; cuius nimirum author sit Spiritus S. vum quandam aquæ exereis in animis hominum repurgandis ac vegetandis. Neque enim hoc loco nomen aquæ ad baptismum referendum videtur: quum certum sit, baptismum non ita præcisè ad salutem necessarium esse, ut est necessaria regeneratio: cuius ille duntaxat est testimonium est: unde & à Paulo lavacrum regenerationis nominatur. Tit. 3. 5. Etsi enim baptismi contemptu à salute arcemur, quum baptismus sit ordinatio Dei: non tamen ipsa baptismi perceptione salutem consequimur: quum non sit institutus nisi ad remissionem peccatorum sanguine Christi partam, itemque regenerationem spiritus testandam. Quod si quis contendat, baptismum hic nomine aquæ intelligi: tum verba Christi sic erunt accipienda, sicut illa in institutione Baptismi. Qui crediderit & baptizatus fuerit, servabitur. ubi baptismus additur fidei non quòd parem rationem ac vim habeat, sed quòd ad fidem testandam & confirmandam adhibeatur. Ita hic Baptismus additur spiritui, quòd foris testetur id, quod spiritus intus peragit. Sed rectius videtur hæc verba Christi similiter accipere ut illa Matth. 3. v. 11. Baptizabit vos Spiritu S. & igni. ubi efficacia spiritus

notatur. Confer infra cap. 7. vers. 38. 39.

6 *Quod genitum*] Hic Dominus doctrinam suam de necessitate regenerationis confirmat tali syllogismo:

Caro (id est homo, quatenus est carnalis seu peccato corruptus) non potest introire in regnum Dei.

Quod genitum est ex carne, est caro. Ergo quod genitum est ex carne, non potest introire in regnum Dei: & per consequens ut quis possit introire in regnum Dei, opus est ut gignatur ex spiritu. Hic observandum est, vocabulum *Carnis*, itemque vocabulum *Spiritus* repeti à Domino significatione diversa. Nam quum ait, *Quod genitum est ex carne*, intelligit, quod genitum est ex carnalibus seu naturalibus parentibus: quum autem addit, *est caro*: intelligit esse corruptum peccato. Sic quum ait, *Quod genitum est ex spiritu*, intelligit, Quod genitum est ex Spiritu S. quum autem addit, *est spiritus*, intelligit, esse spirituale seu spiritu renovatum. Hanc dictionis figuram Rhetores *συνειληφέναι* nominant: quæ Apostolo Paulo familiaris est. Porro syllogismi propositi propositio in textu non est expressa: sed facili ex coherentia sententiarum suppletur. Est autem illius veritas manifesta ex natura contrariorum, quæ simul consistere in eodem subiecto non possunt. Quum igitur regnum Dei conjunctum sit cum sanctitate & iustitia, homo autem carnalis peccato corruptus & iniustus sit: consequens est, neminem quatenus carnalis est, regni Dei capacem esse. Huic propositioni prima fronte similis vedetur esse & eundem tum ea sensum habere illa sententia Pauli, 1. Cor. 15. v. 50. Caro & sanguis non potest regni Dei hæreditatem cōsequi. Sed dissimilis est, diversumque sensum habet. Paulus enim intelligit corpus nostrum, quatenus animale est seu naturale: disputat enim ibi de resurrectione & glorificatione corporum. At hic nomine carnis intelligitur natura nostra corruptio. Assumptionis veritas patet ex natura causarum procreantium; nam ita à natura comparatum est, ut simile generet simile. hinc Adam dicitur genuisse Sethum ad similitudinem sui seu in imagine sua. Gen. 5. v. 3. hoc est, corruptum peccato, qualis ipse jam erat.

7 *Ne mireris*] Hæc sententia bifariam potest accipi: nimirum vel pro conclusione præcedentis argumentationis, quasi dicat Dominus: Ne igitur mireris neve improbable aut impossibile ducas, quod oporteat hominem denuò gigni, ut possit introire in regnum Dei. Vel potest hæc sententia accipi pro præfatione sequentium, ubi docebit, regenerationem illam de qua dixit, humano capiti incomprehensibilem esse: quod tamen non sit mirandum tanquam incredibile aut falsum: quum ne venti quidem (quæ res naturalis est) ratio omnis ab homine perfecte intelligatur.

8 *Ventus*] Hic nostram regenerationem *similitudine venti* declarat. Sunt autem huius similitudinis tres partes. i. Ventus quò vult spirat, hoc est, liberè in quamvis partem fertur: ita Spiritus S. regenerat quem vult. Act. 16. v. 14. Deus aperuit cor Lydiæ ut attenderet ad ea quæ dicebantur à Paulo. Sic Matth. 13. 11. Vobis datum est nosse mysteria regni cælorum: illis autem non est datum. Noscuntur autem hæc mysteria non nisi per spiritum Dei. Vide Matth. 16. v. 17. item cap. 11. v. 27. 11. Sonum venti audimus, ejusque flatum sentimus: ita sentimus afflatum Spiritus S. testimonium reeddentis spiritui nostro, quod sumus filii Dei, & clamantis in nobis Abba Pater, seu interpellantis pro nobis gemitibus ineffabilibus, Rom. 8. 16. ibid. v. 15. ibid. v. 26. 111. Nescimus unde veniat ventus & quò vadat: sic non percipimus regenerationis & affatus Spiritus sancti modum.

9 *Respondit Nicodemus*] Hic Nicodemus ampliùs prodit suam infirmitatem ut qui ne explicationem quidem metaphorici dicti assequi potest: sed adhuc regenerationem hominis tanquam impossibilem admiratur.

10 *Respondit Jesus*] Hic Christus crassam istam Nicodemi infirmitatem reprehendit: quod Nicodemus cum sit doctor populi Dei, ne ea quidem intelligat, quæ vel infimus idiora intelligere debeat, ex crebra nimirum auscultatione Moïsi ac Prophetarum, quippe qui regenerationis illius per spiritum S. passim mentionem faciunt, ut Deut. 30. Dominus circumcidet cor tuum. Jerem. 31. 33. Indam legem meam menti eorum & cordi eorum inscribam eam. Ezech. 36. v. 26. & 27. Dabo vobis cor novum, & spiritum novum ponam in medio vestri: & amovens cor lapideum è carne vestra, indam vobis cor carneum: Et spiritum meum ponam in medio vestri, &c.

11 *Amen, amen*] Objurgata Nicodemi infirmitas, nunc objurgat etiam ejus & maximæ partis Judæorum incredulitatem: ut qui certissimis testimoniis prophetarum, id est, servorum Dei, fidem derogent. Videtur autem potissimum loqui de se & Johanne Baptista.

12 *Si terrena*] Pergit in obiurganda infirmitate Nicodemi, eamque amplificat *collatione imparium*. Comparat. n. inter se familiarem & à rerum terrenarum similitudine sumtam docendi rationem cum ratione illa sublimiore quæ res cœlestes nudè proponuntur: & arguit, Judæos multo minùs credituros, si altera illa docendi ratione utatur.

13 *Nullus enim*] Hic docet, quisnam sit *vite æternæ author*, nempe ipsemet: quatenus est filius Dei manifestatus in carne. Utitur autem eleganter antanaclassi in verbis *Ascendere* & *Descendere*: itemque eleganter translatione seu polyptoto in nomine *cæli*. *Nullus*, inquit, *ascendit in cælum*, h. e. nemo consequitur hereditatem illam cœlestem seu vitam æternam, *nisi qui descendit è cælo*. h. e. nisi filius Dei qui assumendo naturam humanam quasi è cælo in terram descendit, h. e. cœlesti gloria se quasi abdicavit, tum addit. *Nempe filius hominis qui est in cælo*, quibus verbis suam deitatem innuit; neque. n. tum erat in cælo, quatenus erat filius hominis, sed quatenus erat filius Dei. Dictum est igitur istud per tropum seu modum loquendi, quem veteres Ecclesiæ doctores *anonymis idiomatibus*, id est, communicationem proprietatum nominarunt: quæ nihil aliud est quàm modus loquendi synecdochicus, quo quæ propria sunt unius naturæ in Christo, tribuuntur toti personæ denominatæ à natura altera.

14 *Proux autem*] Deinceps exponit *formam seu modum agendi*, quo ipse tanquam mediator cælum nobis aperuerit, ut unâ cum ipso ascendamus. Hoc docet effectum esse per suam mortem in cruce: quam sententiam *illustrat & confirmat simile*, videlicet typo mortis suæ, serpente illo æneo quem Moïses de palo suspendit in deserto, ut ejus aspectu sanarentur, qui à serpentibus lethaliter erant vulnerati. Sic enim quam simplicissimè exponendum puto verbum *ὁ υἱος ἰσχυροῦ*, id est, exaltari, nempe in ligno crucis, sicut etiam accipitur in illo Domini dicto, Ego cùm exaltatus fuero, omnes (nempe electos) ad me traham. nempe quasi expansis in cruce manibus. inf. 12. 32. item c. 8. v. 28. Alii tamen hunc locum exponunt de Christi exaltatione per prædicationem Euangelii, quæ nimirum ejus celsitudo credentibus innotescit. Sed nos alteram significationem tanquam simplicem & genuinam sequuti, sic explicamus hanc similitudinem. Christus comparatur serpenti illi æneo, primò quia ut serpens ille æneus habebat speciem serpentis, sed interim nullo veneno erat infectus: ita Christus forma servi accepta, similis homini-

bus peccatoribus factus est, sed absque peccato ; imò inter sceleratos numeratus est, de cruce inter duos latrones suspensus. Marc. 15. 28. Philip. 2. 7. Hebr. 4. 15. Deinde sicut Israëlita qui moti mandato ac promissione Dei, serpentem illum aream de palo suspensum intuebantur, à morsu lethali serpentum convalescebant : ita omnes qui moti mandato ac promissione Dei, Christum in cruce suspensum, oculis fidei intuentur, convalescunt ac sanantur à vulnere lethali, quod antiquus ille serpens Diabolus eis per peccatum infixerat. id est, à morte aeterna liberantur, ut non pereant, sed habeant vitam aeternam.

15 *Ut quisquis credit* ] Hic indicat *instrumentum* quo Christum mediatorem amplecti licet. Illud est fides in eum, h.e. fiducia in eum tanquam mediatorem recumbens.

16 *Ita enim* ] Hic exponit *causam procreantem vitam aeternam principalem*, videlicet gratuitum amorem Dei erga nos, quo motus filium in mundum misit, cumque pro nobis in mortem dedit, ad nos servandum. Amplificat autem hunc Dei patris erga nos amorem *ex proprio Filii ad unctio*, quòd is nimirum est Filius Dei unigenitus. Confer Rom. 8. 32. Item *ex proprio adjuncto hominum*, qui scilicet sunt peccatores, ac proinde inimici Dei : hoc enim videtur notari appellatione *mundi*. Confer Rom. 5. v. 8 & 10. Vel potius appellatione mundi significantur omnes populi per mundum dispersi : ut intelligamus mediatorem missum esse non propter solos Judaeos. Quum enim dixisset v. 15. *Ut quisquis credit* &c. illud is sum mox v. 16. declarat inquam, *Ita enim Deus d. lxxi mundum*, q. d. Quod dixi, *Quisquis credit in eum* : intellexi non de solis Judaeis, sed de quibus is populis. Quisquis credit : sive scilicet sit Judaeus sive Ethnicus. Confer. 1. Joh. 2. 2. Imperitii autem planè sunt & inepti, qui ex vocabulo *mundi* colligunt, Deum dilexisse singulos homines, ita ut propter ipsos filium suum miserit, quae sententia cum plurimis scripturae testimoniis pugnat; quae testantur, non singulos homines à Deo patre in Filio dilectos esse, sed tantum eos, quos ei pro suo beneplacito visum est ad vitam aeternam eligere & filio donare. Vide infra cap. 17. v. 6. 9. 11. 12. 20. 23. Item inf. c. 6. v. 37. 39.

17 *Non enim misit* ] Finem seu scopum missionis suae à Patre, amplificat & illustrat *antithesi adversariorum*, qua inter se opponit *servare & condemnare*.

18 *Qui credit* ] *Condemnationis causam* exponit, videlicet incredulitatem seu contemptum Filii Dei : & hanc expositionem causae illustrat *collatione pari contrariorum*. Sicut enim qui credit in Christum non condemnatur, sed servatur & vitam aeternam habet : sic contrà pari ratione qui in Christum non credit, is condemnatur imò jam condemnatus est. Porro hanc condemnationem istorum esse justam, h.e. incredulos merito à Deo condemnari, ostendit *ex objecti*, in quod credendum est, *dignitate* : quae tanta est, ut merito ad fidem movere atque impellere debeat : quòd nimirum Christus in quem credendum est, est filius Dei unigenitus.

12 *Hec est autem* ] Sequitur *ἐπιμνησ. commemoratio* in eadem re atque sententia, & *ἐξέπαισις. expositio* causae condemnationis : quam causam hic facit odium lucis Evangelii, ejusque odii causam indicat, amorem innatam tenebrarum, hoc est, innatam excitatis seu ignorantiae Dei & pravitatis. Quam sententiam vers. 20. illustrat *gnome*, id est, *sententia generalis* de consuetudine hypocritarum, qui lucem fugiunt : & hanc *gnomen* vers. 21. illustrat *gnome pari in contrariis*, de consuetudine hominum sincerorum, qui luce gaudent;

## DE ALTERA PARTE.

23 *Postea venit Jesus, & discipuli ejus in Judæa territorium: & illic degebat cum eis, & baptizabat.*

23 *Baptizabat autem etiam Johannes in AEnon prope Salim, quoniam aque multe erant illic: & veniebant ac baptizabantur.*

24 *Nondum enim conjectus fuerat Johannes in carcerem.*

25 *Orta est igitur questio quibusdam ex discipulis Johannis cum Judæis de purgatione.*

26 *Veneruntque ad Johannem, & dixerunt ei, Rabbi, is qui tecum eras apud trajectum Jordanis, cui tu testimonium dedisti, ecce baptizat, & omnes veniunt ad eum.*

27 *Respondit Johannes & dixit, Homo non potest sibi sumere quicquam, nisi fuerit ei datum à celo.*

28 *Vos ipsi mihi testes estis me dixisse, Non sum ego Christus, sed missus sum qui apparerem coram eo.*

29 *Qui habet sponsam, sponsus est: amicus autem sponsi qui stat & audit eis, gaudium gaudet propter vocem sponsi, hoc ergo gaudium meum impletum est.*

30 *Illum oportet crescere, me verò minui.*

31 *Qui: superius venit, supra omnes est: qui à terra est, terrenus est, & terrena loquitur: qui à celo venit, supra omnes est.*

32 *Es quod vidis & audivis, hoc testatur: sed testimonium ejus nemo recipis:*

33 *Qui recipit ejus testimonium, is obsignat quòd Deus verax sit.*

34 *Nam is demum quem misit Deus, verba Dei loquitur, non enim huic advenit Deus spiritum.*

35 *Pater diligit Filium, & omnia dedit ei in manum.*

36 *Qui: credit in Filium, habet vitam æternam: qui verò non obtemperat Filio, non videbit vitam, sed ira Dei manet super eum.*

Sequitur altera capitis pars, quæ continet testimonium Johannis Baptiste, quod reddidit Christo apud discipulos suos. Ubi primum narratur hujus testimonii occasio, videlicet querela discipulorum de baptismo Christi, usque ad v. 27. Deinde ipsum testimonium, à v. 27. usque ad finem capitis. Occasionis summa hæc est: Quum discipuli Johannis intellexissent, Jesum baptizare ac docere, & discipulos à Johanne ad Jesum transire: hanc rem apud præceptorem questi sunt, tanquam cum imminutione auctoritatis illius conjunctam.

27 *Respondit* Johannes querelam discipulorum refutat: ac reprehendit primum, quòd agrè ferebant Jesum emergere & summam doctoris auctoritatem nancisci. Hanc invidiam reprehendit hoc argumento, quòd Deus illum ad docendum miserit: cujus voluntati merito sit acquiescendum. Deinde reprehendit perversam istam æmulationem, qua tueri volebant auctoritatem præceptoris, optantes ut ipse se pro Christo seu promisso Messia gereret. Hoc illorum studium reprehendit commemoratione suæ de seipso & de Jesu confessionis: qua dignitatem & officium Messie à se repudiavit, & Jesu attribuit. Tum eminentiam Christi, comparatione & antithesi illustrat: ubi Christum sponso comparat, se autem amico sponsi seu paronympho: deinde Christum à celo esse affirmat, se autem à terra. Præterea certitudinem doctrinæ Christi commendat: ibique de

## SCHOLIA IN EUANG.

incredulitate maximæ partis conqueritur, & contrâ fidem insigni elogio exornat, quod per illam veritas Dei obfignetur, nimirum promissio Euangelii, quæ fide accipitur. Postea Christum commendat ab immensa copia donorum Spiritus sancti quæ in illum à Patre sint collata, itemque à summa potestate in omnes res creatas, quam ei pater dederit. Postremò fidei fructum indicat, & contrâ pœnam incredulitatis: ubi docet, Christum cuius gratia fide percipitur, authorem esse vitæ æternæ: Contrâ æternæ morti obnoxios manere, quicumque gratiam Christi in Euangelio oblatam incredulitate sua repellunt & contemnunt.

## SCHOLIA IN CAP. III.

1 *Quidam.* ἀρχηγός. Heb. מֶלֶךְ. pro τίς. Ex primoribus. ἀρχων. Ad verb. Princeps, id est, unus ex princip. seu primoribus. neque enim penes ipsum solum summa potestas erat: sed complures erant ἐκ ἀρχόντων. Vide infra ca. 8. ψ. 48. & deinceps.

2 *Rabbi.* ῥαββί. Id est, magister seu doctor. Vex Hebræa est, orta à verbo quod significat multiplicari: ac notatur eo nomine copia seu magnitudo doctrinæ, multanimque rerum notitia. *Hæc signa edere.* ταῦτα τὰ σημεῖα ποιῆν. Confer supra cap. 2. ψ. 23.

3 *Amen, amen.* ἀμὲν, ἀμὲν. id est, Certò, certò. Voces Hebraicæ sunt. *Nisi quis fuerit genitus denuò.* ἰὰ μὴ τις γεννηθῇ ἀνωθεν. Nempe ex Spiritu: ut declaratur inf. v. 5, hoc est, per operationē Spiritus sancti illustrantis mentem hominis salvifica cognitione Dei, & voluntatem flectentis in alacre obsequium mandatorum Dei. *Non potest videre regnum Dei.* ἡ δυνάτης ἰδεῖν τὴν βασιλείαν τοῦ θεοῦ. Hoc ipsum inf. ψ. 5. enuntiatur verbis paulo-diversis, nempe, Non potest introire in regnum Dei. ἡ δυνάτης εἰσέλθῃ εἰς τὴν βασιλείαν τοῦ θεοῦ. Sententia est: Non potest fieri particeps beatæ immortalitatis seu cælestis illius felicitatis ut ea fruatur. Et *Videre* pro experiri ac frui, synecdoche membri Hebraica est.

5 *Ex aqua & Spiritu.* ἐξ ὕδατος καὶ πνεύματος. Id est, Ex Spiritu sancto exerente quasi vim aquæ. Figura loquendi quæ nominatur ἰσχυρά: quasi dicatur, Ex aqua quæ est Spiritus. Sic Matth. 3. vers. 11. Ipse vos baptizabit Spiritu Sancto & igni: id est, Spiritu sancto qui est quasi ignis: dum scilicet cor illuminat cognitione Dei, accendit dilectione Dei, expurgat pravis affectibus. Ita hoc loco Spiritus sanctus comparatur aquæ (ut alibi passim in Scriptura) quatenus cor emundat, certiorando ipsum de peccatorum remissione per sanguinem Christi qui nos purgat ab omni peccato: tum etiam quatenus cor quasi rigat & fertile reddit bonorum operum tanquam suavissimorum Deoque gratissimorum fructuum. Si quis per aquam hoc loco malit intelligere sacrum Baptismum: tum duæ istæ regenerationis causæ sapienter erunt distinguendæ: ne quod proprium est Dei, tribuatur creaturæ. Etenim Spiritus sanctus regenerat ut causa principalis: utitur autem ad regenerandum tum Baptismo tanquam testimonio divino gratiæ Dei erga nos, tum in primis predicatione Euangelii, cuius appendix est Baptismus. Veruntamen quum sine hac aqua de qua hic loquitur Christus, nemo possit vitam æternam consequi, ut exipsis verbis liquet: sine Baptismo autem nonnulli vitam æternam adipisci possint: consequens est, Christum hic de Baptismo non loqui. Quod etiam ex eo colligitur: quod mox sermonem institutum continuans & ampliùs declarans,



declans, solius Spiritus mentionem facit.

6 Quod genitum est ex carne, caro est, &c. τὸ γὰρ γεννημένον ἐκ τῆς σαρκὸς, σὰρξ ἐστίν. &c. Elegans ἀντιπαράστασις. nam nomen Carnis, sicut & Spiritus, in duplici sensu accipitur: primum propriè, deinde metonymicè. Sententia videtur hæc esse: Homo quatenus ex carne parentum genitus est, carnalis est, sapit ea quæ sunt carnis seu corruptæ naturæ: quatenus autem genitus est à Spiritu sancto, spiritalis est, sapit ea quæ sunt spiritus seu naturæ per Spiritum sanctum renovatæ.

8 Venus. τὸ πνεῦμα. Vox Græca, sicut & Hebræa נוח נאח, & ventum & spiritum, hoc est, substantiam incorpoream significat: qualis est Dei & Angelorum.

11 Quod scimus. ὁ ἰδὼν με. Scilicet, ego & Johannes Baptista. Non recipiū. & λαμβάνετε. Scilicet vos Judæi, saltem quo ad maximam partem.

12 Si terrena dixi vobis, & non creditis. εἰ τὰ ὁρατά ἐλάττω ὑμῶν, καὶ οὐ πιστεύετε. Pro, εἰ τὰ ὁρατά ἐλάττω ὑμῶν, ἕως ἐμοὶ καὶ πιστεύετε. id est, Si quum terrena dixerim vobis, tamen mihi non creditis. Quomodo creditis πῶς πιστεύετε. Id est, Multo minùs credetis. Est igitur argumentū à majori, ὅτι τὸ μᾶλλον. nam etsi res terrenæ cælestibus minores, hoc est, minus præstantes sunt: tamen magis est probabile, credi differenti de illis quàm differenti de cælestibus: quippe quum res terrenæ nobis faciliores sint intellectu. Quanquam Christus hic non intelligit ipsam quæstionem seu rem subiectam suæ disputationis: quippe illa erat cælestis, videlicet regeneratio spiritualis: Sed intelligit argumentum quod ad quæstionem illam declarandam adhibuerat, videlicet similitudinem illam à vento ductam qua operationem Spiritus sancti in homine regenerando voluit aliquo modo declarare. Sententia igitur istorum verborum est: Si non capitis meam doctrinam de rebus cælestibus, quando eam per similitudines à rebus terrenis desumptas declaro atque illustro: quanto minùs eam caperetis, si res cælestes nudè & quales suapte natura sunt, proponerem.

13 Nullus enim. καὶ ὁ οὐρανός. Quasi præcesserit: Ego enim certè is sum qui cælestia dicere vobis possim: Nemo enim, &c. Venti etiam possit: Et certè nemo ascendit, &c. Ἀναβέβηκεν τις τὸν οὐρανόν. Id est, Penetravit acie ingenii in mysteria regni cælorum. Qui descendit à cælo. ὁ ἐν τῷ ὕδατι γεννηθείς. Id est, Qui assumpta natura humana apparuit in terra: quum antea ut Deus putaretur tantum esse in cælo: quippe quod in Scriptura dicitur sedes Dei. Est autem hic notanda pulcherrima ἀντιπαράστασις in vocabulo cæli ad res diversas significandas adhibito.

Filius hominis. ὁ υἱὸς τοῦ ἀνθρώπου. Id est, Ego ipse qui ideò factus sum filius hominis, ut mysteria illa regni cælorum hominibus electis revelarem. Confer suprâ caput I. vers. 18. Deum nemo vidit unquam, &c. & Matth. 11. v. 27. Nemo novit Filium nisi Pater: neque Patrem quisquam novit nisi Filius, & cuiusque voluerit Filius revelare. Qui est in cælo. ὁ ἐν τῷ ὕδατι. nempe quatenus ille filius hominis in una eadèmq; persona est etiam Deus: Deus enim cælum & terram replet. Dictum per synechocchen integri, quam veteres nominant κατὰ μέρος ἰδιωματικῶν: qua quod unius in Christo naturæ proprium est, tribuitur personæ ab altera natura denominatæ. Si quis contendat, Christum tum fuisse in cælo quatenus erat filius hominis seu secundum humanam naturam: is pariratione dicere cogetur, Christum à cælo descendisse quatenus erat filius hominis seu secundum humanam naturam: id quod aperte falsum est. Etenim sic

fuisse

fuiſſet homo antequam eſſet homo : quum certum ſit, cum eatenus dici de celo deſcendiſſe, quatenus homo factus eſt.

14 *Exaltatus. ὁψωσθαι*. Id eſt, In altum ſeu in ſublime ſuſtulit, nempe ſuſpendens de palo. *Serpentem illum, τὸν ὄφιν*. nempe æneum illum ſerpentem, cujus nota eſt hiſtoria ex Moſe. *Exaltari. ὑψωθῆναι*. Nempe in lignum crucis, & ex eo ſuſpendi.

15 *Quiſquis credit in eum. πᾶς ὁ πιστεύων εἰς αὐτόν*. Id eſt, qui eo confidit tanquam ſuo ſervatore : quippe qui in cruce expiarit ſua peccata, guſtando pro ſe iram Dei adverſus illa. Notandum autem quòd dicit, *πᾶς ὁ πιστεύων*, omnis qui credit, quaſi dicat : ſive Judæus ſit, ſive Gentilis. ſicut mox ipſe exponit, inquit : Ita Deus dilexit *mundum*. id eſt, omnes totius mundi electos, non autem ſolos electos ex Judæis. *Dederit. ἰδωκεν*. Id eſt, donaverit, nempe electis in ſervatorem. Et ſic Chriſtus infra cap. 4. verſ. 10. ſeſe vocat *τὸν δωρεῇ τῷ Θεῷ*, donum illud Dei. Vel (quod eòdem redit) *dederit*, ſcilicet in mortem : ut Rom. 8. v. 32. Qui ne proprio quidem filio perperit, ſed pro nobis omnibus tradidit eum, qui non etiam cum eo omnia nobis donabit :

17 *In mundum. εἰς τὸν κόσμον*. Notanda *ἀντανάκλασις* in vocabulo *Mundi* : quod hic accipitur in ſignificatione propria ſeu nativa : at paulo- ante, itemque paulo-poſt, per metonymiam ſubjecti, pro electis in mundo degentibus. *Condemnet. κρινῇ*. Pro *κατακρινῇ*. Synecdoche generis item metonymia cauſe, quatenus *Condemnare* (ut ex antitheli percipitur) hic idem ſignificat quod *Perdere*. *Ut ſervetur mundus. ἵνα σωθῇ ὁ κόσμος*. Id eſt, electi in mundo. His enim ſolis datur ut credant : ſoli autem credentes ſervantur : ſicut Chriſtus ipſe mox declarat, inquit : Qui credit in eum, non condemnatur, &c.

18 *In nomen unigeniti filii Dei. εἰς τὸ ὄνομα τοῦ μονογενοῦς υἱοῦ τοῦ Θεοῦ*. Id eſt, In Filium Dei, qui ipſi innouit per Euangelium.

19 *Hæc eſt autem condemnatio. αὐτὴ δὲ ἔστιν ἡ κρίσις*. Id eſt, condemnationis cauſa. Sic Rom. 7. v. 7. Lex peccatum eſt : Pro, Eſtne Lex peccati cauſa :

21 *Qui dat operam veritati. ὁ ποιῶν τὴν ἀλήθειαν*. Id eſt, qui agit ſincere & integrè. *Facta. τὰ ἔργα*. Et mox, Facta ſint, *ἔργαſμείνα ἵς*. Paronomafia. *Secundum Deum. ἐν Θεῷ*. Id eſt, ſecundum voluntatem Dei. Vel, *In Deo* : id eſt, in timore Dei.

22 *In Judeæ territorium. εἰς τὴν Ἰουδαίαν γῆν*. Nomen *Ἰουδαίας* videtur hic poſitum adjectivè pro *Ἰουδαίῳ* : ſicut Homerus dicit : *πατριδὰ γαῖαν*, pro *πατρίδι*. *Degebat. διατελεῖς*. Tremellius apud Syrum, *Verſabatur*. Eraſmus, *Morabatur*. nam *διατελεῖς*, dicitur per ellipſin, pro *διατελεῖς τε ἡ χρεῖον*, id eſt, terere tempus. *Baptizabas. ἐβάπτίζε*. Id eſt, per diſcipulos baptizari curabat : infra cap. 4. v. 2.

23 *Aque multe. ὕδατα πολλὰ*. Videntur ſignificari plures rivi, non autem unum flumen magnum. Et ſic *ὕδωρ* numero ſingulari fluvium Jordanem ſignificat, Matth. 3. 16. item alium quendam fluvium, Act. 8. 36. Niſi quis malit eſſe Hebraiſinum, *רַבִּי רַבִּי* majim rabbim : pro *ὕδωρ πολὺ*. Commemoratur autem hoc ad ſignificandum ritum Baptiſmæ, quo Johannes utebatur, immergens ſcilicet totum corpus hominis in fluvio ſtantis. unde Chriſtus à Johanne in Jordane baptizatus, ex aqua aſcendiſſe dicitur, Matthæi 3. verſ. 16. Eundem modum Philippus obſervavit, Act. 8. verſ. 38.

*Veniebans.*

*Veniebant. παριστάνοντο.* Nimirum Judæi. *Baptizabantur ἑαυτοὺς ἑαυτοῖς.* Id est, baptizandos se se futebant : significatione reciproca Niphal Hebræorum.

25 *Quibusdam.* Supplementum. Syrus supplevit *אחד* uni, id est cuidam. Et mox pro, *Cum Judæo,* *אחד יהודי עם* Cum Judæo uno, id est quodam.

26 *Veneruntque.* καὶ ἦλθον. Scilicet discipuli Johannis. *Ecce baptizatus.* Ἰδοὺ ἔτις βαπτίζεται. Pronomen *ἔτις* redundat per epanalepsin huic Evangelistæ familiarem. Sic supra cap. 1. vers. 18. *Omnes veniunt ad eum. πάντες ἰσχυται πρὸς αὐτόν.* quasi dicant : Nemo autem amplius venit ad te. Zelant pro magistro : metuentes ne brevi actum sit de ejus auctoritate.

27 *Homo non potest.* ἢ δυνάται εἰδεσθαι. Id est, Non potest quisquam. Est enim sententia generalis seu universalis. *Sibi sumere. λαμβάνειν.* Scilicet *ἑαυτοῦ* : ut Hebr. 5. *ψ. 4.* Frustra enim sibi sumit honorem, cui is non est datus divinitus. *Quicumque.* ὅστις. Id est, ullum honorem : ut indicant sequentia. In Græco est gemina negatio ex more *E cælo, ἐκ τοῦ οὐρανοῦ.* Id est, à Deo. Metonymia subiecti, nempe loci continentis. Non quod Deus cælo inclusus sit : sed quod illic se maxime fruendum det electis suis. Sic Matth. 21. *ψ. 25.* Baptisma Johannis unde erat, è cælo, an ex hominibus ?

28 *Sed missus sum.* ἀλλ' ὅτι ἀποσταλμένος εἰμί. In Græco mutatum est genus orationis, pro οὐ ποτε videlicet recta in obliquam : ut tota sententia Græcè sic sonet, Testes estis, me dixisse, Non sum ego Christus : sed me missum esse &c.

29 *Gaudio gaudet.* χαρὰ χαίρει. Hebrais. Id est, Solidè gaudet : ut Terentius loquitur. Vel, Solido gaudio gaudet. Sic Luc. 2. v. 9. *ἰσοδόθησαν φόβου μέγαν.* & Matth. 2. *ψ. 10.* *ἰσάμενοι χαρὰν μεγάλην τοῖς ὅσιν.*

31 *Superne.* ἀπὸθεν, ἐκ τοῦ οὐρανοῦ, è locis supernis : id est (ut mox in fine versus declaratur) ἐκ τοῦ οὐρανοῦ. Est autem hæc periphrasis Filii Dei, qui è cælo venisse dicitur quum homo factus est, & in terra se ostendit. *Qui è terra est.* ὁ ὢν ἐκ τῆς γῆς. Id est, qui ex hominibus tantum oriundus est : qualis scilicet ego Johannes sum, & qualem me esse agnosco.

Terrenus est, ἐκ τῆς γῆς ἐστίν. Ad verb. E terra est. Antanaclassis. nam iisdem verbis primùm significatur substantiæ origo, deinde ingenii affectio. Sententia est : Terrenus terrena sapit. *Qui è cælo venit.* ὁ ἐκ τοῦ οὐρανοῦ ἰσάμενος. Epanalepsis ad commodiùs connectendum sequentia.

32 *Quod videt &c.* Sic supra *ψ. 11.* *Sed, ὃ* Pro ἀλλ'. Est enim antithesis & enuntiatum discretum : quasi dicatur, Etsi Jesus testatur quæ vidit & audivit, tamen testimonium ejus nemo recipit. *Nemo.* ὁδὲς. Id est, scire nemo, quia mox significat, aliquos recipere.

33 *Qui recipit, & obsequatur.* ὁ λαλῶν, ὁ ἀκούων. Enallage temporis, quam potest etiam simpliciter verti, Qui recepit, is obsequavit.

34 *Non admetitur Spiritus.* ἢ ἐκ ἐν μέτρῳ διδοσι τοῖς μέτρῳ. Non ex mensura seu per mensuram dat Spiritum. Scilicet sanctum : id est, dona S. Sancti : sed implet eum gratia, id est, effundit in eum omnes gratias Spiritus S. adeo ut nos ex plenitudine ipsius accipiamus. Vide supra cap. 1. *ψ. 14. & 16.*

36 *Qui verò non obtemperat.* ὁ δὲ ἀπειθεῖ. Id est, Qui non creditur percipitur ex antithesi. Synecdoche generis. nam intelligitur hic obedientia qua ubemur credere in Christum. Sic Paulus vocat *ὑπακούω πιστῶς*, obedientiam fidei. Rom. 1. *ψ. 5.* *Non videbit vitam.* ἢ ἐκ τῆς ζωῆς. Id est, Non fructur vita, Synecdoche membri Hebraica.

OBSERVATIONES CAP. III.  
OBSERVATIONES LOCORUM  
DOCTRINAE EX CAP. 3.

EX PRIMA PARTE.

I. Doctrina religionis Christianae non est æstimanda ex auctoritate docentium: ut nimirum pro vero amplectamur quicquid hic vel ille doctor, auctoritate coram mundo præditus, tradiderit: quia tales contingit veritatis caelestis valde rudes esse: sicut exemplum Nicodemi hoc loco clarè ostendit. Æstimanda est autem doctrina caelestis ex testimoniis divinis per Prophetas & Apostolos & Christum ipsum patefactis.

II. Quum Christus in doctrina Evangelii proponenda interdum sermone tropico sit usus, ut ex hoc loco planum est: imperitè igitur & perversè agunt, qui clamant, eos à verbis Christi recedere in doctrinæ sacræ Cænz, qui genuinum illorum sensum ex consideratione tropi investigant.

III. De miseria hominis Homo à natura profus corruptus est: ita ut nec rationem salutis intelligat, & pravis affectibus salutis suæ advesetur. Hoc ex eo intelligitur, quòd hominem (quemadmodum hoc loco Christus docet) iterum gigni necesse est, ut regnum Dei videre & in illud introire possit.

IV. Regeneratio, qua homo ad regnum Dei regeneratur, est opus Spiritus sancti afflantis hominis animum, *ψ. 8.* & vim quandam aquæ in eo exerentis, *ψ. 5.* Afflare autem hominis animum dicitur Spiritus sanctus, quum & mentem ejus illuminat cognitione gratiæ Dei per & propter Christum, & cor suaviter fleat ad assentiendum promissioni gratiæ, & in gratia promissâ acquiescendum filiali fiducia. Vim verò aquæ in hominis animo exerit Spiritus S. quatenus ei persuadet, sanguine Christi, quatenus is in cruce effusus est, purgari ipsum ab omni peccato: ac præterea ex recta purgationis hujus consideratione ipsum movet ad serium studium expurgandi peccati reliquias per veram penitentiam.

V. Regeneratio pendet à libera Spiritus sancti voluntate. nam quemadmodum ventus quòd vult, spirat, *ψ. 8.* ita Spiritus sanctus quem vult, afflat: & quando vult, & quantum vult. Discamus igitur, regenerationem nostri, gratiæ Spiritus sancti acceptam ferre, ad gloriam ipsius.

VI. Regenerationis modus humano captui incomprehensibilis est: verum tamen regenerati vim ejus & effecta in se sentiunt, ex *ψ. 8.* Et modus ille in se ipso incomprehensibilis, per similitudinem venti & aquæ utcumque percipitur: hoc versu & quinto.

VII. Doctrina Christi & Johannis Baptistæ citra omnem hæsitacionem firmâ fide recipienda est: quia est testimonium de rebus certò compertis, ex revelatione nimirum ipsius Dei, *ψ. 11.*

VIII. Rerum terrenarum similitudines adhibentur ad res caelestes declarandum, ut meliùs intelligantur & eò faciliùs credantur. Qua in re agnoscenda est *οἰκονομία* Dei, ad nostrum captum sese accommodantis.

IX. Christus in una eademque persona simul Deus & homo est: quippe qui prope Nicodemum in terra positus corpore suo, simul tamen fuit in cælo: id quod fieri non potuisset, nisi simul Deus esset. Sola enim deitas cælum & terram replet ex *ψ. 13.* Estq; hæc personalis duarum in Christo naturarum unio tam arcta, ut quod unius naturæ proprium est, id ipsi personæ ab altera natura denominatè attribuitur: sicut hic dicitur, *Filium hominis qui est*

*est in cælo.* Denominatur enim Christus filius hominis à natura humana, quam ex homine, videlicet virgine Maria, assumpsit. Erat autem tunc in cælo, non quatenus filius hominis, i. secundum naturam humanam: sed quatenus filius Dei, ac proinde secundum naturam divinam: secundum quam quovis tempore cælum & terram replet. Secundum humanam autem naturam Christus nunc est in cælo tantum, & non etiam in terra: sicut tempore istius cum Nicodemo colloqui, secundum naturam humanam erat in terra tantum, & non etiam in cælo. Sic infra cap. 6. v. 62. Si igitur videatis filium hominis ascendere eò ubi erat prius? nempe in cælum ascendere suo corpore, ubi erat prius sua deitate. Atque in his duobus exemplis proprietas quædam naturæ divinæ, nempe ubiquitas, tribuitur Christo denominato à natura humana: contra eadem denominato à natura divina attribuantur proprietates naturæ humanæ in sequentibus exemplis. Act. 20. v. 28. Deus proprio sanguine Ecclesiam acquisivit. 1. Cor. 2. v. 8. Dominum gloriæ crucifixerunt. 1. Johan. 1. v. 1. Sermo vitæ oculis Apostolorum conspectus, & manibus eorum contrectatus est.

x De causis salutis. Causa agens principalis est Deus Pater, is enim filium suum unigenitum in mortem pro nobis dedit, ut sua morte nobis vitam æternam acquireret. Causa antecedens, τὸ ἀειγιγενὲς αἰνόν, est dilectio Dei Patris quā dilexit mundum, id est, omnes totius mundi electos, tam ex Ethnicis quam ex Judæis. ex hac enim dilectione misit Filium in mundum, ut sua morte electos ex potestate diaboli redimeret, & vitam æternam eis recuperaret. Causa ministrans est Filius Dei unigenitus in carne manifestus, qui est servus Patris, sicut cum Pater ipse apud Jesaiam nominat, inquit: Servus meus iustus, cognitione sui iustificabit multos. cap. 53. Is enim propter nos & nostram salutem de cælo descendit, & homo factus est, & mortem pro nobis gustavit: atque ita iudicio Dei pro nobis satisfecit, nos ex potestate diaboli redemit, iram Patris nobis placavit: gratiam & favorem eius nobis conciliavit, iustitiam & vitam æternam adduxit. Causa impulsiva, τὸ ἀποζητητικὸν αἰνόν, est meritum Filii. nam Fili pro nobis ex Patris mandato morientis obedientia, Patrem movet atque impellit ut peccata nobis remittat, atque ita pro iustis nos habeat, in filios nos adoptet, vitamque æternam nobis donet. Instrumentum, quo tanquam manu Christum tanquam donum Patris cum suis beneficiis apprehendimus atque amplectimur, est fides seu fiducia in eo tanquam Salvatore acquiescens. Fide enim assentimur promissioni gratiæ, ac proinde fiducia acquiescimus in gratia promissa & Christo mediatore qui gratiam Patris nobis conciliavit. Atque harum omnium causarum fit mentio, v. 16. His addende sunt ex alijs Scripturæ locis, causæ efficientes fidei: videlicet Spiritus sanctus & verbum Euangelii seu promissio gratiæ. nam per hujus prædicationem Spiritus sanctus fidem in cordibus electorum efficit & conservat: ut liquet ex his testimonijs. Matth. 16. v. 17. quum Petrus suam cæterorumque Apostolorum de Christo fidem confessus esset, subiicit Christus: Beatus es Simon Bar-Jona: quia caro & sanguis hæc non revelavit tibi, sed Pater meus qui est in cælis, scilicet revelavit: nempe per Spiritum sanctum. Johan. 6. v. 44. & 45. Nemo potest venire ad me (id est, credere in me: ex collatione v. 36. & 37. ejusdem capitis) nisi Pater qui misit me, traxerit eum. nempe per Spiritum sanctum exnolente reddendo volentem. Et mox, Est scriptum in Prophetis, Et erunt omnes docti à Deo. Quisquis ergo audivit à Patre & didicit, venit ad me. Ephes. 2. v. 8. Gratia estis

estis servati per fidem: idque non ex vobis, Dei donum est. Rom. 10. v. 17. Fides ex auditu est, id est, ex sermone Evangelii prædicato & audito. Johan. 6. v. 68. ait Petrus de sermone Evangelii paulo antè à Christo apud Capernaïtas prædicato: Domine, ad quem abibimus? verba vitæ æternæ habes. Roman. 1. v. 16. Evangelium est potentia Dei ad salutem omni credenti. 1. Tim. 4. v. 16. Id si feceris (id est, si in doctrina fidei & cognoscenda & docenda peccaveris) & te ipsum servabis, & eos qui te audierint.

xi Condemnationis causa iustissima est incredulitas: quia increduli contumelia afficiunt filium Dei, quasi vel non satis potens fuisset ad ipsos redimendum, vel sanguis eius non satis fuisset preciosus, hoc videtur innuere Christus, quum ait, *Quia non credidit in nomen unigeniti filii Dei.* Deinde increduli ad lucem celestis veritatis petulanter oculos claudunt, v. 19 & 20. Hinc fit, ut Evangelium sit eis odor mortis ad mortem: quod credentibus est odor vitæ ad vitam; sicut docet Paulus 2. Cor. 2. v. 15. 16.

## EX SECUNDA PARTE.

i Vetus baptizandi ritus fuit, ut toto corpore in aquam immergerentur, & inde rursus extraherentur: quorum illud significabat mortificationem veteris hominis, istud vivificationem novi: ut intelligitur ex verbis Pauli Roman. 6. v. 3. & 4. Veruntamen hunc ritum ne Apostoli quidem semper adhibuisse videntur. nam Act. 15. v. 33. à Paulo & Sila baptizatus fuisse legitur commentariensis ille seu custos carceris in urbe Philippis unâ cum domesticis suis: id quod non in aliquo flumine, sed domi illius factum videtur.

ii Cavendum ne præceptoribus nostris nimis addicti simus aut nimium tribuamus, quemadmodum hoc loco fecerunt discipuli Johannis, dum eum habent pro Christo, & interim Christo invident, quòd multi Johanne relicto ipsum sequerentur. quo nomine eos Johannes reprehendit.

iii Fidelis ministri Christi officium est, ut testetur de Jesu Maria virginis filio, quòd ipse sit Christus: ac proinde ut illi tanquam sponso Ecclesiam tanquam sponsam adducat: sicut hoc loco Johannes Baptista facit. Sic Paulus 2. Cor. 11. v. 2.

iv Insigne est fidei encomium, quòd per eam obsignatur veritas Dei, ver. 33. Contra igitur incredulitatis insigne dedecus est, quod per eam Deus mendacii arguitur.

v. Inter Christum & credentes magnum discrimen est, quod ad dona spiritualia attinet. Christus. n. à Patre accepit immensam illorum donorum copiam: sicut hoc loco ait Johannes, Deum illi non admetiri seu (ut verba in Græco habent) non ex mensura, id est, secundum mensuram dare Spiritum. Et suprà capite primo, ver. 16. docuit, eum istis donis esse repletum: quippe quum ex plenitudine ipsius omnes credentes accipiant. Et sic in Psalmo dicitur unctus oleo latitiæ (id est donis Spiritus sancti) præ confortibus suis, id est, præ credentibus. Item Esaia 11. dicitur: Requiescet super eum Spiritus Domini: spiritus sapientiæ & intellectus, spiritus consilii & fortitudinis, spiritus scientiæ & pietatis: & replebit eum spiritus timoris Domini. Credentes autem accipiunt dona spiritualia secundum mensuram donationis Christi: sicut testatur Paulus Ephes. 4. v. 7.



## ANALYSIS CAP. IIIII.

## ARGUMENTUM.

Caput hoc in quatuor partes distingui potest. Prima est de reditu Domini in Galilæam, tribus primis versibus. Secunda, de colloquio ejus cum muliere Samaritana, à v. 4. usque ad 43. Tertia, quomodo à Galilæis exceptus sit, v. 43. 44. & 45. Quarta, quomodo sanaverit filium cuiusdam regii qui degebat in oppido Capernaum, à v. 46. usque ad fin. capituli. Ex his quatuor partibus secunda & quarta principales sunt: prima autem continet secundam *œgρη exουδίου*, itemque tertiam quartam.

## DE PRIMA PARTE.

**V**T ergo cognovit Dominus Phariseos audisse ipsum plures discipulos facere & baptizare quàm Johannem:

2 *(Quamquam Jesus ipse non baptizabat, sed discipuli ejus)*

3 *Reliquit Judeam & abiit rursum in Galileam.*

Quod ad reditum Domini in Galilæam attinet, Evangelista exponit illius causam impulsivam, nempe metum insidiarum à Phariseis: ut qui agere ferrent, Dominum plures discipulos facere & baptizare quàm Johannem.

## DE SECUNDA PARTE.

4 *Oportebat autem eum transire per Samariam.*

5 *Venit ergo in urbem Samariæ quæ dicitur Sichar juxta prædium quod dedit Jacob Josepho filio suo.*

6 *Erat autem ibi fons Jacob: Jesus ergo fatigatus ex itinere juxta sedit ad fontem, hora enim erat quasi sexta.*

7 *Venit mulier Samaritana ut hauriret aquam: dicit ei Jesus, Da mihi potum.*

8 *Nam discipuli ejus abierant in urbem ut cibos emerent.*

9 *Dicit igitur ei mulier illa Samaritana, Quomodo tu, Judeus, quæsis, potum à me poscu quæ sis mulier Samaritana? (nō enim utitur Iudei Samaritanis.)*

10 *Respondit Jesus & dixit ei, Si scires donum illud Dei, & quis sit ille qui dicit tibi, Da mihi potum: tu petiisses ab eo, & dedisset tibi aquam vivam.*

11 *Dicit ei mulier, Domine, neque quo haurias habes, & puteus profundus est: unde ergo habes aquam illam vivam?*

12 *Nam tu major es patre nostro Jacob, qui dedit nobis hunc puteum, ex quo ipse bibit, & filii ejus, & ejus pecora?*

13 *Respondit Jesus & dixit ei, Quisquis bibit ex aqua ista, sitiet rursus:*

14 *Quisquis autem biberit ex aqua illa quam ego ei dabo, non sitiet in æternum: sed aqua illa quam ego dabo ei, fiet in eo fons aquæ salientis in vitam æternam.*

15 *Dicit mulier, Domine, da mihi aquam istam, ut non sitiam, neque veniam hic ad hauriendum.*

16 *Dicit ei Jesus, Vade, voca virum tuum, & veni hic.*

17 *Respondit mulier & dixit ei, Non habeo virum. Dicit ei Jesus, Bene dixisti, Non habeo virum.*

18 *Quinque enim viros habuisti, & nunc quem habes, non est tuus vir. Hoc verè dixisti.*

19 *Dicit*

- 19 Dicit ei mulier, Domine, video te Prophetam esse.  
 20 Patres nostri in hoc monte adoraverunt : & vos dicitis Hierosolymis esse locum illum ubi oporteat adorare.  
 21 Dicit ei Iesus, Mulier, crede mihi, venit tempus, quando neque in monte hoc neque Hierosolymis adorabitis Patrem.  
 22 Vos adoratu quod nescitis, nos adoramus quod scimus : quia salus ex Iudeis est.  
 23 Sed venit tempus, & nunc est, quum veri adoratores adorabunt Patrem Spiritu ac veritate : etenim pater tales quarit qui ipsum adorent.  
 24 Deus est Spiritus, & qui adorant eum, oportet ut Spiritu ac veritate adorent.  
 25 Dicit ei mulier, Scio Messiam venturum, qui dicitur Christus : quum venerit ille, nobis annuntiabit omnia.  
 26 Dicit ei Iesus, Ego is sum qui loquor tibi.  
 27 Interea verò venerunt eius discipuli, & mirati sunt quòd cum muliere loqueretur : nemo tamen dixit, Quid queris ? aut, quid loqueris cum ea ?  
 28 Reliquit ergo hydriam suam mulier, & abiit in urbem, dixitque eius loci hominibus :  
 29 Venite, videte hominem qui dixit mihi quaecunque feci : num is est Christus ?  
 30 Exierunt ergo ex urbe, & venerunt ad eum.  
 31 Interim autem rogabant eum discipuli, dicentes, Rabbi, comede.  
 32 Ille autem dixit eis, Ego cibum habeo quo vescar, quem vos nescitis.  
 33 Dicebant ergo discipuli alii ad alios, Num quis attulit ei quo vescatur ?  
 34 Dicit eis Iesus, Esca mea est exequi voluntatem eius qui misit me, & perficere ipsius opus.  
 35 Nonne vos dicitis, Adhuc quadrimestre spatium superest, & messis aderit ? Ecce dico vobis, attollite oculos vestros, & spectate regiones : nam alba jam sunt ad messem.  
 36 Qui autem metit, mercedem accipit, & cogit fructum in vitam æternam : ut & qui seminat, simul gaudeat, & qui metit.  
 37 Nam in hoc dictum illud verum est, Alius est qui seminat, & alius qui metit.  
 38 Ego misi vos ad id metendum in quo vos non laborastis : alii laboraverunt, & vos in labores eorum introistis.  
 39 Ex urbe autem illa multi Samaritanorum crediderunt in eum propter sermonem mulieris, restantis ac dicentis, Certe dixit mihi omnia quæ feci.  
 40 Quum ergo venissent ad eum Samaritani, rogant eum ut apud ipsos maneret : & mansit ibi biduum.  
 41 Ac multos per eum crediderunt propter sermonem ipsius.  
 42 Et mulieri dicebant, Non amplius propter tuos sermones credimus : ipsi enim audivimus : & scimus hunc esse verè Seruatorem illum mundi, Christum.  
 In colloquio Christi cum Samaritide, primum describitur illius occasio, videlicet transitus Christi per Samariam, & adventus ejus ad oppidum Sichar, sessioque ad fontem, v. 4. 5. & 6. Deinde describitur ipsum colloquium à vers. 7. usque ad 27. Tum quæ colloquium consecuta sunt, nempe primum admiratio discipulorum super venientium, v. 27. deinde advocatio Samaritanorum per Samaritidem, v. 28. 29. 30. tum sermo allegoricus Christi cum discipulis de cibo suo & de messe discipulorum, à v. 31. usque ad 39. Postremo fides Samaritanorum, à v. 39. usque ad 43.

## DE TERTIA PARTE.

43 *Duobus autem post diebus exiit inde, & abiit in Galileam.*

44 *Ipse enim Jesus testatus fuerat, Prophetam in sua patria honorem non habere.*

45 *Quum ergo venisset in Galileam, exceperunt eum Galilei, quum omnia vidissent quæ fecerat Hierosolymis in festo. nam & ipsi venerant ad festum.*

Sequitur tertia pars capituli, quomodo Christus à Galilæis exceptus sit, nempe reverenter, idque propter miracula quæ viderant Hierosolymis in festo. Simul etiam causa exponitur, cur Christus relicta Nazareth, ubi fuerat educatus, reliquas Galilææ partes obierit: nempe quòd à Nazarethanis sperneretur, ut qui cum à puerò apud sese familiariter versantem noverant.

## DE QUARTA PARTE.

46 *¶ Venit igitur Jesus rursus Cana oppidum Galilæe, ubi fecerat ex aqua vinum. Erat autem in Capernaum regius quidam, cuius filius egrotabat.*

47 *Is quum audisset Jesum venisse ex Judea in Galileam, abiit ad eum, & eum rogavit ut descenderet ac sanaret ipsius filium: erat enim moribundus.*

48 *Dixit ergo Jesus ei, Nisi signa & miracula videritis, non credetis.*

49 *Dicit ei regius ille, Domine, descende priusquam moriatur puerulus meus.*

50 *¶ Dicit ei Jesus, Vade, filius tuus vivit. Credidit homo sermoni quem dixerat ei Jesus: & profectus est.*

51 *Jam autem eo descendente, servi occurrerunt ei, & annuntiaverunt, dicentes, Filius tuus vivit.*

52 *Perconstatus est ergo ab eò horam qua melius habuerat: & dixerunt ei, Hec circiter horam septimam dimisit eum febris.*

53 *Agnovit ergo pater id factum esse illa ipsa hora qua dixerat ei Jesus, Filium tuum vivit: & credidit ipse ac domus ejus tota.*

54 *Hoc rursus id est, secundum signum edidit Jesus, quum venisset ex Judea in Galileam.*

Sequitur quarta capituli pars: quomodo Christus sanaverit filium regii cuiusdam qui degebat in oppido Capernaumo. Illum igitur jam moribundum sanavit rogatu patris: sed quomodo? Absens corpore, sola verbi testificatione: cui regius ille credidit. Prius tamen & illum & totam gentem Judaicam objurgavit, quòd miraculorum nimis cupidi essent, interim scilicet doctrinam ejus negligentes ac spernentes.

## SCHOLIA IN CAP. IIII.

1 *Ipsum.* ὁτι Ἰησοῦς. Antecedens repetitur more Hebræorum.

5 *Sichar.* Σιχάρ, Aliàs Sichem.

6 *Fons Jacob.* πηγὴ τοῦ Ἰακώβ. Id est, Quem Jacob foderat: vel saltem quo usus fuerat cum familia: ut declaratur infra v. 12. *Ad fontem.* ὅτι τῇ πηγῇ. Supra fontem illum. *Quasi.* ὡς. Id est, Circiter. *Sexta.* ἕκτη. Id est, Erat circa meridiem, quo tempore astus solis intensissimus est, nam Judæi diem unumquenque distribuebant in duodecim horas æquales.

7 *Venis.* ἰππεναι. Modus narrandi huic Evangelistæ familiaris, per verba

scilicet temporis praesentis. *Samaritana*. ἐκ τῆς Σαμαρείας Subaudi. Ἰσ. 6  
 Samaria, scilicet oriunda. Sicut sup. cap. i. v. 45. ὡς δὲ ὁ φιλιππος ἐκ τῆς  
 οὐδα, Erat verò Philippus ex Bethsaida. Non igitur pender hoc loco pra-  
 positio ἐκ αὐτοῦ ἔρχεται. quippe venit illa mulier non ex ipsa urbe Sama-  
 ria, sed ex oppido Sichar : ut percipiat ex v. 5.

8 *Ἄντι δὲ μαθηταί, &c.* Exponit Evangelista rationem, cur  
Jesús ipse potum à muliere petiverit, ac non potius per aliquem è discipulis.  
Nisi malimus rationem exponi simpliciter cur petierit potum: nempe ut ha-  
beret cum discipulis quod biberet inter prandendum: quum emtionis ci-  
borum mentio fiat.

9 Non enim. & *sup* &c. Videntur hæc esse Euangelistæ verba potius quam mulieris Samaritanæ. Superfluum enim erat, illam Jesum ea de re admonere quæ omnibus nota erat. At superfluum non erat, ut Euangelista lectori rationem ejus dicti & ratiocinationis qua usæ fuit mulier Samaritana, exponeret. Quum igitur commemorasset entymema mulieris, Tu Judæus es, Non igitur debebas potum postulare à muliere Samaritana: rationem consequentiæ exponit, addens illius entymematis propositionem.

10 *Et quæ sit &c.* ἡ τίς ἐστίν Hęc præcedentibus annectuntur per ἡν-  
 ἡν: unde percipitur, Christum seipsum intellexisse per donum illud Dei.  
 Est enim nobis donatus à Patre in Servatorem. Sic Rom. 8. ὁ. 32. Qui non  
 etiam cum eo (nempe Filio) omnia nobis donabit? *Aquam vivam.* ὕδωρ  
 ζῶν. Fætor quidem, huius aque effectum esse vitam æternam: hoc enim  
 Christus ipse expressè affirmat infra 2. 14. Veruntamen non puto hinc ap-  
 pellantam vivam, quasi vitæ effectricem, *μυτὸνυμῆως*: sed tantum *μυταφο-  
 ρικῶς* sic dictam, ex consuetudine Hebræorum, pro *perennem & perpetuū sca-  
 turientem*. Est autem gemina metaphora: prima quòd Spiritus sãnsus vo-  
 catur aqua: deinde quòd nominatur aqua viva pro perpetuò scaturiente:  
 ut Gen. 26. ὁ. 19. Interim non nego, per istam metaphoram effectum illum  
 simul notari ex consequenti. Nam sicut aqua viva seu ex fonte scaturiens fi-  
 rim extinguit atque ita cor recreat: sic Spiritus S. extinguit sicim spiritualem  
 & recreat mentem seu vivificat, replens animum gaudio spirituali. Esse autem  
 aquæ vitæ nomine intelligendum Spiritum S. declarat Evangelista ipse infi-  
 cap. 7. ὁ. 38. & 39.

11 *Neq. quæ haurias, &c.* Proponitur hic rursus imago stuporis humani in intelligenda doctrina cœlesti: quale exemplum fuit Nicodemi supra cap. 3.

12 *Patre nostro, &c.* S;c semper hypocrita: de majoribus suis gloriati sunt, & inde religionem suam defendere conati, quamvis ista falsò de Jacobo gloriatur: ut à quo originem Samaritani non ducebant. Sicut Turcæ Agreni de Sarracenos nominant & venditant: tanquam è Sara ortos, non autem ex Agar.

14 *In æternum*. eis ἕως αἰῶνος. Id est, nunquam. Sic Marc. 3. Ὡς 29. *Fons aqua salientis* ἕως c. Similis sententia est infra cap. 7. Ὡς 38.

20 *Patres nostri &c.* Talis gloriatio erat paulo-antè *ψ. 12.* *Patres, id est,*  
maiores.

22 *Vos, ὑμεῖς. Samaritani. Nos ἡμεῖς. Judæi.*

23. *Spiritu*, ἐν πνεύματι. Id est, animo: non solum ore. *Spigitu ac veritate*.  
ἐν πνεύματι καὶ ἀληθείᾳ. Id est, Vero spiritu: seu vero animi affectu: non au-  
tem hypocritici a observatione ceremoniarum. ἐν δυνάμει.

24 *Deus est spiritus.* πνεῦμα ὁ θεός. In Græco voces trajectæ sunt: sed partem enuntiati antecedentem quam subjectum vocant, ostendit articulus.

Simile exemplum vide suprà cap. 1. versu 1. *Spiritu. πνεύμα.* Id est, mens quædam.

25 *Omnia. πάντα,* scilicet ad cultum Dei & salutem animarum nostrarum pertinentia.

27 *Interea vero. ὅτι τὸ τότε.* vel potius, *Et huic verbo supervenerunt.* ut ad τὸ τότε suppleatur λόγος : & referatur ad illud dictum, Ego sum. *Quod cum muliere loqueretur. ὅτι μετὰ γυναικὸς ἦλθεν.* Nempe quæ esset Samaritana. Non enim utebantur Judæi Samaritanis : suprà v. 9.

31 *Interim autem. ἐν δὲ τῷ μετὰ τοῦ.* Supple *χρόνου.*

32 *Ego cibum habeo. ἐγὼ βρώσιν ἔχω.* Hoc quid sit, declarat ipse v. 34 & deinceps.

34 *Esca mea est. ἡ μὲν βρώσὶς ἐστίν.* Id est, Me summè oblectat instar suavissimæ escæ. *Voluntatem. τὸ θέλημα.* Id est, id quod vult Pater, quodque mihi mandavit. *Ipsius opus. αὐτοῦ τὸ ἔργον.* Id est, ab ipso mihi mandatum. nempe ut prædicem Evangelium Samaritanis jamjam ex urbe huc venturis. Meditabatur igitur orationem ad illos habendam.

35 *Specificate reges. διδορυεὶς τὰς χώρας.* Vel agros, id est, fruges in agris. Sed intelligit Samaritanos jam magno numero adventantes per campum. Est igitur allegoria. *Alba jam sunt ad messem.* Id est, Tempestivum jam & opportunum est, Evangelium prædicare Samaritanis, atque ita eos quasi metere in horreum Dei, hoc est Ecclesiam, ex hujus mundi agro.

36 *Qui autem merit. &c.* Id est, Qui Evangelium prædicatis qui jam in genere aliquid de Christi adventu audierunt. *Qui seminat.* Videtur intelligere Prophetas superioris ætatis : qui promissiones de Christi adventu annuntiaverunt, atque ita quasi semina doctrinæ Evangelii jecerunt.

37 *In hoc. ἐν τῷ τότε.* in hac re, in hoc negotio.

38 *Alii.* Nimirum Prophetæ.

40 *Maneret.* Nempe ad tempus : ut percipitur ex eo quod statim sequitur, nam satisfaciens eorum petitioni, mansit biduum. Similiter hospitium offerebat Paulo & Barnabæ mulier illa Lydia. Act. 16. v. 14 & 15.

41 *Propter sermonem ipsius. διὰ τὸν λόγον αὐτοῦ.* Quum ipsum audissent prædicantem Evangelium.

43 *Duobus autem post diebus. μετὰ δὲ τὰς δύο ἡμέρας.* Vel, Post illud biduum autem : cuius scilicet facta mentio v. 40. Articuli vis est *αναφορική* in Galileam. Videlicet Canam oppidum Galilææ : ut colligitur ex collatione vers. 46.

46 *Regius βασιλικός* Regis Herodis minister.

48 *Emmatala. ἡμίτερα.* Hoc nomen præcedenti adjectum videtur per exegesein.

50 *Vixit. ὤ.* Id est, convaleuit ex morbo. Sic versu sequente.

53 *Domus. οἰκία.* Id est, domestici seu familia : Metonymia subiecti.

54 *Rursum* id est, secundum *παλιν δευτέρως.* Adverbium *παλιν* redundat.

## OBSERVATIONES LOCORUM

### DOCTRINAE EX CAP. 4.

#### EX PRIMA PARTE.

Hoc exemplo fugæ Domini docemur, in officio faciundo hunc modum servandum esse, ut neque metu terreamur quin pergamus, neque in accersendis

sendis periculis simus præcipites. Quippe Dominus non desinit Evangelium prædicare, quum sentit ea re infestis sibi reddi Phariseos : & tamen furoriorum cedit & insidias declinat fuga. Quod ipsum etiam alias, ut Matth. 4. 12. & 14. 13. fecit, donec tempus advenisset quo ab illis erat capiendus & gentibus ad mortem tradendus : tunc enim ipse obviam eis ivit, ut caperetur. Porro quod hic Dominus fecit, id ipsum discipulis quoque præcepit : Si vos persecuti fuerint in una civitate, inquit, fugite in aliam, Matth. 10. 23. Sic Paulus fuga se subduxit Damasco, Act. 9. 25.

## DOCTRINAE EX SECUNDA

## parte.

1. Ex  $\psi$ . 6. & 7. Christum dum in terris versaretur, infirmitatibus naturæ nostræ subiectum fuisse : quippe qui fuit fatigatus & siccus. Ubi notandū, infirmitates illas in Christo fuisse sine peccato : teste Paulo Hebr. 4. v. 15. Causa autem ejus nobiscum cōformitatis fuit, ut esset misericors & fidelis Pontifex ad expiandum nostra peccata, & ut ex sympathia nobis succurreret. Ibid. & ca. 2.  $\psi$ . 17. & 18.

II. Ex  $\psi$ . 11. 12. 15. 20. E Samaritidis exemplo discimus, hominem nondum Spiritu Dei renatum non percipere ea quæ dicuntur de regno Dei & vita æterna, item securè de religione & cultu Dei philosophari, nec interm de sceleribus suis sollicitum esse. Vide 1. Cor. 2.  $\psi$ . 14.

III. Ex  $\psi$ . 28. & 29. Ex ejusdem exemplo, nempe ex conversione illius, discimus, Deum ex mera misericordia nobis remittere peccata, & dare Spiritum sanctum qui in nobis efficit fidem & seriam resipiscenciam.

IV. Ex  $\psi$ . 29. Imitandum ejusdem exemplum in proximis ad Christum adducendis. Vide Esai. 2.  $\psi$ . 12. & 13.

V. Ex  $\psi$ . 10. Christum nobis intuendum esse ut donum Dei : quippe quem nobis donavit Deus, ut esset noster Mediator ac Salvator. Confer Rom. 8. 32. Item inf. cap. 6.  $\psi$ . 32. & 33.

VI. Ex  $\psi$ . 10. Spiritum sanctum esse instar aquæ vivæ, quæ bibentem recreat & vivificat. Unde intelligitur, hominem naturā aridum esse & omni succo vitali destitutum.

VII. Ex  $\psi$ . 12. & 20. Non esse gloriandum in majoribus, quasi ideo Deo accepti simus, quia sanctos majores habuimus. Gloriandum est autem in solo Deo, nimirum in gratuito ejus erga nos favore, quem nobis per Evangelii promissionem declaravit. 1. Cor. 1.  $\psi$ . ult.

VIII. Ex  $\psi$ . 14. Spiritum sanctum ita sedare spirituales hominis sitim, ut eundem vivificet, & perpetuò in eo scatuiat ad vitam æternam. Hoc autem facit, dum mentem hominis magis magisque illuminat cognitione gratiæ Dei propter Filium, eandemque gratiam ei gustandam præbet. Rom. 5. vers. 5.

IX. Ex v. 21. 22. 23. 24. In religione non statim esse rectum quod fecerunt Patres seu majores : nec eam consistere in rebus externis, nisi quatenus illæ ita observantur, ut à Deo præceptæ sunt, hoc est, ut servantur exercendo spiritui in fide ac timore Dei. Verus enim Dei cultus spiritualis est.

X. Quia Deus sit spiritus, id est, essentia incorporea : non potest igitur figura aliqua representari : ac proinde figuræ quibus Deus representatur, mendaces sunt : atque etiam maiestatem Dei quæ immensa est, quantum in ipsis est, minuunt : quippe quam in angustias lineamentorum cogunt. Vide Rom. 1. 23.



x i. Ex vers. 32. 34. Regni Dei amplificandi occasionem ita avidè arripendam esse, ut interim corporis curam negligamus : nec quicquam nobis dulcius aut suavius esse debere, quàm occasione oblata alios ad cognitionem Dei adducere.

x i i. Ex v. 35. Animos hominum multò attentiores esse ad res terrenas quàm caelestes : quippe qui desiderio messis sic aestuant, ut anxie supputent menses ac dies : quum interea in colligendo tritico caelesti, hoc est, in proximis ad vitam aeternam adducendis mirè torpeant. Huic vitio opponendum est dictum Domini, Quæ te primum regnum Dei & justitiam ejus : tum cætera adjicientur vobis, Matth. 6. 33.

x i i i. Ex v. 36. Duo hæc verbi ministris ingentes animos addere debent, ne unquam sub labore sathiscant : nempe corona gloriæ, quam sibi instar mercedis aut præmii in cælo repositam esse audiunt, & gloria Dei cum salute hominum conjuncta, quæ instar fructus ex prædicatione Evangelii enascitur. Horum argumentorum priore sese consolatur Paulus, 2. Tim. 4. v. 7. & 8. ubi ait : Certamen illud præclarum decertavi, cursum consummavi, fidem servavi : Quod superest, reposita est mihi justitiæ corona, quam reddet mihi Dominus in illo die, iustus ille iudex : non solum autem mihi, sed & omnibus qui expetiverint illustrem illum ipsius adventum. Huc etiam pertinet insignis illa promissio apud Danielelem c. 12. v. 3. Qui erudiunt alios, splendebunt quasi splendore expansi : & qui ad justitiam adducunt multos, ut stellæ in sempiterna secula erunt. Ad alterum argumentum confirmandum pertinet promissio illa Christi inf. 15. v. 16. ubi Apostolis ait, Ego elegi vos ut eatis & fructum feratis, & fructus vester maneat.

x i v. Ex v. 36. Quod vita æterna in ista promissione quæ continetur v. 36. comparatur mercedi : hinc non est colligendum, eos quibus illa datur, operibus suis illam esse meritos. Neq; enim in alium finem merces appellatur, quàm ut electi spe illius ad diligentiam in officio excitentur, intelligentes nimirum se laborum suorum mercedem amplissimam accepturos. Interim tenendum est, hanc mercedem esse gratuitam, hoc est, dari non ex merito, sed ex gratia. Nos, n. officiis nostris vitam æternam à Deo non mereri aperte docet Christus, quum ait ad Apostolos Luc. 17. v. 10. Quum feceritis omnia quæ præcepta sunt vobis, dicite, servi inutiles sumus. Id ipsum intelligitur quoq; his duob. argumentis, primum quod quatenus opera nostra remuneratur Deus, eatenus non nostra sunt, sed ipsius Dei per spiritum ipsius in nobis ac per nos effecta. quippe ex nobis, tanquam ex nobis, ne ad cogitandum quidem quicquam boni idonei sumus. Deinde quod opera nostra quâcumvis bona & in Deo facta, tamen mutila sunt & p. v. vis affectib. contaminata. quis, n. est qui gloriari possit, se in ullo suo opere dilexisse Deum ex toto suo corde, ex tota anima, ex tota cogitatione & omnib. suis viribus : unde vulgò dici solet, Justum peccare in omni opere bono. Jam vita æterna non datur propter opera, nisi illa sint perfecta & ad legem Dei congruant. Scriptum est, n. Qui fecerit hæc (nempe ita ut Deus fieri præcipit, ex toto sc. corde) vivet per ea. Tantum igitur abest ut bonis nostris operib. merces vitæ æternæ debeatur, ut potius gratia Dei egeant, qua non imputetur eis imperfectio & admixta vitiositas, sed tegatur obedientia mortis Christi.

xv. Ex v. 38. Notandum est discrimen inter doctrinam Prophetarum & Apostolorum. Nam etsi utrique eandem salutis æternæ rationem per Christum docuerint : tamen Prophetæ spem tantum fecerunt de Christo venturo, atque ita quasi cæcè cum ostenderunt : at Apostoli Christum

## OBSERVATIONES CAP. IIII.

jam advenisse & opus salutis nostræ perfecisse testati sunt. Unde Prophetarum doctrina sationi : Apostolorum verò messi comparatur. nam satione peracta semen crumpens, spem messis facit : at quum jam messis tempus est segetem maturuisse oportet, ut de messia in horreum colligatur. Nec veò putandum est, pios tempore Prophetarum non fuisse, & ipsos per illorum doctrinam in horreum Dei, id est regnum Dei seu Ecclesiam collectos : vidit enim Abraham diem Christi & gavisus est : sed quòd Prophetarum doctrina sationi comparatur, fit tantum respectu doctrinæ Apostolorum tanquam plenioris & clarioris. Talis comparatio extat etiam Galat 4 ubi Paulus tempus Legis pueritiae : Evangelii verò virili ætati comparat. nam Legis ceremoniis fuerunt adumbrata ea, quæ in Christo tanquam corpore ipso sunt exhibita, Colof. 2. 17.

XVI. Ex V. 39. Quum Spiritus S docilitatem Samaritanorum honorifica fidei appellatione dignetur : hinc colligimus, quanti Deus verbi sui reverentiam faciat. Quare operam demus, ut nos verbo Dei semper dociles præbeamus.

XVII. Ex V. 41. Quòd multi Samaritanorum crediderint, per sermonem Christi, argumento est, Evangelium apud homines dociles ac discende veritatis cupidos, frustra annunciari non solere, sed copiosum fructum ferre. Unde sequitur, nunquam nobis cessandum esse, quoties docendi occasio datur : si modò regnum Dei, ut debemus, propagare volumus.

XVIII. Ex V. 42. Fidem niti verbo Dei, ac proinde conjunctam esse cum certa & immota scientia, quæ acquiescit in veritate Dei.

XIX. Ex eod. v. Quòd Christus dicitur servator mundi, non est intelligendum de singulis in mundo hominibus, sed de totius mundi omniumque populorum credentibus. Opponitur enim hoc errori Judæorum, qui putabant, Christum ad se solos, non etiam ad reliquas gentes pertinere. Hinc Petrus Act 10. fide Cornelii Ethnici intellecta, prorumpit in hæc verba, v. 34. 35. 36. In veritate comperio, Deum non accipere personam : sed in quavis gente acceptum ei esse quemvis qui cum timeat & operetur iustitiam : id quod significavit filiis Israël, annuncians pacem per Jesum Christum, qui est omnium Dominus. Sic quoque intelligendum est illud Johannis, 1. Epist. c. 2. V. 2. Ipse est propitiatio pro peccatis nostris : nec pro nostris solum, sed etiam pro totius mundi peccatis. In his ergo dictis nomen *mundi*, credentes per mundum dispersos notat. At alibi hoc nomine significantur reprobi & increduli : quorū servator certè Christus non est, ut inf. 17. V. 9. Non pro mundo rogo : sed pro iis quos dedisti mihi, quia tui sunt. Sic V. 14. Mundus eos odio habuit : quia non sunt ex mundo : prout & ego non sum ex mundo, &c.

## DOCTRINÆ EX TERTIA PARTE.

I. Ex isto miraculo Christi, sicut & ex aliis eiusdem miraculis, perspicimus divinam ejus potentiam : quippe qua febricitantem sanavit corpore absens, absque ullo remedio, sola voluntate verbo testata. Atque hinc ulterius discimus, ipsum esse promissum illum Messiam. nam de Messia per Prophetas prædictum erat, cum miraculosè omnis generis morbos sanaturum. Vide Matth. 8. V. 16 & 17. Vide etiam Esai. 35. V. 5. & 6.

II. Exemplo istius aulici ad cognitionem & fidei Christi efficaciter vocati, admonemur, Deum suos electos in quovis hominum ordine habere, atque adeò etiam inter aulicos, hominum genus vanitati mundi præcipue additum,

additum Simile est exemplum Cornelii hominis militis, Act. 10. Quo loco notandum est dictum Pauli 1. Cor. 1. *ψ. 26.* Videtis vocationem vestram, fratres: vos scilicet non esse multos sapientes secundum carnem, non multos potentes, non multos nobiles: Verum quæ stulta sunt in mundo elegit Deus, &c.

III. Doctrinæ cælesti credendum esse, etiamsi miraculis non fuerit confirmata. Quanto magis doctrinæ Evangelii credendum est: quum jam plurimis maximisque miraculis per ipsum Christum & Apostolos confirmata sit? Iniquè ergo agunt Papistæ, quum ab Evangelii doctoribus miracula flagitant.

IV. Ex *ψ. 49.* Quum preces nostræ videntur à Deo repudiari, instandum nihilominus esse tandem donec ejus opem sentiamus. Sic regius iste oburgationem Domini æquo animo ferens, opem Christi in sanando filio implorare pergit, donec eam impetrat. Similiter fecit mulier illa Cananæa, Matt. 15. *ψ. 22.* & deinceps.

V. Ex *ψ. 53.* Patris familiæ officium esse, operam dare, ut omnes suos domesticos ad cognitionem Christi adducat, adducit & confirmet. Hoc haud dubiè fecit iste aulicus. hoc idem fecit ille commentariensis, Act. 16. 33. quippe qui edoctus de Christo, baptizatus est non solum ipse, sed etiam omnes domestici ejus. Sic Luc. 19. 9. quum ad fidelem Christi pervenisset Zacchæus, dixit Christus: Hodie salus domui huic contigit. quib. verbis significat, Zacchæum domesticos suos in eadem fide educaturum. Hanc laudem tribuit quoque dominus Abrahamo Gen. 18. *ψ. 19.* inquiring. Scio enim quòd præcepturus sit filiis suis & domui suæ post se, ut custodiant viam Domini &c.

## ANALYSIS CAP. V.

## ARGUMENTUM.

Duas in partes distingui potest. Prior continet miraculum sanati à Christo cuiusdam qui triginta octo annos decubuerat, usque ad *ψ. 17.* Altera pars continet apologiam Christi, id est, sermonem ad Judæos, qua factum illud suum defendens (nam sanaverat illum in Sabbato) & autoritatem suam plenissimè asserit, & Judæorum incredulitatem reprehendit.

## DE PRIMA PARTE.

**P**ost hac erat festum Judæorum, & ascendit Jesus Hierosolimam.

2 Est autem Hierosolymus ad portam pecuariam, piscina qua nominatur Hebraicè Beth-esda, quinque porticus habens.

3 In ea jacebat multitudo magna agrotorum, cecorum, claudorum, aridorum, expectantium aquæ motum.

4 Angelus enim descendeat certo momento in piscinam, & turbabat aquam: itaque qui primus ingressus erat post aquæ turbationem, sanus fiebat à quocunque demeretur morbo.

5 Erat autem quidam illic tricesimum octavum annum agens in morbo.

6 Hunc quum vidisset Jesus jacentem, & cognovisset eum jam multum temporis egisse in morbo, dicit ei, Cupis sanus fieri?

7 Respondit ei agrotus ille, Domine, non habeo quenquam, qui, quum rubata fuerit aqua, immittat me in piscinam: sed interim dum ego venio, alius ante me descendit.

8 Dicit ei Iesus, Surge, attolle grabatum tuum, & ambula.

9 Et statim sanus factus est homo ille: & iussus est grabatum suum, & ambulare, erat autem Sabbatum die illo.

10 Iudei ergo dicebant ei qui curatus fuerat, Sabbatum est, non licet tibi attollere grabatum.

11 Respondit eis, Qui me sanum fecit, is mihi dixit, Attolle grabatum tuum, & ambula.

12 Interrogaverunt eum ergo, Quis ille est qui dixit tibi, Attolle grabatum tuum, & ambula?

13 Is autem qui sanatus fuerat, nesciebat quis esset: Iesus enim evaserat de turba que erat in illo loco.

14 Postea invenit eum Iesus in templo, & dixit ei, Ecce, sanus factus es: ne pecca amplius, ne nequid deterius tibi fiat.

15 Abiit homo ille, & nuntiavit Iudeis Iesum esse qui sanum eum fecerat,

16 Ac propterea persequabantur Iudei Iesum, & studebant eum trucidare quod ista fecisset Sabbato.

In descriptione miraculi continentur primum circumstantiæ temporis & loci, quando & ubi miraculum hoc contigit: item occasio & quædam ad miraculum preparatio: usque ad ver. 8. Deinde miraculum ipsum ver. 8. & 9. Postremo ea quæ post miraculum sanato illi atque etiam sanationis auctori Christo evenerunt: à v. 10. usque ad 17.

1 Posthæc erat ] Hoc versu describitur *circumstantia temporis*, quando miraculum illud accidit: nempe in festo. Item *circumstantia loci*: nempe in urbe Hierosolyma.

2 Est autem ] Superiore versu indicatus est locus generalis seu communis: hic describitur *locus specialis seu proprius*, videlicet porticus sita ad piscinam quandam. Hæ porticus v. 3. describuntur ab adjunctis ægrotis: simulq; consilium seu finis illorum ægrotorum indicatur, cur ibi jacerint, nempe ut per aquam piscinæ, postquam illa ab angelo esset mota, sanarentur. Tum v. 4. commemoratur miraculose illius per aquam sanationis ratio.

5 Erat autem ] Deinceps describitur miraculi propositi *occasio* & ad illud *preparatio*: ac primum tempus ægrotationis, quamdiu scilicet ille ægrotaverit, hoc versu. deinde colloquium Christi quo illi sanationis spem facit, v. 6. & illius querela de destitutione op. is, v. 7.

8 Dicit ei ] Hic describitur ipsum miraculum, quod constat imperio Christi & obsequio ægroti. Simulq; indicatur *tempus speciale*, nempe Sabbatum: nam supra v. 1. tempus generale indicatum fuit, nempe festum.

10 Iudei ergo ] Deinceps describuntur ea quæ post miraculū evenerunt & primum quæ evenerunt sanato: nempe objurgatio Judæorum, quod ferret grabatum, hoc versu. deinde ipsius apologia seu excusatio, v. 11. Tum inquisitio de sanationis auctore, v. 12. & 13. Præterea admonitio Christi de cavendis deinceps peccatis, v. 14. Postea additur, quid evenire Christo: nempe indicium per sanatum apud Judæos, v. 15. & persecutio per Judæos, v. 16.

#### DE SECUNDA PARTE.

17 I Iesus autem respondit eis, Pater meus usque adhuc operatur, etiam ego operor.

18 Propterea

## EUANG. JOHANNIS.

47

18 Propterea ergo magis studebant eum Judei trucidare, quia non solum solvisset Sabbathum, sed & Deum dixisset Patrem suum, parem se faciens Deo.

19 Respondit ergo Jesus & dixit eum, Amen amen dico vobis, non potest Filius à seipso operari, id est, nisi videris Patrem operantem, quaecunque enim ille facit, hæc etiam Filius pariter facit.

20 Pater enim amat Filium, & omnia monstrat ei quæ ipse facit: & opera istius majora monstrabit ei, ut vos miremini.

21 Sicut enim Pater excitat mortuos & vivificat, ita & Filium quos vult vivificat.

22 Nec enim Pater judicat quenquam, sed omne iudicium dedit Filio:

23 Et omnes honorent Filium, prout honorant Patrem. qui non honoras Filium, non honoras Patrem ut qui miserit eum.

24 Amen amen dico vobis, Qui sermonem meum audit, & credit ei qui misit me, habet vitam eternam, & in condemnationem non veniet: sed transivit à morte in vitam.

25 Amen amen dico vobis, Adventat tempus, & nunc est, quum mortui audient vocem Filii Dei: & qui audierint, vivunt.

26 Sicut enim Pater habet vitam in seipso, sic dedit & Filio habere vitam in seipso.

27 Et auctoritatem dedit ei etiam iudicium exercendi, quatenus Filius hominis est.

28 Ne hoc miramini: nam veniet hora, qua omnes qui in monumentis sunt, audient vocem ejus.

29 Et prodibunt qui bona fecerint, in resurrectionem vite: qui verò mala egerint, in resurrectionem condemnationis.

30 Non possunt ego à meipso facere quicquam: prout audio, iudico: & iudicium meum iustum est: quia non quero voluntatem meam, sed voluntatem ejus qui misit me, id est Patris.

31 Si ego scitor de meipso, testimonium meum non est idoneum.

32 Alius est qui testatur de me, & scio idoneum esse testimonium quod testatur de me.

33 Vos misistis ad Johannem, & is testimonium dedit veritati.

34 Ego autè ab homine testimonium nō capto: sed hæc dico ut vos servemini.

35 Ille erat lucerna ardens & lucens: vos autem voluistis ad momentum exultare in ejus luce.

36 At ego testimonium habeo majus testimonio Johannis: opera enim quæ dedit mihi Pater ut ea perficerem, ipsa inquam opera quæ ego facio, testantur de me quod Pater misit me.

37 Et qui misit me Pater, ipse testatus est de me. Neque vocem ejus unquam audistis, neque speciem ejus vidistis.

38 Et sermonem ejus non habetis in vobis manentem: quia quem misit ille, hic vos non creditis.

39 Scrutamini Scripturas: quia vos videmini vobis in ipsis vitam eternam habere: & ille sunt quæ testantur de me.

40 Sed non vultis venire ad me, ut vitam habeatis.

41 Gloriam ab hominibus non capto.

42 Sed novi vos charitatem Dei non habere in vobis.

43 Ego veni nomine Patris mei, nec recipiunt me: si veneris alium nomine suo, illum recipiunt.

44 *Quomodo vos potestis credere, quum gloriam alii ab aliis capietis? At gloriam quæ à solo Deo proficiscitur, non queritis.*

45 *Ne putate me accusaturum vos apud Patrem: est qui accuset vos, Moses, in quo vos speratis.*

46 *Si enim crederetis Moysi, crederetis mihi: de me enim ille scripsit.*

47 *Quod si illius scriptis non creditis, quomodo verbum meum credetis?*

Sequitur secunda pars capituli, videlicet apologia Christi ad scribas & Phariseos, qua factum suum defendit, & illorum incredulitatem coarguit. *Questio principalis* istius concionis & apologiæ Christi est, An ipse violavit sabbatum sanando illum agrotum qui decubuerat triginta octo annos, jubendoque ut grabatum suum gestaret. Pharisei affirmant, Christus negat: suamque negationem probat argumento *à pari*, videlicet à paribus illius operis causis procreantibus: quod argumentum potest concludi syllogismo connexo ad hunc modum.

Si ego (inquit Christus) isto opere sanari à me agroti violavi sabbatum: consequens est ut & pater meus (nempe Deus) eodem illo opere sabbatum violaverit. Atqui certum est, Deum nunquam sabbatum violare. Ergo certum quoque est, me illo opere sabbatum non violasse. Propositionis loco affert Dominus illius probationem, inquit: *Pater meus usque adhuc operatur: etiam ego operor.* Quibus verbis præterquam quod affirmat, Deum proprium suum esse patrem, ac proinde se proprium & naturalem, nempe unigenitum Dei esse filium: duo significat quæ ad propositum probandum accommodat.

Unum est, quod opus istud sit opus divinum seu opus Dei, hoc est à Deo effectum: hoc docet ubi ait, *Pater meus* (nempe Deus) *operatur*. Simul etiam docet, ex quo operum divinorum genere sit hoc opus, nempe ex numero eorum quæ pertinent ad rerum creaturarum conservationem, hoc docet, ubi ait, *Usque adhuc operatur*, id est, operatur inde ab initio rerum creaturarum usque ad hoc temporis momentum operatione continenti seu actu continuo, conservando scilicet res à se creatas, & gubernando, & etiam nova individua creando.

Alterum est, quod non solus pater istud opus fecerit, sed etiam ipse una cum patre, tanquam unigenitus ac proprius ejus filius, illi *ἑκόντος*, id est coessentialis, ac proinde aequali, imò eadem potentia præditus. Hoc docet, ubi ait: *Etiam ego operor.* Conjunctionem enim *καί*, Syrus interpres recte vertit *ex*, id est, Etiam: quippe quia operationis societas sive communio, imò identitas (*ταυτότης*) notatur. Ex his duobus duo hæc colliguntur. Ex primo: si hoc opus à Deo profectum est, non igitur eo violatum est sabbatum: etenim operibus divinis sabbatum nequaquam violatur. Ex altero: si Christus & Deus pater simul hoc opus fecerunt: ergo si Christus illo opere sabbatum violavit, consequens est, ut & Deus pater sabbatum violaverit. Atque hæc de syllogismi propositione.

Jam ad assumptionem quod attinet, Deum nunquam violare, imò ne violare quidem posse sabbatum: illud quanquam per se facile intelligitur, tamen liquet ex eo, quod Deus legibus subiectus non est: quum ipse sit summus legislator: cujus voluntas, omnis recti regula est. Quod si legibus subiectus non est: ergo nec violare ullam legem potest: atque ita nec legem de sabbato. Atque hoc adeo verum est, ut ne homines quidem leges à Deo latas violare censendi sint, si quid illis contrarium iussu Dei tanquam legislatoris faciant, id quod ex duobus illis vulgo-notis exemplis planum est: uno, quod



quod Abraham jussu Dei motus, mactare volebat filium Isaacum : quod absque Dei jussu pugnasset cum præcepto, Ne occidas : altero, quod Israelitæ exituri ex Aegypto jussu Dei mutuati sunt ab Aegyptiis omnis generis pretiosa ornamenta animo retinendi : quod absque Dei jussu pugnasset cum præcepto, Ne fureris : Eadem ratione excusari potest ille sanatus, qui jussu Dei gessavit suum leculum in sabbato : quod absque Dei jussu pugnasset cum præcepto, Meminto ut diem sabbati sanctifices.

18 *Propterea* ] Narrat Evangelista, quid Christus illa sua apologia apud Scribas & Phariseos profecerit : nempe illos non solum non esse placatos, verum etiam rabiem eorum magis esse irritatam : quippe qui novæ & quidem gravioris offensionis materiam arripuerunt ex hac Christi de sua persona operibusque doctrina.

19 *Respondit ergo* ] Christus nihil moratus istorum offensionem, pergit in doctrina cæpta : & sententiam quæ eos offenderat, pluribus verbis repetit : affirmans, opera sua (nempe divina illa) sibi esse cum patre communia : ut innuat, se propter illa opera accusari non posse, quin eadem criminatione involvatur ipse Pater.

20 *Pater enim* ] Communicationem illam operum patris probat *à causa efficiente impulsiva*, videlicet amore Patris erga ipsum. Deinde eandem illustrat *à comparatione* : nam cum sanatione corporum comparat sanationem animorum, imò excitationem ex morte & vivificationem, *ψ. 21.* Quibus verbis docet, se unā cum Patre per Spiritum sanctum illuminare cæcos hominum (nempe electorum) mentes, ut gratiam Dei in filio præstitam intelligant & fide recipiant, atque ita fiducia filiali in paterni favore Dei acquiescant, Deumque filiali timore colere incipiant. Hac enim fiducia vivificatur cor hominis, quod aliās in æterna morte ex sensu iræ Dei contra peccata demersum est.

22 *Nec enim* ] Quod dixit de potestate vivificandi, probat *à toto*, videlicet potestate judicandi seu gubernandi Ecclesiam : quæ nimirum gubernatio quodve judicium duas continet partes, vivificationem credentium & condemnationem incredulorum. Hanc judicandi potestatem amplificat *à causa finali*, *ψ. 23.* quæ est, ut idem honor deferatur à nobis Filio, quem deferimus patri. unde deducit corollarium, quò incredulitatem Judæorum perstringit : quia scilicet ignominia afficiant Deum, quippe quum nolint honorare Filium Dei à Patre missum, credendo scilicet doctrinæ eius.

24 *Amen amen* ] Superiore versiculo perstrinxit incredulitatem suorum adversariorum cum ipsius & Dei Patris contemptu conjunctam : Nunc ad seipsum consolandum & ad scandalum ex animis electorum removendum, incredulitati suorum adversariorum opponit fidem electorum, & illius fidei fructum indicat, (ut hoc ipso electos ad credendum invitet) vitam scilicet æternam : simulque pœnam incredulitatis innuit, nimirum condemnationem seu mortem æternam, ut eosdem ab incredulitate deterreat. Fructum autem fidei amplificat collatione temporum : affirmans, fructum illum non solum sperari tanquam percipiendum post hanc vitam : sed etiam initia vitæ æternæ sentiri iam in hac vita : quatenus nimirum credentes certò sciunt, mortem nihil in ipsos juris habere, quum sint filii Dei in Christo : & quatenus afficiuntur gaudio ineffabili ex sensu paterni erga se favoris Dei, tanquam sibi per Christum reconciliati. Itaque credentes habent vitam æternam partim re, partim spe : seu (ut aliis verbis idem dicam) partim possessione, partim jure possidendi : possessione scilicet partis, jure possi-

## ANALYSIS CAP. V.

possidendi totum suo tempore. ut si quis vir locuples ex plurimis suis prædiis unum filio suo, ipse adhuc vivens, utendum fruendum dederit: is filius habet patrimonium suum partim re, partim spe: seu (quod idem est) partim possessione, partim iure possidendi suo tempore, videlicet post mortem patris. Et quidem ad illius felicitatem non solum unius prædii possessio, sed etiam totius patrimonii possidendi spes facit.

25 *Amen amen*] Quod de fidei fructu affirmavit, confirmat *testimonio experientie* tum præsentis tum futuræ: atque ita sententiam illam versiculi vigesimi primi de sua vivificatione repetit. Quam ipsam sententiam vers. 26. confirmat *a causa*, quia scilicet vitam habeat in se ipso non minùs quàm Pater. Simulque huius rei causam exponit, communicationem scilicet Patris, quæ in Filio vitam communicavit per æternam generationem. Itaque quum Filius vitam in se ipso æquè habeat ac Pater: consequens est ut ipse quoque vivificet quoscunque vult, per vocem Evangelii, qua fidem in electis creat.

27 *Et auctoritatem*] Transít ad aliud genus operum divinatorum, quod cum Patre commune habeat. nam hæcenus duo operum genera allegavit, primum quidem opera creationis & conservationis atque gubernationis totius mundi, *ψ. 17. 19. 20.* deinde opera gubernationis ecclesiæ, quæ gubernatio consistit in vivificandis electis & condemnandis reprobis, *ψ. 21. 22. 24. 25. 26.* Nunc addit opus iudicii ultimi, ubi Christus iudex mortuis excitatis, pios ad se assumet in calum ad vitam æternam perfectè fruendam: impios verò relegatos in gehennam condemnabit cruciatibus sempiternis. Confer *Matth. 25. ψ. 31. & deinceps.*

Hanc sententiam primum proponit amplificatam collatione minorum: comparat enim opus ultimi iudicii cum reliquis de quibus antea dixit, divinis operibus, tanquam majus & admirabilius: quæ comparatio notatur per particulam *et*, id est. Etiam, sicuti *ψ. 20.* opera secundi generis cum operibus primi generis comparavit. Deinde amplificat eandem sententiam expositione formæ seu modi quo iudicium illud exercebit: nempe non solum ut Deus, videlicet filius Dei, sed etiam ut filius hominis seu homo: quippe qui in nubibus carnem suam conspiciendam præbebit, & sanctissimo ore suo sententiam pronuntiabat, patefactis nimirum humanæ suæ menti à sua deitate omnium hominum operibus. Tum *ψ. 28.* sententiam propositam, per prolepsin asseverat & confirmat testimonio experientiæ.

Etenim incredulæ Judæorum admirationi atque irrisioni ita occurrit, ut ad ipsam experientiam certò eventuram provocet. Ubi etiam formam iudicii ultimi declarare incipit, commemorans resurrectionem mortuorum: quam ipsam *v. 29.* illustrat distributione ex eventis contrariis, vita scilicet: & morte: atque ita formam iudicii ampliùs declarat.

30 *Non possum*] Sequitur præcedentis disputationis epilogus, ubi Dominus paucis repetit præcipua capita eorum quæ dixit de suis operibus: nimirum sese omnia sua divina opera edere tanquam *cooperatore* Patris. Repetit autem primum opera primi generis, eorum scilicet quæ pertinent ad conservationem rerum creaturarum, ubi ait: *Non possum ego à me ipso facere quicquam.* Deinde repetit opera secundi & tertii generis, nimirum opera iudicii præsentis seu gubernationis Ecclesiæ & opera iudicii futuri in die ultimo: ubi ait, *Prout audivo, iudico.* Et hanc alteram de iudicio suo sententiam amplificat corollario, quo affirmat, iudicium suum esse iustum: quia nimirum iudicet ex voluntate patris: quibus verbis innuit, iustum quoque illud suum quo iussit sanatum tollere grabatum

## EUANG. JOHANNIS.

81

grabatum in sabbato, justum esse, ac proinde gestatione illa grabari sabbatum nequaquam esse violatum.

31 *Si ego testor* ] Deinceps occurrit objectioni. Quum enim tam magnifice de suis operibus asseverasset: poterant Judæi asseverationem illam rejicere, tanquam testimonium quod sibi ipse daret in propria causa. Istam objectionem commemorat *ψ. 31.* per concessionem: deinde *vers. 32.* suam doctrinam confirmat testimonio patris, nempe illustri illo testimonio, quod ei pater dedit quum à Johanne baptizaretur, *Matth. 3. vers. 17.* Hoc enim testimonium simpliciter notari puto. Alii verò malunt intelligere testimonia consignata in scripturis prophetis. Sed de illis dicet separatim *infra vers. 39.*

33 *Vos misistis* ] Interferit testimonium Johannis Baptiste: cujus auctoritatem confirmat ex ipsorum facto: qui ad illum miserant legatos, per quos de ipsius officio cognoscerent. quo certè facto testatum fecerunt, se Johannem Baptistam tantum facere, ut ejus testimonio fidem habere vellent. Deinde *ψ. 34.* amplificat hoc testimonium prolepsi, qua negat se ideo testimonium Johannis allegare, quasi non haberet testimonium majus, nempe Patris: sed in eo allegando sese spectare ipsorum salutem. quippe quasi testimonio Johannis crederent, ut sese facturos simulaverant, salutem sequerentur per Christum: quem nimirum crederent esse agnum illum DEI qui tollit peccatum mundi, sicut Johannes fuerat testatus. Tum *v. 35.* commendat Johannem ab eximia sanctitate qua fuerat ornatus: simulque obijurat adversarios propter illius abusum: quippe qua abusi sint ad opprimendum Christum, deferentes nimirum honorem Christi Johanni: quum tamen Johannes sanctitate illa à Deo fuerit ornatus propter Christum Judæis commendandum. Alii lucernæ metaphoram ad doctrinam Johannis Baptiste referunt, quæ is populo veluti præluxit seu faciem prætulit ad Deum cognoscendum. Sed huic expositioni videntur obstare hæc verba, *Vos voluistis ad tempus exulare in ejus luce.* Certum est enim, Phariseos illos qui manserunt hostes Christi, doctrinam Johannis baptiste nunquam approbasse. Quod testatur ipse Christus quum ex eis quæsit, an baptisma Johannis fuerit è cælo, an ex hominibus, *Matth. 21. 25.*

36 *At ego* ] Redit ad testimonium Patris: sed prius repetit sua opera divina, nempe miracula, tanquam testimonium experientie, *ψ. 36.* Testimonium autem Patris repetit *vers. 37.* Et illud amplificat antithesi incredulitatis Judæorum: quam obiurat: simulque istius incredulitatis effectum indicat, videlicet ignorantiam Dei. Hanc autem objurgationem qua de istis affirmat incredulitatem, quòd scilicet non credant testimonio Dei in baptismo Christi cælitus audito, confirmat *v. 38.* à pari: quia scilicet non credant ipsi, quem tamen Pater misit. Par enim fides debetur atque etiam haberi solet legato, quæ habetur ipsi domino qui misit eum.

39 *Scrutamini* ] Pergit confirmare doctrinam suam, & allegat testimonium scripturarum: simulque exaggerat incredulitatem suorum adversariorum: quippe qui quantumvis scripturas scrutentur, idque eo consilio ut vite æternæ rationem ex illis discant, tamen nolint credere in ipsum, in quo tamen solo vitam æternam positam esse scripturæ testantur. Hic videtur esse genuinus hujus loci sensus: quem si sequamur, verbum *ipsum* accipiendum erit tanquam positum in modo indicativo. Quanquam faciendum est, prima fronte positum videri in modo imperativo: quum non præcedat pronomen *vos*: quod quidem non solum ex consuetudine Græcorum

## SCHOLIA IN CAP. V.

Græcorum, verum etiam Hebræorum (quorum loquendi ratio Johanni, ut & reliquis Apostolis, usitata est) præcedere deberet. unde Syrus per imperativum loquendi modum reddidit. Sed tamen coherentia sententiarum ostendit, pronomini illius ellipsin hic intelligendam. Si quis verò imperativo modo accipere malit: cohortatio erit ad scripturam: quæ per se nihil absurdum continet. Talis exhortatio extat infra 7. 52.

41 *Gloriam*] Per prolepsin occurrit sinistra suspitioni ambitionis: quasi scilicet suadendo ut in se credant & vitam in ipso quærant, ambitio se agat & gloriam apud homines quærat. Hoc igitur negat: & simul annectit alteram prolepsin, qua eis admittit ipsorum prætextum, quasi nimirum moti d'lectione Dei, Christo sese opponerent. Negat igitur in eis esse dilectionem DEI: idque mox V. 43. probat ex effectis seu factis eorum: quippe qui legatum Dei, nempe ipsum, nolint recipere. Quam quidem illorum malitiam amplificat à contrario, quod scilicet recepturi sint impostores, qui absque Dei vocatione sese pro Christo sint venditaturi, quod ipsum jam antè evenerat in Theuda & Juda Galileo. de quibus Actor. 5. V. 36. & 37.

44 *Quomodo*] Hic vehementissimè eis incredulitatem obiicit, ejusque causam procreantem aperit, nimirum ambitionem: quæ eadem est causa corrumpens fidei, nempe causa impediens. Porro ambitionem amplificat antithesi pietatis qua currentur vera gloria, quæ proficiscitur à solo Deo, quum ambitio quærat gloriam ab hominibus. Confer infra 12. vers. 42. & 43.

45 *Nec putate*] Objurgationem præcedentem amplificat prolepsin qua eis admittit patrociniū Mosis quo confidebant: & contra minatur illius accusationem: quippe cui non credant. Hanc sententiam amplificat antithesi diversorum: quod scilicet non ipse, sed Moses eos accusaturus sit, quibus verbis significat, non esse opus ut ipse eos accuset: quia satis sit ipsos accusari à Mose. Deinde V. 46. probat, eos Mose non credere, hoc probat à pari: quia par fides haberi solet testi & ei quem testis commendat. Quum igitur non credant Christo, quem Moses suo testimonio commendavit: sequitur eos nec Mose credere. Ad extremum Vult. annectit corollarium per ratiocinationem à majori, quo sese contra adversariorum suorum incredulitatem consolatur: ut qui ne Mose quidem credant, quem scilicet tanquam suum doctorem & legislatorem in summo pretio habeant.

## SCHOLIA IN CAP. V.

2 *Ad portam pecuariam.* ὅτι τῇ πρὸς βοῦν. Subaudi πύλην. sicut expressè in versione Græca appellatur Nehem. 3. V. 1. in Hebræo פֶּתַח צֶמֶח, id est, porta gregis, quæ porta (ut ibidem Tremellius & Junius annotant) ad meridiem urbis erat: & frontem civitatis Davidis ac templi spectabat. Ita autem (ut iidem aiunt) vocata fuisse videtur, quia in ea parte erat forum pecuarium ad commoditatem sacrificantium.

2 *Beth-esda.* בֵּית עֶסְדָּא. Syrus interpres nominat בֵּית חֶסֶד, beth chesdā, id est, domum beneficentiae seu benignitatis, eo quod in eo loco Deus (ut doctissimus Tremellius annotat) benignè potentiam suam exerceret in curandis

randis quibuscumque morbis populi sui. Est autem conjectura valde probabilis, illam hujus nominis scripturam quam Syrus habet, veram esse: tum propter jam expositam nominis rationem, quæ ex præsentē historia confirmatur: tum verò etiam quòd littera Hebræorum Cheth in propriis nominibus referendis apud Novi Testamenti scriptores omitti solet: ut Matt. 1.  $\Psi$ . 3.  $\text{ἰσθῶν}$  pro  $\text{ἡσθῶν}$ . &  $\Psi$ . 4.  $\text{Νααὼν}$  pro  $\text{Ναχῶν}$ . Luc. 3.  $\Psi$ . 25.  $\text{Ναῦμ}$  pro  $\text{Ναχῶμ}$ : item  $\text{ἰσλὶ}$  pro  $\text{ἡσλὶ}$ : &  $\Psi$ . 27.  $\text{ἰωανᾶ}$  pro  $\text{ἰωχανᾶ}$ : &  $\Psi$ . 36.  $\text{Νᾶς}$  pro  $\text{Νααχ}$ : &  $\Psi$ . 37.  $\text{Μαθθαῖα}$  pro  $\text{Μαθθαῖαχ}$ : item  $\text{ἐνώχ}$  pro  $\text{χενώχ}$ .

4 In piscinam.  $\epsilonἰ τῇ κολυμβήτρᾳ$ . Pro eis  $\tauῶν κολυμβήτρων$ . Enallage Hebræa.  $\text{Sani}$  siebat.  $\text{ὕδατος ἕλκετι}$ . Isto miraculo verisimile est piscinam hanc ornata fuisse inde ab illo tempore, quum sacerdotes à Babylone reduces locum illum ad usum templi consecrarunt: idque in signum approbationis illius institutionis: sicut annotant Tremellius & Junius ad Nehem. 3. vers. 1.

6 Cupis.  $\text{Θέλω}$ . Pro,  $\text{ἐπιθυμῶ}$ , ut sæpe, non solum apud sacros scriptores, verum etiam profanos: ut apud Anacreontem,  $\text{Θέλω λίξεν Ἀφρείδας}$ .

7 Immittat.  $\text{βάλλει}$ , vel demittat.

10 Qui curatus fuerat.  $\text{τῷ περὶ ἑξαπυμῆος}$ . Pro,  $\text{τῷ ἰαμένῳ}$  vel  $\text{τῷ ἰαθέντι}$ : quo verbo utetur versu 13. Est catachresis: quia proprie loquendo curantur quibus adhibetur medicina, at hæc sanatio, miraculosa fuit. Sic Matth. 4. v. 23. item ca. 8.  $\Psi$ . 7. *Sabbatum est: non licet, &c. σάββατόν ἐστιν ἐκ ἑξῆς* &c. Pro, *Sabbatum est: non igitur licet*. Ellipsis coniunctionis syllogisticæ. *Attollere. ἀραι*. Pro, *βαρύνειν*, portare, quia iam sustulerat grabatum, & jam portabat: ut liquet ex  $\Psi$ . 9. Porro vox  $\text{κράβητες}$  corrupta est ex Latina *grabatus*, triplici mutatione: videlicet literæ G in literam K, production primæ syllabæ per epenthesein literæ B, & correptione penultimæ. Apud latinos enim dicitur *Grabatus*, ut apud Martial. *Sed si nec focus est, nudi nec sponda grabati*.

13 *Evaserat*  $\text{ἐξήνυσεν}$ , vel (ut vetus interpres) Declinaverat. Nam  $\text{νύειν}$  proprie nuere est: unde  $\text{ἐκνύειν}$ , quasi  $\text{ἐξω νύειν}$ , foras nutare: ut ex antecedente intelligatur consequens.  $\text{νύειν}$  verò pro natate, itemque  $\text{ἐκνύειν}$  pro enate, rarius occurrunt. *E turba que erat*,  $\text{ὄχλος ὄντος}$  vel potius: Eò quòd turba esset, nam prior expositio postulat articulum  $\text{αὐτῇ}$  ante participium  $\text{ὄντος}$ .

17 *Usque adhuc*,  $\text{ἕως ἄρτι}$ . Nempe inde ab initio rerum à nobis creatarum. *Operatur*,  $\text{ἐργάζεται}$ . Nempe res creatas conservando & gubernando, idque continenter. Continuus, n. hic actus notatur verbo temporis præsentis. *Etiā ego*,  $\text{καὶ ἐγώ}$ . Sic Syrus,  $\text{καὶ ἐγώ}$ . Etiā ego, rectè expressa conjunctione  $\text{καὶ}$ : nam significat hoc loco æqualitatem, ut liquet ex versu sequente.

18 *Deum dixisset patrem suum*,  $\text{πατέρα ἰδίον ἑλεγε τὸν θεόν}$ . In Græco verba sunt tractata: sed partem sententiæ antecedentem offendit articulus. Sic suprā cap. 1.  $\Psi$ . 1. & cap. 4.  $\Psi$ . 24. *Paremi*  $\text{ἴσον}$ , vel, æqualem. *Se faciens*,  $\text{ἑαυτὸν ποιεῖν}$ . Pro, falsò affirmans; atque ita Deum blasphemans.

19 *A seipso*,  $\text{ἀπὸ ἑαυτοῦ}$ . Id est, Per seipsum seu solus, videlicet absque communione Patris. Sic enim ipse Christus declarat verbis sequentibus. Et in hanc sententiam vertit Syrus:  $\text{ἡ θέλησις τοῦ πατρὸς, ἡ ἐκ τῆς ἐκείνου θέλησεως}$ , ex voluntate animæ suæ, hoc est, pro suo solius placito seu arbitrio. quasi dicat: Nihil agit nisi ex voluntate & sapientia Patris, & quasi communicato cum Patre consilio.

consilio. Quod ipsum significatur verbo *videndi* in epxegeſi. *Id eſt niſi. i. i. μὴ*. Reſidē in verſione ſuppletæ ſunt particulæ exegeticæ. Etenim ſequentibus verbis interpretatur Dominus id quod modò dixerat, *ἀπ' ἑαυτοῦ*. Eſt autem hoc genus appoſitionis *ἐκκειμένης*, ſacris ſcriptoribus uſitatum, ubi aliqua pars ſententiæ præcedentis per appoſitionem ſequentiũ verborum ita exponitur, ut reliqua illius ſententiæ pars *ἀπὸ κοινοῦ* repetenda ſit, adhibitis exegeticis particulis, ut hoc loco: Non poteſt Filius operari à ſemetipſo, *id eſt, non poteſt operari* niſi viderit Patrem operantem. Ad eundem modum exponenda ſunt hæc loca: Gal. 2. *ψ. 16*. Matth. 12. *ψ. 4*. Apoc. 9. *ψ. 4*. & cap. 21. *ψ. 27*. *Νῖſι videris, &c. i. i. μὴ βλάπῃ*. hoc eſt, Niſi intellexerit Patri placere ut operetur. ut ſit ſimilitudo ſumta à filio regis, cui pater comiſiſt totam regni gubernationem: ſed ita ut filius nihil agat niſi communicato cum patre conſilio. Vel ſic: Niſi ea ſapientia ac potentia quam à Patre accepit & quaſi didicit, ut ſit ſimilitudo ſumta à filio artificis, verbi gratia aurifabri: qui totam ſuam artem à patre didicit, nec quicquam aliter facit quàm à patre edoctrus eſt. Porro verbo *videndi* è regione ut relatum reſpondet verbum *Oſtendendi, δείκνυσθαι*, v. ſequentē. *Πατερ, ὁμοίως*, id eſt, æquè ſeu non minus, vel, *Similiter*, id eſt eodem modo: nempe virtute ſibi inſita ſeu nativa, non autem aliena & extrinſeca: ſicut ſcilicet Apoſtoli & Prophetæ miracula fecerunt virtute Dei, quem idcirco invocarunt.

20 *Ὡς vos miremini. ἵνα ὑμεῖς θαυμάζητε*. Conjunctio *ἵνα* videtur hic poſita pro *ὥς*: videtur enim non tam finis notari quàm eventus, quippe adjecta videntur hæc verba ad magnitudinem operum Chriſti amplificandam ab effectu, quaſi dicat, Et talia quidem ac tanta poſthac editurus eſt opera, ut vos merito ſitis admiraturi.

21 *Sicut enim. ὡς οὖν γὰρ*. Jam declarat quanam ſint illa majora quæ commemoravit, opera.

22 *Nec enim Pater judicat, &c.* id eſt, Pater non judicat ſolus, ut vos putatis: ſed omnia judicat per Filium, ut rectè exponit D. Beza: quæ expoſitio confirmatur ex verſu ſequentē. Nam ſi uterque honorandus eſt, & Pater inquam, & Filius: ſequitur, utrumque judicare, ſeu judicium penes utrumque eſſe.

23 *Ut qui miſerit. τὸν πρέσβευτα*. Adjectum *εἰς πόλιν*, nam legato debetur idem honos qui mittenti.

24 *Et nunc. νῦν*, id eſt, nunc: *μᾶλλον δὲ νῦν*. Dictum per correctionem rhetoricam. *Mortui. οἱ νεκροί*. Nempe ſpiritualiter-mortui, nam de corporaliter-mortuis poſtea ſeorſim loquitur verſ. 28. *Audient vocem filii Dei*. Nempe alloquentis eos per Euangelium. Audient autem non ſolùm corporis, ſed & cordis auribus, hoc eſt, teſtimonio Chriſti credent. *Et qui exultabunt*. Nempe eo quem diximus modo. *Ὡς, ἔσονται*. Id eſt, exhilarabuntur, latabuntur, gaudebunt in Deo, guſtantes nimirum favorem illius paternum propter Chriſtum, de quo Euangelium teſtatur.

26 *Dedit, ἰδὼνα*. Nempe per æternam illam generationem.

27 *Autoritatem. ἐξουσίαν*, vel, poteſtatem. Hæc ſententia proxime præcedenti videtur annecti per collationem majoris, id eſt rei magis miræ, quaſi dicat: Imò non ſolùm dedit Pater Filio, ut haberet vitam in ſeipſo quatenus Deus eſt: ſed etiam (quod magis mirum eſt) dedit ei poteſtatem judicium exercendi non ſolùm quatenus Deus, ſed etiam quatenus homo eſt.



est. Etenim Christus ut homo veniet ad iudicium universale: & patefaciis suæ menti humanæ à sua deitate omnium hominum operibus, iudicis sententiam de singulis pronuntiabit: pios quidem invitando in regnum cœlorum, impios verò repellendo in gehennam seu ignem illum æternum. Matt. 25. v. 31. & deinceps.

28 *Ne hoc miramini, nam venies, &c.* Id est, Ne miramini tanquam incredibile id quod modò dixi de potestate iudicii exercendi data filio hominis: nam certo futurum est iudicium universale per filium hominis.

31 *Si ego testor de meipso.* Scilicet ut vos mihi possitis obijcere. *Testimonium meum non est idoneum.* Hoc dicit per concessionem rhetoricam, quare non repugnat quòd contrarium asseverat infra cap. 8. v. 14.

32 *Alii autem dicunt.* Nempe pater.

34 *Ut vos servemini.* Scilicet, credentes testimonio Johannis.

39 *Scrutimini, ipse vultis.* accipiendum non imperativo, sed indicativo modo: quasi dicat, Quum vos scrutemini scripturas, idque eò faciatis, quia videmini vobis vitam æternam in ipsis habere: illæ autem testentur de me, per me scilicet solum vitam æternam contingere credentibus: mirum certe est, & valde perversè agitis, quòd non vultis venire ad me, id est in me credere, ut vitam quam in scripturis queritis, consequamini. Sic igitur amplificat incredulitatem eorum, de qua in fine versiculi præcedentis questus fuerat.

43 *Nomine patris mei.* *ὦν ὁ πατὴρ τοῦ πατρὸς υἱός.* Id est, missus à patre meo. *Nomine suo.* *ὦν ὁ πατὴρ τοῦ ἰδίου.* Id est, per se & propria auctoritate.

45 *Ne putate me accusaturum &c.* Non simpliciter negat se accusaturum illos: sed tantum significat, non esse opus ut ipse eos accuset, quum satis sit eos accusari à Mose. Similis loquendi ratio extat infra cap. 16. v. 26. ubi ait, Non dico vobis, me rogaturum patrem pro vobis, &c. *In quo vos speratis.* *εἰς ὃν ὑμεῖς ἀπὸ τῆς διδασκαλίας.* Id est, in cuius doctrina vitam æternam queritis. Quod quanquam facitis, tamen illi non creditis. hanc posteriorem sententiam hoc loco subaudiendam, percipitur ex verbis sequentibus.

46 *Si enim crederetur Mose.* *εἰ δὲ ὁ Μωϋσῆς ἠκούσθη.* Ratio exponitur non ejus quòd proximè dictum est: sed ejus quòd ad proximè dictum subaudiendum est, nempe Judæos etsi gloriantur de doctrinà Mosis, tamen illi non credere: & propterea scilicet ab eo accusatum iri. Quòd autem non credant Mose, jam probat.

47 *Quod si illi &c.* *εἰ δὲ τοῖς ἐκείνους &c.* Ex conclusione facta, nempe eos non credere Mose, deducit corollarium per rationationem à majori, *ὅτι τὸ μαρτυρεῖται.* nam magis probabile erat, eos credituros Mose, quem magnificabant: quàm Christo, quem contemnebant. *Quomodo. πῶς.* Quasi dicat, Multò minùs.

## OBSERVATIONES LOCORVM

### DOCTRINÆ EX CAP. 5.

#### EX PRIMA PARTE.

1. Ex v. 1. Quòd Christus Hierosolymam ascendit ad festum, eo admodum, ipsum Legi se subjecisse, ut nos qui sub lege eramus, redimeret, ut adoptionem

adoptionem acciperemus. Gal. 4. v. 4. & 5. Nisi enim sanctè secundum Legem vixisset, redimere nos sua morte non potuisset. neque enim placuisset Deo victima quam pro nobis obtulit, nisi fuisset sancta.

II. Ex v. 4. Deum nunquam destituere Ecclesiam presentie suae signis: quippe qui quum prophetas ad suum populum mittere destitisset, insolito & miraculoso beneficio sanationis praestitit suam testamentam fecit.

III. Ex eod. v. Illa aqua turbatio clarum docementum fuit, Deum pro suo arbitrio liberè elementis uti, & operis effectum sibi vindicare. Quam enim vim habuerit aqua turbida ad morbum quemvis sanandum? Non igitur creaturis adscribendum est, quod unius Dei est. Quod quum non sit faciendum in sanatione corporis: multò minùs faciendum est in sanatione animorum, cujus sanationis actiones illae sacrae, quae sacramenta nominantur, symbola ac testimonia sunt.

IIII. Ex v. 5. Exemplo istius aegroti à Christo sanati, ad tolerantiam nos erudiri decet. Longum enim fuit triginta & octo annorum tempus, quo Deus beneficium suum in misero hoc homine iuvando distulit, quod tamen illi ab initio praestare statuerat. Quantumvis ergo diu nos suspensos teneat, sic anxie gemamus sub nostris ærumnis, ut tamen longi temporis tedium nunquam nos exanimet. Etsi enim nullus exitus appareat, quum mala nostra longius protrahuntur: statuendum tamen semper est, Deum misericum esse liberatorem, qui virtute sua omnia obstacula faciliè perumpit.

v. Ex v. 9. Exemplo Christi docemur, etiamsi totus mundus in iram efferveat, publicandam nobis esse Dei gloriam, praedicandaque ejus opera, quatenus gloriae ejus interest, nota esse. Nec verò fatigari nos vel frangi oportet, etiamsi infelicitè nobis cedat nostrum hoc studium: modò gloriam Dei propositam habeamus, nec transiliamus officii nostri metas. Porro scandalum ejusmodi vocant acceptum & Pharisaicum: quia Pharisei ex factis Christi quantumvis rectis arripiebant calumniandi occasionem. Contrà datum scandalum appellant, quum quis ea agit quibus simplices ac pii animi merito offenduntur, ut quae pietati repugnent.

vi. Ex v. 10. & 16. Exemplo Judaeorum docemur, à præcipiti iudicio cavendum esse: nec factum cuiusquam condemnandum, donec ejus ratio penitus nobis comperta sit. Etsi enim quicquid pugnat cum Dei verbo, sine controversia damnari meretur: tamen cuius hic saepe hallucinari contingit, ut scilicet existimemus cum verbo Dei pugnare quod tamen non pugnat: praecedere debet modesta & placida inquisitio, ut iudicium sanum ac sobrium sit.

vii. Ex v. 14. Quicquid patimur mali, peccatis nostris imputandum est. neque enim fortuita sunt nostrae calamitates, sed totidem sunt castigatiois sculæ. Primum itaque manum Dei quae nos percutit, agnoscere oportet, non cæcum fortunæ impetum imaginari in malis nostris: deinde hunc Deo honorem tribuere, quod quum optimus sit pater, ex nostris miseriis voluptatem non capiat: ideoque nunquam durius nos tractet, nisi peccatis nostris offensus.

viii. Ex eod. v. Beneficiis Dei ad gratitudinem excitari debemus, cavenda scilicet ejus offensione, & contrà operam dando ut illi placeamus. Hoc autem fieri nequit, nisi poenae jam sublatae recordatio animis nostris perpetuò insideat, ut in meditatione beneficii accepti tota vita nos exerceamus.

ix. Ex eod. v. Castigationum Dei hic usus apud nos esse debet, ut cauti-  
tiores

tiores in posterum reddamur. Alioquin enim si Deus ferulis suis nihil apud nos proficiat, quibus leniter nos tanquam teneros filios humanissimus pater castigat: novam personam & quasi alienam inducere cogitur. Itaque flagella ad domandam nostram ferociam tunc arripit, quemadmodum in lege pronunciat, Levit. 26. & Deuter. 28. Quapropter si novis subinde malis affluere premimur, id nostrae contumaciae acceptum ferre debemus. Nec mirum est si atrocioribus poenis quasi malleis conterat Deus, quibus mediocrius poena nihil prodest: Frangi enim æquum est qui corrigi non sistent. Semper tamen etiam in gravissimis poenis tenendum est illud Psalmi 89. v. 34. Deum suam benignitatem nunquam a nobis ablaturum.

DOCTRINAE EX SECUNDA

parte.

I Ex v. 17. Etsi Deus sex dierum spatio mundi creationem absolvit: tamen non desinit mundum a se conditum sua vi tunc sustinere; regere suo consilio, bonitate fovere, & cuncta suo arbitrio in celo & in terra statuere. Hinc Paulus ait Acton. 17. vers. 28. In ipso, seu per ipsum, id est, per ipsum virtute vivimus & movemur & sumus. Vide Psalm. 104. vers. 27. 28. 29. 30. Nec generali tantum providentia creaturam a se naturam tnetur Deus, sed singulas ejus partes ordinat ac temperat: ut vel hoc exemplum sanati agroti evincit. Vide Matth. 10. vers. 29. & 30. Praesertim verò suo presidio regit ac servat fideles, quos in fidem tutelamque suam recipit ac servat. Matth. 10. versu 31.

II Notentur aliquot argumenta pro deitate Christi contra Arianos. Primum argumentum: Christus Deum vocat patrem suum, vers. 17. nempe idcirco, proprium seu naturalem, vers. 18. Ego ipse est naturalis ac proprius Dei filius, Patri *ἐκ τοῦ ὄντος*. Sic Rom. 8 v. 32. Apostolus Christum nominat proprium filium Dei. Sic Johannes sup. cap. 1. eum vocat filium Dei unigenitum, v. 14 & 18. Secundum argumentum: Christus eadem opera facit, idque eodem modo, quae opera & quo modo facit Deus pater, vers. 17. 19. 20. 22. Ergo est æqualis Patri & *ἐκ τοῦ ὄντος*. Tertium argumentum: Christus vitam habet in seipso aequè ac pater, v. 26. Ergo est Patri æqualis & *ἐκ τοῦ ὄντος*. Quartum argumentum: Christus sua potentia excitabit mortuos, vers. 28. & 29. Ergo est verus Deus.

III Turcae & Judaei falso gloriantur de cultu veri Dei: quia non honorant Filium Dei: ex v. 23. Idem sentiendum de Papistis: quia illi quamvis Filium Dei honorant verbo, tamen re ipsa ignominia afficiunt: quatenus negant nos illius solius merito servari: contententes, nos nostris quoque operibus vitam aeternam ex parte mereri.

IV. Finis testimoniorum divinatorum de Christo est, ut nos illis fidem habendo serveur, ex v. 34.

V. Miraculorum Christi finis est, ut credamus eius doctrinæ: ex ver. 36. Huic fini adjungendus est finis superior: nimirum ut credentes vitam habeamus per nomen eius, ioh. 20. v. ult.

VI. Scripturarum prophetiarum scopus est, testificari de Christo, nimirum illum solam esse vitae aeternae auctorem. Ex v. 39. Quare in scripturis prophetis Christus precipuè querendus est. Confer dictum Christi Luc. ult. v. 44.

VII. Ambitione impediuntur homines, ne possint in Christum credere, quippe homines ambiciosi summam felicitatis in gloria terrena seu mun-

## ANALYSIS CAP. VI.

dana collocant, arque ita de vera illa gloria cœlesti solliciti non sunt: ex *ψ*. 44. Similis ratio est avaritiæ & curarum hujus seculi: *Matt.* 13. 22.

VIII. Qui jactant scripturas, & tamen Christum repudiant: non solum de patrocínio scripturarum frustra gloriantur, sed etiam autoritate illarum condemnantur. hoc omnibus hæreticis accidit, ex *ψ*. 45. & 46.

## ANALYSIS CAP. VI.

## ARGUMENTUM.

Tres sunt principales hujus capitis partes. Prima pars continet miraculi cibatorum à Christo quinque quinquies mille virorum, usque ad *ψ*. 16. Secunda pars continet miraculum ambulationis Christi super mare: à *ψ*. 16. usque ad 22. Tertia pars continet concionem Christi ad Capemaitas de cibo cœlesti seu pane vivifico, à *ψ*. 22. usque ad finem capitis.

## DE PRIMA PARTE.

**P**ost hæc abiit Jesus trans mare Galilee, quod est Tiberiadis.  
2. Et sequebatur eum turba multa, quia videbant ejus signa quæ edebat in agro.

3. Subiit verò in montem Jesus, & ibi confedit cum discipulis suis.

4. Prope autem erat pascha, festum Judæorum.

5. Quum ergo sustulisset oculos Jesus, & conspexisset multam turbam ad se venire, dicit Philippo, Unde ememus panes, ut isti vescantur?

6. (Hoc autem dicebas, sensans eum: ipse enim sciebas quid esse facturum)

7. Respondit ei Philippus, Ducentorum denariorum panes non suffecerint ei, ut singuli eorum paululum quiddam accipiant.

8. Dicit ei unus ex discipulis ejus, nempe Andreas frater Simonis Petri,

9. Est hic puerulus quidam qui habet quinque paves hordeaceos, & duos pisciculos: sed hæc quid sunt inter tam multos?

10. Dixit autem Jesus, Facite ut isti discumbant. Erat autem gramen multum in eo loco: Discubuerunt ergo viri illi numero quasi quinquies mille.

11. Accepit autem panes illos Jesus, & actus gratias distribuit discipulis, discipuli verò discumbentibus: similiter etiam ex pisciculis illis quantum volebant.

12. Ut autem expleti sunt, dixit Jesus discipulis suis, Cogite quæ superfuerunt fragmenta, ne quid pereat.

13. Coegerunt ergo, & impleverunt duodecim cophinos fragmentis ex quinque illis panibus hordeaceis, quæ superfuerant eis qui comederant.

14. Illi ergo quum vidissent signum quod Jesus ediderat, dicebant. Hic est verè Propheeta ille qui venturus erat in mundum.

15. Jesus ergo quum cognovisset venturos & ipsum abrepturos ut facerent se regem, secessit rursus in montem solus ipse.

In miraculo cibationis describendo primum indicatur ejus occasio ex circumstantia loci, vers. 1. & 3. & personarum, vers. 2. & 5. & temporis *ψ*. 4. Deinde commemoratur preparatio ad miraculum, nempe consultatio cum discipulis de cibanda turba, *ψ*. 5. 6. 7. 8. 9. & 10. Tum exponitur ipsa miraculi forma, versu 11. Postremò narrantur ea quæ miraculum proximè consecuta

consecuta sunt & ex eo evenerunt : nempe primùm collectio fragmentorum, *ψ. 12. & 13.* deinde agnitio personæ Christi, & studium creandi eum regem : *ψ. 14. & 15.*

DE SECUNDA PARTE.

- 16 *Ut autem sermō dici factum est, descenderunt discipuli ejus ad mare.*  
 17 *Et ingressi navigium, ibant trans mare versus Capernaum, jam autem tenebra erant, nec venerat ad eos Jesus.*  
 18 *Et mare, vento magno flante, insurgebat.*  
 19 *Profecti verò quasi stadia viginti quinque aut triginta, conspiciunt Jesum ambulantem super mare, & appropinquantem navi, & timuerunt.*  
 20 *Ille verò dixit eis, Ego sum, ne timere.*  
 21 *Cupidè ergo receperunt eum in navigium : & statim navigium perol-  
 nis ad regionem in quam ibant.*

Ambulationem Christi super mare descripturus Evangelista, primò exponit ejus occasionem, videlicet navigationem discipulorum, *ψ. 16. & 17.* & tempestatem in mari coortam, *ψ. 18.* Secundò indicat subjectum locum, videlicet circiter triginta stadia à Bethsaïda, *ψ. 19. h. e.* non procul à Capernaum : ut colligitur ex collatione versiculi 17. & 21. Tertiò indicat quoddam adjunctum, videlicet conspectum discipulorum, qui conspexerunt eum ambulantem super mare, eod. *ψ. 19.* Quartò exponit quandam ambulationis formam, videl. quòd appropinquaret navi, eod. v. Quintò commemorat effectum, videlicet timorem discipulorum, *ψ. eod.* cujus timoris causa propinqua fuit, quòd putarunt se videre spectrum, ut testantur cæteri Evangelistæ, *Matt. 14. 26. Marc. 6. ψ. 49.* Sextò exponit quæ proximè consecuta sunt atque evenerunt, videlicet quomodo Christus eos sit consolatus, vers. 20. & quomodo eum agnitum in navim receperint, & mox ad ripam pervenerint, vers. 21.

DE TERTIA PARTE, ET PRIMA ejus particula.

22 *Postero die turba quæ subsisterat cū mare, quum vidisset illic non fuisse aliud navigiolum nisi unum illud in quod ingressi fuerant discipuli ejus, & Jesum non introisse cum discipulis suis in illud navigiolum, sed solos ejus discipulos abiisse.*

23 *(Alia verò navigiola Tiberiade venerunt prope locum ubi comederant panem, posteaquam gratias egisset Dominus :)*

24 *Quum igitur inquam vidisset turba Jesum illic non esse, neque discipulos ejus, ingressi sunt & ipsi in navigia, & venerunt Capernaum, querentes Jesum.*

25 *Et eo invento trans mare, dixerunt ei, Rabbi, quando huc pervenisti ?*

Evangelista descripturus concionem Christi, habitam Capernaumi ad Galilæos de pane caelesti seu cibo vivifico : primùm omnium exponit illius concionis occasionem, videlicet studium Galilæorum in Christo sectando, vers. 22. 23. 24. Deinde concionem ipsam commemorat, non quidem perpetua oratione contextam, sed variis auditorum interpellationibus interruptam, à vers. 26. usque ad vers. 59. Postremò exponit ea quæ concionem illam proximè consecuta sunt & ex ea evenerunt, à *ψ. 59.* usque ad finem cap.

Porro in occasione concionis describenda primum commemorat, quando & ubi post miraculosam illam sui cibationem turba Christum quaesierit, nempe; ostidie, ad ripam lacus ubi ante appulerat navigiolum quo discipuli jam discesserant, *ψ. 22.* Deinde narrat qua opportunitate usi sint, ut venirent Capernaum & illic Christum quaerent, videlicet opportunitate navigiorum quæ venerant Tiberiade, *ψ. 23. & 24.* Tertio commemorat, quibus verbis Christum inventum salutarint, *ψ. 25.*

De secunda particula tertiæ partis.

26 Respondit eis Jesus, & dixit, Amen amen dico vobis, queritū me, non quia vidistis signa, sed quia comedistis ex panibus illis, & saturati estis.

27 Operemini non cibo qui perit, sed cibo illi qui permanet in vitam æternam, quem Filius hominis dabit vobis: hunc enim Pater obsequiavit, id est, Deus.

28 Dixerunt ergo ad eum, Quid faciemus ut operemur opera Dei?

29 Respondit Jesus & dixit eis, Hoc illud est opus Dei, ut credatis in eum quem misit ille.

30 Dixerunt ergo ei, Quod ergo tu signum edu, ut videamus & credamus tibi? quid operari?

31 Patres nostri comederunt illud manna in deserto: sicut scriptum est, Panem caelestem dedit eis ut vescerentur.

32 Dixit ergo eis Jesus, Amen amen dico vobis, non Moses dedit vobis panem illum caelestem: sed Pater meus dedit vobis panem illum caelestem verum.

33 Panis enim ille Dei, u est qui de celo descendit, & dat vitam mundo.

34 Dixerunt ergo ei, Domine, da nobis semper panem istum.

35 Dixit autem eis Jesus, Ego sum panis ille vite: qui venit ad me, nequaquam esuriat: & qui credit in me, non sitiet unquam.

36 Sed dixi vobis, Etiam vidistis me, nec credistis.

37 Quicquid dat mihi Pater, ad me venit: & eum qui venit ad me, nequaquam ejecerim foras.

38 Quia descendi de celo ut faciam non voluntatem meam, sed voluntatem ejus qui misit me.

39 Hæc est autem voluntas ejus qui misit me, id est Patris, ut quicquid mihi dederit, non perdam ex eo, sed suscitarem illum in ultimo illo die.

40 Hæc est autem voluntas ejus qui misit me, ut omni qui conspiciat Filium, & credit in eum, habeat vitam æternam: ego verò suscitabo eum ultimo illo die.

41 Murmurabant ergo Judæi de eo, quia dixerat, Ego sum panis ille qui de celo descendis.

42 Et dicebant, Nonne hic est Jesus, filius ille Joseph, cujus nos novimus patrem & matrem? quomodo ergo dicit iste, & celo descendis?

43 Respondit ergo Jesus & dixit eis, Ne murmurate inter vos.

44 Nemo potest venire ad me, nisi Pater qui misit me, traxerit eum: ego verò suscitabo eum ultimo illo die.

45 Est scriptum in Prophetis, Et erunt omnes docti à Deo. Quisquis ergo audit à Patre & dicit, venit ad me.

46 Non quod Patrem viderit quisquam, nisi is qui est à Deo; hic vidit patrem.

47 Amen dico vobis, qui credit in me, habet vitam æternam.

48 Ego sum panis ille vite.



49 *Patres vestri comederunt manna in deserto & mortui sunt.*

50 *Hic est panis ille qui de caelo descendit, ut qui eo vescitur non moriatur.*

51 *Ego sum ille panis vivificus qui de caelo descendit: si quis ederit ex hoc pane, vivet in aeternum: panis autem quem ego dabo, caro mea est, quam ego dabo pro mundi vita.*

52 *Pugnabant ergo Judaei alii adversus alios, dicentes, Quomodo potest hic nobis carnem suam dare ad vescendum?*

53 *Dixit ergo eis Jesus, Amen amen dico vobis, nisi ederitis carnem Filii hominis & biberitis ejus sanguinem, non habetis vitam in vobis.*

54 *Qui edis carnem meam, & bibit meum sanguinem, habet vitam aeternam: & ego excitabo eum in ultimo illo die.*

55 *Caro enim mea verè est cibus, & sanguis meus verè est potus.*

56 *Qui edis meam carnem, & bibit meam sanguinem, in me manet, & ego in eo.*

57 *Sicut misit me vivens ille Pater, & ego vivo per Patrem: ita etiam qui edet me, vivet ipse quoque per me.*

58 *Hic est panis ille qui de caelo descendit: non prout comederunt Patres vestri manna, & mortui sunt, qui ederit hunc panem, vivet in aeternum.*

In hac concione Christi duae potissimum quaestiones explicantur: una, quisnam sit nobis vitae aeternae author, seu cujus beneficio vitam aeternam consequamur: nempe beneficio Christi: altera, quomodo vitam aeternam à Christo percipiamus, nempe per fidem in ipsum. Hae duae quaestiones promiscue hic tractantur, & variè illustrantur: sicut in contextu ordine exponendo sigillatim videbimus.

26 *Respondit* ] Primò omnium reprehendit Christus in hac turba Galilaeorum, perversum ipsorum studium in se querendo: quòd nimirum se quaerant ventris ac vitae terrenaè causà, non autem causà doctrinae suae miraculis à se confirmatae, ac proinde vitae aeternae, cujus consequendae rationem docebat. Deinde *ψ. 27* hortatur eos ad studium vitae aeternae: simulque docet, per quem vita aeterna à Deo detur, nempe per ipsum quatenus est mediator à Deo constitutus.

28 *Dixerunt ergo* ] Occasione verborum CHRISTI quaestionem proponunt de bonis operibus, videlicet quænam sint opera Dei, hoc est, quæ Deus exigit, quæque ei placent. Hujus quaestionis occasionem arripiunt ex verbo *ἰσχυρίζομαι*, id est operari, quo usus fuerat Christus. Interim verò non attendunt ad mentem seu sensum verborum Christi, nimirum eum loquutum esse de studio vitae aeternae per fidem in ipsum adipsendae.

29 *Respondit* ] CHRISTUS ita ad quaestionem illorum respondet, ut simul sensum verborum antè à se dictorum declaret. In qua responsione imprimis observanda est mutatio numeri. Galilaei enim quaerebant numero plurali *de operibus Dei*: at Christus respondet numero singulari *de opere Dei*, & quidem uno certo atque insigni opere, quod notat articulus. q. d. Omnia opera quæ Deo placent, continentur uno hoc opere, quod est, Credere in Christum quem Deus misit, qui enim in hunc credit, is ex hac fide etiam alia opera Deo placitura faciet. Atque adeò absque hac fide nullum hominis opus Deo placet. Vocatur ergo hic fides opus, occasio quaestionis à turba propositæ: quia est opus quoddam seu operatio cordis.

30 *Dixerunt*] Hic Judæi insignem suam malitiam ac perversitatem produnt: quippe qui iussi in Christum credere, recusant hoc argumento, quod is Messiam se esse nullo idoneo miraculo probet. At pessimi ac perversissimi homines jam plurima & maxima Domini miracula viderant, & nuper ex miraculo cibrationis sui in deserto ipsum esse Messiam agnoverant, ac diserte inter se professi fuerant, atque etiam hac fide moti regem eum creare voluerant. Qui sit ergo quod nunc novum aliquod miraculum à Domino postulant, quo sese Messiam esse testatum faciat? Nempe quum ventri & commodis terrenis addicti sint, petunt continuationem miraculose illius cibrationis & omnino commodorum terrenorum. Id quod satis intelligitur ex verbis sequentibus, nam *V. seq. 31.* obijciunt Domino exemplum miraculose illius cibrationis patrum in deserto sub ductu ac ministerio Moysi. Meminerant autem ex *Deut. 18.* Mosem promississe Messiam talem qui futurus esset propheta ipsi similis: unde promissionem illam sup. vers. 14. ad Jesum accommodabant, nempe quòd putarent similitudinem hanc in eo positam fore, ut Messias ipsos miraculose pasceret, sicut Moyses veterem populum miraculose paverat in deserto.

31 *Dixit*] Quoniam Judæi allegarant manna, tanquam cibum celestem atque eximium, cujus nimirum fruitione beati fuerint ipsorum patres: Dominus hunc errorem reprehendit, monens, cibum illum verè celestem à cujus fruitione vita aeterna pendeat, non fuisse manna, sed esse seipsum, quatenus à Patre donatus sit mundo Mediator.

33 *Panem enim*] Quod dixit, probat à definitione. Syllogismus sic potest formari: Is qui de celo descendit & dat vitam mundo, est panis ille Dei, seu panis ille verè celestis. At panis quem vobis nunc dat pater meus, est is qui de celo descendit & dat vitam mundo: nempe ego. Ergo panis quem vobis nunc dat Pater meus, est panis ille verè celestis.

34 *Dixerunt*] Judæi audito, Dominum promittere panem quandam vivificum, petunt illum sibi dari, idque semper. Putant autem Christum loqui de pane quodam corruptibili & corporibus alendis destinato, qualis erat Manna. unde petunt talem panem sibi dari semper: Sicut olim Moyses (vel potius Deus per Moysen) per totos quadraginta annos Manna dabat quotidie. Ruditas hæc vel potius stupor in intelligendis verbis Christi, similis est illi mulieris Samaritanæ sup. 4. 15. ubi quum Dominus aquam quandam spirituales promississet, quam qui biberet, in æternum non sitiret: excipit mulier: Domine, da mihi aquam istam, ut non sitiam, neque veniam huc ad hauriendum. Sed stupor iste simul conjunctus est cum malitia: quippe sapiunt ista verba ironiam, qua Domino insultant, quasi non possit id præstare quod petunt.

35 *Dixit*] Christus nihil moratus istorum stuporem & malitiam, aperte docet ac proficitur, se esse panem illum celestem, de quo loquebatur. Quem autem antè vocavit panem celestem, ratione loci unde descendit: eum nunc appellat panem vite, ratione effecti quem panis ille in credentibus producit. Vitam autem intelligit spirituales & æternam, quæ consistit in sensu paterni favoris Dei erga nos. Simul etiam tradit modum hujus panis edendi, nempe per fidem. Qui enim credit Deum sibi reconciliatum esse per Christum, is spirituales vitam ex hac fide ac sensu favoris Dei percipit. Effectum autem hujus cibi, id est vitam illam spirituales, amplificat ab adjuncta æternitate. Item eundem effectum illustrat distributione contrarii, qua mortem spirituales, id est, sensum iræ Dei & inde existentem

existentem cruciatum, partim fami, partim siti comparat. Etenim Christus non solum panis seu cibi, sed etiam potus rationem habet: cibi quidem, ratione crucifixæ suæ carnis: potus verò, ratione effusi sui sanguinis: ut ipse declarat inf. v. 55. & 56.

36 Sed] Doctrinæ subjungit reprehensionem auditorum: quos reprehendit ob incredulitatem; quam amplificat antithesi causæ corumpentis, nempe miraculorum ab illis conspекtorum, unde eum esse Messiam facile poterant colligere.

37 Quicquid] Quia Judæis exprobravit incredulitatem, loquens de maxima eorum parte: ne isto exemplo offenderentur pii & ab ipso detererentur, monet incredulitatem istorum non ob stare aut impedire posse, quò minus in se credant aliqui: simulq; docet quinam illi sint, nempe ii qui sibi dati seu donati sint à Patre, h.e. quos Pater ab æterno elegit in Christo ad vitam æternam, hoc est, ut per Christum consequantur vitam æternam: quo ipso innuit, fidem non oriri ex virib; liberi arbitrii, sed ex gratuita electione Dei. Simul etiam monet, quomodo ipse erga credentes sit affectus, & quomodo eos velit excipere, nempe benevolè ac benignè. Deinde v. 38. hanc suam erga electos & credentes benevolentiam probat à fine seu scopo sui adventus, id est suæ incarnationis: quem esse dicit hunc, ut faciat voluntatem sui patris, id est, ut exequatur mandatum à Patre sibi datum, fungens nimirum officio redemptoris. Tum v. 39 & 40. sententiam hanc plurib; verbis declarat, salvandos describēs primùm ab electione, v. 39. deinde à fide v. 40.

41 Murmurabant ergo] Hic exponit Evangelista eventum, quid scilicet ex doctrina Christi modò proposita venerit, nempe murmur Judæorum, ortum ex incredulitate: cujus incredulitatis causam exponit, videlicet argumentum à disparatis, quod concluditur isto enthymemate: Hic Jesus ortus est à terra, quippe quum sit filius Josephi & Mariæ: Ergo non descendit à cælo. Apud Evangelistam loco antecedentis ponitur ejus probatio. Hoc enthymema nititur falsa hypothesi, id est falsa propositione quæ retinetur, nempe, Nemo est terra ortus, ortus est etiam à cælo. Hæc enunciatio etsi vera est de omnib; aliis hominib; tamen non est vera de filio Dei incarnato: Is enim & est terra ortus est secundum carnem, & à cælo secundum deitatem. Quin & assumptio ex parte falsa est, nempe quatenus affirmat Jesum esse filium Josephi. Concepit enim eum Maria non ex Josepho marito, sed ex Spiritu sancto, id est operatione singulari Spiritus sancti.

45 Respondit] Dominus eos dehortatur ab isto murmure: simulque incredulitatis eorum causam altiore exponit, videlicet quòd non trahantur seu audiant ac discant à Patre, h.e. quòd à Deo non illuminentur virtute Spiritus sancti. Eadem autem operâ exponit causam procreantem fidei, videlicet tractum Patris, h.e. illuminationem per Spiritum sanctum. Deinde fidei fructum exponit, nempe vitam æternam: ut ita ad fidem invitet argumento ab effecto utili, v. 44. Tum v. 45. doctrinam hanc suam de fidei causa procreante cõfirmat testimonio Prophete Esaia. Syllogismus ita concluditur:

Quicumque veniunt ad me, id est credunt in me. eos necesse est trahi à Patre, id est audire à Patre ac discere.

At vos non trahimini à Patre, &c.

Ergo non venitis ad me, seu non creditis in me.

Propositio enunciatur bis: primùm ver. 44. Nemo potest, &c. deinde v. 45. Quisquis ergo. Sed hæc posterior sententia non potest accommodari syllogismo proposito, nisi conversa simpliciter: aliàs, n. fieret syllogismus ex assumptione

assumptione seu minore negante in prima figura. *Propositio* syllogismi confirmatur testimonio Eſaia. Assumptio omittitur. Conclusionis sententia latet in illa dehortatione, *Ne murmurate.*

46 *Non quod*] Prolepsis. Nam quia dixerat, eos demum venire ad se qui à Patre audiverint ac didicerint: ne quis putet, quenquam à Patre audire ac discere extra Christum, admonet, se solum esse qui immediatè à Patre audire ac didicere, per se autem tanquam mediatorem à Patre discere ceteros.

47 *Amen*] Repetit doctrinam paulò antè traditam, nempe se esse panem vivificum, & hunc panem edi fide. *V. 47. & 48.* Deinde hanc doctrinam amplificat antithesi mannae. *V. 49. & 50.* Tum qua ratione sit panis vivificus, specialius declarat, nempe quatenus caro ejus crucifixa est pro nostra vita. h. e. ad vitam nobis promerendam.

52 *Pugnabant*] Rursus eventum commemorat qui ex doctrina Domini secutus est; nempe incredulùm murmur. quanquam spiritaliter notatur aliquorum fides: quum alias non fuisset pugnae locus. Pugnantem autem, nimirum alijs doctrinam Domini approbantibus, alijs verò damnantibus.

53 *Dixit*] Christus nihil moratus incredulorum offensionem, doctrinam suam cum asseveratione repetit, & summam illius credendae necessitatem exponit. Intelligit autem esum suae carnis & potum sui sanguinis, qui sit fide in promissionem Euangelii de carne ejus crucifixa & sanguine ejus effuso pro nostra vita, id est, ad promerendum nobis vitam. Qui enim huic promissioni credit, ejus cor suavissimo tanquam cibo ac potu recreatur, ne fame & siti spirituali, id est cruciatu ex sensu irae Dei contra peccata orto, contabescat.

54 *Qui edit*] Commoratur in eadem doctrina, eamque pluribus verbis exponit usque ad *V. 59.*

#### De tertia particula tertiae partis.

59 *Hac dixit in synagoga, quum doceret in Capernaum.*

60 Multi ergo ex discipulis ejus his auditis dixerunt, Durum est hic sermo: quis potest eum audire?

61 Sciens autem Jesus apud se discipulos suos de hoc murmurare, dixit eis, Hoc vos offendit?

62 Quid si quivis spectaveritis Filium hominis ascendentem eò ubi eras prius?

63 Spiritus enim est id quod vivificat, caro non prodest quicquam: verba quae ego loquor vobis spiritus sunt & vita sunt.

64 Sed sunt quidam ex vobis qui non credunt, novit enim à principio Jesus quoniam essent qui non credebant, & quis eum produrum esset.

65 Et dicebat, Propterea dixi vobis neminem posse venire ad me nisi fuerit ei datum à Patre meo.

66 Ex eo tempore multi discipulorum ejus pedem retrulerunt, nec amplius cum eo versabantur.

67 Dixit ergo Jesus duodecim illis, Num & vos vultis abire?

68 Respondit ergo ei Simon Petrus, Domine, ad quem abibimus? verba vitae aeternae habes.

69 Et nos credidimus & cognovimus, te esse Christum filium Dei viventem.

70 Respondit eis Jesus, Nonne ego vos duodecim elegi? & tamen unus ex vobis est diaboli.

71. Loquebatur autem de Juda Simonis filio Iscariota. futurum enim erat ut hic proderet eum, quum esset unus ex illis duodecim.

Sequitur tertia particula tertia partis capitis, videlicet de iis quæ con-  
cionem Christi consecuta sunt, & ex ea evenerunt. Quid igitur ex doctrina  
illa Christi consolationis plenissima, de cibo scil. vitæ æternæ, evenit : Nempe  
offensio ac murmur multorum, quib. doctrina illa dura & auditu molesta  
est visa, *ψ. 60 & 61.* Sed quid agit Dominus, illo murmure animæ adversos Pri-  
mum ostendit argumento à majori, eos non habere justam offensionis cau-  
sam : quippe qui ne tum quidem offendi deberent doctrina hac Christi de  
necessitate edendi ipsius carnem & bibendi ipsius sanguinem, si carnem  
suam & sanguinem suum per ascensionem in celum, quam longissimè ab  
eis removisset atque sustulisset, *1. ψ. 62.*

Deinde doctrinam suam declarat, & crassum illorum errorem de carnis  
suz comestione reprehendit : admonens, vim vivificandi non inesse carni  
suz carnaliter comestæ, sed comestæ spiritualiter : quatenus nimirum per  
efficaciam Spiritus sancti creditur data esse pro nostra vita : *ψ. 63.* Tum ad-  
dit querelam de incredulitate multorum, *ψ. 64.* Contraque illam se consolatur  
consideratione arcanæ voluntatis Dei, *ψ. 65.* Postea *ψ. 66.* exponit Evan-  
gelista alterum eventum qui evenit ex illa doctrina Christi, superiore deter-  
torem : nempe quod multi discipulorum prorsus à Domino defecerunt.  
Qua occasione Dominus è duodecim Apostolis quaerit, an & ipsi deficere  
velint, *ψ. 67.* Ad quam interrogationem Petrus communi nomine respon-  
dens, egregiam tum de doctrina, tum de persona & officio Christi confessi-  
onem edit, ver. 68 & 69. Quam confessionem Dominus ita approbat, ut in-  
terim admoneat de hypocrita inter ipsos latente : nempe de Juda prodit-  
ore : quæ Diabolum vocat, propterea quod Diaboli servus esset, *ψ. 70. & 71.*

## SCHOLIA IN CAP. VI.

1. *Trans mare πέραν τῆς θαλάσσης.* Id est, trans lacum : ut cum vocat  
Plinius lib. 5 & Josephus Antiq. Jud. lib. 18 cap. 3. Nempe trans sinum illius  
lacus interjacentem inter Tiberiadem & Bethsaida : pervenit enim ad lo-  
cum desertum oppidi Bethsaida : ut colligitur ex collatione narrationis  
Lucæ cap. 9. *ψ. 10.* Quod igitur dicitur abiisse trans mare Galilææ, non de la-  
titudine illius lacus intelligendum est, sed de sinu quodam citiori : quum  
oppida ista Tiberias & Bethsaida in eodem tractu, idque cis lacum respec-  
tu Hierosolymæ, sita fuerint : ut ex tabula Geographica patet. Est igitur  
hic synecdoche integri.

Quod est Tiberiad. τῆς τιβεριάδος. Supplementum additum est perspicui-  
tatis causa : ut intelligatur, genitivum τῆς τιβεριάδος non pendere à geniti-  
vo proxime præcedente, τῆς Γαλιλαίας, sed à genetivo remotiore τῆς θα-  
λάσσης. Porro totus ille lacus alias nominabatur lacus Genesareth (Luc 5.  
ver. 1.) sed qua parte ad illum sita erat Tiberias, ab illa denominabatur  
mare Tiberiadis, ut hic & infra cap. 21 *ψ. 1.* Fuit autem Tiberias urbs Gali-  
lææ ab Herode condita, & sic appellata in honorem Tiberii Cæsaris : teste  
Joseph Antiq. Jud. lib. 18 cap. 3.

2. *Sequebatur ἰκελῶδες.* Nempe itinere pedestri : ut meminit Matthæus  
cap. 14. ver. 13. Unde colligere promptum est, Jesum transiisse tantum si-  
num lacus citiorem : ut observavimus paulo-antè ad *ψ. 1. Turba multa.*  
*ἔχλος πολὺ.* Nempe ex omnibus urbibus Galilææ, Matth. 14. *ψ. 13* Marc 6.  
*ψ. 33. Signa.* σημεῖα. Id est, miracula quæ sunt signa vocationis, nempe te-  
stimonia

stimonia divina quibus Deus significat ac testatur, se ad docendum misisse personam illam per quam miracula illa facit. Hæc autem signa narrat Luc. cap. 6. 7. & 8. *In agrois*. Nempe solo verbo sanandis.

3 *In montem*, εἰς τὸ ὄρος. Id est, in montem ejus loci. Articulus enim est ἀναφορικός. Intelligit autem montem prope Bethsaida qui erat desertus: ut intelligitur ex Luc. 9. 10. *Confedis cum discipulis*. Nempe quietem illis ad tempus concessurus: ut testatur Marcus cap. 6. 11. 31.

6 *Tentans eum*, πειράζων αὐτὸν. Id est, experiri volens ejus fidem, vel potius in apertum proferre ejus dissidentiam.

*Sciebat*, ᾔδει. Id est, iam apud se constituerat. *Quid esset factururus*. Nempe se miraculosè turbam cibaturum: ita ut panes emere non esset opus.

7 *Ducentorum denariorum*, διακοσίων δηνάριων. Denarius valet quindecim nummos Argentinenfes, id est octavam partem floreni constantis baciiis quindecim, quem vulgò florenum Francosurdensem nominant. Ergo octo denarii valent florenum unum, nam octo nummi Argentinenfes faciunt bacium unum. Ducenta autem sunt vicies & quinquies octo. Ergo ducenti denarii sunt floreni viginti quinque. Jam si singulis capitibus tribuas panem unius nummi Argentinenfis: tum quindecim capitibus cedent panes unius denarii. Denarius enim (ut diximus) valet quindecim nummos Argentinenfes. Ergo panes ducentorum denariorum cedent ter mille capitibus. At fuerunt quinquies mille viri, præter mulieres & pueros, Matth. 14. 12. 21. Unde colligitur, singulis minus cessurum fuisse quàm panem dimidiū nummi Argentinenfis: Etenim mulieres ac pueros ultra mille fuisse credibile est. Arque hoc est illud βραχὺ, quod Philippus commemorat.

9 *Pisciculos*, ὀψαρία. Reliqui tres Evangelistæ vocant ἰχθύας, id est pisces. Porro nomen ὀψαρίων Latine sonat opsoniolum: est enim diminutivum à nomine ὄψον, id est opsonium: quo nomine intelligitur omne cibi genus quod unà cum pane comedimus, & pani quasi condimenti gratia addimus. Sic autem per synecdochen generis *ἰχθῆς* ἰχθυῶν appellari solent pisces. Et sic quoque à Terentio in Adelphis pisces vocantur opsonum. Caterum nomen ὄψον ortum est à verbo ὀπάειν, id est asso: nam piscem assum significat.

10 *Discubuerunt*, ἐκτίθησαν. Nempe distributi per centenos & quinquagenos, Marc. 6. 11. 40. centenos nimirum in longitudinem, quinquagenos verò in latitudinem: ex qua dispositione extitit figura quàm Geometrarum vocant *ἰσόπευκτον*, id est, altera parte longius: cujus proportio sit ista:



Hic decem puncta disposita sunt in longitudinem, quinque verò in latitudinem. Eadem autem est proportio centum ad quinquaginta, quæ est decem ad quinque: videlicet dupla. *Viri quinquies mille*. Abique mulieribus ac puerulis, Matth. 14. 12. 21.



- 12 *Expleti sunt. ἐπελήθησαν.* Id est, saturati sunt.
- 13 *Cophinos κοφίνους.* Id est, corbes, κοφίνος dictus videtur παρὰ τὴν κν-  
φότητα, à levitate.
- 14 *Propheta ille. ὁ προφήτης.* Quem scilicet promisit Moses Deuter. 18.  
Hic autem propheta non est vulgaris quispiam propheta, sed eximius, videli-  
cet ipse Messias seu Christus.
- 15 *Quum cognovisset. γινέσκει.* Id est, quum animadvertisset, nempe ex illo  
sermone eorum quo prædicabant ipsum esse prophetam illum. *Venturos*  
*ἐκ. ἐπὶ μίλλουσι ἔρχεσθαι.* Id est, eos hoc agere ut venirent & se raperent  
&c.
- 15 *Facerent regem.* Existimantes nimirum falsò, Christum fore regem ter-  
renum seu mundanum: quod ipse negat coram Pilato, dicens, Regnum me-  
um non est de hoc mundo.
- 16 *Descenderunt.* Id est, abierunt jussu Domini: ut testantur Matth. cap.  
14. v. 22. & Marc. cap. 6. v. 45. *Ad mare. ὅτι τὴν θαλάσσαν.* Articulus refer-  
tur ad mare Tiberiadis, cujus facta est mentio supra v. 1.
- 17 *Ingressi navigium.* ἰμβάντες εἰς τὸ πλοῖον. nempe navigium illud  
quo fuerant advechi ad ripam urbis Bethsaida: quod notatur supra vers. 1.  
Articulus igitur rursus ἀναφορικὸς est. *Ibanti. ἤρχοντο.* Ad verb. Veniebant.  
id est, proficiscebantur, navigabant. Metonymia causæ, nempe finis. nam  
ideò navigabant ut venirent Capernaumum, *Trans mare. πέραν τῆς θαλάσ-  
σης.* Nempe trans sinum interiacentem inter Bethsaida & Capernaum: ut  
intelligitur ex verbis sequentibus, εἰς Καπριναῦμ. Syncdoche integri, similis  
illi quæ fuit supra vers. 1. *Erant. ἱσχυόμενοι.* Factæ fuerant, id est, nox jam adve-  
nerat, jam advesperaverat, *Nec venerat ad eos.* Nempe quum solverent Beth-  
saidam, ut unà navim ingrederetur. Nam quum miraculum sit editi in deserto  
urbis Bethsaida, Luc. 9. vers. 10. probabile est, eos prope illam urbem navim  
conscendisse. At huic sententiæ videtur repugnare Marcus, qui cap. 6. v. 45.  
refert, discipulos à Christo jussos conscendere navigium, & præire Bethsai-  
dam in ulteriorem ripam. Quod si jussi sunt navigare Bethsaidam, non  
ergo jussi suntolvere Bethsaida & navigare Capernaumum: quòd eos  
navigasse testatur Johannes. Ad hanc antilogiam tollendam, verba  
Marci videntur aliter accipienda quàm ut modò retulimus. Sunt autem  
verba Marci ista: καὶ ὁδὸς λιμένας καὶ τὰς μαθητὰς αὐτοῦ ἰμβάντας εἰς τὸ  
πλοῖον, καὶ πλεῖν εἰς τὸ πέραν πρὸς Βηθσαιδᾶς. Ubi verba hæc, πρὸς  
Βηθσαιδᾶς, non videntur conjungenda cum verbo proximo πλεῖν, ut  
significetur terminus ad quem fuerit navigandum: sed per traiectionē viden-  
tur jungenda cum verbo ἰμβάντας, ut notetur locus apud quem navim  
debuerint conscendere. Ac proinde verba illa Marci sic erunt interpretan-  
da: *Es statim coëgit discipulos suos inscendere navigium apud Bethsaidam, &  
præire in ulteriorem ripam:* id est, in ripam ubi sita erat Capernaum, quæ ripa  
opposita est ripæ urbis Bethsaida propter sinum interiectum. Vel dicendum,  
illa verba πρὸς Βηθσαιδᾶς coherere cum proxime præcedentibus, deficien-  
te articulo τὸ: quasi scriptum esset, εἰς τὸ πέραν τὸ πρὸς Βηθσαιδᾶς: ac  
proinde vertendum, In ulteriorem ripam Bethsaidæ oppositam: quo modo  
D. Beza in ultima editione vertit. *Versus Capernaum. εἰς Καπριναῦμ.* εἰς pro  
πρὸς.
- 18 *Mare. ἡ θαλάσσα.* nempe mare illud in quo navigabant. hoc notat  
articulus. *Insurgebat. ἐνέπνευτο.* Excitabatur, vel concitabatur, id est fluc-  
tus existebant in mari, tempestas coorriebatur.

19 *Προεβήθη ἰσχυρότερος*. Ad ver. Quum impulsissent, scilicet remos navigii: vel potius, quum impulsissent navigium remigando Metonymia efficien-  
tis. *stadia* *εὐδίδους* Vox Græca è Latina corrupta est mutato genere neutro  
in masculinum. Stadium auctore Plinio, facit centum & viginti quinque pas-  
sus. Septem stadia & semis, auctore Suida, faciunt miliare. Triginta au-  
tem in se quater continent septem & semis. Ergo triginta stadia faciunt mi-  
liaria quatuor. Viginti autem quinque stadia faciunt miliaria tria, stadia  
duo & semis. Quare quam hic dicitur, *Quasi stadia viginti quinque aut*  
*triginta*: perinde est ac si diceretur, Miliaria tria aut quatuor. Porro hic la-  
cus, auctore Josepho libr. 3. de bello Jud. longus est stadia centum, id  
est miliaria tredecim, stadia duo & semis: latus vero stadia quadraginta, id  
est miliaria quinque, stadia duo & semis. *Conspiciunt Jesum*. *Διαπορὸν τὸν*  
*ἰσοῦν*. Nondum tamen agnoscunt: putabant enim se videre spectrum: ut re-  
stantur Matthæus & Marcus. *Ambulantem super mare*. Sive mare sub  
ambulante fuerit consolidatum, ut corpori gravi non cederet: sive cor-  
pus ambulantis fuerit in aëre quasi suspensum & virtute divina aut ministre-  
rio angelorum sustentatum ne aquis immergeretur: sive denique corpus  
ambulantis ad tempus fuerit glorificatum, ut in monte Matth. 17. Mihi secun-  
dus modus maxime probabilis videtur: quum Matthæus testetur, etiam Pe-  
trum iussu Domini super mare ambulasse, Matth. 14. *Ψ. 29. Τιμνῶνται ἰσο-*  
*χῆστον*. Terræfacti sunt.

20 *Ego sum, ἵνα εἴπω*. Emphasis est in pronomine *Ego*, nam tacite oppo-  
nitur falsæ discipulorum opinioni, putantium se videre non ipsum Christum,  
sed spectrum mentiens figuram Christi. attingitur, *Ego ipse sum quem vide-*  
*tis*: non autem spectrum est, ut vos putatis. Sic Luc. ult. *Ψ. 37. 38. 39.*

21 *Cupide ergo receperunt eum ὁδὸν ἐν λαβὴν αὐτῶν*. Ad verbum, Vo-  
luerunt igitur recipere eum ubi ut a eam voluntate per synecdochen mem-  
bri intelligendum est ipsum factum, nam quod eum in navim receperint, re-  
stantur reliqui Evangelistæ. *Et statim*. Scilicet Christo in navim recepto.  
*Ad regionem in quam ibant*. Nempe in regionem ubi sita erat Capernaum, ut  
liquet ex *Ψ. 17. Ἰβάν. ὑπὸ ῥον*. Ad verb. *Subducebant*. scilicet navim, phrasis  
nautica *ὑποῦ ῥον*, scilicet *ἰαυτῶν*: subducebant se, id est, abibant.

22 *Postero die. τῇ ἐπιδύσειν*. Subaudi *ἡμέρα*, id est, die crastino, nam  
*αὐθιγ* significat *Cras*. Sed *αὐθιγ* refertur ad personam loquentem: *ἡπώ-*  
*ειν* verò ad personam de qua quis loquitur: & respondet Latine voci  
*Postridie*. *Postridie* autem hic intellige, scilicet post miraculosam illam turbæ  
cibationem in deserto urbis Bethsaidæ: quæ in præcedentibus narrata fuit.  
*Cum mare. πέραν τῆς θαλάσσης*. Nempe prope urbem Bethsaida, ubi disci-  
puli navim fuerant ingressi & vēti Capernaumum.

23 *Comederant. ἔφαγον*. Nempe pridie: ut patet ex collatione versu,  
22. cum *Ψ. 16. Πανem. τὸν ἄρτον*. Panem illum, nempe de quo narra-  
tum est in præcedentibus. Articulus igitur vim habet *εἰσφορητικῶν*.

24 *Ille. ἐκεῖ*. nempe circa Bethsaidam, in riva lacus ubi eum quæ-  
sierant. *Ingressi sunt et ipsi. ἐλθόντες αὐτοί*. Scilicet sicut pridie disci-  
puli ingressi erant navigium quod unicuique aderat. *In navigia. εἰς τὰ πλοῖα*.  
In ista navigia, nempe quæ recens advenerant Tibenadæ, ut dictum  
est *Ψ. 23*. Coniunctio autem *καὶ*, quæ est nota paræ, non est hucusque  
extendenda, ut intelligamus discipulos quocumque in ista navigia ingressos  
fuisse: sed comparatio subsistit in ingressu navium in genere, non autem re-  
fertur ad istas naves: discipuli enim alio navigio pridie discesserant.

25 *Trans mare. πέρα τῆς θαλάσσης.* nempe Capernaumi, ut patet ex versu 59. infra: quò scilicet trajecerant è Bethsaida per interjectum limum. Vide supra ad vers. 1. *Rabbi. ῥαββί.* Id est, magister seu doctor. Sic dictus à multiplici doctrina, vel à magnitudine auctoritatis: 2. 227 id est multiplicavit. *Quando huc pervenisti? πῶς ἔδωξας;* Ad verb. Quando huc vel huc factus es. Pro *παράξας.* Similes phrasas vide supra ψ. 19. & 21.

26 *Non quia vidistis signa. & ἐν εἰσὶν οὐκ εἶδα.* Id est, Non quia creditis meæ doctrinæ, quam vidistis variis & magnis miraculis à me confirmari. Synecdoche metonymica: nam unà cum causâ intelligitur effectum, id est, cum miraculis fides. *Sed quia comedistis ex panibus illis. ἀλλ' ἐν ἰσχυρῇ ἐν ᾧ λέγω.* Prima fronte videtur hæc antithesis implicare contradictionem. Quum enim hi quoque panes cum miraculo conjuncti fuerint, affirmat turbam propter illos se querere: quum tamen modò negat, illam se querere propter miracula. Sed non est contradictio. non enim hic considerat illos panes quatenus fuerint conjuncti cum miraculo, sed quatenus turba iis fuit saturata. hoc enim unum spectabant, ut à Domino saturarentur. Ideo ait. *Quia comedistis & saturati estis. Ex panibus illis. ἐν ᾧ λέγω.* De quibus supra ψ. 11. & deinceps.

27 *Operemini cibo. ἐργάζεσθαι τῷ βρωτῷ.* Hoc est, Omni opere & studio seſtemini. *Sed cibo illi qui permanet in vitam æternam.* Intelligit carnem suam crucifixam: sicut ipſemet declarat infra versu 51. & 55. Hanc igitur occasione sermonis instituti metaphoricè nominat escam seu cibum, nempe animæ, unde illa vitam spiritualem percipit. *Quem. τὸν.* Scilicet. *βρωτῷ.* ut intelligitur tum ex re ipsa & quæſtione præſenti, tum ex collatione versiculi 51. ubi ait, Panis quem ego dabo, caro mea est. *Filius hominis. ὁ υἱὸς τοῦ ἀνθρώπου.* Filius ille hominis, nempe promissus per prophetas, hoc est, Filius Dei unigenitus in carne manifestatus. Hac igitur appellatione notat officium mediatoris, nam ut filius Dei mediator inter Deum & homines esse posset, ipsam quoque hominem fieri oportuit. Vide 1. Timoth. 2. versu 5. *Dabit vobis. ὁ υἱὸς δώσει.* Videlicet primum dando carnem suam in mortem pro mundi vita, infra versu 51. deinde dando illam fruendam & spiritualiter edendam electis, per fidem, intercedente efficaci operatione Spiritus sancti, versu 63. quarum dationum prior ad meritum, posterior ad efficaciam Christi ſervatoris pertinet. *Obſignavit. ὀψέσθαι.* Metaphora sumta ab iis qui quos mittunt, eorum auctoritatem obſignato diplomate ſanciunt: sicut hoc verbum declarat Tremellius apud interpretem Syrum, vel, *Obſignavit*, id est, huic rei præſtandæ destinavit. Sed prior expositio genuina videtur: *Obſignavit*, id est, quasi sigillo impresso approbavit. Est metonymia simul & metaphora: metonymia scilicet effecti destinati: nam ex obſignatione intelligitur approbatio & (ut ita dicam) authenticatio, ad quam obſignatio destinata est. Metaphora verò à literis sumta est, quæ propriè loquendo obſignatur.

28 *Quid faciemus. τί ποιήσω.* Quid faciamus? Modus potentialis. quid fuerit nobis faciendum? *Opera Dei. τὰ ἔργα τοῦ Θεοῦ.* id est, opera Deo placentia. Sic Psal. 51. ψ. 19. sacrificia Dei vocantur quæ Deo accepta sunt.

## SCHOLIA IN CAP. VI.

29 *Hoc illud est opus Dei, ut credatis.* Ineptissime sophisticantur qui hinc concludunt, hominem justificari operibus, si fides justificat, quæ ipsa quoque vocatur opus. Syllogismus istorum sic erit:

Fide justificamur.

Fides est opus.

Ergo operibus justificamur.

Primum plus est in conclusione quam in præmissis. Ex præmissis enim sequitur ista conclusio, *Ergo quodam opere justificamur.* Deinde etiam alia ratione plus est in conclusione quam in præmissis: quia conclusio ista sic intelligitur, quasi diceretur, nos justificari operum merito: at ex præmissis nihil aliud sequitur, quam nos justificari quodam opere, nempe operatione quadam animi, tanquam instrumento ac veluti manu qua apprehendimus iusticiam morte Christi partam, seu ut magis propriè loquar, qua apprehendimus obedientiam mortis Christi quæ nobis in iustitiam coram Deo imputatur. *Ut credatis.* ἵνα πισύσῃτε. Hæc verba pendent à præcedente pronomine ἡμεῖς, id est, *hoc*, per appositionem. Hoc, inquit, est illud opus Dei, quodnam? Nempe ut credatis &c. seu ipsum credere, τὸ πισύσαι. Porro credere in Christum, phrasi Hebræa idem valet quod Christo confidere, seu fiduciam suam in Christo tanquam servatore collocare. *In eum quem misit ille.* εἰς ὃν ἀπέστειλεν ἐκεῖνος. Pro, εἰς ἐκεῖνον ὃν &c. Periphrasis argumentosa: continet enim rationem cur sit in ipsum credendum: quia scilicet hæc sit Dei voluntas, quippe qui se misit in mundum ut esset servator omnium in eum credentium.

30 *Ut videamus & credamus tibi.* ἵνα ἴδωμεν καὶ πιστεύσωμεν σοι. Id est, ut miraculo Messia digno, vel Messia proprio, conspecto: credamus te esse Messiam, ac proinde te confidamus.

31 *Patres, oī patris.* Id est, maiores: οἱ πατέρες. Synecdoche speciei. *Comederunt illud manna.* τὸ μάννα ἔφαγον. id est, panem illum celestem, qui nimirum calitus pluebat. Manna Syriacè & Chaldaicè, Hebraicè dicebatur Man: de quo vide Exo. 16. v. 15. & 32. Num. 11. v. 7. & 8. Erat tenue quiddam & rotundum: tenue sicut pruina, simile semini coriandri, album, colore bdellii (id est gummi arboris bdellii, quod est translucidum, simile ceræ, teste Plinio Nat. hist. lib. 12. cap. 9.) sapore crustuli melliti, simulque olei præstantissimi: quod quotidie mane depluebat in agros & à populo colligebatur, varièque coquebatur. Vocem ipsam interpretantur alii Destinatum, alii Præparatum: quod esset cibus populo Israëlítico à Deo destinatus & Præparatus. Sed videtur istud nomen accepisse à pronomine ἡμεῖς mah, id est, *Quid?* & idque ex eventu, quia quum Israëlitz illud primum conspexissent, nec quid esset scirent: dixerunt מהו זה man hu: quod videntur (sortassis idiomate Agyptio) dixisse pro מהו זה mah hu: id est, *Quid est hoc?* Hanc interpretationem confirmat partim causa istorum verborum: quæ fuit, quòd ignorarent, quid esset: partim responsio Moysi, qui dicebat, tanquam ad illam interrogationem respondens: Hic est panis ille quem vobis Jehova dat ad comedendum. *Sicut scriptum.* Scilicet Psalm. 78. vers. 24. *Panem celestem dedit ei.* ἔδωκεν ἐν τῷ ἔρημῳ. Scilicet κατὰ τὸν λόγον, descendentem: subaudito quoque articulo ante ἐν. Ideò interpretes vertit *celestem*, ad tollendum ambiguitatem: ne hæc verba, *de celo*, jungerentur eum verbo *dedit*. quanquam ad sensum parum interest. In Hebræo sic habetur: Frumentum calorum dedit eis (scilicet Jehova) panem robustorum (id est, angelorum) comedit vir, ubi Man vocatur frumentum, quòd præberet vsum frumenti:

frumenti : cœlorum autem frumentum dicitur, quod è cœlis deplueret. denique panis angelorum nominatur, quod ministerio angelorum suppeditaretur : vel quod tam præstans cibus esset, ut vel angeli, si cibum caperent, eo delectarentur. Cui expositioni videtur favere antichesis, ubi ait Moses, Panem angelorum edit *vir*, id est homo.

32 *Panem illum cœlestem.* τὸν ἀπὸ τοῦ οὐρανοῦ. Pro, τὸν ἀπὸ τοῦ οὐρανοῦ. scilicet τὸν ἀλλοθιόν : ut intelligitur ex antichesi, ubi istud epitheton est expressum. Neque enim hic intelligit manna, quod per Moysen datum esse constabat : sed loquitur de cibo per manna significato, id est de seipso servatore mundi. Sententia igitur huius versiculi est : Panis ille vere cœlestis, non est manna quod Deus dedit per Moysen : sed is est ille panis vere cœlestis, quem DEUS nunc vobis dat, donando scilicet vobis me, filium suum unigenitum. *Verum.* τὸν ἀλλοθιόν. Verum illum. Similis est phrasus infra cap. 15. v. 1. ἵνα εἶμι ἄμπελος ἡ ἀλλοθιή. Ego sum vitis illa vera. Verum autem panem cœlestem intellige, qui hoc nomen inprimis meretur ac vere cœlestis est : quum è summo illo cœlo descenderit, v. 33. non autem ex infimo isto, id est aërē, unde pluebat manna. Simul etiam veritas videtur opponi typo seu figuræ : quasi dicat, Quod olim per manna fuit præfiguratum, id nunc verè ac reipsa esse exhibitum, nempe seipsum. Sic nomen veritatis accipitur sup. cap. 1. v. 17. ubi Evangelista ait, Lex per Moysen data est, gratia & veritas per Jesum Christum exhibitur. Sic Heb. 8. v. 2. verum tabernaculum (id est, corpus Christi) opponitur Mosaiico tanquam typo.

33 *Panis ille Dei.* ὁ ἀπὸ τοῦ θεοῦ. Id est, quem Deus dat, vel potius, Cujus esus Deo inprimis placet, nam etiam manna dederat Deus. *Qui descendit.* ὁ κατεβήκων. Enallage temporis, pro ὁ κατεβήκατος vel ὁ κατεβήκας, ut colligitur ex collatione versus 38. & 51. infra. Loquitur autem de seipso, sicut ipse mox exponit v. 35. Quod autem ait, se de cœlo descendisse, rectè intelligendum est. Neque enim ita descendit ut cœlum reliquerit & locum mutarit : sed ut in terra naturam humanam assumeret, atque ita Deus in carne manifestatus sit. Ubi observandum, aliam esse rationem ascensionis Domini in cœlum. Etenim ascendit in cœlum ita ut mundum reliquerit, ac proinde locum mutarit secundum humanam naturam. Hujus diversitatis ratio est diversa ratione personæ de qua utrumque dicitur, nam quum illa de cœlo descendit, tantum erat Deus : quum autem ascendit, erat etiam homo. *Vitam.* ζωὴν. Scilicet æternam : ut intelligitur ex collatione v. 39. & 40. *Mundo.* τῷ κόσμῳ. Hoc est omnibus electis omnium populorum per totum mundum disperforum. Hoc opponit errori Judæorum : qui putabant, Messiam proprium esse Judæorum, ad reliquos populos nihil pertinere. Sic supra cap. 1. v. 23. & cap. 3. v. 16. & cap. 4. v. 42.

34 *Da nobis &c.* Similis petitio erat illa mulieris Samaritanæ, supra cap. 4. v. 15. *Semper.* πάντοτε. quasi dicant : non semel tantum & iterum, sed quotidie : ut fecit olim Moses.

35 *Panis vite.* ὁ ἀπὸ τοῦ θεοῦ ζωὴς. Id est, vivificus. Loquitur autem de vita spirituali quæ oritur ex sensu favoris Dei, conciliati nobis morte Christi : quam vitam Paulus Rom. 14. v. 17 nominat gaudium in Spiritu S. *Qui venit ad me.* ὁ ἐρχόμενος πρὸς με. Qui credit in me : ut ipse mox declarat in membro opposito. *Næquaquam esuriet.* Id est, non cruciabitur fame illa spirituali, hoc est, anxietate illa quæ existit ex sensu iræ Dei contra peccata. *Non sitiet.* Id est, non cruciabitur siti illa spirituali, nempe illa ipsa quam modò dixi anxietate. Vel, *Næquaquam esuriet, non sitiet :* id est, nihil veræ

felicitaris ei deest. Metaphora & synecdoche speciei.

36 *Dixi. εἶπον.* Nempe sup. v. 26. ut liquet ex versiculi illius expositione quam attulimus. *Etiā vidisti me, nec credidisti. καὶ ἰδὼν ἐμέ, καὶ ἔμεινεν.* Id est, quanquam vidisti me, tamen non credidisti. *Vidisti.* Id est, cognovisti me esse messiam : supra v. 14.

37 *Quicquid das, &c. πᾶν ὃ δίδωμι &c.* Hoc dicit ad se consolandum contra istorum incredulitatem, de qua modò fuerat questus. quasi dicat : Veruntamen etsi vos non credatis in me : hoc tamen me consolatur, quod omnes electi in me credituri sunt. *Quicquid.* Id est, Quoscunque. Synecdoche generis. *Das. δίδωμι.* Id est, donat, nimirum pro æterno suo decreto eos eligens in me ad vitam æternam. *Pater, ὁ πατήρ.* pater meus, nempe Deus. *Ad me veniet.* Id est, in me credet : ut vers. 35. *Nequaquam ejiciam foras.* Id est, Non repudiabo, sed benevolè excipiam & in æternum servabo. λατρεύει.

38 *Descendi à calo.* Id est, homo factus sum, incarnatus sum. *Non voluntatem meam.* Id est, Non id quod ego volo. Scilicet, sicut vos putatis, me agere pro meo libitu, absque mandato Dei. Etenim his verbis perstringit falsam opinionem incredulorum.

39 *Non perdam. μὴ ἀπολέσω.* Id est, non sinam perire, sed servem *Sanctam. αἰώνιον.* nempe ad gloriam cœlestem & vitam æternam. Synecdoche generis. *In ultimo illo die.* Nempe die judicii universalis.

40 *Qui conspiciet Filium, ὁ θεωρῶν τὸ υἱόν.* Id est, qui eum agnoscit ex ipsius miraculis & doctrina. *Credit in eum. πιστεύει εἰς αὐτόν.* Id est, Confidit eo ut servatore suo. *Habeas. ἔχει.* Nempe quum primum credit. *Vitam æternam.* In hac quidem vita ex parte, in altera verò perfectè. Vide 1. Corint. 13. in fine : item 1. Joh. 3. v. 2.

41 *De eo. ἐκείνῳ.* Nempe de Jesu, id est, propter eum, vel contra eum.

42 *Nonne. ἄρα.* Quasi dicant, Maxime, omnino. *Quomodo ergo dicit.* Id est, Minime ergo verum est quod dicit.

44 *Venire ad me. ἰλθεῖν πρὸς με.* Id est, credere in me : ut vers. 35. *Traxerit. ἔλκεσθαι.* Id est, mentem ejus illuminarit ac mutarit, atque ita ex nolente volentem effecerit. Falsum est enim illud quod vulgo tactatur, ὁ θεὸς τὸν βουλομένον ἔλκει, Deus volentem trahit. At, inquam, qui vult : is non trahitur, sed ducitur. Deus autem ita trahit nolentes, ut ex nolentibus reddat volentes : ac proinde quos primum traxit, eosdem postea ducit. de quo ductu loquitur Paulus Roman. 8. ubi ait, Qui ducuntur spiritu Dei, sunt filii Dei. Tractus autem, metaphora intelligi illuminationem mentis, declarat ipse Dominus versu sequente, ubi ait, Quisquis ergo audit à Patre, & didicit.

45 *In Prophetis. ἐν τοῖς προφήταις.* Id est, in altera sectione Scripturæ qua continentur prophetæ. Extrat autem hoc testimonium in Esaia. Synecdoche integri. *Es erunt, ἔσονται καὶ ἰσχυροὶ.* Sunt verba Prophetæ ad Ecclesiam Novi testamenti seu Christianam : *Et omnes filii tui electi erunt à Jahova. Omnes. πάντες.* Nempe filii Ecclesiæ. hos enim Propheta expressè nominat. Filii autem Ecclesiæ sunt electi. *Docti à Deo. διδάκτοι τῷ θεῷ.* Id est, διδασκαλῆμοι τῷ θεῷ. Nomen verbale hic æquipollet participio : non autem notat διδάμειν παιδαγωγῶ τῷ διδασκαλῶν : id est, non significat dociles, sed edoctos. In Hebræo item est nomen verbale מוריד ללמוד. Apud Apostolum 1. Thes. 4. extrat compositum θεοδιδάκτος. *Audivisti à Patre. ὁ ἀκούσας παρὰ τοῦ πατρὸς.* Hoc fit, quum Pater per Spiritum sanctum efficax est



est in prædicatione Euangelii, ut verbum gratiæ seu promissionem Euangelii intelligamus & credamus. Huc pertinet illud, *Qui habet aures ad audiendum, audiat. Venit ad me.* ut sup. *ψ. 35.*

46 *Non quod. ἔχ' ἐν.* Elliptica locutio: pro, Non dico hoc, quod, Confer Rom. 9. *ψ. 6. Videris idem.* Id est, cognoverit: nempe extra Christum mediatorem. Verbo *Videris* idem significat quod versu præcedente verbis *audiendi* & *discendi*. Sic supra cap. 1. *ψ. 18.* Deum nemo vidit unquam, &c. *Is qui est à Deo.* ὁ ὢν παρὰ τοῦ Θεοῦ. Id est, qui ortus est ex Deo, unigenitus ille filius Dei. *Hic vidit Patrem.* Id est, cognovit mentem Patris, & arcanum ejus consilium de nostra salute nobis exposuit, Synecdoche membri.

49 *Patres vestri.* οἱ πατέρες ὑμῶν. Nota quod dicit, *vestri*: non autem, *nostri*. Sic enim non solum se eximit à vulgo Judæorum: sed inquit, ipsos similes esse patrum suorum, nempe incredulos, nam eum loqui de incredulis, perspicitur ex eo, quod affirmat, eos esse mortuos. quod quidem de morte æterna ut intelligatur, antithesis postulat. Sic Paulus 1. Cor. 10. *ψ. 5.* ait Deum plerosque patrum non approbasse: quippe quos prostraverit in deserto. Confer etiam Matt. 23. *ψ. 30. 31. 32. Comederunt & mortui sunt.* ἐφαγον καὶ ἀπέθανον. Id est, quanquam comederunt, tamen mortui sunt, nempe morte æterna. Sic enim intelligi postulat antithesis.

50 *Hic. ἔστος.* Id est, ἔστος δὲ. hic autem subaudi ὁ ἄπρος. nempe de quo ego loquor: videlicet ego ipse. Se enim opponit manna ut panem. *Ut qui eo vescitur, non moriatur.* ἵνα τὸς ἐξ αὐτοῦ φάγη καὶ μὴ ἀποθάνῃ. Ad verb. Ut quis ex eo vescatur & non moriatur: id est, ut quis ex eo vescens non moriatur: id est, non pereat morte æterna.

51 *Ille panis vivificans.* ὁ ἄπρος ὁ ζῶν. Pro hoc dixit supra vers. 48. ὁ ἄπρος τὸς ζῶνς, panis ille vitæ. Ergo ζῶν hic positum est pro ζωοποιῶν: sicut & præcedentia & sequentia satis declarant, *Quem ego dabo.* ὃν ἐγὼ δώσω. Scilicet edendum: ut intelligitur ex versu sequente. Dat autem Christus se edendum animabus fidelium, per prædicationem Euangelii & operationem Spiritus S. *Caro mea.* ἡ σὰρξ μου. id est, corpus meum. *Quam ego dabo.* ἣν ἐγὼ δώσω. hoc est, quatenus eam dabo. nempe crucifigendam. Neque enim duplicem carnem habuit Dominus, quarum unam crucifigendam dederit, alteram non dedit. Non ergo distinguit inter duplicem carnem: sed modum declarat, quo unica illa sua caro futura fuerat panis, id est cibus vivificans. Sic in institutione sacre cœnæ, quum dicitur, *Hoc est corpus meum* quod pro vobis datur: exponendum, *Quatenus pro vobis datur.* *Pro vita.* κατὰ τὴν ζωὴν. Id est, propter vitam, scilicet promerendam. *Mundi.* κόσμου. Id est hominum credentium in toto mundo. Christus enim propriè loquendo est servator corporis sui, id est, Ecclesiæ: Ephes. 5. *ψ. 23.* Aliàs nomine mundi intelliguntur reprobi: de quibus ait, *Pro mundo non rogo:* inf. ca. 17. *ψ. 9.*

52 *Pugnabant.* ἰμάζοντο. Nempe verbis, hoc est, disceptabant inter se: διλογίζοντο: quo verbo alibi utuntur Evangelistæ. *Quomodo.* πῶς. Observa, dissimile huic esse illud *Quomodo* virginis Mariæ, Luc. 1. *ψ. 34.* Maria enim cupit doceri: at Judæi hoc loco repudiant doctrinam tanquam falsam, imò impossibilem. *Carnem suam.* τὴν σὰρκα. Scilicet τὴν ἰδιάν.

53 *Nisi dederitis carnem.* &c. Id est, Nisi credideritis, carnem meam crucifixum iri, & languinem meum effusum iri, in remissionem peccatorum vestrorum. *Non habetis vitam.* Nempe vitam illam spirituales: per quam hoc loco nihil aliud significatur quàm læticia orta ex gustu favoris Dei, quem Christus sua morte nobis conciliavit.

## SCHOLIA IN CAP. VI.

54 *Qui edis carnem meam, &c.* Id est, Qui credit carnem meam pro se crucifixam iri aut esse, & sanguinem meum pro se effusum iri vel esse.

*Excitabo, ἀναστήσω.* Faciam ut surgat, nempe ad vitam æternam: ut supra vers. 44.

55 *Verè. ἀληθῶς.* Veritatis epitheto notat hujus cibi præstantiam, quippe quo alimur ad vitam æternam: simul etiam veritatem opponit typo, nempe mannae. Sic infra cap. 15. *ψ. 1.* Ego sum vitis illa vera. *Κιβω. βρώσῃ.* Nempe cibus spiritualis: cibus mentis, non ventris. Metaphora. Sic quod sequitur de potu.

56 *In me manet. ἐν ἐμοὶ μένει.* Nempe per fidem, qua mihi insitus est ut palmes viti, infra cap. 15. & ex consequenti per dilectionem, quippe quæ ex fide manat. *Εγὼ in eo. ἐν αὐτῷ.* Scilicet maneo: nempe per Spiritum sanctum, per quem in eo habito ex dilectione: infra cap. 14. *ψ. 23.* Eph. 3. versu 17.

57 *Vivens ille Pater. ὁ ζῶν πατήρ.* Videtur vertendum, *Vivificans:* ut supra *ψ. 51.* Atque hoc videtur postulare sententia proxime sequens, Et ego vivo per Patrem. *Qui ederit me. ὁ τρώγων με.* Hoc idem valet atque illud quod modò dixit, *Qui edis carnem meam.* Etsi enim fides rectè intuetur carnem crucifixam: tamen intelligit, vim meriti pendere à dignitate personæ: quippe quæ est Deus. Unde Act. 20. *ψ. 28.* ait Paulus, Deum suo sanguine acquisivisse sibi Ecclesiam. & Johannes 1. Johan 1. *ψ. 7.* Sanguis Jesu Christi filii ejus purgat nos ab omni peccato. Sic Paulus rursus 1. Cor. 2. *ψ. 8.* Dominum gloriæ crucifixerunt.

59 *In synagoga. ἐν συναγωγῇ.* Nomen Græcum significat congregationem. Sic autem nominatur hoc loco domus ubi congregari solebant Judæi ad audiendam recitationem atque explicationem Scripturarum: per metonymiam adjuncti vel causæ finalis: nam congregatio in domo fiebat, & domus congregationi destinata erat.

60 *Durus. σκληρός.* Id est, molestus auditu. Metaphora *κατὰ χεῖρας* à rebus tractilibus, quæ duritie sua molestæ sunt tactui. Sed cur durus ei videbatur & horrorem incuriebat iste Christi sermo de edenda ejus carne & bibendo ejus sanguine? Quia accipiebant eum in sensu literalī, seu sequebantur τὸ ἡπτόν, ac proinde somniabant *κροφαρίαις* & *αἰματοποσίαις*: atque interim negligebant verborum illorum *διάνοιαν*, quæ consistit in metaphora: quæ adhibita & animadversa, doctrinam hanc longe-suavissimam reddidit credentibus. Nam quemadmodum cibus ore comesus, tollit famem, eamque tollendo hominem recreat: item quemadmodum potus ore haustus, tollit sitim, eamque tollendo hominem recreat: ita caro Christi crucifixa, dum comeditur fide; & sanguis Christi effusus, dum bibitur fide; tollit famem & sitim animæ, hoc est cruciatum ortum ex sensu defectus justitiæ, ac proinde ex sensu iræ Dei contra justiciam; & cruciatum illum tollendo, recreat cor gaudio in Spiritu sancto, ex sensu favoris Dei, per meritum Christi nobis placati. *Quis potest eum audire, τίς δύναται αὐτῷ ἀκούειν,* Nempe æquo animo. quasi dicant: Quis non meritò hoc sermone offendatur? quis enim non abhorreat à *κροφαρίαις*.

61 *Sciens autem. εἰδὼς δὲ.* Quum autem cognovisset, vel animadvertisset. De hoc, *ᾧ ἐπὶ τούτῳ.* Id est, ob hanc rem, ob hunc sermonem. *Hoc vobis offendit. ὅτι ὑμᾶς σκανδαλίζει;* Interrogatio hæc vim habet admirandi & simul dehortandi, quasi dicat: Miror vos offendi hoc sermone: certè non debeatis eo offendi.

63 *Quid significatur. ἰνὶ αὐτῷ.* Ellipsis pronominis *τι*, pro *τί ἐν ἡμῖν*, &c. Sicut Rom. 9. v. 22. quasi dicat: Quid igitur faceretis, si conspiceretis, &c. hoc est, quanto magis tunc offenderemini apparente absurditate verborum meorum: ut qui dicam, carnem meam necessariò edendam esse ad vitam æternam consequendum: quæ tamen tunc in cælos erit recepta, ut videatur in terris edi non posse. Hanc puto simplicem ac genuinam esse sententiam istorum verborum, quæ quidem ex ipsa ratione loquendi & sententiarum coherentia deducta est.

*Εὐὸς ἦν ἐν τῷ οὐρανῷ.* Id est, in cælum. Sed quomodo filius hominis prius (videlicet ab æterno) erat in cælo? Nempe non quatenus erat filius hominis, quia tum nondum erat homo: sed quatenus erat filius Dei. Dictum per communicationem idiomatum: ut illud suprà cap. 3. v. 13.

63 *Spiritus est id quod vivificat. τὸ πνεῦμα ἐστὶ τὸ ζωοποιεῖν.* Id est, spiritus sanctus est is qui efficit vitam illam spiritualem de qua dixi: dum scilicet in cordibus electorum creat fidem qua caro mea editur. *Caro. ἡ σὰρξ.* Pro, *ἡ σὰρξ ἐστὶν ἐγώ*, caro autem: nempe *ἡ ἐμὴ*, id est mea: de qua locutus sum suprà vers. 51. 53. &c. Intellige, Carnaliter comesta, de quali comestione Capernaicæ Christum loqui putabant. Similis autem ellipsis fuit suprà v. 52. *τὸν σῶμα*, scilicet *τὸν ἰαντῶ*. Articulus habet vim ἀναφορικῆν. Etenim de carne Christi inciderat quæstio, An illa posset edi? & an comesta prodesset ad vivificandum? vide suprà vers. 52. & deinceps. Quidam exponunt ipsum vocabulum Carnis de carnali intellectu, quo scilicet putatur, carnem Christi edendam esse carnaliter. Sed sic nomine Spiritus (propter antithesin) esset intelligendus intellectus spiritualis, id est quo intelligitur, carnem Christi edendam spiritualiter. At hic intellectus non vivificat: quippe qui etiam in reprobos cadit: Non igitur vera est illa expositio. *Non prodest quicquam. οὐκ ὠφελεῖ ἅδεν.* Scilicet ad vivificandum, hoc est vitam efficiendum in cordibus electorum. Sic exponi postulat antithesis. Interim verò non negatur, carnem Christi profuisse plurimum ad vitam nobis promerendam: nempe quatenus data est pro mundi vita: id quod Christus docuit sup. v. 51. *Verba quæ ego loquor vobis. τὰ ῥήματα ἃ ἐγὼ λαλῶ ὑμῖν.* Emphasis est, & tacita antithesis, in vocabulo *Verba*, quasi dicat: Non ipsa caro mea carnaliter comesta: sed *verba* quæ de carne mea paulo antè locutus sum, videlicet illam datum iri pro mundi vita, suprà v. 51. *Spiritus sunt & vita sunt. πνεῦμα ἐστὶ καὶ ζωὴ ἐστὶ.* Id est, organum sunt per quod Spiritus vitam operatur, quatenus nimirum per illa operatur fidem. quo sensu Petrus (huc fortasse respiciens) nominat *verba vite æternæ*, inf. v. 68.

64 *Sed sunt quidam ex vobis qui non credunt.* Quasi dicat: Sed Spiritus sanctus non vivificat omnes, non est efficax in omnibus qui doctrinam Evangelii de vita æterna per mortem meam acquirenda audiunt: etenim quidam ex vobis non credunt, quippe fides est illud ipsum quod Spiritus sanctus in cordibus audientium Evangelium efficit, quoque illa vivificat. *Novèrat enim. ἴδεν γὰρ.* Scilicet tanquam *ἀπεδίωκόντες*: suprà cap. 2. vers. 24. & 25.

*A principio. ἐξ ἀρχῆς.* Hoc est, quem primùm cœpit docere & discipulos nascisci. *Qui nam essent, tunc ἐστίν.* Nempe & discipulis suis fidem proficientibus. *Et qui &c. καὶ τίς,* &c. Quasi dicat: Neque hoc solum novèrat, qui non credebant: sed etiam quis cum proditurus esset, nempe Judas Iscariotes.

## OBSERVATIONES CAP. VI.

65 *Et dicebat. καὶ ἔλεγε.* Nempe ad consolandum tum seipsum, tum discipulos credentes. *Dixi vobis. εἰρηνα ὑμῶν.* Nempe suprà vers. 44. *Ἡ σὶ fueris ei datum. ἐὰν μὴ ἡ δέδοται αὐτῷ.* Sic alibi Apostolis ait. Vobis datum est nosse mysteria regni cælorum. Et sic Paulus Ephes. 2. fidem ait esse donum Dei. Observandum autem, Dominum his tribus loquendi formulis promiscuè & ad idem significandum uti, nempe, *Trahi à Patre*, suprà vers. 44. *Adire ac discere à Patre*, suprà vers. 45. & *Datum alicui esse à Patre*, hoc loco. *À Patre, ἐν τῷ πατρὶ.* ἐν pro ὑπὲρ. Sic Roman. 11. vers. ultimo.

66 *Ex eo tempore. ἐν τῷ.* Scilicet, *χρόνῳ.* *Pedem restulerunt. ἀπῆλθον εἰς τὰ ὄπισθεν.* Ad verb. Abierunt versùs ea quæ retrò sunt. Hebrais, hoc est, discessionem fecerunt à Christo, seu defecerunt ab eo, nolentes cum amplius pro suo magistro ac præceptore agnoscere. *Nec amplius. καὶ οὐκ ἔτι.* E pexegesis.

67 *Nun & vos vultis abire?* Non interrogat, quasi ignoret, quid facturi sint: sed ut eliciat eorum confessionem.

68 *Respondit Simon Petrus.* Nempe omnium nomine, tanquam os Apostolorum: ut Match. 16. vers. 15. & 16. *Ad quem abibimus?* Id est, Quem alium præceptorem quæreremus, te deserto? Interrogatio innuit negationem cum significatione amoris erga Dominum, quasi dicerent: Mi domine, nullus est quem meritò adire & sequi debeamus: sed potius constanter tibi adherere nos decet, quippe qui *verba vite æternæ habet*, hoc est, conferentia vitam æternam credentibus, tanquam organa per quæ Spiritus S. fidem operatur. Sic Rom. 1. vers. 16. item 1. Timot. 4. vers. ult. Confer 1. Cor. 3. v. 5. 6. 7. 9.

69 *Et nos. καὶ ἡμεῖς.* Id est, *Et inde nos.* Nempe ex verbis tuis.

70 *Elegi.* Nempe ad apostolatam. Nam diabolus ille Judas Iscariotes ad vitam æternam electus certè non erat. *Et tamen unus, καὶ εἷς.* Cohæret hæc sententia cum præcedente per enuntiatum discretum. *Diabolus. δὴ δαίμων.* Id est, similis diabolo, vel, filius diaboli; sicut ait infrà cap. 8. v. 44. Vos ex patre diabolo estis.

## OBSERVATIONES LOCORUM

## DOCTRINAE EX CAP. 6.

## EX PRIMA PARTE.

1. Ex v. 2. Studium discendi doctrinam cælestem in hac turba, quæ Christum sequuta est, ad imitandum nobis proponitur. Pudeat ergo nos nostræ ignavia, qui ad conciones sacras in propinquo haberi solitas vix ægrè accedimus.

11 Ex v. 5. 6. 11. Deus victum necessarium procurat iis qui verbo ipsius cognoscendo sunt dediti. Non ergo est quod putemus, tantum rei familiaris nostræ decedere, quantum temporis cognoscendæ doctrinæ cælesti tribuimus. Frequentare cætus sacros non remoratur rem familiarem: Eleemosynas dare non reddit pauperem. Christus, Matt. 6. ait. Quærite primum regnum Dei & iustitiam ejus, & ista (nempe quæ ad victum pertinent) adjicientur vobis.

111. Ex vers. 7. & 9. Ratio humana diffidit, quum non vidit ad manum  
usitata

strata media, ut hic Philippus & Andreas diffidunt saturari posse turbam, quum sentiunt se destitui pecunia ad emendum sufficientes panes. Huic diffidentiae remedii loco opponenda est promissio Dei. Neq; enim solo pane vivit homo, sed omni verbo quod egreditur ex ore Dei, Matth. 4.

IV. Ex  $\Psi$ . 11. Quoties cibum vescendi causa attingere volumus, a gratiarum actione & precibus inchoare debemus. sic enim cibus nobis (1. Timo. 4. 5) sanctificatur, hoc est, usus ejus nobis purus redditur. Gravissimè igitur peccant qui dona Dei absq; ulla cogitatione Dei devorant: non secus ac porci, quorum capita licet sub quercubus obruantur glandibus, nunquam tamen illa attollunt spectatum unde iste cibus decadat.

V. Ex  $\Psi$ . 12. & 13. Fragmenta & reliquiae ciborum diligenter ad futuram necessitatem aservandæ sunt: non autem projiciendæ fiducia providentiæ & curæ Dei pro nobis.

VI. Ex  $\Psi$ . 13. Observandum, hic ex quinque panibus remansisse duodecim cophinos fragmentorum: quum Matth. 15. 37. ex septem panibus remanserint tantum septem sportæ fragmentorum. Hinc perspicitur, vim alendi non in quantitate cibi, sed in benedictione Dei sitam esse. Hinc Deus Ezech. 4. 16. & 14. 13. minatur, se fracturum baculum panis: id est ademturum ei vim alendi: ut licet pane multo vescamur, tamen non saturemur. Semper igitur petamus benedictionem Dei: quæ sola, ut Salomon ait, divites facit. Prov. 10. 22.

VII. Ex  $\Psi$ . 14. & 15. Non est satis niti promissionibus divinis, nisi eas rectè intelligamus. Erravit enim hæc turba, quod existimavit, Christum fore regem terrenum: etsi rectè judicarint hunc Jesum esse promissum illum Messiam & regem populi Dei.

VIII. Ex  $\Psi$ . 15. Quum regnum Christi non sit de hoc mundo: ne pudeat nos unâ cum Christo pompam ac splendorem terrenum fugere, còque carere, si Deo in humili vitæ statu nos collocare visum fuerit.

# DOCTRINAE EX SECUNDA PARTE.

I. Ex  $\Psi$ . 18. & 21. Quod discipuli Christi tempestate in mari aliquandiu jactantur, & paulò post ex periculo illo à Christo liberantur, exemplum est & imago conditionis seu status Ecclesiæ in hoc mundo: quippe quæ subinde persecutionum tempestatibus jactatur, & tamen Christo in tempore per medias tempestates accedente, salva in portum perducitur; si non semper secundum corpus, at semper secundum animam: quippe quam tyranni occidere non possunt, nec ei felicitatem æternam adimere: qua suo tempore etiam corpora piorum fruuntur.

II. Ambulatio Christi super mare, testimonium est deitatis ipsius: quia propria virtute ambulavit super mare. Petrus enim ambulavit quidem & ipse super mare, teste Matthæo: sed virtute Christi, cujus jussu ambulavit: quo jussu inclusa erat promissio conservationis: cui promissioni quum ille inciperet fidem derogare, territus vehementiori vento, cœpit mergi: sed tamen à Domino retentus & conservatus est.

III. Inepti sunt, qui ex ambulatione Christi super mare, concludunt corpus Christi posse esse ubique, putantes nimirum, ratiocinationem procedere à parvis simili: quia scilicet ambulatio super mare, non minus

repugnet naturæ corporis humani, quàm ubiquitas. At, inquam, ista valde dissimilia sunt, nam ambulatio super aquas non tollit essentiam corporis; quam tollit ubiquitas, quod enim ubiq; est, id infinitum sit oportet: quod autem infinitum est, id corpus esse non potest: quum solius Dei (qui Spiritus est) essentia infinita sit.

IV. Quod discipuli conspecto Christo putantes se videre spectrum, extimescunt: exemplum est infirmitatis humanæ. Oritur autem ille timor ex conscientia peccati. Itaque vincitur & vincendus est fide in Christum peccatorum nostrorum expiatorem.

V. Quod eadem voce Christi hic eriguntur discipuli, qua infra 18.6. prosternuntur famuli sacerdotum: discriminis causa est, quod Christus reprobis & incredulis iudex est missus in exitium, electis verò & credentibus datus est propitiator ac servator. Sic eodem calore solis emollitur cera & induratur lutum. Sic Euangelium est odor vitæ ad vitam credentibus: & odor mortis ad mortem, incredulis. 2. Corinth. 2. vers. 15. & 16.

## DOCTRINÆ EX TERTIA PARTE.

I. Ex  $\psi$ . 26. & 27. Studium præcipuum hominis esse debet studium vitæ æternæ, non autem commodorum terrenorum. Hinc ait Christus Matth. 6. 33. Quærite primum regnum Dei & iustitiam ejus: & ista omnia (nempe victus & amicus) adicientur vobis.

II. Ex  $\psi$ . 29. Summa pietatis posita est in fide Christiana. nam qui verè in Christum credit, is per hanc fidem filius Dei effectus, ex filiali erga Deum timore studebit ei placere secundum omnia ipsius præcepta. Hinc illud Pauli ad Hebræos 11.  $\psi$  6. Sine fide impossibile est placere Deo. Item Gal. 5.6. Fides per charitatem agens.

III. Ex vers. 32. 33. 35. 39. 40. 47. 48. 50. 51. 53. 54. 55. 56. 57. 58. 63. Christus à Patre nobis donatus & pro nobis crucifixus, est nobis in eum credentibus panis vivificus: quippe qui & sua morte vitam nobis est promeritus expiatis nostris peccatis, & suo Spiritu vitam in cordibus nostris creavit per fidem.

IV. Ex vers. 36. 37. 44. 45. 65. Fides Christiana non est omnium, nec oritur ex viribus liberi arbitrii: sed est donum Dei singulare seu peculiare electis. Confer 2. Thes. 3. vers. 2. Tit. 1.  $\psi$ . 1. Act. 13.  $\psi$ . 48. Ephes. 2. vers. 8. 1. Cor. 2. vers. 14.

V. Ex vers. 37. 39. 40. Vera fides in Christum conjuncta est cum dono perseverantiæ. Itaque certa & immota est credentium salus. Hinc Dominus dixit Petro, Oravi pro te, ne deficeret fides tua, quod idem pro omnibus verè credentibus & ad finem usque mundi credituris fecit, Johan. 17. vers. 20. & 21.

VI. Ex vers. 46. Nemo illuminatur cognitione Dei nisi per & propter Christum: nempe propter meritum illius, & per spiritum illius, efficaciter in prædicatione Euangelii operantem.

VII. Ex  $\psi$ . 51. 53. 54. 55. 56. 63. Caro Christi crucifixa pro nobis, est nobis cibus vivificus: quia quum sit personaliter unita filio Dei, æquivalens precium fuit ad satisfaciendum pro omnium electorum peccatis quæ huic

cam



carni fuerant à Deo imposita: Et ita ad reconciliandum nobis Deum: qui nobis reconciliatus, dat nobis Spiritum sanctum, per quem vitam æternam in nobis efficit. Hic autem cibus non nisi fide, tanquam ore animæ, edi potest. Apponitur autem edendus in promissione Euangelii. Atque etiam in sacramentis: sed non tanquam in vasculis, sed tanquam sigillis ad promissionem in Euangelii appensis.

**I I X.** Ex ver. 60. Non est hærendum semper in literali sensu verborum Christi: sed sensus verborum ex analogia fidei, ex antecedentib. & consequentibus, & ex collatione aliorum scripturæ locorum, & maxime eorum in quibus eadem doctrina traditur, pia meditatione indagandus est. Fuit enim Christo familiare ut metaphoris ex re nata deductis doctrinam celestem proponeret; ut liquet tum ex hoc sermone cui occasionem præbuit studium pascendi ventrem in Judæis: tum ex colloquio illo cum muliere Samaritana, ubi Spiritum sanctum aquæ comparat: tum denique ex compluribus aliis ejus sermonibus.

**I X.** Ex  $\Psi$ . 51. & 63. Christus vivificus est dupliciter: nempe partim ratione meriti, partim ratione efficaciz. Merito suo vivificus est, quia carnem suam dedit crucifigendam atque occidendam pro mundi vita, hoc est, ad vitam promerendum omnibus in toto mundo electis: cujus meriti vis ex dignitate personæ pendet, ut liquet ex dictis Act. 20. 28. 1. Johan. 1. 7. 1. Cor. 2. 8. Efficacia autem sua vivificus est, quia per Spiritum sanctum vitam in cordibus electorum, & iam merito suæ mortis Deo reconciliatorum, creat, illuminando scilicet ea fide, atque ita ipsos sibi tanquam vites palmiti & r. embra capiti inferendo, & renovando ad timorem Dei: Vide Gal. 2. 20.

**X.** Ex  $\Psi$ . 41. 52. 60. 66. 70. 71. Non debemus offendi, aut in dubium vocare veritatem doctrinæ cælestis: si videamus multos illi obmurmurare, aut illam oppugnare, aut illa offendi, aut denique prorsus ab illius professione deficere, aut etiam doctores veritatis à falsis fratribus sæpe prodi: nam hæc omnia ipsi Christo docenti evenerunt. Vide inf. 15.  $\Psi$ . 18. 19. 20.

**X I.** Ex  $\Psi$ . 68. Euangelii doctrina est organum, quo Deus efficit vitam æternam in cordibus electorum: quatenus nimirum in illis gignit seu creat fidem in Christum. Vide Rom. 1. 16. item 10. 17. 1. Tim. 4. 16. 1. Cor. 3.  $\Psi$ . 5. 6. 7. 9.

**X I I.** Ex  $\Psi$ . 69. Fides Christiana duo summa capita continet: unum de persona Christi, quod is non solum homo sit, sed etiam Deus, nempe filius Dei unigenitus: alterum de officio hujus personæ, quod hæc persona sit Christus, id est, promissus ille servator mundi: qui ut summus Ecclesiæ propheta arcanam voluntatem Patris de æterna nostra salute é sinu patris protulit, nobisque exposuit: & ut summus sacerdos corpus suum ad expiandum nostra peccata in ara crucis obtulit, proque nobis oravit, & adhuc in cælesti sanctuario coram facie Patris pro nobis apparet: denique ut rex noster ad dexteram Dei sedens, potenter nos contra nostros hostes, nempe diabolos, tyrannos & carnem seu peccatum nobis inhærens, tueretur, & Spiritu suo corda nostra regit per verbi prædicationem & usum Sacramentum.

## ANALYSIS CAP. VII.

## ARGUMENTUM.

In hoc capite narrat Evangelista, quid acciderit Domino Hierosolymis in festo scenopęę: nempe quod ei insidiati sint primores populi, sed frustra: quod varia de eo fuerint iudicia populi: quod liberę in templo docuerit, suęq; doctrinę auctoritatem asseruerit: reprobos Judęos impietatis arguerit: opus suum in ægroto illo sup. cap. 5. sanato editum defendere: discessum suum ac desertionem ingrato populo minatus sit: credentibus autem Spiritum sanctum promiserit. Sicut deinceps sigillatim videbimus. Capitis hujus quatuor sunt partes.

1. Sermo cognatorum cum ipso habitus ante festum, usque ad *ψ. 11.*
11. Sermo populi de eo in festo, antequam se conspiciendum præberet. *ψ. 11. 12. 13.*
111. Sermo ipsius in templo habitus cum Judęis festo jam medio, a vers. 14. usque ad vers. 37.
- 1V. Sermo ipsius habitus ad populum die festi ultimo, unā cum eventus, a *ψ. 37.* usque ad fin.

## DE PRIMA PARTE.

**V**ersabatur autem Jesus post hæc in Galilęa; nolebat enim in Judęa versari, quia studebant eum Judęi trucidare.

- 2 Propę autem erat festum Judęorum, scenopęę.
- 3 Dixerunt igitur ad eum fratres ejus, Digredere hinc & vade in Judęam, ut tui quoque discipuli spectent opera tua quę facis.
- 4 Nemo enim in occulto facis aliquid, & queris ipse celebris esse: si hæc facis, patet facito te ipsum mundo.
- 5 Nam ne fratres quidam ejus credebant in eum.
- 6 Dicit ergo eis Jesus, Tempus meum nondum adest: tempus autem vestrum semper est paratum.
- 7 Non potest mundus vos odisse: me autem odit, quoniam ego testor de eo, opera ejus mala esse.
- 8 Vos ascendite ad festum hoc: ego nondum ascendo ad hoc festum, quia tempus meum nondum impletum est.
- 9 Hęc autem quum eis dixisset, mansit in Galilęa.
- 10 Vt ascenderunt autem fratres ejus, tunc & ipse ascendit ad festum, non manifestę, sed velut in occulto.

Primis decem versibus describit Evangelista, quomodo Christus ex Galilęa ascendit Hierosolymam ad festum scenopęę. Ac primo vers. exponit causam, cur tamdiu in Galilęa commoratus sit: nempe ad evitandum insidias Judęorum. Versu secundo indicat tempus, quę occasione cognati Christi eum hortati sunt, ut in Judęam iret, nempe instans festum. Ver. 3. & 4. commemorat quibus verbis eum hortati sint cognati ut se patefaceret in festo. V. 5. mōhet quo animo ista dixerint, nempe malō: quippe qui in eum non credebant. V. 6, 7, 8. commemorat, quomodo Domi-

bus recusavit suis cognatis obsequi. Ver. 9. & 10. narrat, quando & quomodo ad festum ascenderit.

DE SECUNDA PARTE.

11. *Judei ergo querebant eum in festo, & dicebant, Vbi est ille?*

12. *Et missitatio multa erat in turba de eo. alii quidam dicebant, Vir bonus est: alii autem dicebant, Non: sed turbam seducit.*

13. *Nullus tamen palam loquebatur de eo, propter metum Judaeorum.*

Deinceps narrat, quid Christo acciderit à Judæis qui erant in festo, antequam eum vidissent. Ac primū n quomodo eum quaesierint, V. 11. deinde quā varia fuerint de eo judicia, V. 12. tum, cur non ausi sint palam de eo loqui, V. 13.

DE TERTIA PARTE.

14. *Festo autem jam medio ascendit Jesus in templum, ac docebat.*

15. *Et mirabantur Judei, dicentes, Quomodo iste literas novit, quum non didicerit?*

16. *Respondit eis Jesus, & dixit, Mea doctrina non est mea, sed ejus qui misit me.*

17. *Siquis voluerit ejus voluntatem exequi, cognosces de doctrina, utrum ex Deo sit, an ego à me ipso loquar.*

18. *Qui à semetipso loquitur, gloriam propriam querit: qui autem querit gloriam ejus qui misit ipsum, hic verax est, & in justitia in eo non est.*

19. *Nōne Moyses dedit vobis Legem? & tamen nemo ex vobis praestat Legem, quid me studetis trucidare?*

20. *Respondit turba & dixit, Daemonium habes: quis te studet trucidare?*

21. *Respondit Jesus & dixit eis, Unum opus edidi, & omnes miramini.*

22. *Attamen Moyses dedit vobis circumcisionem (non quod ex Moyses sit, sed est ex Patribus) & Sabbato circumcisionem hominem.*

23. *Si circumcisionem accipis homo Sabbato, ut ne solvatur Lex Moyses, mihi indignamini quod totum hominem sanum fecerim Sabbato?*

24. *Ne judicate secundum speciem, sed justum illud judicium ferre.*

25. *Dicebant ergo quidam ex Hierosolymitanis, Nōne hic est quem studens trucidare?*

26. *At ecce palam loquitur, & nihil ei dicunt: minimum verè cognoverunt primores, hunc verè esse Christum illum?*

27. *Sed novimus unde hic sit: quum autem veneris Christus, nemo cogniturus est unde sit.*

28. *Clamabat ergo Jesus in templo, docens ac dicens, Es me nōstis, & unde sim nōstis: & à me ipso non veni, sed est verax qui misit me, quem vos non nōstis.*

29. *Ego verò novi eum, quia ab ipso sum, & ille me misit.*

30. *Studebant ergo eum prehendere: sed nemo iniecit in eum manum, quia nondum venerat hora ejus.*

31. *Muli verò ex turba crediderunt in eum, & dicebant, Christus quum veneris, nūndigna plura edis: vbi quae iste edidis?*

32. *Audierunt Pharisei turbam ista murmurantem de eo, & miserunt Pharisei ac primarii Sacerdotes ministros ut eum prebenderent.*

33. *Dixit ergo eis Jesus, Adhuc paulisper ero vobiscum, deinde abibo ad eum qui me misit.*

34. *Quare*

34 *Querētis me, nec inuenietis: & ubi ego ero, ad vos non poteritū venire.*  
 35 *Dixerunt ergo Iudæi inter sese, Quō est iste profecturus, ut nos non inueniamus eum? num ad eos qui dispersi sunt inter Græcos iturus est, & Græcos dociturus?*

36 *Quis est hic sermo quem dixit, Querētis me, & non inuenietis: &, Vbi ego ero, vos non poteritū venire?*

Deinceps exponit, quomodo Christus in festo se patefecerit. Ac primum quod docuerit in templo: deinde quod doctrinæ suæ asseruerit auctoritatem, usque ad *ψ. 19.* tum quod reprehenderit Iudæos propter impietatem, ac nominatim propter insidias quas ei faciebant, ver. 19. Postremo quod opus sanationis a se in sabbato peractum (sup. cap. 5.) defenderit exemplo circumcisionis, quæ & ipsa in sabbato, si casus ita tulisset, administrabatur: *ψ. 21. 22. 23. 24.* Porro argumentum ab exemplo circumcisionis concludit Christus syllogismo connexo primi modi.

Si licet vobis sabbato circumcidere, multo magis mihi licet sabbato sanare.

At Sabbato circumcidere vobis licet.

Ergo multo magis mihi licuit sanare: & per consequens non debetis mihi indignari.

Propositio confirmatur à collatione imparium: quia Iudæi circumcidebant solum corpus, & ita externum cultum Deo præstabant: at Christus sanaverat hominem totum, id est, non solum corpus, tribuendo ei vires ad ambulandum: sed etiam animam, remittendo ei peccata, & eam renovando per Spiritum sanctum. Assumptio probatur testimoniis: partim testimonio experientiae, quod continet confessionem iudicii adversariorum. Ideo enim in sabbato circumciderunt, quod iudicarunt id licere, imò sic fieri oportere. Partim testimonio divini mandati. Deus enim circumcisionem octavo à nato masculo die celebrandam per Moysen præceperat: *Levit. 12. ver. 3.* quod mandatum amplificatur collatione alterius mandati similis, per correctionem: nam ante Moysen Deus idem præceperat Patribus: ut videre est *Genes. 17.* ubi narratur circumcisionis institutio data Abrahamo.

25 *Dicebant ergo*] Hic exponitur ab Euangelista, quid Christus illo suo sermone apud nonnullos profecerit: nempe quod mirati sint hanc ejus in primoribus populi reprehendendis libertatem, quodque falso argumento seiplos deceiverint, quò minus eum haberent pro Christo. Argumentum istud concluditur hoc syllogismo.

Christum nemo cogniturus est unde sit.

At hunc novimus unde sit:

Hic igitur non est Christus.

In hoc syllogismo omnia falsa sunt. Et propositionis quidem falsitas convincitur testimonio Michæ cap. 5. ver. 2. ubi prædicit Christum venturum ex oppido Judææ Bethlehem. Assumptionis verò falsitas perspicitur ex eo, quod Jesus oriundus erat ex Bethlehem: at isti putabant ortum esse ex Nazareth: ut colligitur ex collatione *ψ. 41.* Conclusionis denique falsitas liquet ex testimonio totius Evangelii. Interim tamen videntur non sine aliqua ratione sic sensisse de origine Messiae. Videtur autem iste error ortus ex dictis Prophetarum non intellectis: nempe *Esaï. 53. 8.* ubi de Messia dicitur, Generationem ejus quis enarrabit? Item Mich. 5. vers. 2. ubi de eodem dicitur, Egressus ejus sunt à principio, à diebus seculi. At, inquam, dictum

dictum Esaïæ intelligendum est non de origine Christi, sed de ætate ejus in æternum duratura post resurrectionem ex mortuis. Micheas autem et si istis verbis originem *C H R I S T I* divinam illam & incomprehensibilem notat, tamen in eodem versu oppidum Bethlehem nominat, unde secundum carnem proditurus sit.

28 *Clamabat ergo* ] Christus præterita propositione syllogismi, tanquam manifestè falsa, responderet ad assumptionem negando : quanquam prima fronte videtur illam concedere : sed concessio illa ironica est. Simul autem eis admittit excusationem ignorantie : quia non nisi malitia impediantur, quod cum non norint : quum satis eis approbatus sit à Patre suo.

30 *Studebant* ] Eventus duplex illius libertatis Domini in reprehendendis Judæis : unus conatus principum in eo capiendo, hoc versu & 32. alter, fides multorum è plebe, vers. 31.

33 *Dixit ergo* ] Dominus ingratis Judæis minatur discessum suum ac defectionem ipsorum. Quam illius comminationem isti non intelligentes, interpretantur de Judæis inter Græcos dispersis, vel de ipsis Græcis, hoc est, incircumcisis, quasi ad illos iturus sit docendi causa. At quid sibi Dominus voluerit : fenserunt post illius in cælum ascensionem, quum variis infestis malis affecti, tandem à Romanis eversti & capti sunt : quæ captivitas & excidium ad hunc usque diem durat.

DE QUARTA PARTE.

37 *Primo autem die illo magno festi stetit Jesus, & clamavit, dicens, Si quis sitis, veniat ad me, & bibat.*

38 *Qui credit in me : sicut dixit Scriptura, flumina aquæ vivæ fluent ex ventre ejus.*

39 (Hoc autem dixit de Spiritu quem accepturi erant credentes in eum. Nondum enim erat Spiritus sanctus, quia Jesus nondum erat glorificatus.)

40 *Multis ergo è turba quorum audissent hunc sermonem, dicebant, V'erè hic est Propheta ille.*

41 *Alii dicebant, Hic est Christus. Quidam autem dicebant, Num enim è Galilea veniet Christus?*

42 *Nonne Scriptura dicit, ex semine David, & ex vico Bethlehem, ubi erat David, venturum Christum?*

43 *Dissidium ergo ortum est in turba propter eum.*

44 *Quidam autem ex ipsis volebant eum prehendere, sed nemo iniecit in eum manus.*

45 *Venerunt ergo ministri ad primarios sacerdotes & Phariseos : qui dixerunt ei, Quare non adduxisti eum?*

46 *Responderunt ministri, Nunquam ita loquutus est homo ut homo iste.*

47 *Responderunt ergo ei Pharisei, Num & vos seducti estis?*

48 *Num quis ex primoribus credidit in eum, aut ex Pharisaïs?*

49 *Sed turba hæc quæ non novit Legem, execrabilis est.*

50 *Dicit eis Nicodemus, u qui venerat ad eum nocte, quum unus esses ex illis,*

51 *Num Lex nostra condemnat quempiam, nisi prius audieris ex ipso, & cognoveris quid facias?*

52 *Responderunt & dixerunt ei, Num & in Galilea es? scrutare & vide, ex Galilea Prophetam non surrexissè.*

33 *Et profectus est unusquisque domum suam.*

Dominus rursus captata docendi occasione, eos qui sensu iræ Dei contra sua peccata & desiderio æternæ salutis tanguntur, hortatur ut in se credant: & credentibus promittit Spiritum sanctum, qui ipsorum corda sensu gratiæ Dei vivificaturus sit, ne in peccatis suis contabescant. Utitur autem verbis Esaïæ ex cap. 55. versu 1. ut hoc ipso significet, se esse promissum illum Messiam. nam propheta illic de copiosa Dei gratia sub regno Christi futura loquitur. Quod autem Evangelista versu 39. ait, *Nondum enim erat Spiritus sanctus*: non intelligit de ipsa Spiritus sancti persona (nam hanc esse unum cum æterno Patre ac Filio, expressè docet 1. Epist. cap. 5. v. 7.) sed intelligit de copiosa illa Spiritus sancti effusione quæ cœpit in die Pentecostes: de qua vide A& 2. v. 17. & 18.

40 *Mulier ergo* ] Deinceps narrat, quid ex illa Domini doctrina eveniret, nempe ortum inde esse dissidium in tuba, aliis cum pro Christo agnoscantibus, aliis contra negantibus: qui quidem errabant falsum assumendo. Sic enim argumentabantur:

Christus non venit à Galilæa, sed ex vico Bethlehem.

At hic ortus est à Galilæa, non autem ex vico Bethlehem.

Hic igitur non est Christus.

At, inquam, syllogismi huius assumptio falsa est. Porro nonnulli rectè quidem affirmant, eum esse prophetam illum à Mose, Deut. 18. promissum, at iidem non rectè sentiunt, Prophetam illum alium esse quàm ipsum Christum.

44 *Quidam autem* ] Alter eventus, quod conati sint eumprehendere, sed non potuerint, divinitus scilicet impediti. Unde ministros, quibus id negotii erat datum, objurgant Pharisei, & Christum autoritate principum premunt: qui à Nicodemo eam ob causam reprehensi, eodem mendacio contra Christum utuntur, quo antè plebs usâ fuerat: affirmantes scilicet Jesum Galilæum esse.

## SCHOLIA IN CAP. VII.

2 *Scenopægia.* ἡ σκηνοπηγία. Id est, tabernaculorum fixio. Ex nomine σκηνή, tabernaculum, & verbo πύγνυμι vel πύγω, figo: unde ortum videtur Latinorum pago & pango.

3 *Eratres.* οἱ ἀδελφοί. Id est, cognati: verbi gratia consobrini. Synecdoche speciei Hebræa.

4 *Celebrus.* ἐκταπύρνια. Syrus בגלגא begelja, Id est, in manifesto. Si hæc faciã. Nempe quæ præ te fers te facturum, videlicet quæ propriè ad officium Messiz pertinent. Putabant autem illi, regnum Messiz fore terrenum, unde & discipuli post resurrectionem Domini interrogabant, num eo tempore restitutus esset regnum Israël, A& 1. v. 6. *Mundo.* Id est, passim omnibus. Metonymia subiecti.

5 *Ne fratres quidem,* Quasi dicat: quo minùs mirum est, alios plurimos in eum non credidisse.

6 *Tempus meum.* ἡ ἡμέρα τοῦ θανάτου. Nempe quò mihi ascendendum est ad festum. Synecdoche generis, sic suprà cap. 2. versu 4. *Non potest mundus vos odisse.* Quia scilicet vos estis de mundo: ideo mundus quod suum est, amat: ut ait infrà cap. 15. v. 19. Mundum autem hic vocat impios, atq; ideo reprobos. Sic infrà c. 14. v. 17. & 30. item cap. 15. v. 18. 19. itè c. 17. v. 9. & 14.



10 *Non manifeste.* Nempe ne caperetur ex insidiis.  
 11 *Querebant eum.* Cur? Nempe quia in superioribus festis ejus miracula viderant, & eum docentem audiverant. Vide supr. ca. 2. v. 23. & ca. 5. per totum. *Ille. ἐνείκως.* Loquuntur tanquam de homine noto: quem non audent nominare, quia metuebant offensionem Judæorum, ut liquet ex vers. 13.

12 *Musitatio. ῥοῖσμός.* Id est, susurri & sermones clancularii ac musitando pronuntiati. Neque enim nomen *ῥοῖσμός*, quod propriè murmur significat, hoc loco indignationem aut offensionem notat, ut suprâ cap. 6. v. 41. 43. 61.

13 *Palam. παρρησία.* Liberè. *Propter metum Judæorum.* διὰ τοῦ φόβου τοῦ Ἰουδαίου. Seu, metu Judæorum. id est, propterea quod metuebant Judæos, nempe primores Judæorum; quos sciebant Christo infensissimos hostes esse, eique insidians. Metus ergo Judæorum hic dicitur non ἐμπρηστῶς, quo ipsi Judæi metuebant: sed παρρητικῶς, quo metuebantur. Sic infrâ cap. 20. v. 19.

14 *Festo jam medio. τῆς ἰοῦδῆς μεσότητος.* Id est, quarto festi die. nam festum tabernaculorum durabat dies septem, Levit. 23. v. 34. quibus tamen ibidem versu 36. additur dies octavus, sed qui à cerimonia tabernaculorum immunis erat: quanquam cætera vel maxime solennis erat. *Ascendit. ἀΐκα.* Nam templum situm erat in monte. *Docebat. ἰδιδάσκον.* Id est, interpretabatur textum aliquem Scripturæ: ut liquet ex versu sequente. Sic enim solebat in sacro cœtu, ex communi docentium more: vide Luc. 4. versu 16.

16 *Non est mea. οὐκ ἐστὶν ἐμὴ.* Id est, Non est à me tanquam homine vulgari (qualem vos me esse putatis) excogitata, aut etiam discendo ab aliis percepta. Loquitur ex hypothese, nempe falsa opinione Judæorum, quibus sermonem suum accommodat. Similem sententiam vide suprâ capite 6. versu 38.

17 *Si quis voluerit ejus voluntatem exequi.* Id est, Si quis veritatem scire quæsit, deposito omni pravo affectu. *Cognosces de doctrina. γνώσεται ἀπὸ τῆς διδασκῆς.* Cognosceat de hac doctrina: quam scilicet ego propono, id est, per Dei gratiam consequetur notitiam veritatis: intelligetque doctrinam meam divinam atque cælestem esse. *Ex Deo. ἐκ τοῦ Θεοῦ.* Id est, à Deo tanquam autore profecta, ἐκ pro τῷ: cujus enallages exemplum vide & suprâ cap. 6. v. 65.

18 *Gloriam propriam queris.* Cupit enim celebrari tanquam novæ doctrinæ inventor, quam nemo ante ipsum ingenii sui perspicacia potuerit invenire. *Verax. ἀληθής.* Id est, sincerus. *Injustitia. ἀδυνία.* Id est, fraus, fallacia: ut intelligitur ex antithesi. Synecdoche generis.

19 *Et tamen nemo. οὐκ ἔστις.* Hæc sententia cum præcedente coheret per enunciatum discretum. Similem locum vide cap. 6. v. 70. *Quid. τί.* Id est, *quid*, propter quid. cur. quasi dicat: Proferte, si potestis, ullam justam causam qua meritis sim ut à vobis trucidet.

20 *Demonium habes.* Malo spiritu obsessus es, insanis. scilicet, quum putas nos tibi insidians. Metonymia efficientis. *Quis.* Quasi dicant, Nemo nostrum: At tenebræ negant de universis, quod verum erat de aliquibus nempe de primoribus.

21 *Unum opus. ἓν ἔργον.* Dominus non respondet ad istud convitium: sed pergit in sermone instituto, ac docet, se sanatione illa ægroti in sabbato, de

de qua suprà cap. 5. non esse commertum ut trucidetur. Hoc enim poterant illi ad istam ejus interrogationem respondisse. *ἓν ὄπν.* ἢ ἔργον. Scilicet novum & inusitatum. nempe quod in sabbato sanavi illum qui decubuerat annos triginta octo, supra cap. 5. Sic declarat ipse infrà V. 23. *ἓν ὄν.* Hoc verbum innuit collationem imparium. quasi dicat: Quanto magis miramini & offenderemini, si plura ejusmodi opera edidisset? Est igitur hic quoque enunciatum discretum: quasi dicat, Quamquam unum tantum opus sanationis edidi in sabbato, tamen omnes miramini, quasi Legem violavi: ac proinde me studetis trucidare. *Μιράμινι. Σαυμάζειν.* Nempe ita ut offendamini Sic suprà V. 15.

22. *Ἀλλὰ μὲν διὰ τούτο.* Hæ duæ voces (ut D. Beza annotat) omnino adiungendæ videntur præcedentibus: ac proinde hic locus sic distinguendus *διὰ τούτο ἵνα πιστεύσῃτε, καὶ πάντες θαυμάζετε διὰ τούτο. Μωσὴς ἰδὼν.* &c. Id est, Unum opus edidi, & omnes miramini propterea. Moses dedit &c. Quod si retineatur distinctio usitata: tum puto similem esse sententiarum coherentiam & loquendi rationem, qualis habetur Matth. 18. V. 22. & 23. ubi quum Christus Petro interroganti, quories remittendum, respondisset: *Non dico tibi usque septies, sed usque septuagies-septies:* continenter annectit hæc verba: *διὰ τούτο ἐμοὶ δοῦναι βασιλείαν τῶν οὐρανῶν.* Propterea simile est regnum celorum &c. ubi puto per ellipsin subaudiendum, verbum *ἀλλὰ*, quasi diceret Dominus: *διὰ τούτο ἀλλὰ.* Propterea audi, ut scilicet plenius à me erudiaris de quaestione proposita, ac tum sequitur novum exordium: *Simile est regnum celorum &c.* Ita hoc loco: *διὰ τούτο ἀλλὰ.* Propterea audi, ut scilicet intelligatis, an jure offendamini illo meo opere, nec ne. At tum sequitur novum exordium: *Moses dedit vobis circumcisionem &c.* Simile exemplum ellipseos vide Gen. 4. versu 15. *Mos dedit.* Levit. 12. V. 3. *Non quod ex Mose sit.* Scilicet prima sua origine & institutione. *Ex Mose.* ἐκ τοῦ Μωσέως. Id est, à Mose. h. e. per illum primò data à Deo. *Ex patribus.* ἐκ τῶν πατέρων. Nempe primùm data Abrahamo patri credentium. Gen. 17. *Et sabbato.* καὶ ἐν σαββάτῳ. Id est, Et idcirco etiam sabbato circumciditis hominem: si scilicet octavus à nato masculino dies in sabbatum inciderit. Hanc expositionem confirmant illa verba versu sequente, *Vi me solvatur lex Moysi.*

23. *Si circumcisionem ei ἐποιτομὴν.* Id est: Si igitur circumcisionem &c. Deducit enim conclusionem ex assumptione præcedente. *Solvatur.* λύθῃ. Id est, violetur. *Lex Moysi.* ὁ νόμος Μωσέως. Quæ scilicet præcipit ut octavo die circumcidatur parvulus, nulla exceptione sabbati adjecta. *Mihi indignamini ἵνα μοὶ χολᾷτε;* Interrogatio vim habet obiurgandi, quasi dicat: Non facitis æquum quòd mihi indignamini: non debebatis mihi indignari. *χολᾷν,* succensere, irasci, à *χολή*, id est bilis. notat iram vehementem qua effervescit bilis, aut effunditur fel ex vesicula sua: Contrà de mitibus ac placidis ingenij dicitur, caret felle. *Totum hominem ὅλον ὄνθ' ἐργον.* quasi dicat, non solum corpus in quo fit circumcisio: sed etiam animam: remittendo scilicet peccato, & donando Spiritum sanctum. Innuitur hoc verbo ratiocinatio *ὅτι τὸ μέγαρον,* à majori: quasi dicat: Si non indignamini Mose, quòd sabbato præcepit hominem circumcidi: multò minis debebatis mihi indignari, quòd sabbato sanavi totum hominem. Ratio: Quia magis videtur indignandum, si sabbatum violetur propter beneficentiam minorem, quàm si violetur propter beneficium majus.

24. *Secundum speciem κατ' ὅψιν.* Secundum faciem. *Iustum illud iudicium ferit.*

*ἴσθι. τίω δικαίαι κρίσιν κρίναται.* Accusativus regitur à verbo coniugato, more Hebræorum & Græcorum, Plato 2. de Repub. τίω κρίσιν αὐτοῖν τῷ βίω κρίναι ὁρθός: iudicium rectum de ipsorum vita ferre. Sic Psal. 119. vers. 154. Contende contentionem meam: יִבְרַח בִּי.

25 *Νόουν ὅτι. &c.* Similis interrogatio ut suprà *ψ. 19. & cap. 6. ψ. 70.* nempe quæ cum sequente sententia constituit enuntiatum discretum, quasi dicant: Quaquam hunc student trucidare, tamen liberè eos ob-  
jurgat.

26 *Αι. &.* Enallage Hebræa. *Παλὰμ. παρρησία.* Liberè. *Παλὰμ loquitur.* *παρρησία λαλεῖ.* id est, Liberè & se defendit, & suos adversarios objurgat. *Et nihil. & ἔδεν,* id est, Et tamen nihil. Alterum discretum. quasi dicant: Quaquam palam loquitur, tamen nihil ei dicunt. Atque sic fit ut una eademq; sententia, & consequens sit discreti, respectu sententiæ antecedentis: & antecedens quoq; sit discreti, respectu sententiæ consequentis. *Νihil ei dicunt. ἔδεν αὐτῷ λέγεισι.* Id est, non contradicunt ei. Synecdoche generis. *Num. verò. μήποτε ἀληθὺς.* Id est, Num igitur verè, &c. Nam hanc sententiam ex proximè præcedente deducunt & inferunt seu concludunt. Interrogatio vim habet affirmationis probabilis: quasi dicant, Quum ei ipsos objurganti non contradicant, videntur ergo eum agnoscere pro Messia. *Primores. οἱ ἄρχοντες.* Nempe. οἱ ἡμῶν: nostri primores seu principes seu denique magistratus, nempe sacerdotes & scribæ & maxime Pharisei. *Christum illum. ὁ ἡγούμενος.* Nempe nobis promissum, quem nos ex promissione expectamus.

27 *Sed. ἀλλὰ.* In hac particula latet conclusio syllogismi, nempe hæc sententia, *Hic non est Christus.* Est enim hæc conjunctio adversativa, ac proinde innuit sententiam proxime-præcedenti adversantem, præcessit autem ista. *Hic est Messias:* ut quidem primoribus videtur *Sed novimus. ἀλλ' οἶδαμεν.* Integra sententia esset sic: *Sed hic non est Christus. novimus enim, &c.* Notatur igitur syllogismi conclusio per conjunctionem *Sed.* Assumptio verò continetur ibi, *Novimus, ὅτι.* Propositio denique ibi, *Quum autem. Nemo cognitus est. ἔδ' εἰς γινώσκει.* At hoc falsum. Verum autem esse sibi persuadent ex dictis Prophetarum perperam intellectis, nempe Esai. 53. vers. 8. & Mich. 5. vers. 2.

28 *Clamabat. ἐκραζεν.* Alta voce loquebatur, ut bene posset exaudiri, hoc adjuncto notatur *παρρησία* *Es me nostis. καὶ με οἶδατε.* Id est merito nosse debebatis, nempe ex miraculis meis. *Et à me ipso. & ἀπ' ἐμοῦ.* Id est, Nam certè à me ipso non veni. *Verax. ἀληθὺν.* c. Ac proinde illius testimonii quibus me signavit, credendum: nempe voci illi in baptismo Christi auditæ, & operibus à Patre ei datis. Vide suprà cap. 5. *ψ. 32. & 36.*

29 *Ab ipso sum. παρ' αὐτοῦ εἰμι.* Id est, ex ejus essentia ortus sum, ut suprà cap. 6 *ψ. 46.*

30 *Hora ejus. ἡ ὥρα αὐτοῦ.* Nempe ei destinata à Patre ut in ea caperetur.

31 *Crediderunt in eum ὁπίστευσαν εἰς αὐτόν.* Id est, agnoverunt eum pro doctore divinitus missò, & eo quidem eximio, ac prope cum ipso Messia comparando: ut intelligitur ex verbis sequentibus. *Num. signa, ὅτι.* His verbis exponunt causam cur Jesum pro divino doctore agnoscant.

32 *Murmurantem. ᾠδύζοντα.* Id est, militantem, susurrantem, submissa voce loquentem. Non enim audebant palàm de eo loqui, metu Judæorum: suprà vers. 13.

33 *Adhuc pauper. ὅτι. ἔτι μὲν ἡγέρων, &c.* Quasi dicat: Studetis me  
G truci-

trucidare : quia molesta vobis est præsentia mea. Scitote igitur, me non diu vobis fore molestum : nam brevi abibo ad patrem : sed tunc absentem requiretis : verum frustra. *Paulisper ero vobiscum*. Nempe corporali præsentia, nam post sex circiter menses futurum erat ut à Judæis occideretur in festo paschæ. *Abibo ad eum qui misit me*. Id est, ascendam in cælum. Sed de industria loquitur obscure : quia reprobi isti non erant digni clariore doctrina.

34 *Querite me. ζητετέ με*. Id est, in gravissimis calamitatibus constituti, petetis opem Dei : quo modo scilicet reorobi id facere solent, absque fide. Ideo addit, *Nec invenietis*. id est, nullam à me aut patre meo opem impetrabitis. *Vbi ego ero*. Nempe in cælo.

35 *Ad eos qui dispersi sunt inter Græcos, sic τῶν διασπορῶν ἡς ἐν ἡλώων*. Ad verb. In dispersionem Græcorum. Intelliguntur Judæi qui inter Græcos dispersi erant. Confer 1. Pet. 1. v. 1. & Jac. 1. v. 1. *Et Græcos docturum*. Id est, Incircumcisos, apud quos Judæi advenæ sunt. Nisi malimus intelligere ipsos Judæos in Græcia dispersos. Sed illud videtur rectius : nam eodem modo hic videtur dici *διασπορῶν ἐν ἡλώων*, quo apud Petrum *διασπορῶν Πόντου*. at *διασπορῶν Πόντου* dicuntur dispersi per Pontum. Ita & hic *διασπορῶν ἐν ἡλώων*, dispersi per Græcos seu inter Græcos, hoc est, incircumcisos.

36 *Quia est hic sermo. τίς ἐστὶν ὁ λόγος*. Id est, Quid significat hic sermo ? quid sibi vult ? Interrogatio desiderantis : qualis infra cap. 16. v. 17. & 18. Nisi quod illic verum desiderium est, ac serium discendi studium : cui & Dominus satisfecit, sermonem suum declarando : at hic momentanea sciendi cupiditas est, absque serio studio cognoscendi quod erat salutare : unde huic cupiditati Dominus non satisfacit : neque enim declarat, quid sibi velit. Sic videmus, Dominum aliter tractare reprobos & hypocritas : aliter verò electos, & sinceros discipulos.

37 *Ultimo. τῇ ἡμέρᾳ*. Id est, octavo. nam etsi ceremonia tabernaculorum durabat tantum septem dies : tamen dies octavus vel maximè solennis erat, propter sabbatum, & congregationem populi ad peragendum cultum Dei in offerendis holocaustis. Vide Levit. 23. vers. 36. *Illo magno. τῇ μεγάλῃ*. Id est, maxime-solenni. *Si quis sitit, &c.* Confer, Esai. 55. vers. 1. & Matth. 5. vers. 6. Per sitim intelligitur desiderium iustitiæ & omnino bonorum spiritualium, ortum ex conscientia & sensu propriæ ariditatis, id est, iniustitiæ & impotentie ad faciendum quod Deo placet. *Veniat ad me*. Id est, audiat me docentem. *Bibat*. Scilicet fide : id est, credat in me : sicut mox declaratur initio versus sequentis. Porro istud mandatum includit promissionem. Quum enim jubet bibere, hoc ipso promittit potum quem bibant. Is autem potus est omne genus bonorum spiritualium, ad vitam hominis æternam pertinentium : ut sunt remissio peccatorum & renovatio cordis per Spiritum sanctum.

38 *Sicut dixit. καὶ ὡς εἶπεν*. Hic incipit *Ἀντίδοτος* periodi ; & dux *Ἀντίδοτος* sententiæ tractæ sunt. naturalis enim verborum ordo est hic : *Qui credit in me, de illius ventre fluent flumina aquæ vivæ : sicut dixit Scriptura*. Sed notandum, non citari hic certum aliquod Scripturæ dictum : quum verba ista, sic quidem simul posita, nusquam in Prophetis scriptis reperiantur : sed citatur sententia variarum promissionum apud Prophetas, ubi magna spiritus copia sub novo Testamento futura promittitur : ut Esai. 44. versu 3. Effundam aquas super sitientem, & fluentia super aridam : effundam spiritum meum super semen tuum, & benedictionem meam super stirpem tuam.

Item

Item cap. 49. *ψ. 10.* Non esurient, neque sitient. Item, Ad fontes aquarum potabit eos. Sic Joël 3. v. 18. Per omnes rivos Juda ibunt aquæ, & fons de domo Domini egredietur, & irrigabit torrentem spinarum. Sic Zachar. 14. vers. 8. Et erit in die illa, Exhibunt aquæ vivæ de Jerusalem, &c. *Flumina. ποταμοί.* Hac metaphora notatur copia donorum Spiritus sancti. Sic Joël. 2. Effundam, &c. *Aquæ vivæ. ὕδατος ζῶντος.* Intelligit dona Spiritus sancti: ut ipse Evangelista versu sequente declarat. Aqua autem viva per metaphoram hebræam dicitur, aqua scaturiens & perennis: qualis est fontium. Opponitur aquæ stagnanti & putenti. Gen. 26. *ψ. 19.* servi Isaaci invenerunt puteum aquæ vivæ. *Fluent ex ventre. ἐν τῇ κοιλίᾳ αὐτῶ παύσονται.* Hyperbole. quasi dicat: Non solum sitim restinguet ista aqua: sed in ventre ejus qui eam biberit, fiet fons redundans & esuens. Sic suprâ cap. 4. vers. 14.

39 *Hoc autem. τὸ τοῦ δὲ.* &c. Verba Evangelistæ, quibus declarat verba Domini præcedentia. *De spiritu.* Scilicet sancto, hoc est, de donis Spiritus sancti: ut intelligitur ex sequentibus Metonymia efficientis. *Credentes. οἱ πιστεύοντες.* Ii qui crederent. *Nondum erat spiritus sanctus.* Id est, nondum erant dona illa copiosa S. sancti, Metonymia efficientis: ut intelligitur ex præcedentibus: atque etiam ex sequente sententia, nam post Christi glorificationem effusus est Spiritus sanctus in Apostolos & auditores eorum, & adhuc hodie effunditur: licet non eodem modo. *Nondum erat glorificatus.* Id est, nondum erat mortuus, nondum resurrexerat ex mortuis, nondum ascenderat in cælum. Synecdoche membri.

40 *Propheta ille. ὁ προφήτης.* Scilicet de quo extat promissio Denter. 18. Hic Propheta est ipse Christus: quod isti non intelligebant: ut ex verbis sequentibus liquet. quia nonnulli ex ipsis tanquam eos qui prophetam illum esse affirmaverant, correcturi, dicunt: Hic est Christus.

41 *Num è Galilea, &c.* Errant, quòd putant, Christum natum esse in Galilæa, nempe in Nazareth. Confer suprâ cap. 1. *ψ. 46.*

42 *Ex semine David.* At hic erat ex semine David; Matth. 1. Luc. 3. *Ex vico Bethleem.* At hic erat ex vico Bethleem. Luc. 2.

44 *Nemo injectit manus.* Nempe, quia nondum venerat hora ejus: suprâ vers. 30.

45 *Quare, &c.* Interrogatio indignantis.

46 *Nunquam ita locutus est.* Nempe cum tanta gratia & autoritate. En vim doctrinæ Christi. Confer Matthæi 7. vers. 28. & 29. item Lucæ 4. versu 22.

47 *Num è vos, &c.* Interrogatio similis priori. *Seducti.* Sic etiamnum hodie pii doctores à nostræ ætatis Phariseis seductores nominantur.

48 *Num quis ex primoribus.* Sic hodie Pontificii: Num quis ex Cardinalibus, Episcopis, &c. amplectitur novum illud Evangelium?

49 *Turba hæc.* Superbè contemnunt plebem. *Execrabilis est ὀνηκτόφανει εἶς.* Ad verb. Execrabiles sunt, quale illud, Turba ruunt. Sententia est, *In eum credunt.* Metonymia effecti, ex opinione quidem istorum. Tales antitheses multæ occurrunt in Proverbiis Salomonis.

51 *Condemnas.* id est, jubet condemnare.

52 *Galilæus.* Quippe qui Galilæo isti faves. Sed falsò habent Christum pro Galilæo. *Scutare. ἰσχυρῶς.* nempe historias sacras. *Ex Galilæa Prophetam non surrexisse.* Quid tum? Ergo nec surrecturus est: quæ est ratio consequentiæ? Quasi Deus non sit liberrimum agens!

## OBSERVATIONES LOCORVM

## DOCTRINAE EX CAP. 7.

3. Ex *ψ*. 1. 6. 8. 9. 10. Exemplo Christi docemur, ne nos temerè periculis exponamus, sed ea prudenter declinemus : ita tamen ne interim officium nobis à Deo mandatum negligamus : Huc pertinet illud, Qui amat periculum, peribit in eo.

11. Ex *ψ*. 3. 4. 5. Si nobis propter religionem molesti sint, nosque vexent fratres & propinqui nostri : consolemur nos exemplo Christi domini nostri, cui idem evenit : perpendentes illud, Non est servus supra dominum, nec discipulus supra magistrum, Matth. 10. 24.

111. Ex *ψ*. 6. 8. 9. Stultis suorum votis minimè obsequendum est : sed semper opera danda ut obsequamur voluntati Dei.

IV. Ex *ψ*. 7. Si nos odit mundus propter professionem veritatis cœlestis, qua illius errores & scelera damnantur : consolemur nos exemplo capitis nostri Christi, cui idem accidit. Membra enim capiti conformari decet. Ut autem in hac vita conformari nos Christo oportet in ignominia & cruce : ita eidem in altera vita conformabimur in gloria & beatitate, 2. Tim. 2. *ψ*. 12. Rom. 8. 17.

V. Ex *ψ*. 11. 12. 13. Si hodie videmus horrendam confusionem in Ecclesia, quòd nimirum multi pastores, maxime in Papatu, metu & terrore oppressum populum tenent : quòd populus doctrinam Evangelii desiderat, oblatam sæpè negligit : quòd etiam non desunt qui cognitam temerè condemnent, pauci tantum clanculum rectè sentiunt : Si, inquam, horrendam hanc confusionem in Ecclesia videmus : consolemur nos exemplo temporis Christi, quo fuit consimilis Ecclesie status.

VI. Ex *ψ*. 14. Pii ministri verbi Dei non debent impediri ingratiæ lineæ mundi, quo minùs veritatem cœlestem, quoties licet & opportunum est, fideliter doceant.

VII. Ex *ψ*. 15. & 16. Non est satis admirari eruditionem doctorum verbi Dei : sed oportet ipsam doctrinam cognoscere, an ex Deo sit : ut veritatem cognitam amplectamur, & secundùm illam actiones nostras instituamus.

VIII. Ex *ψ*. 17. Ad doctrinam Evangelii intelligendam offerendum est serium studium pietatis : quod quoniam in paucis est, non est mirum, si plerisque Evangelium non sapiat.

IX. Ex *ψ*. 18. Fideles doctores verbi Dei inde agnoscuntur, quòd gloriam Dei unicè quarunt : contrà qui quarunt gloriam propriam, infideles censendi sunt.

X. Ex *ψ*. 19. Non est satis habere verbù Dei, oportet eisdè obsequi. Ro. 2. 13.

XI. Ex eod. *ψ*. Si videmus hodie Papistas, qui de verbo Dei gloriantur & Ecclesie titulo superbiunt, acerrimos esse piòrum atque innocentium persecutores : consolemur nos exemplo Christi, cui idem evenit.

XII. Ex *ψ*. 20. Non temerè de universis negandum est, cujus nobis ipsi conscii non sumus.

XIII. Ex *ψ*. 21. 22. 23. Cultus Dei ceremonialis charitati proximi cedere debet. Confer Luc. 14. à principio, de hydropico quem Dominus sanavit in sabbato. Item Marc. 3. 1. de eo qui habebat manum atidam.

XIV. Ex *ψ*. 24. Judicandum est ex ipsa causa de qua agitur : non autem ex effectu, sive bono sive malo, erga eos quorù causa agitur. Vide Deut. 1. 16.

XV. Ex



xv. Ex *ψ*. 25. & 26. Multi mirantur, irritos fieri hostium Dei conatus, nec tamen interea divinam virtutem agnoscunt.

xvi. Ex *ψ*. 27. Homines ad fruenda sibi obstacula & salutem suam impediendi ingeniosi sunt.

xvii. Ex vers. 28. & 29. Christi veritas minimè pender ex hominum iudiciis.

xviii. Ex vers. 30. Non licet malis quod libet: sed id demum quod Deus decrevit.

xix. Ex vers. 31. 32. 33. 34. Prout crescit regnum Dei, crescit etiam ejus hostium rabies: donec tandem absentia bona frustra requirant, quæ præsentia neglexerint.

xx. Ex vers. 35. 36. Magna est ingenii humani in percipiendo Dei verbo vanitas.

xxi. Ex vers. 37. 38. 39. Duo sunt nobis ad salutem consequendam necessaria: unum, ut vero summæ nostræ inopiæ sensu seriò tangamur: alterum, ut in uno Christo per fidem apprehenso quæramus omnium bonorum copiam.

xxii. Ex vers. 40. 41. 42. 43. 44. In ipsa Ecclesia de præcipuo capite religionis, nempe quis sit salutis nostræ author, certatur: nec alii sunt crudeliores Christi hostes iis qui veritatis sedem occupant. Non licet tamen eis quicquid libet.

xxiii. Ex *ψ*. 45. 46. Deus è cælis irridet filii sui inimicos: dum sæpe mirabiliter pios doctores conservat, ex mediis periculis atque adeò è faucibus tyrannorum eos eripiendo. Confer Exemplum Elisei, 2. Reg. 6. item Athanasii, Socr. hist. Eccl. lib. 3. cap. 10.

xxiv. Ex vers. 47. 48. 49. Falsi pastores adeò sunt stolidi, ut è splendore externo Ecclesiam Dei æstiment. Sed non est quòd pii ampullis istis moveantur.

xxv. Ex *ψ*. 50. & 51. Deus subinde aliquos excitat, per quos tyrannis exprobrat injustitiam suam, qua in piis persequendis utuntur.

xxvi. Ex *ψ*. 52. Stultum est gratiam Dei ad certum locum & omnino ad res externas restringere. Deus enim gratiam suam liberrimè pro suo beneplacito dispensat, ubi, quando & quibus vult.

xxvii. Ex *ψ*. ult. Non est consilium contra dominum: sed irritos fieri necesse est hostium Dei conatus, quoties Deo visum est.

## ANALYSIS CAP. VIII.

### ARGUMENTUM.

Dux sunt principales hujus capitis partes. Prima est de adultera à Phariseis ad Dominum adducta, ut suum de ea puniendi judicium diceret, usque ad *ψ*. 12. Altera continet sermocinationem Domini cum Judæis variam ac multiplicem, usque ad finem cap.

### DE PRIMA PARTE.

**I**esus autem profectus est in montem Olivarum.

2 Et diluculo rursus adfuit in templo, & totum populum veniens ad eum: & sedens docebat eos.

3 Adducunt autem ad eum Scribae & Pharisei mulierem in adulterio deprehensam: & quum stauissent eam in medio,

4 Dicunt ei, Præceptor, hæc mulier deprehensa est in ipso facto, quum malecharetur.

5 In Lege autem Moses præcepit nobis ut tales lapidentur: tu ergo quid dicis?

6 Hoc autem dicebant tentantes eum, ut possent eum accusare. Iesus autem incurvatus deorsum, digito scribebat in terra.

7 Quum autem perseverareni eum interrogare, erexit se, & dixit ei, Qui vestrum immunis est à peccato, primus in eam jaciatur lapidem.

8 Et rursum incurvatus deorsum, scribebat in terra.

9 Auditis autem hi, arguente ipsos conscientia singulatim alium post alium exhibens, initio facto à senioribus usque ad ultimos: & relictus est solus Iesus, & mulier in medio instanti.

10 Quum autem erexisset se Iesus & neminem conficeret prætermulierem, dixit ei, Mulier, ubi sunt illi tui accusatores? nemo te condemnavit?

11 Ipsa verò dixit, Nemo, Domine. Dixit autem ei Iesus, Nec ego te condemno: vade, & ne amplius pecca.

Quod ad historiam hanc attinet, non desunt viri docti, quibus ea sit suspensa, tanquam non ab ipso Evangelista scripta sit. Rationes has afferunt. Primum observant, quod nonnulli veteres eam vel rejecerunt vel ignorarunt: quippe qui eam omiserunt: ut Syrus interpres, Nonnus, Chrysostomus, Theophylactus: item quod Eusebius testatur, hanc historiam à quodam Papia scriptam esse. Hæc ratio apud me quoque nonnihil momenti habet: Veruntamen illis veteribus oppono Hieronymum: qui (ut iidem referunt) testatur, hanc historiam in nonnullis codicibus non fuisse descriptam: quo ipso utiq; facetur, descriptam fuisse in plerisque. Oppono etiam ipsum Chrysostomum: qui (eisdem referentibus) historiz hujus meminit homilia in Johanne 60. Secundam rationem hanc afferunt, quod non videatur probabile, Jesum solum fuisse relictum cum muliere in templo. Atqui hæc sic potest exponi: accusatores mulieris adulteræ, nempe Phariseos & Scribas, ad unum omnes discessisse: licet remanserit populus, de quo vers. 3. Et, si maxime populus quoque discessisset, ut plane solus cum muliere relictus esset: non video quid sit absurdi: quum sup. c. 4. legatur quoq; cum muliere Samaritana solus collocutus esse. Tertia ratio est, quod illa historia non satis cohareat cum v. 12. At, inquam, nec historia hac expuncta, cohærebit narratio: ea autem retenta, subintelligi potest, Phariseos paulo post in templum rediisse. Quarta ratio est, quod videatur novum & insolens nec commodè explicari posse quod Iesus digito scripserit in terra. At insolens quoque erat, quod flagello eiecit è templo vendentes & ementes, item quod agrotos sanavit sabbato. Commodè autem videtur sic posse explicari hic gestus quod significare voluerit, accusationem adulteræ nil ad se pertinere, ut qui non venerit iudex politicus: itaq; quasi non audiret quid accusatores isti dicerent, simulavit se aliud agere. Postrema ratio est, lectionis varietas. Verum eatorum in verbis, nequaquam verò in ipsis rebus atque sententiis est. Nec desunt alia novi Testamenti loca, in quibus aliqua lectionis varietas observatur. Mihi verò ideo probabilis videtur hæc narratio & ab Evangelista scripta esse: quod Pharisei quum pridie frustra Jesumprehendere conati essent, nec tamen odium eos quiescere sineret, mox novam ansam ejus comprehendendi qua siverunt. Itaque adultera ista postridie casu deprehensa, occasione ea usi sunt ad insidias Christo fruendas, nam si eam absol-

visset

visset Christus: fuisset accusatus tanquam transgressor legis Moisaicae: fin condemnasset, fuisset reprehensus inconstantia, ut qui publicanos & meretrices in numerum discipulorum recipere soleret. Deinde movet me quoque ipsius styli Apostolici (quae hic elucet) simplicitas, & cum reliqua Johannis oratione similitudo: quam nescio an Papias aut quispiam alius tam dextrè imitari potuerit. Nec etiam est verisimile, quenquam narrationem tam probabilem tamque huic loco convenientem excogitare potuisse: neque etiam ratio apparet, quae quenquam ad id faciendum impelleret. Postremo veritatem huius historiae illud quoque juvat, quod in vetustis codicibus septendecim D. Bezae, unus duntaxat illam non habebat. Nos igitur hanc historiam libenter tanquam veram & à Johanne scriptam amplectimur: ac proinde in ea exponenda parem quam in aliis, diligentiam adhibebimus.

In historia igitur hac describenda, Johannes primùm indicat aliquot rei gestae circumstantias, vers. 1. & 2. Deinde ipsam rei gestae formam ac modum, à vers. 3. usque ad 9. Postremo eventum, à vers. 9. usque ad 12. Ac circumstantias quidem indicat quatuor, 1. tempus, quando haec mulier ad Christum adducta sit, nempe postridie octavi diei festi tabernaculorum. 1. 1. Locum, ubi ad eum adducta sit, nempe in templo, & quidem in gazophylacio, ut colligitur ex collatione vers. 20. 111. Testes seu arbitros coram quibus adducta sit, nempe coram populo. 1 v. Occasionem qua usi sint ad eum interpellandum, nempe quod doceret; simulant igitur, se de hoc quoque casu doceri cupere.

1 *Jesus autem profectus est* Haec sententia cohaeret cum proxime precedente, nempe cum versiculo ultimo cap. superioris, per antithesin diversorum. Illic enim dixit, quò abierint Pharisei post illam cum Christo colloca-tionem: hic dicit quò abierit ipse Christus.

3 *Adducunt* ] In forma rei gestae describenda primùm indicat, quid de ista muliere egerint, vers. 3. deinde quibus verbis eam apud Jesum accusarint, vers. 4. & 5. tum quo animo id fecerint, vers. 6. postea quomodo se Christus gesserit accusatione illa audita, vers. 6. 7. 8. Ubi notandum, Scribas & Phariseos sperasse, se Domino certò periculum creaturos, tali dilemmate fretos:

Aut absolvet eam, aut condemnabit.

Si absolvet: accusabimus eum ut adversarium Moysi,

Si condemnabit: accusabimus eum ut sibi non constantem: quippe qui meretrices ac publicanos alias in gratiam recipit.

Deinde observandum, Dominum hanc illorum acutam ratiocinationem ipso gestu irridere, dum digito in terram scribit: quo gestu evertit ratiocinationis istius fundamentum, hoc est hypothesein, qua illa nititur, nempe dis-junctum illud enunciatum: Aut absolvet, aut condemnabit. Dominus. n. neu-trum facit: & ipso gestu, se neutrum facturum, significat: quum scilicet, id non sit sui muneris: itaque tanquam accusationem non audisset, simulat se interim aliud agere, non autem sollicitum esse quid respondeat, quamve sententiam pronunciet. Quum autem Scribae & Pharisei urgerent responsionem, ita respondit, ut mulierem quidem nec condemnaret nec absolveret, sed istorum hypocrisis conspicuè redargueret. Volebant enim isti videri sancti ac pudicitiae amantes, quippe qui adulteram istam merita poena affici cuperent: at Dominus suo responso conscientias eorum ita ferit, ut velint nolint palam declarare cogantur, se ad unum omnes gravissimorum flagitiorum sibi conscios esse.

9 *Audisti* ] Deinceps eventum rei gestae indicat: & primùm quid evenerit

accusatoribus, nempe Scribis & Phariseis, V. 9. deinde quid evenierit mulierem, nempe quibus verbis à Domino dimissa sit, V. 10. & 11.

## DE ALTERA CAPITIS PARTE.

12 Rursum ergo Jesus loquutus est ei, dicens, Ego sum lux illa mundi: qui sequitur me, non ambulabit in tenebris, sed habebit lumen vite.

13 Pharisei igitur dixerunt ei, Tu de teipso testaris: testimonium tuum non est idoneum.

14 Respondit Jesus & dixit ei, Etiam si ego testor de meipso, idoneum est testimonium meum: quia scio unde venerim, & quò vadam: vos autem nescitis unde venerim & quò vadam.

15 Vos secundum carnem iudicatis, ego non iudico quemquam.

16 Quod si etiam iudicem ego, iudicium meum idoneum est: quia solus non sum, sed ego & qui misit me Pater.

17 Sed & in Lege vestra scriptum est, duorum hominum testimonium idoneum esse.

18 Ego is sum qui testor de meipso, & testatur de me qui misit me Pater.

19 Dicebant ergo ei, Ubi est tuus ille Pater? Respondit Jesus, Nescitis me, neque Patrem meum: si me noveritis, Patrem quoque meum noveritis.

20 Hec verba loquutus est Jesus in exophylacio, docens in templo: & nemo prehendit eum, quia nondum venerat hora eius.

21 Dixit ergo iterum eis Jesus, Ego vado, & quæretis me, & in peccato vestro moriemini: quòd ego vado, vos non potestis venire.

22 Dicebant ergo Iudei, Num cruciabit seipsum, qui dicat, Quòd ego vado, vos non potestis venire?

23 Tunc dixit eis, Vos ex inferni locis estis, ego ex supernis sum: vos ex hoc mundo estis, ego non sum ex hoc mundo.

24 Ideo vobis dixi, vos morituros in peccatis vestris. Nam nisi credideritis me cum esse, moriemini in peccatis vestris.

25 Dixerunt ergo ei, Tu quis es? Tum dixit eis Jesus, Id quod à principio dico vobis.

26 Multa habeo quæ de vobis loquar ac iudicem: sed qui me misit, verax est: & ego, quæ audiavi ab eo, hæc loquor mundo.

27 Non cognoverunt eum de Patre ipsis loqui.

28 Dixit ergo eis Jesus, Quum in altum exstuleritis Filium hominù, tunc agnosceitis me cum esse, & à meipso nihil facere, sed prout docuit me Pater, hæc loqui.

29 Nam qui me misit, necum est, non reliquit me solum Pater, quia ego quæ placita sunt ei, facio semper.

30 Hec illo loquente multi crediderunt in eum.

31 Dicebat ergo Jesus iis Iudeis qui crediderant ipsi, Si vos manseritis in sermone meo, verè discipuli mei eritis:

32 Et cognoscetis Veritatem, & veritas vos in libertatem vindicabit.

33 Responderunt ei, Semen Abrahe sumus, neque cuiquam servivimus unquam: quomodo tu dicis, Vos in libertatem vindicabimini?

34 Respondit eis Jesus, Amen amen dico vobis, quisquis commisit peccatum, servus est peccati.

35 Servus autem non manet in domo perpetuò: filius manet perpetuò.

36 Itaque si vos Filium in libertatem vindicatis, verè liberi eritis.

37 Scio vos semen Abrahe esse: sed studeatis me cruci dare, quia sermo meus non habet locum apud vos.

38 Ego loquor quod vidi apud Patrem meum: & vos facitis quod vidistis apud Patrem vestrum.

39 Responderunt ei, & dixerunt ei, Pater noster Abraham est. Dicit ei Jesus, Si filius Abrahe essetis, opera Abrahe faceretis.

40 Nunc autem studeo me interficere, hominem qui veritatem vobis loquutus sum, quam audi. vi. à Deo: hoc Abraham non fecit.

41 Vos facitis opera patris vestri. Itaq; dixerunt ei, Nos ex scortatione non sumus geniti: unum patrem habemus, nempe Deum.

42 Dixit ergo eis Jesus, Si Deus pater vester esset, diligeretis me, ego enim à Deo prodii & assum: nec enim à meipso veni, sed ille me misit.

43 Quare loquutionem meam non agnoscitis? nam non potestis audire sermonem meum.

44 Vos ex patre diabolo estis, & cupiditate patris vestri vultis explere. Ille fuit homicida à principio, & in veritate non persistis: non est enim veritas in eo. Quotiescumque loquitur mendacium, de suo loquitur: quia mendax est, & mendacii pater.

45 Vos autem, quia ego veritatem dico, non creditis mihi?

46 Quis ex vobis arguit me de peccato? si vero veritatem dico, quare vos non creditis mihi?

47 Qui ex Deo est, verba Dei audit: propterea vos non audistis, quia ex Deo non estis.

48 Responderunt ergo Judei & dixerunt ei, Nonne bene dicimus te Samaritanum esse, & demonium habere?

49 Respondit Jesus, Ego demonium non habeo, sed honoro Patrem meum, & vos contumelia afficitis me.

50 Ego vero non quaero gloriam meam: est qui quaerit, & iudicet.

51 Amen amen dico vobis, Siquis sermonem meum servaverit, mortem non conspiciet in aeternum.

52 Dixerunt ergo ei Judei, Nunc cognovimus te demonium habere. Abraham mortuus est, & Prophetae: & tu dicis, Si quis sermonem meum servaverit, non gustabit mortem in aeternum?

53 Cum ita major es patre illo nostro Abraham, qui mortuus est: etiam Prophetae mortui sunt: quem tu teipsum facis?

54 Respondit Jesus, Si ego glorifico meipsum, gloria mea nihil est: Pater ille meus, qui est qui glorificat me, quem vos dicitis Deum vestrum esse.

55 Sed non novistis eum: ego vero novi eum: & si dixero me eum non nosse, ero similis vestris, id est mendax. sed eum novi, & sermonem eius servo.

56 Abraham pater vester gestivit ut videres diem istum meum: & vidit, ac gavisus est.

57 Dixerunt igitur ei Judei, Quinquaginta annos nondum habes, & Abraham vidisti?

58 Dixit eis Jesus, Amen, amen dico vobis, priusquam Abraham fieret, ego sum.

59 Susceperunt ergo lapides ut jacerent in eum: Jesus autem occulavit se, & exiit de templo quum transivisset per medios ipsos; & ita praeiit.

Dominus sub metaphora lucis docet, quenam sua tanquam servatoris efficaciacia sit in cordib; electorum, ait enim, se esse lucem mundi. h. e. se esse illum qui per suam doctrinam virtute Spiritus S. illuminet corda electorum per totum mundum omnesq; populos dispersorum: non secus ac sol suis radiis illustrat oculos omnium hominū per totum hemisphaerium ubi lucet, dispersorum. In qua similitudine duae dissimilitudines notandae sunt. Una est, quod sol

sol tantummodò illustrat oculos eorum qui visu sunt prædici, non etiam cæcorum: At Christus spiritu suo illuminat oculos cæcorum: Act. 26. 18 quum omnes homines à natura cæci sint intelligendis mysteriis regni cælorum: secundum illud sup. cap. 1. Deum nemo vidit unquam: Filius qui est in sinu Patris, ille nobis exposuit. Altera dissimilitudo est, quòd sol uno tempore non potest plurium oculis illustrare, quàm eorum qui versantur in hemisphærio ubi lucet; at Christus suo spiritu illuminat uno tempore omnium quorù vult, corda, per totum mundù disperforum. Præterea observandum est discrimen inter Christù & Apostolos, quib. & ipsis hunc titulum alibi tribuit Dominus, inquit, Matth. 5. 14. Vos estis lux mundi; nempe ut ministri qui doctrinam lucis annunciant, per quorum ministerium Christus corda electorum illuminat: at Christus illuminat per se & sua virtute, tanquam principalis efficiens & author.

Porro huic doctrinæ de sua efficacia subicit *ὅτι ὁ νόμος* promissionem ipsius effectû seu fructus, quem electi ab ipso percepturi sint; ut ita eos hortetur ad credendum suæ doctrinæ, argumento ab utili. Effectus ille est, vita æterna. Ait. n. *Qui sequitur me*, scil. tanquam lucem, h. e. qui credit doctrinæ meæ, ei; obsequitur; *non ambulabit in tenebru*, h. e. non errabit ex innata cæcitate in suis cogitationibus de Deo, in cultu Dei & ratione salutis suæ; *sed habebit* (nempe in suo corde) *lumen vite*, h. e. cognitionem Dei certam, unde existit ac manat vita æterna, sicut & infra ait cap. 17. Hec est vita æterna ut te cognoscant illum solum verum Deum, & quem misisti Jesum Christum,

13 *Pharisæi*] Pharisei doctrinæ Christi contradicunt hoc argumento, quòd ipse testetur de seipso. Syllogismus.

Si testaris de teipso, testimonium tuum non est idoneum.

Atqui testaris de teipso: nempe quum dicis, Ego sum lux illa mundi.

Ergo testimonium tuum non est idoneum.

Christus negat propositionem, eique contradicit per enunciatum discretum, V. 14. *Etiamsi*, inquit, *ego testor de meipso, tamen idoneum est testimonium meum*. Et hanc sententiam confirmat, atque ita testimonio suo autoritatem conciliat, ab adjuncta dignitate sua: quia nimirum testetur de seipso, tanquam legatus Dei, à quo sibi hoc ipsum sit mandatum: imò tanquam filius Dei, qui ut à Patre exierit & homo factus sit: ita carne sua à mortuis excitata, ad Patrem rediturus sit. Monet igitur, testimonium suum divinum esse, ac proinde omni exceptione majus. hoc significat istis verbis: *Quia scio unde venerim*, nempe à Deo Patre: *Ex quo vadam*, nempe ad eundem. Porro hanc sententiam amplificat antithesi, qua Phariseos reprobos sibi opponit, inquit: *Vos autem nascitu, &c.*

Deinde V. 15. reprehendit eos propter pravitatem in judicando, quippe qui non iudicent ex ipsa re seu causa, sed secundù carnein, id est ex carnalibus affectibus, videlicet odio erga ipsum, orto ex ambitione & avaritia: quæ vitia Christus in eis sæpe taxaverat. Ait igitur, *Vos secundù carnem iudicatu*. Et hanc sententiam illustrat antithesi, qua se illis opponit; negans, se venisse potissimum ad iudicandum. Venerat enim principaliter ad docendum & doctrina sua vivificandum credentes. Interdum tamen etiam iudicavit: quoties nimirum necessitas postulavit, ut Phariseorum hypocrisis detegeret. Hoc autem suum iudicium rectum esse probat, V. 16. eodem argumento, quo jam probaverat, idoneum esse suum testimonium: atque ita ad testimonium suum redit: quod ver. 17. & 18. confirmat à comparatis, videlicet à minori: Quod argumentum duos syllogismos continet. Principalis est:



Si non solus ego de me testor, sed etiam Pater de me testatur: sequitur, testimonium meum idoneum esse.

Atqui non solus ego de me testor, sed testatur de me etiam Pater meus, ver. 18.

Ergo testimonium meum est idoneum.

Prosyllogismo approbatur propositio:

Si duorum hominum testimonium idoneum est: multo magis idoneum est testimonium Dei Patris ac Filii.

Sed illud. Ergo & hoc.

Assumptio hujus syllogismi probatur testimonio legis Dei, quæ extat Deut. 19. & 15. In ore duorum aut trium testium stabit omne verbum.

19 *Vbi est*] Quia Dominus allegavit testimonium Patris, querunt Pharisei, Quisnam sit ille Pater. dissimulantes nimirum, se intelligere, Dominum nomine Patris intellexisse Deum. Dominus igitur non respondet ad questionem, sed objicit eis ignorantiam Dei, nempe Patris sui, ac proinde etiam sui ipsius, ac monet sui & Patris noticiam ita inter se conjunctam esse, ut neuter sine altero cognosci possit.

21 *Hæc verba*] Monet Evangelista, ubi Dominus verba præcedentia loquutus sit, & quando, & qui factum sit, ut cum non prehenderent, tam libere scilicet ipsos obiurgantem.

21 *Dixit ergo*] Dominus animadversa eorum cupiditate in se capiendis, rursus eis minatur suum discessum, conjunctum cum ipsorum desertione & interitu. sicut etiam fecerat ante paucos dies in festo: ut videre est supra 7. v. 33. & 34. Simul autem causam propriam interitus ipsorum indicat, nempe peccatum.

22 *Dicebant*] Pervertunt suo more verba Domini, & perversissime colligunt, cum aliquo abiturum, ubi sese clam trucidet.

23 *Tunc dixit*] Christus perversitatis istius causam aperit: quia nimirum ex infernis sint, hoc est (ut ipse exponit) quia sint ex hoc mundo, nempe ex genere hominum profanorum, non renatorum scilicet spiritu Dei, ac proinde adhuc immeritorum peccato: unde mox rursus infert, ipsos mortuos, videlicet morte æterna: nisi in ipsum crediderint. Simul autem se illis opponit, tanquam hominem sanctum, imò tanquam ipsum Dei filium: quippe qui & supernis sit, hoc est, è caelo.

25 *Dixerunt*] Præfacti Judæi, quum audissent Dominum dicere, se esse è supernis; querunt, quisnam igitur sit. quasi Dominus id non sæpe jam docuerit, adeoque istis ipsis verbis. Quare Dominus respondet, se illum ipsum esse quem se esse docuerit inde à principio, hoc est, quum primum docere cepit. Et mox eis perversitatem suam & contumaciam exprobrat: illique opponit judicium patris sui, & mandatum docendi quod ab illo acceperat. Sed tantus est eorum stupor, ut non intelligant, ipsum de Patre loqui, ac proinde affirmare, se filium Dei esse: vel certè tanta perversitas est, ut id se intelligere dissimulent.

28 *Dixit ergo*] Christus pergit in instituta doctrina de persona & officio suo, nempe se esse filium Dei, à Patre missum, ut sit mundi servator. id quod jam probat ab effectis, videlicet à futura sua resurrectione & in caelos ascensione. prædicat enim fore, ut ab ipsis exaltetur, hoc est, in crucem tollatur: sed innuit se ex morte resurrecturum & in caelos ascensurum, unde merito cognituri sint, ipsum esse filium Dei ac servatorem mundi, sicuti docebat.

30 *Hec* ] Hic Evangelista fructum doctrinae Christi commemorat, nempe fidem inultorum.

31 *Dicabas ergo* ] Hortatur Dominus credentes, ut in doctrina sua perseverent, ac promittit fore ut sic in cognitione veritatis caelestis proficiant, maximumque inde fructum percipiant, nempe libertatem à servitute peccati.

33 *Responderunt* ] Judaei quum audissent, sibi à Domino promitti libertatem, si constantes mancant in ipsius fide: agrè id serunt, existimantes ignominiosum sibi esse, si pro servis habeantur. Sic igitur contra Dominum ratiocinantur:

Qui opus habent liberari, eos necesse est esse servos.

At nos non sumus servi: sumus enim, posteri Abraham.

Ergo nos non opus habemus liberari.

34 *Respondit* ] Christus negat assumptionem, quatenus probat contrarium. Sic autem argumentatur:

Quisquis deditus est peccato, servus est peccati.

At vos dediti estis peccato.

Ergo servi estis peccati.

Deinde confirmat sententiam à se antè propositam, nempe eos opus habere liberatione.

Servus opus habet liberatione, idque per filium.

Vos estis servi.

Ergo opus habetis liberatione, idque per filium.

Postea respondit ad assumptionis confirmationem tacita quadam distinctione, qua distinguit inter filios Abraham carnales & spirituales: concedens eos esse filios Abraham carnales: sed negans esse filios Abraham spirituales: quod probat ex ipsorum factis, quia nimirum ipsam studeant trucidare: cujus rei causam exponit, incredulitatem scilicet ipsorum.

Postremo incredulitati eorum opponit mandatum & approbationem Patris: simulque innuit, eos esse filios Diaboli, quum illius opera faciant.

39 *Responderunt* ] Judaei intelligentes, sibi tribui patrem Diabolum; rursus excipiunt, patrem suum esse Abrahamum. Dominus eos rursus coarguit ex factis:

Si filii Abraham essetis, opera Abraham faceretis.

Nunc autem opera Abraham non facitis: quia me innocentem, imò benè de vobis meritum, studetis interficere.

Ergo filii Abraham non estis.

Deinde rursus concludit, ipsos esse filios Diaboli: inquit, *Vos facitis opera Patris vestri, quod.* Facitis opera Diaboli: ergo estis filii Diaboli, Judaei dissimulantes, se intelligere, quem patrem notet, nempe Diabolum: excipiunt, se non esse genitos ex fornicatione; quo significant, se esse filios Abraham legitimos & genuinos, imò verò se patrem habere ipsum Deum. Dominus hoc refutat ex ipsorum factis:

Si Deus pater vester esset, diligeretis me, filium ejus & legatum.

Non autem diligitis me: quia non potestis à quo animo audire doctrinam meam.

Ergo Deus non est vester pater.

Postea expressè affirmat, eos ex patre Diabolo esse: quia ingenium & naturam Diaboli habeant: quum sint mendaces & homicidae. Mendaces: quia nolint credere verè ipsius doctrinae. homicidae, quia se studeant trucidare. hoc enim hic ex superioribus intelligendum est. Postremo causam exponit

exponit incredulitatis ipsorum, nempe quia non sint ex Deo, ver. 47. ubi notandum, propositionem syllogismi convertendam simpliciter, ut formula syllogismi consistat. Syllogismus autem hic est:

Qui ex Deo est, verba Dei audit.

Vos ex Deo non estis.

Ergo vos non auditis verba Dei.

48 *Responderunt*] Judæi ægré ferentes libertinam illam Domini obprobrationem, petulantissimis eum convitiis proscindunt: dicentes, eum esse Samaritanum, & dæmonium habere. Quod dicunt esse Samaritanum, significant non esse meliorem Samaritanis, sed falsa doctrina quam-simillimum. Hæc crimina Christus refutat à suis factis: quia honoret Deum. quam sententiam illustrat antichresi. quod Judæi contumelia ipsum afficiant, ac proinde etiam Deum ipsum, quippe à quo ipse erat missus. Tum hanc sententiam amplificat prolepsis: qua negat, se querere suam gloriam: simulque se consolatur à iudicio Dei, qui honorem ipsius vindicaturus sit. Postremo repetit promissionem Evangelii de vita æterna per fidem.

53 *Dixerunt*] Judæi ex verbis Domini arripiunt argumentum ad confirmandum crimen ei obiectum, nempe quod habeat dæmonium: quippe qui tam vehementer insaniat, ut se Abrahamo & Prophetis majorem facere non dubitet: dum nimirum suæ doctrinæ tribuat vim conservandi à morte, quum tamen Abraham & Prophetæ mortui sunt. At Judæi inficit mortem corporalem opponunt: quum Christus de spirituali & æterna loquutus esset: à qua utique nec Abraham nec Prophetæ conservare quenquam poterunt. unde liquet, Christum illis majorem esse.

54 *Respondit*] Quia Judæi ei objecerant ambitionem, ut qui se extolleret supra Abrahamum: Dominus crimen istud à se depellit inficiatione: sed interim tamen honorem suum asserit à iudicio Patris: cujus ignorantia Judæis exprobrat, eosq; eadē opera mendacii accusat, quippe quum cognitionē Dei sibi tribuant. Sibi autem contra tribuit notitiam Dei & veritatem. Deinde quia Judæi Abrahamum protulerāt tanquam Christo majorem; ostendit Dominus, Abrahamum ipsum longe aliter de se judicasse, quippe qui gestiverit ut videret ipsum tanquam semen illud sibi promissum: quique eum viderit, nempe fide, in promissionibus, quibus tanquam certissimis credidit, atque ita gaudio maximo affectus fuit. Hanc de Abrahamo sententiam conantur Judæi refutare ab ætate Christi, qui nondum quinquaginta annos natus sit; ac proinde fieri non possit, ut vel ipse Abrahamum, vel Abrahamus ipsum viderit, quippe qui ante aliquot secula diem suum obierat. Atqui Christus non fuerat locutus de visione corporali, quæ sit oculis corporis & qua videtur corpus, sed de visione spirituali, quæ fit oculis cordis, & qua videtur gratia Dei in promisso mediatore. Porro Christus errori eorum occurrat, putantium eum nudum hominem esse, ac proinde solos a tatis humanæ annos in ipso agnoscentium. affirmat igitur se fuisse priusquam Abraham fuerit, ac proinde se esse Deum. Hoc verbo quasi blasphemum tam vehementer commoventur Judæi, ut lapidibus eum petere conentur: sed frustra, quia Dominus se occultat & abijt, & quidem transiens per medium eorum.

## SCHOLIA IN CAP. VIII.

I *In montem olearium.* εἰς τὸ ὄρος τῶν ἑλαιῶν. nempe ut precaretur, suo more. Vide Luc. 21. versu 37. & cap. 22. versu 39. Erat autem hic mons

non

non procul ab urbe: unde postridie mane in urbem rediit.

2 *Et diluculo.* ἔσθρη δὲ. Id est, summo mane, quum primum sol ortus esset. *In templo.* εἰς τὸ ἱερόν. Pro, εἰ τῷ ἱερῷ. Τοῦτο ὁ λαός. Nempe qui superioribus diebus eum audierat docentem in festo tabernaculorum: supra cap. 7. v. 14. & 37. *Sedens.* καθίσας. Quum confedisset.

3 *Adducunt.* ἀγγοσι. Id est, adducebant. Modus loquendi historicus, lectorem quasi in rem presentem ducens: qui modus loquendi Johanni persimiliaris est: ut videre est his locis. cap. 1. v. 29. 36. 38. 40. 42. 46. 49. 52. cap. 2. v. 4. 5. 7. 8. 9. 10. cap. 4. v. 5. 7. 9. 11. 15. 16. 19. 21. 25. 26. 34. 49. 50. cap. 5. v. 8. ca. 6. v. 5. 8. 20. cap. 7. v. 6. 50.

4 *In ipso furto.* ἰπταυτε φάρσα. Id est, ἰπ' αὐτῷ τῷ φάρσῳ, in ipso furto. Synecdoches speciei κατὰ χρῆσιν.

5 *Lapidentur.* λιθοβολήσεται. Levit. 24. v. 10. in genere precipitur supplicium capitis: sed illud fere constabat lapidatione, ut ex aliis legibus videre est. Et notandum, in illo capite v. 2. hanc speciem supplicii generali videnti. *oni supplicii subijci declarandi causa:* in sequentibus autem solum generale supplicii nomen repeti, speciali nimirum illo ē superioribus subintellecto, *Tu ergo.* σὺ δὲ. Quasi dicant: Quum ergo tu multa nova instituas, de quibus Moyses nihil praecepit; cupimus scire, quid sentias de pena istius adulterae.

6 *Tentantes.* πειράζοντες. Hoc est, experiri volentes an se posset ex isto laqueo dilemmatis expedire, quod dilemma exposuimus in *Analysi*. *Digitum scribebas.* τὸ δακτύλου ἔγραψον. Dissimulans nimirum se audivisse accusatorem illam mulieris, vel certe significans, se illam tanquam ad se nihil atinentem non curare. Fortassis in pulvere duxit lineas literarum, aut etiam absque pulvere ductu digiti representavit figuras literarum, & si nullum istius ductus vestigium relinqueret. *In terra.* εἰς τὴν γῆν. Ad verbum, In terram.

7 *Immunus à peccato.* ἀμάρτυρος. Potest intelligi generaliter. Sed videtur intelligendum specialiter de peccato adulterii, aut certe pollutionis libidinosae. nam de hoc agitur: & notum erat in populo Dei, neminem proterus esse ἀμάρτυρον: & mox v. 9. dicitur, conscientiam ipsos arguisse. Similem synecdochen vide inf. cap. 9. v. 3. *Primus &c.* Hoc dicit respiciens ad legem Moysi Deut. 17. v. 7. ubi praecipitur, ut manus testium prima sit in interficiendo reo.

9 *Audis autem his.* οἱ δὲ ἀκούσαντες. At illi, his auditis. Vel, At illi quum hæc audivissent & à conscientia sua arguerentur. *Alius post alium.* εἰς καθ' εἰς. Videtur scribendum, εἰς καθ' εἰς jota nimirum subscripto sub α. quod si resolves, erit εἰς καὶ εἰς καὶ εἰς: unus & deinde unus, *Usque ad ultimos.* ἕως τῶν ἔσχατων. Id est minimos natu. Est autem hoc loco ellipsis. Integra oratio esset: Incipientes à senioribus, & pergentes usque ad ultimos. *Solum.* μόνος. Nempe respectu Phariseorum, qui antea eum cinxerant, accusantes mulierem: non autem respectu plebis: nam hanc mox alloquitur v. 12. Pharisei autem videntur paulo post rediisse: quum v. 13. Christo docenti contradicant. Hanc expositionem confirmant verba versiculi sequentis.

10 *Neminem.* μὴδέναν. Scilicet ex accusatoribus mulieris: ut intelligitur ex verbis sequentibus, nempe his, Ubi sunt illi tui accusatores? *Nemo.* οὐδείς. Id est, nullus iudex.

11 *Nec ego te condemno.* Ratio, quia hoc non erat ejus officium. Sicut Luc. 12. v. 14. quum quidam ei dixisset: Magister, dic fratri meo ut dividat mecum hæreditatem: respondit, Homo, quis me constituit iudicem aut divisorem

visorem super vos: *Vade, & ne amplius pecca.* Hæc est concio pœnitentiæ; quam annunciare, ad officium Christi pertinebat. Sic suprà cap. 5. *ψ. 14.* ait illi quem sanaverat sabbato, Ecce sanus factus es: ne pecca amplius, ut ne quid deterius tibi accideret.

12 *Rursum ergo.* πάλιν ἔτι. Nempe post illam interpellationem Pharisæorum accusantium adulteram: quæ concio Christi populum docentis (*ψ. 2.*) interrupta fuit. Quare particula *ἔτι* servit epanalepsi: ac respicit ad verba versiculi secundi, ubi dixit, *Et sedens docebat eos.* Si quæras, Quid docebat: id jam declarat Evangelista. *Εἰς αὐτοῖς.* Nempe Judæis in templo congregatis. *Lux illa mundi.* τὸ ὥς τὸ νόμος. Metaphora, nam quem admodum sol illuminat oculos omnium animalium: ita Christus illuminat corda omnium electorum. *Lux illa.* τὸ ὥς. Quasi dicat, τὸ ἀληθές, vera illa: cum qua sol quantumvis excellenter lucens, nequaquam sit comparandus. Confer cap. 6. *ψ. 35. & 55. & cap. 15. ψ. 1.* *Qui sequitur me.* ὁ ἀκολουθῶν μοι. Hæc verba cum præcedentibus coherent per corollarium: quasi dicat, Ergo qui sequitur me. *Habebit.* ἔσται. Nempe in corde suo. *Lumen vite.* τὸ ὥς τὸς ζωῆς. Id est, lumen conferens vitam. Sic suprà cap. 6. *ψ. 68.* verba vitæ æternæ.

13 *Testaris.* μαρτυρεῖς. Nempe quum dicis, te esse lucem illam mundi. *Testimonium tuum.* ἡ μαρτυρία σου. Id est, Ergo testimonium tuum. Ellipsis particulae illativæ, ut *ψ. superiore.*

14 *Etiā si ego testor &c.* καὶ ἐγὼ μαρτυρῶ. Enunciatum discretum, quo contradicit connexæ propositioni syllogismi adversariorum. In quo exemplo notandus est enuntiati discreti usus, nempe ad contradicendum connexo. Alia formula contradicendi esset sic: Non si ego testor de meipso, ideo non est idoneum testimonium meum: cui connexo æquipollet istud discretum quo Dominus utitur. *Scio unde venerim.* οἶδα πῶθεν ἦλθον. Id est, Scio me esse filium Dei. *Unde.* πῶθεν. Nempe à Patre. *Quod.* πῶ. Nempe ad Patrem.

15 *Secundum carnem.* κατὰ τὴν σάρκα. Suprà cap. 7. *ψ. 24.* pro hoc dicit, κατὰ ὅψιν, secundum faciem. *Non iudico.* ἔτι κρίνω. Scilicet nunc. Tunc enim hoc unum agebat, ut doceret de se.

20 *In gazophylacio.* ἐν τῇ θησαυροφυλακίᾳ. Id est, ea templi parte ubi situm erat gazophylacio, hoc est, arca in quam munera immittebantur, ut videre est Marc. 12. *ψ. 41.* Metonymia adjuncti. Nomen compositum ex nomine θησαυρ, quæ vox Persica est & opes significat: & verbo φυλάττειν, custodire, aservare. *Et nemoprehendit eum.* καὶ οὐδεὶς ὤκνησεν αὐτόν. Et si nimirum ille tanta παρρησίᾳ apud Phariseos sibi infensissimos usus esset.

21 *In peccato vestro.* ἐν τῇ ἀμαρτίᾳ ὑμῶν. id est, propter peccatum vestrum. Hebraïst. Notat autem petulantem ipsorum incredulitatem. *Moriemini.* ἀποθανήσθε. nempe morte æterna.

23 *Ex locis inferni.* ἐκ τῶν κέντρων. Subaudi τούτων. Sic mox, *Ex supernis.* ἐκ τῶν ἀνω. Sic sup. cap. 3. *ψ. 31.*

24 *Eum.* Scilicet quem dico me esse: videlicet Christum.

25 *Tu quis es.* σὺ τίς εἶ; Id est, Quis tu igitur es: Sic interrogant, quia obscurius dixerat, Me eum esse. *Id quod à principio dico vobis.* τὴν ἀρχαίαν ὁμιλίαν καὶ λαλῶ ὑμῖν. Id est, Ego sum is quem inde à principio mee prædicationis me esse dixi, videlicet Christus. Ante τὴν ἀρχαίαν subaudiendum κατὰ. Vide annotationes D. Beza: qui istā expositionē copiosè tradit & cōfirmat.

26 *Sed qui me misit.* &c. Quasi dicat: Sed nolo jam vos iudicare: neque enim

enim ideo in mundum veni : sed veni ut docerem ea quæ in mandatis accepi à Patre, nempe quæ pertinent ad salutem electorum. *Mundo.* εἰς τὸν κόσμον. P10, τὸν κόσμον. Hebrais. עֲלֵמָה. nam lamed valet & præpositionem eis, & articulum dativi casus. At quæ sic mundi nomine intelliguntur homines, per metonymiam subieci. Venus interpretis vertit. *In mundo.* tanquam eis sit positum pro εἰς, & nomine mundi intelligatur terra. sicut videtur etiam intelligi supra V. 23. Syrus quoque vertit עֲלֵמָה id est. in mundo.

28 *Quoniam in altum exultaveris.* ὅταν ὑψώσῃ. Nempè in crucem : ut supra cap. 3. V. 14.

31 *Si vos manseritis in sermone meo.* Id est, Si constanter credideritis & obdixeritis sermوني meo.

33 *Semen.* Id est, posteri. Metonymia materiae. *Quomodo.* πῶς. Id est, Quomodo igitur. πῶς ἔσ.

34 *Quisquis commiserit peccatum.* πᾶς ὁ ποιῶν τὴν ἀμαρτίαν. i.e. quisquis indulget peccato, quisquis securè peccat. Sic 1. Joh 3. V. 4.

38 *Et vos.* ὑμεῖς ἔσ. Et vos igitur. id est, Sic igitur etiam vos : ut sit illatio à pari, ac proinde ἔσ non redundet. *Apud patrem vestrum :* Scilicet diabolum : ut declarat in f. à V. 44.

39 *Opera Abrahæ.* Id est, similia seu talia qualia ille fecit, nempe bona.

40 *Nunc autem.* νῦν δέ. Præcessit syllogismi connexi propositio : sequitur assumptionis loco, probatio ejus ab exemplo.

41 *Patris vestri.* Scilicet diaboli.

43 *Nam non potestis.* ὅτι οὐ δύνασθε. Probat quod modò dixit, eos non agnoscere locutionem suam. hoc probat ex eo, quia sermonem suum audiant cum molestia. Sic accipitur hæc ph. asis sup. cap. 6. V. 60. Argumentum est ab effectu : nam sermo non intellectus molestiam audientibus affert.

44 *A principio.* ἀπ' ἀρχῆς. Scilicet mundi & hominis conditi. *Non est enim.* ὅτι οὐκ ἔστιν. Argumentum ab effectu. In diabolo non est veritas : ergo non perspicit in veritate : quippe in veritate erat conditus. *Mendacii.* ψευδῶς nempe τὴν ψευδῶς. quod intelligitur ex nomine conjugato ψεύσας.

45 *Quia veritatem dico, non creditis.* His verbis innuit, in ipsis quosq; non esse veritatem, id est, veritatis amorem : ac proinde eos esse filios diaboli.

46 *Arguis.* ἰλέγεις. Id est, verè arguere & convincere potest. *De peccatis vestris ἀμαρτίαις.* Id est, de falsa doctrina : ut ex antichesi percipitur. *Si verò.* εἰ δέ. Coniunctio δέ non caret sua emphasi, nam per eam transit ad propositionem syllogismi : cujus præcessit non quidem assumptio, sed assumptionis probatio ab effectu. Syllogismus ita est : Si veritatem vobis dico, debebatis mihi credere. Atqui veritatem vobis dico : neque enim potest me quisquam de mendacio convincere. Ergo debebatis mihi credere. *Quare vos non creditis mihi?* Quasi dicat : Quæ est igitur ista vestra pertinacia & perversitas, quòd non vultis credere dicenti veritatem manifestissimam & (ut ita dicam) inconvincibilem ?

47 *Qui ex Deo est &c.* Nunc ipse causam exponit, unde incredulitas istorum orta fuerat : ad sese consolandum, consideratione scilicet providentiae ac voluntatis Dei : in qua meritò omnibus est acquiescendum.

51 *In æternum.* εἰς τὴν αἰῶνα. Id est, inquam.

52 *Et tu dicis.* ὑμεῖς δὲ λέγετε. Pro, Et nihilominus tamen tu dicis ? Interrogatio deridentis & indignantis, quasi dicant : Quis non te ista dicentem rideat : imò potius quis non de tanto tuo saltu indignetur ?



53. *Quem. nra.* Pro, *Quem igitur. nra. &c.*

55 *Sed. &c.* Vel, Et tamen. ut sit enuntiaturum discretum: Quoniam Patrem meum dicitis vestrum esse Deum, tamen non nostis eum.

56 *Pater vester.* ὁ πατήρ μου. ut scilicet vos gloriamini. Concessio ironica, nam supra negavit hoc, vers. 39. Nisi malimus dicere: respici hic ad originem, illic ad ingenium. *Vidit. eisd.* Nempe oculis animi, id est, fide.

57 *Et Abraham vidisti. &c.* Ἀβραάμ ἰδὼν &c. Pro, Et tamen Abrahamum vidisti: quasi dicant, Quomodo igitur fieri potest, te vidisse Abrahamum?

58 *Priusquam Abraham fieret, ego sum.* πρὶν Ἀβραάμ γένεσθαι, ἐγὼ εἰμι. Quoniam nuper nebulo quidam Samosatrenianus sententiam hanc falsa expositione nequissime depravavit: eo diligentius est nobis genuinus illius sensus asserendus. Planum est autem ex occasione hujus diei, Christum his verbis voluisse asserere aeternam suam essentiam, id est, deitatem. Etenim adversarii negauerant fieri posse ut ipse viderit Abrahamum: cum tempore Abraham nondum fuerit: quippe nondum natus annos quinquaginta. quibus verbis manifestè significant, se illum pro nudo homine habere. Illi errori occurrit jam Dominus his verbis. Amen amen dico vobis, Priusquam Abraham fieret, ego sum q.d. Tantum abest, ut nondum fuerim tempore Abraham, sicut vos putatis: ut etiam fuerim ante illud tempus, antequam scilicet Abraham fieret. quid autem tum fuit? Non certe homo: quippe ut homo, ex Abrahamo demum ortus est. Relinquitur ergo intelligendum, ipsum tunc fuisse ut Deum. Id quod etiam confirmat verbum praeteritis temporis, *εἰμι*, id est, Sum. Hoc testimonium deitatis Christi Samosatrenianus ille sic eludit falsa expositione: Antequam Abraham fiat, scilicet pater gentium: id est, Antequam Gentes per Evangelium vocentur: ego jam adsum. Quae expositio planè audax & contorta est: nihilque ad infuturum sermonem facit: ut ex allata vera nostra expositione manifestum est.

## OBSERVATIONES LOCORUM

## DOCTRINAE EX CAP. 8.

## EX PRIMA PARTE.

I. Mali bonis insidias neccientes, sibi ipsis laqueum neccunt. Huc pertinent illa: qui fodit alteri foveam, ipse in eam incidet, Prov. 26. & 27. Careit Deus sapientes in astutia inforum: Job 5. & 13. Atque hoc etiam profani auctores animadverterunt: ut Hesiodus qui αἰσὶν δὲ κακῇ βουλῇ τοὺς βέλτεσσαντι κακίστην. quod Latino carmine sic efferunt: Consilio penit ipse tuo, consultor iniquus.

II. Hypocritae quum suis vitiis indulgeant, inter impii pluresque severi aliorum censores sunt. Confer parabolam de fessuca & trabe in oculo, Matt. 7. & 3. 4. 5. item locum Pauli Rom. 2. & 1. 23. item & 21. 22. 23.

III. Christus noluit civilis magistratus partes ad se trahere: contentus ad fidem & respicientiam peccatores adducere. Hoc exemplum omnibus verbi Dei ministris imitandum proponitur.

I v. Gratia Christi finis est, ut Deo reconciliatus peccator, salutis suae auctorem pie sanctaeque vivendo colat.

## DOCTRINAE EX SECUNDA PARTE.

I. Ex & 12. Ad vitam aeternam consequendam orus est nobis lumen fidei seu cognitionis I. ei, quod Christus in cordibus nostris accendit virtute Spiritus sancti per praedicationem Evangelii.

## ANALYSIS CAP. IX.

II Ex *ψ*. 13. 14. 15. 16. 17. 18. Doctrina Euangelii, quam filius Dei Dominus noster Iesus Christus ex arcano sinu Patris protulit, & ipse in terris ambulans annuntiavit, vera & certa manet : etiam si reprobi contradicant, eamque repudient.

III. Ex *ψ*. 19. Nemo Deum nisi in Christo nosse potest. Quare Turca & Judæi ignorant Deum : quum Christum ignorent.

IV. Ex *ψ*. 20. Dei, non hominum arbitrio vivimus & morimur. Itaque illud unum superest, ut nostro munere constanter defungamur.

V. Ex *ψ*. 21. 22. 23. 24. Quoniam omnes homines in peccato concepti & nati sunt : moriendum est omnibus iis qui in Christum peccati expiatorem non credunt.

VI. Ex *ψ*. 25. Is demum Christum rectè cognoscit, qui attentè audit quid loquatur.

VII. Ex *ψ*. 26. Deus vindicat contemtum doctrinæ Christi.

VIII. Ex *ψ*. 28. Ipse quoque Christi contemptus cedit ejus gloriæ, quod tandem ejus hostes maximo suo malo sentient.

IX. Ex *ψ*. 31. 32. Veri discipuli Christi in ejusdem sermone perseverant : ut magis ac magis in veritatis cognitione proficientes, à durissima peccati servitute in veram libertatem justitiæ & vitæ asserantur. Vide Luc. 9. versu 62.

X. Ex *ψ*. 37. 39. Non est satis piis parentibus ortum esse, sed oportet eorum pietatem imitari. Sic non est satis successisse piis Episcopis.

XI. Ex *ψ*. 48. Si omnis generis maledictis impetimur ab hostibus veritatis : consolemur nos exemplo Christi, cui idem evenit.

XII. Ex *ψ*. 49. Contra maledicta ne regeramus maledicta : sed refutemus illa vitæ nostræ sanctitate. Vide 1. Pet. 1. *ψ*. 23. & 3. *ψ*. 16.

XIII. Ex *ψ*. 51. Sola Evangelii doctrina per fidem apprehensa, certum est adversus mortem remedium.

XIV. Ex *ψ*. 56. Sancti patres in veteri Testamento non aliter servati sunt quàm nos. Servati enim sunt per fidem Christi.

XV. Ex *ψ*. 58. Christum esse verum Deum, ex eo patet : quod fuit ante Abraham, imò inde ab æterno.

XVI. Ex eod. *ψ*. Sophistica & fallax est eorum argumentatio, qui ex dicto Christi Matthæi ultimo, *Ego sum vobiscum omnibus diebus*, inferunt, Christum nobiscum esse secundum utramque naturam : quia dicit, *Ego* : quo pronome significat suam personam ex duabus naturis, divina & humana constantem. Nam si valeret ista argumentatio ad concludendum præsentiam Christi secundum naturam humanam : pari ratione valeret hic argumentatio ad concludendum æternitatem Christi secundum humanam naturam. At hæc argumentatio non valet. Ergo nec illa.

## ANALYSIS CAP. IX.

## ARGUMENTUM.

Hoc capite continetur historia de sanato cæco à nativitate. Ac primùm exponuntur miraculi hujus occasio & circumstantiæ, usque ad *ψ*. 8. Deinde quomodo

quomodo hæc res innotuerit Pharisæis, usque ad  $\Psi$  14. Tertiò, Quomodo Pharisæi inquisierint de rei gestæ veritate, & quomodo cum sanato illo altercati sint super Christo, usque ad  $\Psi$  35. Quartò, quomodo Christus illi sanato se plenius patefecerit, usque ad 39. Postremo, quomodo Christus Pharisæis cæcitatem voluntariam exprobravit, usque ad finem capitis.

## DE PRIMA PARTE.

**P**ræteriens autem vidit quendam cæcum à nativitate:

2. Et interrogaverunt eum discipuli ejus, dicentes Rabbi, quis peccavit, iste an parentes ejus, ut cæcus nasceretur?

3. Respondit Jesus, Neque iste peccavit, neque parentes ejus, ut cæcus nasceretur: sed cæcus natus est ut opera Dei manifestata fiant in eo.

4. Oportet me operari ejus opera qui misit me, donec dies est: venit nox quum nemo potest operari.

5. Quamdiu fuero in mundo, Lux sum mundi.

6. Hæc quum dixisset, spuit humi, & fecit lutum ex spuito, & ille vit istud lutum oculo cæci:

7. Dixitq; ei, Vade, abluere oculos in piscina Siloam. (quod est si interpretaris, missus) Abiit ergo & abluit oculos, rediitque videns.

V. 1. Exponitur miraculi hujus occasio. V. 2. quæstio discipulorum de cæcitate illius causa. V. 3. Responsio Christi ad illam quæstionem. V. 4. & 5. præparatio ad miraculum. V. 6. & 7. forma miraculi & adjuncta extrinsecus adhibita.

Occasionem huic miraculo præbuit, quòd Jesus præteriens, cæcum illum vidit. Quòd autem is cæcus fuisse narratur à nativitate seu utero matris, hoc augeat miraculi magnitudinem. Quum enim cæcitas illa nullis humanis remediis curabilis fuerit: necesse est divinam esse virtutem seu potentiam Christi, qua illum sustulit. Quæstio discipulorum ex præfenti objecto nata est. Niditur autem hac hypothesi, quòd omnes hominum miseræ peccatorum pœna sint, divinitus inflictæ: Quòd etsi verum est: tamen hinc non efficitur, quòd semper is qui plus quam alii à Deo flagellatur, plus etiam quàm alii peccaverit. Deus enim quum homines flagellat, non semper eorum peccata respicit, sed sæpe alios fines propositos sibi habet; ut interdum probationem fidei eorum quos flagellat, quòd videre est in Jobo: interdum singularem patefactionem operum suorum, ut in isto cæco. Errant igitur discipuli quòd putant, hunc cæcum vel certè ejus parentes singularem peccatis suis commeritos esse hoc Dei flagellum, nam (ut Christus docet) Deus hunc hominem cæcum nasci voluit, non ut puniret singulare aliquod vel ipsius vel parentum ejus peccatum: sed ut in eo patefaceret sua opera, nempe opus severitatis, quòd tanto tempore cæcitate eum flagellavit; & opus bonitatis atque misericordiæ, quòd ei ultro per Christum viam donavit.

Sed videtur absurdum, quòd quærunt, an ipse cæcus peccato aliquo commertus sit ut cæcus nasceretur. Etenim qui potuit peccare nondum natus? Si dicamus eum peccasse in lumbis Adæ: id verum quidem est, sed quum sit huic cæco cum omnibus aliis hominibus (solum Christo excepto) commune: non est putandum, discipulos eò respexisse. Sic enim quærendum potius fuisset: qui fiat, quòd non omnes cæci nascantur: quum omnes tamen in lumbis Adæ peccarint. Et eos loqui de peccato, quòd ipse commiserit in sua

persona apparet ex antichesi, ubi quærunt, an ipse peccarit, an verò parentes eius. Loquuntur ergo de aliquo peccato, quod non sit utrisque communis; sed quod vel his vel illi proprium. Sciendum est igitur, hanc quæstionem nisi falsa illa opinione de migratione animarum ex uno corpore in aliud, nempe ex corpore morientis in corpus nascentis: quæ animarum migratio *μετεμψύχωσις*, quasi dicat, transanimatio, dicta fuit, & à Pythagora tradita. Hac falsa opinione infectos fuisse Judæos tempore Christi, liquet ex Matth. 14.2. & 16.14. Quod autem quærunt, an parentes eius commiserint sint, ut cæcus nasceretur, etsi prima fronte absurdum videri possit, quum dixerit Deus apud Ezechielem, Non portabit filius iniquitatem patris, sed anima quæ peccaverit, morietur: sciendum tamen est, quæstionem istam consentaneam esse verbo Dei. nam Deus in secundo præcepto Decalogi minatur, se visitaturum iniquitatem patrum in filios usque in tertiam & quartam generationem. Nam quod apud Ezechielem dicitur, id opponitur falsæ querelæ Judæorum, dicentium se puniri à Deo non propter sua peccata, sed propter peccata patrum: id quod significabant dicto isto proverbiali, Patres comederunt labruscam, & dentes filiorum obstupuerunt vel stupefacti sunt. Hoc igitur Deus negat, & contra affirmat se illos castigare propter ipsorummet peccata. quanquam interim non negat, se simul etiam propter iniquitatem patrum ipsos punire, hoc enim tantum vult: Filius si sit innocens, non portabit iniquitatem patris.

4 *Donac dies est?* Tempus suæ liberæ commorationis in mundo comparat diei: tempus verò suæ captivitatis & passionis comparat nocti. Itaque significat, se dum liberè sibi in mundo commorari licet, nullam occasionem neglecturum fungendi suo munere, ac proinde edendi miracula ad confirmandum suam doctrinam: quia paulò post futurum sit, ut id ei non liceat: nempe quum adfutura sit hora illa impiorum & potestas tenebrarum. Luc. 12.53.

5 *Quamdiu fuero in mundo, lux sum mundi.* Hæc sententia videtur præcedenti subijci per correctionem ac prolepsin. Quum enim innuisset, se nocte impeditum iri in operando: nunc addit, illud tamen obflare non posse, quò minus sit lux mundi, quamdiu in mundo fuerit. Etsi enim tempore passionis non exeruit potentiam suam divinam in miraculis edendis, tamen constanter perrexit in docendi munere, quatenus doctrinam suam constanter coram Pilato professus est, & in ipsa cruce variis documentis pios instruxit. Nec verò ex verbis Domini efficitur, eum desuisse esse lucem mundi, quum desit esse in mundo præsentia corporali. Sicut ex verbis Matth. cap. 1. ult. non sequitur, Josephum cognovisse Mariam, postquam illa peperisset primogenitum suum. Est enim illic similis locutio.

6 *Spus?* Certum est, in illo luto non fuisse vim illuminandi oculos cæci: quin potius videntem occurrere poterat: sed hoc symbolo liberè pro sua sapientia usus est Dominus, ut intelligeretur, ipsum sua virtute divina illuminasse oculos cæci, sibi que tam facile esse cæcitatem depellere, quàm facile fuit cæco lutum oculis suis illitum aqua abluere. Et fortasse simul significare voluit, se sanguinis sui merito & efficacia sui spiritus abluere oculos cordis, ut cernere possint gratiam Dei sibi in Christo reconciliari. Denique ridiculo hoc sanandi modo fidem & obedientiam cæci probare voluit, sicut olim Dominus per Eliseum probavit fidem & obedientiam Naamani Syriæ, 2. Reg. 5.

8 *Vicini ergo, & qui prius viderant eum cecum esse dicebant, Nonne hic est qui sedebat & mendicabat?*

9 *Alii dicebant, Hic est alius verò, Similis est ei. Ille autē dicebat, Ego is sum.*

10 *Dixerunt ergo ei, Quomodo aperti sunt tibi oculi?*

11 *Respondit ille, & dixit, Quidam qui dicitur Jesus, lutum fecit, & ille vis illud oculis meis, & dixit mihi. Vade ad piscinam Siloam, & ablui oculos. Ut autem abii & ablui oculos, vidi.*

12 *Dixerunt ergo ei, Ubi est ille?* *Ait, Nescio.*

13 *Adducunt eum ad Phariseos, eum inquam, qui olim cecus fuerat.*

V. 8.9.10.11. exponit, quomodo sanatio cæci innotuerit vicinis. V. 12. & 13. quomodo innotuerit Pharisæis.

9 *Similis est ei* Hi videntur malignè suppressere velle miraculū in cæco editum. Etenim facilè eum poterant agnoscere: quum nulla alia in re mutatus esset quàm in oculis & visu. Sed tantum abest, ut maligno isto conatu aliquid proficiant, ut potiùs occasionem sanato præbeant, ut ipsemet disertè profiteatur, se illum esse qui pridem cæcus fuerat.

12 *Ubi est ille* Hoc quoque malo animo interrogare videntur, ut nimirum Jesum Pharisæis prodant: ut qui sabbatum violasset sanatione cæci illius: quippe cujus oculis lutum ille visset, quemque jussisset lavari in piscina. Sed cum resciscere nequeunt, ubi Jesus sit, agunt quod proximum erat, & quantum poterant, nempe adducunt sanatum illum ad Pharisæos: ut illi, rem omnem accuratius cognoscant & judicent.

DE TERTIA PARTE.

14 *Erat autem Sabbatum quum lutū faceres Jesus & aperiret oculos ejus.*

15 *Rursus ergo interrogarunt eum etiam Pharisæi, quomodo videndi facultatem esset adeptus. Ille verò dixit eis: Lutum imposui oculis meis, & ablui oculos, & video.*

16 *Dicebant ergo ex Pharisæis quidam, Homo iste non est à Deo: nam sabbatum non servas. Alii dicebant, Quomodo potest homo peccator talia signa edere? Et dissidium erat inter eos.*

17 *Rursus dicunt cæco, Tu quid dicis de ipso? nam aperuisti oculos tuos. Ille autem dixit, Propheta est.*

18 *Non crediderunt ergo Judæi de eo quòd cecus fuisset, & videndi facultatem esset adeptus, usquequo vocarunt ejus parentes, ejus inquam qui videndi facultatem fuerat adeptus.*

19 *Et interrogaverunt eos, dicentes, Hicne est filius ille vester quem vos dicitis cecum natum esse? quomodo ergo nunc videt?*

20 *Responderunt ei parentes ejus & dixerunt, Scimus hunc esse filium illum nostrum, & cecum natum esse:*

21 *Quomodo verò nunc videat nescimus, aut quis ejus aperuerit oculos, nos nescimus: ipse autem habet, ipsum interrogate, ipse de se loquetur,*

22 *Hac dixerunt parentes ejus, quòd timentes Judæos: jam enim constituti erant Judæi: ut si quis eum confiteretur esse Christum, synagoga moveretur.*

23 *Propterea parentes ejus dixerunt, A Etatem habet, ipsum interrogate.*

24 *Secundo ergo vocarunt hominem qui fuerat cecus, & dixerunt ei, Tribue gloriam Deo: nos hunc hominem scimus peccatorem esse.*

25 *Respondit igitur ille & dixit, An peccator sis nescio: unum scio, me, quum cecus fuero, nunc video.*

- 26 *Dixerunt autem ei rursus, Quid fecit tibi? quomodo aperti sunt oculi tui?*  
 27 *Respondit eis, Jam vobis dixi, & non audistis? cur iterum vultis audire? num & vos vultis discipuli ejus fieri?*  
 28 *Itaque convitiati sunt ei, & dixerunt, Tu discipulus illius es: nos autem Moysi discipuli sumus.*  
 29 *Nos scimus Deum esse loquutum Moysi: hic autem unde sit nescimus.*  
 30 *Respondit ille, & dixit eis, At enim istud mirum est quod vos nesciatis unde sit, & tamen aperuit meos oculos.*  
 31 *Scimus autem quod Deus peccatores non audiat; sed si quis Dei cultor est, & voluntatem ejus exequitur hunc audit.*  
 32 *Ab hoc nō est auditus, aliquē aperuisse oculos ejus qui cæcus natus fuerit.*  
 33 *Nisi esset hic à Deo, non posset quicquam facere.*  
 34 *Respondērunt & dixerunt ei, Tu in peccatis natus es totus, & tu doces nos? Et eiecerunt eum foras.*

Exponitur causa impulsiva, quæ movit Phariseos & instar coris animos eorum acuit, ut eo accuratius de re tota inquirerent: nempe quod res erat gesta in sabbato: unde illi sabbatum à Jesu violatum esse sentiebant. V. 15. rem gestam ex ipso sanato cognoscunt.

V. 16. commemorantur diversa eorum judicia: aliis Jesum ut hominem impium damnantibus: aliis contradicentibus. V. 17. cognoscunt iudicium sanati de Jesu, sperante, scilicet cum in ipsorum gratiam Jesum tanquam violatorem sabbati damnaturum, aut certe minus honorificè de eo loquuturum: sed falluntur: nam sanatus ingenue de Jesu proficitur, quantum de eo cognoverat, & quanti eum faciebat: videlicet esse Prophetam, id est, ipsum doctorem divinitus missum.

V. 18. & 19. exponitur pertinax Phariseorum incredulitas: ut qui confessioni ipsius sanati fidem non habentes, parentes ejus accerfant, ut ex illis cognoscant: Sperantes iterum, illos in ipsorum gratiam veritatem rei gestæ celaturos, V. 20. & 21. exponitur parentum responsum, ubi quantum possunt invidiam declinant, ne Jesu benefactori favere videantur. Cujus rei causam ipse Evangelista exponit vers. 22. & 23. nempe metum excommunicationis. V. 24. & deinceps usque ad 35. exponitur Phariseorum cum illo sanato altercatio super Jesu: illis cum pro impio damnantibus: hoc verò ut pium defendente. Criminatio Phariseorum nullo argumento nititur, sed tantum alto supercilio asseverant, dicentes: *Nos scimus hunc hominem peccatorem esse.* Defensio sanati constat hoc syllogismo:

Peccatores (id est impios ac sceleratos) Deus non audit, V. 31.

Atqui hunc audit. Etenim miraculo maximo me sanavit. V. 32.

Ergo hic non est peccator.

Additur & alter syllogismus, idem concludens, sed connexè.

Nisi esset hic à Deo, non posset quicquam facere, V. 30.

At potuisset maximam facere, nempe aperire oculos cæci nati, V. 33.

Ergo hic est à Deo.

Hæc libertate dicendi & hæc claritate demonstrationis commotique offensi Pharisei, homini convitiantur, eumque à se ejiciunt.

#### DE QUARTA PARTE.

35 *Audit Jesus eum ejectum foras: & qui inveniisset eum dixit ei, Tunc credis in Filium Dei?*

36 *Respondit ille & dixit, Quis est, Domine, ut credam in eum?*

37 *Dixit*



37 Dixit autem ei Jesus, Es vidisti eum, & qui loquitur tecum, ille est.

38 At ille ait, Credo, Domine. Et adoravit eum.

Christus quum cognovisset, cæcum illum à Phariseis excommunicatum esse: offert se illi ultro consolandi causa, eique se patefacit, fidemque in eo efficit: quam is adoratione testatam facit.

DE QUINTA PARTE.

39 Es dixit Jesus, ad iudicium exercendum ego in hunc mundum veni: ut qui non vident, videant; & qui vident, cæci fiant.

40 Audierunt autem hæc quidam ex Phariseis qui cum ipso erant, & dixerunt ei, Num & nos cæci sumus?

41 Dixit ei Jesus, Si cæci essetis, non haberetis peccatum: nunc vero dicitis, Videmus, itaque peccatum vestrum manet.

Christus occasione cæci illius non solum corpore, sed etiam mente à se illuminati, exclamat de mirabilibus Euangelii sui effectis, quippe inter se contrariis: ut quo alii quidem illuminentur, alii verò magis excæcentur. quorum effectuum ille quidem (nempe illuminatio) natus ac genuinus est, & in iis locum habet, qui per gratiam Dei cæcitatem sibi innatam, h. e. ignorantiam Dei agnoscunt, ac illius cognitione illuminari expectunt; confer. 2. Cor. 2. v. 15. 16. alter verò effectus, nempe excæcatio, accidentaliter seu adventitius est, & in illis evenit, qui quum sibi quàm acutissimè videre, Dei-que notitia præditi sibi esse videantur, Euangelii doctrinam respuunt: quales tunc erant Pharisei, saltem plerique. Itaq; Christus his verbis Phariseis voluntariam illam suam cæcitatem oblique exprobrat, v. 39. Qua exprobratione Pharisei qui tum aderant, & eam audierant, offensi, indignantur, & cum stomacho de injuria sibi à Christo facta cum eo expostulant, negantes se cæcos esse, v. 40. Quibus Dominus ita respondet, ut innuat, non esse quidem eos ita cæcos ut sint sanabiles, quippe cum cæcitatem suam non agnoscant: Veruntamen eos voluntaria illa sua cæcitate, qua lucem Euangelii tanquam longè Christo sapientiores respuant, inexcusabiles sese coram Deo reddere, adeoque æternum sibi exitium attrahere, v. 41.

SCHOLIA IN CAP. IX.

3 Opera Dei. τὰ ἔργα τοῦ Θεοῦ. Videlicet opus justitiæ & potestatis divinæ in illo cæcitate puniendo: deinde opus misericordiæ & omnipotentis in visu illi conferendo. *In eo. ἐν αὐτῷ.* Tancum in subiecto seu objecto: quippe cui mox divina virtute visus à me donandus sit.

4 Donec dies est. ἕως ἡμέρας ἔστιν. Diei comparat curriculum vitæ suæ terræ: nocti verò, tempus illud tenebrarum, quo operâ Satanæ & impiorum passus est pro nobis.

5 Quamdiu fuero in mundo. ὅταν ἐν τῷ κόσμῳ ᾤ. Significat, se aliquando à mundo discessurum, seu mundum relicturum: ut ait infr. cap. 16. v. 28. *Lux sum mundi.* ἡ εἰμι τῷ κόσμῳ. Illuminans nimirum electos mea doctrina & factis.

7 In piscina. ἐν τῷ κολυμβήθρῳ. Pro, ἐν τῇ κολυμβήθρῳ, *Siloam.* Σιλωάμ. Hebræice מִן הַיַּר שִׁילּוֹא, à radice מִן הַיַּר misit. Hujus piscine sit etiam mentio Nehem. 3. v. 15, item Esa. 8. v. 6.

8 Qui viderant, oī θεωροῦντες. Pro, παντοκρότους. Enallage temporis. *Cæcum esse.* ὅτι τυφλὸς ἦν. Omnino pro ὅτι videtur legendum ὅτι:

quia precedit το φεσπερον ac proinde verrendum *Quum cecus esset.*

10 *Aperui sunt. ἀνέωχθηναι.* Id est, videndi facultate imbuti. Metonymia efficiens: nam ut clausione oculorum impeditur visio, sic apertione adjuvatur. Diversa paulum ratione dicuntur oculi aperti fuisse Hagaræ Gen. 21. v. 19. nempe non simpliciter ut videret (videbat. n.) sed ut videret id quod alias, quantumvis objectum & ante se positum, non vidisset: id est, effectum fuit divinitus ut oculos dō dirigeret, nimirum ad fontem.

11 *Vidi. ὤφθην.* Proprie, Suscepi, Id est, videndi facultatem adeptus sum.

16 *Homo iste. ὅτις ὁ ἀνθρώπος.* Nempe qui lutum imposuit oculis tuis. Nam sabbatum non servat. Id est: nam fecit istud in sabbato, ac proinde sabbatum vi lavit. *Ἄλλοι.* Inter quos fortasse Nicodemus: qui similiter Jesum defendit supra cap. 7. v. 51.

18 *Non crediderunt ergo. καὶ ἰπιστευσεν ὁ.* Coniunctio ὅτι hic non est illativa, sed transitiva.

22 *Constituerant. συντίθεντο.* Passi fuerant. *Synagoga moveretur. συναγωγὴς κίνηται.* Id est, tanquam manifeste impius, ex Ecclesia ejiceretur: quod vulgo dicimus Excommunicari.

24 *Tribue gloriam Deo. δὲς δόξαν τῷ Θεῷ.* Id est, Confitere veritatem. Metonymia effecti. Etenim confessio veritatis ex studio obsequendi Deo profecta, redundat in gloriam ipsius. Eadem loquendi forma usus fuit Josue ad Achane, Jos. 7. v. 19.

25 *Nunc videre. νῦν βλέπω.* Nempe illius beneficio.

27 *Et non audistis? καὶ ἐκ ἐκείνου.* Legendum cum interrogatione, quasi dicat: Miror si non audivistis, quum tamen vobis dixerim.

31 *Non audiat. ἐκ ἀκούει.* Id est, non exaudiat, non faciat ea quæ illi petunt.

32 *A seculo. ἐκ τοῦ αἰῶνος.* Inde à seculo (hoc est mundo) condito. Sic Matt. ult. v. ult. dicitur consummatio seculi, τοῦ αἰῶνος, id est mundi hujus.

33 *Quicquam. ἑστίν.* Scilicet. τοῦτον, tale. In Græco gemina negatio est.

34 *Tu in peccatis natus es totus.* Sic nimirum judicant, quia natus erat cæcus. Et tu doces. καὶ σὺ διδάσκεις. Pro, Et tamen doces? Enuntiatiū discretam: Quamquam tu in peccatis natus es totus, tamen præsumis docere nos homines scilicet tam sanctos, quasi dicant: Quis hoc ferat? *Et eiecerunt. καὶ ἐξέβαλον.* id est, Itaque eiecerunt. Narratur enim eventus.

35 *Eum eiecimus foras. ὅτι ἐξέβαλον αὐτὸν ἔξω.* quod eiecissent eum foras.

39 *Ad iudicium. εἰς κέλευθον.* Hoc est, Ad vindictam gloriæ Dei exercendam in superbos ac præfractos Evangelii & gratiæ Dei contemptores. Et sic hoc nomen pertinet tantum ad posteriorem sententiæ sequentis partem. Sin verò ad utramque illius sententiæ partem hoc nomen extendatur: tum significabit in genere gubernationem divinam animorum in Evangelii prædicatione. *Ἔνι. ἑλθόν.* Nempe ad Evangelium docendum. *Ὅτι qui. ὅτι ὁ, &c.* Sequitur declaratio illorum verborum, εἰς κέλευθον, ad iudicium. *Qui non videns. ὁ οὐκ ὤφθηναι.* Id est, miseri peccatores qui cæcitatem sibi innatam agnoscunt & deplorant, & proinde illuminari à Deo expetunt. *Ὁφθαλμοὶ.* ὤφθηναι, id est, per Evangelii prædicationem virtute Spiritus sancti illuminentur; & veram Dei notitiam consequantur. *Ὅτι videns. ὁ ὤφθηναι.* Hoc est, qui videntur sibi videre & notitia Dei præditi esse. quales tunc erant Pharisei. Similis locutio extat, Matth. 13. vers. 12. Etiam quod

quod *habet*, tollitur ab eo. quod Lucas exponit, Etiam quod *videretur habere*; Luc. 8. *ψ. 18. Cæci fiant. τυφλοι γίναντες.* Id est, prædicatione Evangelii cæciores reddantur, & denique planè excæcentur, quemadmodum luce solis meridiani excæcantur oculi nocturnum. Confer 2. Cor. 2. *ψ. 15. 16.*

40 Num & nos cæci sumus? *μή η̄ ἡμεῖς τυφλοὶ ἴσμεν;* Hoc est, Num & nos tibi cæci videmur? num & nos cæcos esse affirmas? Interrogatio vim habet indignandi. quasi dicant, Eheu injuriam & contumeliam qua nos afficis.

41 Si cæci essetis, non haberetis peccatum, &c. Hoc est, Si ex simplici cæcitate seu ignorantia offenderemini mea doctrina, haberetis aliquam peccati vestri excusationem, aut saltem possetis consequi illius remissionem: sed quia peccatus ex cæcitate voluntaria & veritatem agnitam hostiliter persequimini, nullam excusationem habetis, nec unquam remissionem consequemini. Confer inf. cap. 15. *ψ. 22.* item Matth. 12. *ψ. 32.*

## OBSERVATIONES LOCORVM

## DOCTRINAE EX CAP. 9.

I. Jesus Mariae virginis filius, est promissus ille Messias seu Christus seu denique servator mundi: quia visum dedit cæcis: id quod Messiam facturum prædixit Esai'as cap. 35 *ψ. 5.* Vide Luc. 7. *ψ. 20. 21. 22.*

II. Christus ita benignus est, ut miseris ultro opem ferat.

III. Ex *ψ. 2.* Cavendū ne in æstimandis proximis mileris rigidiores simus, nevé proximum temerè damnemus; sed potiùs in nos ipsos descendamus, & in nostra ipsorum vitia inquiramus; quum naturâ meliores aliis non simus.

IV. Ex *ψ. 3.* Omnium quidem etiam corporis malorum prima est origo peccatum; nec tamen consequitur, semper a Deo respici peccata eorum, quos durissimis etiam flagellis cædit. Exemplum illustre est in Jobo.

V. Ex *ψ. 4.* Unusquisque in sua vocatione sedulò operari debet, dum licet.

VI. Ex *ψ. 5.* Christu exhibitio in mundo, instar clarissimæ lucis est, radios suos spargens in omnium electorum corda. Etsi enim non omnibus licuit Christum in carne manifestatum videre oculis corporis; tamen oculis cordis viderunt illum & vident & videbunt omnes electi. Augustinus cupivit tria videre: Romam in flore, Paulum in ore, Christum in carne. Vide Luc. 10 23. & 24.

VII. Ex *ψ. 6. & 7.* Symbolis à Deo præceptis utendum est, si promissionum ejus participes fieri velimus: etiamsi symbola rationi humanæ ridicula sint. qualis vel inprimis erat circumcisio.

## DOCTRINA EX SECUNDA PARTE.

Semper reperiuntur maligni operum Dei æstimatores, quique illorum gloriam suppressere conentur in gratiam potentiorum quibus adulantur: sed quo magis isti veritatem conantur opprimere, eò magis illa innotescit. Confer Act. 2. 13.

## DOCTRINAE EX TERTIA PARTE.

I. Ex *ψ. 14.* Exemplo Christi sanantis cæcum in sabbato (qua re non ignorabat offensum iri Phariseos) docemur, non esse curandas offensiones hostium

hostium Evangelii: Sed illis neglectis, strenuè operam dandam, ut gloria Dei promoveatur. Vide Matth. 15. 15.

III. Ex  $\Psi$  16. & 17. Nullius rei pretextu acrius quàm religionis, oppugnat: religio: sed ea quò magis premitur, eo magis assurgit.

III. Ex ver. 18. Si odio piorum doctorum Evangelii, fidem manifestè veritatis deroget hypocritarum: consolemur nos exemplo Christi, cui idè evenit.

IV. Ex ver. 21. 22. & 23. Si Spiritus sanctus per os Evangelistæ molliorem parentum cæci sanati damnat, ut qui periculi declinandi causa non ingenuè confessi sint beneficium Christi: quanto igitur minus habebunt excusationis, qui perfida abnegatione Christum cum sua doctrina, cum miraculis, cum virtute & gratia prorsus obruunt.

V. Ex ver. 24. & 25. Quo vehementius adversus Deum luctantur ejus hostes, eo pluribus laqueis subinde se induunt & fortius se constringunt.

VI. Ex  $\Psi$  25. 27. 30. 31. 32. & 33. Deus, quoties gloriæ ejus interest, per infirma organa confundit fastum hypocritarum: quemadmodum hic gratiam dat sanato illi cæco, homini plebeio & pauperculo, atque adeo mendico: ut non vereatur liberrimè Phariseis contradicere, eosdemque falsè etiam irridere.

VII. Ex  $\Psi$  28. 29. & 34. Superba impietas tamen ad tempus sub pietatis zelo delitescit: tamen tandè sese prodit, & in manifestas injurias erumpit.

#### EX QUARTA PARTE DOCTRINA.

Felicissima est eorum conditio, qui ab impiis (etiam nomine Ecclesiæ superbientibus) quam-longissimè extruduntur: nam Christus eo propius ad eos accedit.

#### EX QUINTA PARTE DOCTRINAE.

I. Ex  $\Psi$  39. Christus Evangelii prædicatione eos, qui cæcitatem suam (id est ignorantiam Dei & salutis suæ) agnoscunt & illuminari expetunt, verè illuminat: eos verò qui sibi videntur oculati (hoc est, notitia Dei & salutis suæ præditi) ac proinde Evangelii doctrinam repudiant, penitus excæcat. Confer. 2 Cor. 2.  $\Psi$  15. 16.

II. Ex  $\Psi$  41. Contentus lucis Evangelii & gratiæ Dei in eo lucentis, homines inexcusabiles reddit. Quare lucem Evangelii reverenter excipiamus, eaque indies magis ac magis illustrari expetamus.

## ANALYSIS CAP. X.

### ARGUMENTUM.

Partes duæ sunt. Prima continet concionem Christi de ostio caule ovium, & de ovibus suis, & denique de se pastore ovium: cum illius concionis eventu, usque ad  $\Psi$  22. Altera pars continet altercationem Christi cum Judæis in festo encæniorum habitam, de suo officio & persona: item cum eventu, usque ad finem capituli.

DE PRIMA PARTE.

**A**men amen dico vobis, qui non ingreditur per ostium in causam ovium, sed ascendit aliunde, ille fur est & latro:

2 Qui vero ingreditur per ostium, pastor est ovium.

3 Huic aperit janitor, & oves vocem ejus audiunt: & suas oves vocat nominatim, & educit eas.

4 Quicumque suas oves emisit, antegreditur eas: & oves eum sequuntur, quia norunt vocem ejus.

5 Alienum autem nequaquam sequuntur, sed fugient ab eo: quia non norunt vocem alienorum.

6 Hanc similitudinem dixit ei Jesus. Illi vero non cognoverunt quamquam illa essent quae loquebatur eis.

7 Jesus ergo rursum dixit ei, Amen amen dico vobis, ego sum ostium illud ovium.

8 Quotquot ante me venerunt, fures sunt & latrones: sed non auscultant eos oves.

9 Ego sum illud ostium: per me si quis introierit, servabitur: & ingredietur, & egredietur, & pascua inveniet.

10 Fur non venit nisi ut furcietur, & mactet ac perdat oves: ego veni ut vitam habeant, & abundant.

11 Ego sum pastor ille bonus: bonus pastor animam suam deponit pro ovibus.

12 Mercenarius autem, & qui non est pastor, cuius non sunt opes propriae, videns lupum venientem, relinquit oves & fugit: lupus autem rapit: & dissipat oves.

13 Mercenarius autem fugit, quia mercenarius est, & non est illi cura ovium.

14 Ego sum pastor ille bonus, & agnosco oves meas, & agnoscor à meis: Propterea novit me Pater, & ego novi Patrem.

15 Es animam meam depono pro ovibus.

16 Alias etiam oves habeo quae non sunt ex hac causa: illas quoque oportet me adducere: nam vocem meam audiunt, sicutque unus grex & unus pastor.

17 Propterea Pater me diligit, quia ego depono animam meam ut eam rursum assumam.

18 Nemo tollit eam à me, sed ego depono eam per meipsum: potestatem habeo deponendi eam, & potestatem habeo rursum eam assumendi. Hoc mandatum accepi à Patre meo.

19 Dissidium igitur rursum ortum est inter Judaeos propter istos sermones.

20 Dicebant autem multi eorum, Demonium habet, & insanit. quid eum auditis?

21 Alii dicebant, Haec verba non sunt demoniaci: num demonium potest caecorum oculos aperire?

In prima parte Christus primum proponit parabolam de pastore ovium, usque ad v. 6. deinde eam exponit, à v. 7. usque ad 19. Postremo exponitur concionis illius eventus. Parabola duo docet: Unum, quoniam sint veri pastores seu Ecclesiae doctores, v. 1, 2, 3. & parte quarti: alterum, quoniam sint verae oves, hoc est, veri discipuli Christi tanquam summi pastores, v. 4. & 5. Veros igitur pastores à falsis hac nota discernit Christus, quod veri doctores oves ad solum Christum ducunt, tanquam ad ostium, per quod ingressus in Ecclesiam pater: falsi non item. Porro falsos doctores, ut meminimus quantopere cavendi nobis sint, fures & latrones nominat: quippe qui

qui falsa sua doctrina æternam vitam hominibus suffurantur, & illorum anima: necant, atque in æternam mortem præcipitant, ver. 1. Contrà ut veros doctores eò libentiùs atque alacriùs audiamus & sequamur, insignem utilitatem quæ ex illorum ductu ad nos pervenit, indicat, nempe quòd à Deo in gregem ovium Christi admittimur atque recipimur, *ψ. 3.* Præterea veros doctores discernit non solum à falsis, hoc est, iis qui falsa doctrina oves à Christo seducunt ac perdunt: sed etiam à mercenariis, hoc est, qui etsi vera doctrina oves pascant, nullam tamen ovium curam gerunt: id quod faciunt pastores veri. Hanc curam Christus significat primùm, cùm ait ver. 3. verum pastorem *suas oves vocare nominatim*, hoc est, auditores ac discipulos suos notos habere: quippe quos non solum publicè docuerit, sed etiam privatim admonuerit. Deinde ait, quòd venis pastor oves suas *ducas in pascua*, hoc est, quòd magno studio suis discipulis proponat salutarem doctrinam verbi Dei, ver. 3. & 4. Atque hæc de pastore. Jam ad oves quod attinet, hoc est electos: de illis ait Christus, *quòd vocem boni pastoris audiant, eumque sequantur*, ver. 3. & 4. hoc est, quòd veræ doctrinæ de salute per Christum partæ credant. deinde, *quòd non audiant aus sequantur alienum*, ver. 5. hoc est, quòd non credant doctrinæ falsæ malorum pastorum. Causam etiam exponit, cur illos sequantur, hos non item: *quia nimirum agnoscant vocem illorum, horum non item*, hoc est, quia Spiritu Dei edocti, intelligant veram atque cælestem doctrinam, eamque à falsa discernant, ver. 4. & 5.

6. *Hanc*] Transito ad expositionem parabolæ: quæ transitio continet causam, quæ Christum movit ad parabolam exponendam: nempe quòd animadverteret, Judæos illam non intelligere. In expositione parabolæ primùm monet, se esse ostium illud caulæ ovium, hoc est, per se solum ingressum patere in Ecclesiam & regnum Dei, *ψ. 7. & 9.* Deinde monet, omnes doctores qui discipulos ad ipsum non duxerint, fuisse fures & latrones, *ψ. 8.* Tertiò discernit se tanquam verum pastorem à pastoribus falsis, *ψ. 10.* Quartò discernit se à mercenariis, *ψ. 11. 12. 13. 14. & 15.* Quintò, promittit vocationem gentium & aggregationem in ovile populi Dei, *ψ. 16.* Sextò redit ad discrimen inter se & mercenarios, sumque eximium erga suas oves amorem prædicat, *ψ. 17. & 18.*

19. *Dissidium*] Eventus concionis Christi, fuit dissidium inter auditores: quorum alij cum blasphemarunt, alij contra blasphemiam defenderunt.

DE SECUNDA PARTE.

22. *Facta sunt autem encenia Hierosolymù, & hyems eras.*

23. *Es ambulabas Jesus in templo in porticu Solomonis.*

24. *Cinxerunt igitur eum Judæi, & dixerunt ei, Quousque animam nostram suspensis? sicut es Christus, dic nobis aperte.*

25. *Respondit ei Jesus, Dixi vobis, nec creditis: opera quæ ego facio in nomine Patris mei, hæc testantur de me.*

26. *Sed vos non creditis: non enim essu ex ovibus meis, sicut dixi vobis.*

27. *Oves meæ vocem meam audiant, & ego eas agnosco, & sequuntur me:*

28. *Et ego vitam æternam do eis: nec peribunt in æternum, neque rapiet eas quisquam è manu meâ.*

29. *Pater meus qui eas dedit mihi, major omnibus est: neq. quisquam potest eas rapere è manu Patris mei.*



- 30 Ego & pater unum sumus.  
 31 Sustulerunt ergo rursum lapides Judei ut lapidarent eum.  
 32 Respondit eis Jesus, Multa bona opera exhibui vobis ex Patre meo propter quod illorum operum me lapidatis?  
 33 Responderunt ei Judei, dicentes, Ob bonum opus non lapidamus te, sed ob blasphemiam: id est, quia tu homo quum sis facis teipsum Deum.  
 34 Respondit eis Jesus, Nonne scriptum est in Lege vestra, Ego dixi, Deus estis?  
 35 Si illos dixit deos ad quos sermo Dei factus est, & non potest solui Scriptura:  
 36 Me, quem Pater sanctificauit & misit in mundum, vos dicitis me blasphemare, quia dixi Filium Dei sum?  
 37 Si non facio opera Patris mei, nolite credere mihi:  
 38 Sin vero facio, etiam si mihi non credatis, operibus tamen credite: ut cognoscatis & credatis Patrem in me esse, & me in eo.  
 39 Rursum ergo studebant eum prehendere: sed exiuit ex eorum manu.  
 40 Abiitque rursus ad trajectum Iordanis, in eum locum ubi primus fuerat Iohannes baptizans, mansitque illic.  
 41 Multi autem veniebant ad eum, & dicebant, Iohannes quidem signum nullum edidit: quaecunque autem de isto dixit, vera erant.  
 42 Ex multis illuc crediderunt in eum.  
 Altercationem Christi cum Iudeis habitam descripturus Euangelista, primum indicat circumstantiam temporis, v. 22. deinde loci, v. 23. tum occasionem, v. 24. videlicet questionem Iudeorum, an ipse sit Christus seu promissus ille Messias. Ad quam questionem Christus respondens, & Iudeis incredulitatem suam exprobat, & se Christum esse demonstrat ex effectis, nempe ex factis seu operibus Christi propriis, v. 25. deinde ad se consolandum, causam incredulitatis eorum exponit, nempe arcanam voluntatem Patris, qui eos non elegerit ad vitam æternam, v. 26. & incredulitati eorum opponit fidem electorum, v. 27. Et hos in fide confirmat promissione vitæ æternæ (qui est fidei finis) & perseverantiæ in fide, quæ ad illum finem assequendum destinata est, v. 28. Perseverantiam autem in fide docet pendere à suo, tanquam fidi pastoris, præsidio: & huius præsidii firmitatem ac certitudinem probat à comparatione sui cum Patre: ut qui parem cum Patre habeat potentiam: quum sit unum cum Patre, nempe unus Deus. Potentia autem Dei potentiam Diaboli & omnium ejus organorum longissime superat, v. 29. & 30. Hac gloriatione offensus Iudæi, tanquam blasphema, conantur eum lapidare, v. 31. Christus igitur cum eis propter hanc injuriam expostulat, eisque opera sua hætenus edita opponit, v. 32. At illi factum suum defendunt, & crimen blasphemie ei impingunt, ut qui se affirmet Deum esse: quum non sit nisi nudus homo, v. 33. Christus igitur crimen blasphemie à se depellit, seque merito Deum nominari, probat à minori: videlicet ab exemplo magistratuum, qui nominantur dii, Psal. 82. Syllogismus est connexus primi modi:

Si magistratus recte dicuntur dii: multo magis ego.

At antecedens verum est.

Ergo & consequens,

Propositio probatur: Quia ad magistratus tantum factus est sermo Dei, & divinum officium eis à Deo mandatum, nempe Judicium. Judicium enim Dei est: Deut. 1. v. 17. 2. Paralip. 19. v. 6. At Christus est filius Dei unigenitus, sanctificatus à Patre in Messiam seu Servatorem mundi, atque etiam missus

missus. Assumptio probatur: quia magistratus dicuntur dii ab ipso Deo, teste scriptura: cuius testimonium authenticum & firmum est. Hæc continentur *ψ.* 34. 35. & 36. Postea idem probat à suis operibus, *v.* 37. & 38. Ad extremum indicatur eventus: videlicet quòd Judæi cum studuerintprehendere; sed frustra, *ψ.* 39. Denique quò Dominus abierit, *ψ.* 40. & qua remoti multicum secuti sint *ψ.* 41. quem fructum ex illa conversatione retulerint, *ψ.* 42.

## SCHOLIA IN CAP. X.

6 *Non cognoverunt. οὐκ ἔγνωσαν.* Id est, non intellexerunt, & *συνέσταν.* Quenam illa essent. *τίνα λόγῳ.* Id est, quidnam significaret ista similitudo.

7 *Ostium illud ovium. ἡ θύρα τῆς οὐράτων.* Id est, per quod oves in caulam intrant.

8 *Quotquot ante me venerunt. πάντες ὅσοι πρὸ ἐμοῦ ἦλθον.* Nempe profitentes se esse ostium illud ovium: aut certe aliud quodvis ostium quàm me, ostendentes.

13 *Et non est illi cura ovium. καὶ ἡ μὲν αὐτῷ οὐδὲ τῆς οὐράτων.* Vel, Et oves non sunt ei curæ.

14 *Oves meas. τὰ ἐμὰ.* Supple. *οὐράτα.* Et ego novi. *καὶ ἐγὼ γινώσκω.* Repetendum *καθὼς* ex præcedente membro, scilicet: *καὶ καθὼς ἰδὼ γινώσκω,* Et prout ego novi. Non enim his verbis continetur *κατὰ* sententiæ proximæ præcedentis: sed ambæ istæ sententiæ pertinent ad *οὐράτων* comparisonis, cuius *κατὰ* proximæ præcessit. *οὐράτων* autem hic annexitur per *ἐν συνάρσει*, ord. ne inverso.

15 *Animam meam. τὴν ψυχὴν μου.* Id est, vitam meam. Metonymia efficientis.

16 *Alias etiam oves. καὶ ἄλλα οὐράτα.* Intelligit electos inter Gentes. Ex hac caula. *ἐν τῇ αὐτῇ ταυτῇ.* Ex populo Judaico. *Adducere. ἀγαγεῖν.* Id est *οὐραγεῖν.*

18 *Per meipsum. ἀπ' ἐμαυτοῦ.* Mea sponte.

21 *Quid. τί.* Id est, Quare. *διὰ τί.*

22 *Encenia. τὰ ἱερῆνια.* Festum hoc institutum fuit à Juda Macchabæo quum pulso Antiochi præsidio, templum ac cultum Dei instaurasset. Vide 1. Macchab. 4. *ψ.* 59 *Hyemis erat. χειμῶνι λόγῳ.* Nam Encenia celebrabantur mense Cisleu: qui ex parte respondit nostro Decembri.

25 *Nec, καὶ ὅτι.* Et tamen non. Cohæret enim hæc sententia cum præcedente per enunciatum discretivum. *Opera, ἔργα.* Concisus sermo. quasi dicat: Sed quid opus est verbis, ubi rerum testimonia adsunt?

26 *Non enim. ὅτι γὰρ.* Expositio causæ: qualis fuit suprà cap. 8. *ψ.* 47. item cap. 6. *ψ.* 37. *Sicut dixi. καθὼς εἶπον.* Nempe locis modo citatis.

28 *In æternum. εἰς τὸν αἰῶνα.* Id est, unquam. Sic 1. Cor. 8. *ψ.* 13.

29 *Pater meus. ὁ πατήρ μου.* Exponit nunc causam ejus quod dixerat, non posse quenkum oves suas rapere é manu sua: quia nimirum Pater major, id est, potentior sit omnibus, ipse autem cum Patre unum sit. *Ομοῦ ὅν.* Scilicet & angelis & hominibus *Unum sumus. ἓν ἵσμεν.* Id est, unius ejusdemque naturæ. Ex collatione versiculi 33. & 26. Quum autem natura Dei sit impartibilis: sequitur totam esse & in Patre & in Filio: Sicut & in Spiritu sancto.

31 *Rursus. πάλιν.* Ut suprà cap. 8. *ψ.* ult.

33 *Ob bonum opus. ὡς ἐπὶ καλῷ ἔργῳ.* Id est, *διὰ καλὸν ἔργον.* Faci meipsum

*Deum.*

*Deum. τοῦτο ἐστὶν οὐρανὸν θεῶν.* Nempe dum dicis, te & Patrem esse &c.

34 *In Lege vestra.* Id est quam vos jactatis, quæve gloriamini: ut Rom. 2. *ψ. 17.* & deinceps.

35 *Scriptura. ἡ γραφή* Scil. ἡ γράφα, sancta.

38 *Sin verò facio.* Scil. opera patris mei. *Etiamsi. καὶ.* Hic incipit consequens connexi: quod ipsum consequens, est enunciatum discretum. *Opera. ὅσα. τοῖς ἱεροῖς.* Scil. τοῖς ἱεροῖς, meis.

41 *Signum. σημεῖον.* Id est, miraculum.

## OBSERVATIONES LOCORUM

### DOCTRINAE EX CAP. IO.

#### EX PRIMA PARTE.

1. Ex *ψ. 1. 8. & 10.* Quicumque se pastores Ecclesiae Dei profitentur, & tamen oves non pascunt sana hac doctrina, quod per solum Christum (nempe per illius meritum & efficaciam) æternam vitam consequantur: illi non pastores, sed fures & latrones sunt: quippe qui furantur æternam vitam ovium, & animas earum necant. Tales hodie sunt pseudopastores illi in Papatu: qui contendunt, non sola fide in Christum, sed etiam meritis suorum bonorum operum homines æternam vitam adipisci. Tales etiam sunt, qui remissionem peccatorum in externo usu Sacramentorum ponunt, aut saltem populum in isto errore relinquant ac fovent. Hæc enim causa est, cur baptismum quem vocant necessitatis vel festinationis defendant: & cur morituri privatim carnem Domini pro viatico dent.

11. Ex *ψ. 2. 3. & 4.* Pastores Ecclesiae officium est, non solum sana doctrina de vita æterna per solum Christum consequenda oves sibi commissas pascere: verum etiam diligentem earum curam gerere, adeo ut eas (quo ad ejus fieri potest) privatim notas habeat, & singulas prout necessitas temporis postulaverit, tractet, instituendo, consolando, admonendo, objurgando, denique omnia ea agendo quæ ad ovium salutem spectant. Vide *Ezech. 34. ψ. 4.* expositulationem Dei cum pastoribus officium suum negligentibus: Morbo affectas (inquit) non confirmatis, ægotamque non curatis, & confractam non obligatis, ac depulsam non reducit, pereuntemque non requiritis: sed vi dominamini in eas & per sevitiam &c. & *Act. 20.* ver. 26. 27. 31. 32. 33. 34. & 35 exemplum boni ac diligentis atque solliciti pastoris in Apostolo Paulo: & 1. *Pet. 5. ψ. 2.* cohortationem Petri ad pastores ut officium diligenter faciant. qualis est etiam cohortatio Pauli ad pastores Ecclesiae Ephesinæ, loco citato ex *Actis, ψ. 28. 29. 30. & 31.*

111. Ex *ψ. 3. 4. & 5.* Qui pro ovibus Christi haberi volunt, eos oportet audire vocem Christi, tanquam summi pastoris, loquentis per ministros verbi sui: sed non satis est audire auribus; sed oportet etiam audire corde, id est obedire sanæ doctrinæ, illam credendo, & sanctè secundum illam vivendo. Simul etiam fugere oportet pastores falsos. h. e. qui falsa doctrina oves à Christo abducunt: nisi de vita æterna periclitari velint. vide 1. *Joh. 4. ψ. 1.*

1V. Ex *ψ. 7.* Christus solus is est per quem in cælum ingressus nobis patet. Vide inf. 14. *ψ. 6.*

V. Ex *ψ. 8.* Nihil refert, quàm multi aut quàm pridem fuerint falsi doctores. Vide *Matth. 5. ψ. 21. & 27.* Dictum est antiquis, &c.

**VI.** Ex *end. V.* Electi conservantur divinitus, ne falsa doctrina seducantur & à Christo deficiant. Vide *Matt. 24. V. 24. & Luc. 22. V. 32.* de fide Petri.

**VII.** Ex *V. 9. 10. 11. & 14.* Quicumque aeternam vitam expetit, & solam consolationem desiderat, is in Christum credat; per hunc enim consequetur quod expetit.

**VIII.** Ex *V. 11.* Christus reipsa demonstravit, se fidelem nostrum pastorem esse: quia animam suam pro nobis posuit. Quare illi nos totos regendos credamus. Vide *Rom. 5. V. 6. & 8.*

**IX.** Ex *V. 12. & 13.* Non est satis, pastorem Ecclesiae non esse furem & latronem, hoc est, seducere gregem falsa doctrina: sed nec mercenarium esse oportet, qui scilicet mercedis causa oves pascat, nullam autem eorum curam gerat. Et si enim Dominus constituit ut qui Euangelium annunciant, ex Euangelio vivant, *1. Cor. 9. V. 14.* tamen non oportet victus aut mercedis causa Euangelium annunciare, quin potius Apostolus Paulus victum ab Ecclesiis accipere noluit: ne pseudapostolis animum calumniandi praeberet, quasi mercedis causa Euangelium doceret, *ibid. V. 15.* Vide *1. Pet. 5. V. 2.* Non turpiter affectantes lucrum, sed prompto animo.

**X.** Ex *isdem versibus.* Pastor Ecclesiae, nisi pro mercenario haberi velit, lupis, id est falsis doctoribus, quot es ingruunt & gregi suo imminet, resistat: convincendo nimirum falsam eorum doctrinam, & oves admonendo, ne se falsa illa doctrina seduci pariantur. Vide *Matt. 7. V. 15* exemplum Christi summi pastoris, & *Act. 20. V. 28. 29. 30. & 31.* exemplum Apostoli Pauli.

**XI.** Ex *V. 14.* Inter Christum & ejus oves reciprocos seu mutuos amor est. Quare quotquot Christum diligimus, sciamus nos ejus oves esse, ac vicissim ab ipso diligi. Interim verò probè notemus: quòd ipse prior dilexerit nos, ut Johannes ait: quippe qui nos dilexit, quum adhuc essemus inimici, ut ait Paulus.

**XII.** Ex *V. 15.* Dilectio, qua nos diligit Christus, constans & immutabilis est: non minus quàm illa qua ipse diligitur à Patre, & vicissim patrem diligit. Est etiam summa: quia illa adductus, mortem pro nobis oppetit, & quidem injustis. Vide *infra 15. V. 13.* *Rom. 5. V. 6. 7. & 8.*

**XIII.** Ex *V. 16.* Comparemus miserum illum statum majorum nostrorum nondum ad societatem populi Dei vocatorum, cum felici hoc nostro statu, qui jam ad communionem sanctorum per Euangelium vocati sumus & quotidie vocamur: ut magnitudine beneficii Dei in nos indignos collati, ad seriam gratitudinem ac pietatis studium moveamur. Vide *Ephes. 2. à V. 11. usque ad fin. cap.*

**XIV.** Ex *V. 17. & 18.* Christus ultro sese ad necem pro nobis obtulit, ut obedientia sua nostram inobedientiam expiaret, & ut victima quam offerebat patri, grata & accepta esset: deinde sua ipsius virtute (non tamen exclusa cooperatione Patris & Spiritus sancti) animam suam resumit, vivificando atque excitando corpus suum ex mortuis: ut nos quoque per spiritum suum ex morte peccati excitaret. *Rom. 6.*

**XV.** Ex *V. 18.* Christus est unicuique ille sacerdos Ecclesiae: quippe qui solus à Patre mandatum accepit sacrificandi seipsum ad expianda peccata electorum, & victimam oblatam ex morte excitandi atque in sanctuarium caeleste inferendi & in conspectu Patris perpetuo sistendi: ut sciamus reconciliationem nostram perpetuam esse, nulloque momento interrumpi. Vide *Hebr. 10. V. 12. & 14. item cap. 9. V. 24. 25. & 26.*

**XVI.** Ex *V. 19. 20. & 21.* Euangelium detegit hypocrisin, ideoque necesse est

est mundum ad ejus exortum tumultuari. Vide Matth. 10. versu 34. 35. & 36. Non veni ut mittam pacem Luc. 2. v. 34. Positus in signum cui contradicitur.

DOCTRINAE EX SECUNDA PARTE.

I. Ex v. 24. Quinquam doctrina Evangelii clara & perspicua est, tamen increduli de illius obscuritate conqueruntur: qui quo minus ejus lucem cernant, innata malitia impediuntur.

II. Ex v. 25. Veritas doctrinae Evangelii divinis operibus seu miraculis Christi abunde testata est, ut de illa dubitare nefas sit.

III. Ex v. 26. & 27. Pii ministri verbi Dei, quum perturbantur paucitate credentium, consolentur se (exemplo Christi) consideratione arcanae voluntatis Dei, sciantque semper esse aliquos electos, qui credunt.

IV. Ex v. 28. & 29. & 30. Quicumque à Deo donantur vera fide, donantur etiam perseverantia in fide. Pondò fidem conjunctum habere perseverantia donum, probatur duobus argumentis ex verbis Domini desumptis. Unum est à fine, qui est vita aeterna. ait enim Christus, se ovis suis quæ vocem suam audiant, & se sequantur, dare vitam aeternam. Ergo dat eis quoque perseverantiam in fide quæ ad vitam aeternam consequendam necessaria est. Alterum argumentum sumitur à causa efficiente, quæ est omnipotens. ait enim, Neminem rapturum suas oves è manu sua, quia ipse sit unum cum Patre, ac proinde major sive potentior omnibus, nempe creaturis, ac nominatim Diabolis, lupis illis qui ovibus Christi insidiantur. Vide Rom. 8. vers. 38. & 39.

V. Ex v. 30. Aeternus pater & filius, itemque Spiritus sanctus, sunt quidem distinctæ personæ: sed tamen sunt unus Deus seu Jehovah. Confer 1. Joh. 5. 7.

VI. Ex v. 31. 32. & 33. Diabolus non potest ferre doctrinam de deitate Christi: unde eam per sua organa quantum potest, tanquam blasphemiam damnat, & persequitur, in iis etiam qui citra controversiam multa laudabilia fecerunt.

VII. Ex v. 34. Quum Deus dignetur magistratus & judices suo ipsius nomine: æquum est ut & illi officium sibi à Deo mandatum in timore Dei administrent, cogitantes, judiciū Dei esse: ac proinde ex voluntate Dei verbo ipsius testata, non autem ex affectibus humanis aut etiam judicio rationis humanæ pronuntiandam sententiam esse. Deinde par quæque est, ut nos eos tanquam Dei ministros revereamur, nosque eorum gubernationi subijciamus. Vide Rom. 13.

VIII. Ex v. 35. Scripturæ Prophetica, itemque Apostolica, testimonium, authenticum & autentum est: ac proinde non licet illi contradicere. Vide 2. Pet. 1. v. 19. 20. & 21.

IX. Ex v. 36. Christum esse Deum, probatur ex ipsius officio, quod nimirum à Patre sanctificatus, id est, ordinatus est in Servatorem mundi: quod officium, nisi Deus esset, administrare non potuisset, nec adhuc posset. Mundus enim non potuit ab eo servari, nisi iusto Diabolo, sub cuius potestate erat.

X. Ex v. 37. & 38. Deitas Christi ex divinis ipsius operibus abunde cognoscitur.

XI. Ex v. 39. 40. 41. & 42. Christus vitavit periculum, & secessit, non diffidentia, nec mortis metu, nec otium captans: sed ut alibi Ecclesiam colligeret.

# ANALYSIS CAP. XI.

## ANALYSIS CAP. XI.

### ARGUMENTUM.

Hoc capite continetur historia Lazari à Christo excitati è morte. Partes principales tres sunt. Prima continet ea quæ excitationem antecesserunt; usque ad V. 43. Secunda formam rei gestæ, V. 43. & 44. Tertia eventum, seu ea quæ consecuta sunt, usque ad finem capitis.

### DE PRIMA PARTE.

**A** Egrotabat autem quidam nomine Lazarus, à Bethania, ex vico Maria & Marthe sororis ipsius.

2 (Maria autem ea erat quæ unxit Dominum unguento, & exersit pedes ejus capillis suis: cuius frater Lazarus egrotabat)

3 Miserunt ergo sorores ejus ad ipsum, dicentes, Domine ecce, is quem amas, egrotat.

4 Jesus autem hoc audito, dixit, Morbus iste non est immisus ad mortem, sed pro Dei gloria, ut per eum morbum glorificetur Filius Dei.

5 Diligebas autem Jesus Martham & sororem ejus, & Lazarum.

6 Vt ergo audivit illum egrotare, cum quidem mansit duos dies in eo loco ubi erat:

7 Deinde postea dixit discipulis, Eamus in Judæam rursum.

8 Dicunt ei discipuli, Rabbi, modo studebant te Judæi lapidare, & rursum illic abire?

9 Respondit Jesus, Nonne duodecim sunt hore diei? si quis ambulet interdiu non impingit: quia lucem hujus mundi videt:

10 Si quis autem ambulet nocte, impingit: quia lux ei non adest.

11 Hac ait: & postea dixit eu, Lazarus amicum ille noster dormit: sed proficiscor ut à somno excitem eum.

12 Dixerunt ergo discipuli ejus, Domine, si dormit, servabitur.

13 Hoc autem dixerat Jesus de ipsius morte: at illi putarunt eum de dormitione somni dicere.

14 Tunc ergo Jesus dixit eis aperite, Lazarus mortuus est.

15 Et gaudeo propter vos (ut credatū) me illic non fuisse, sed eamus ad eum.

16 Dixit autem Thomas qui dicitur Didymus, condiscipulu, Eamus & nos, ut moriamur cum eo.

17 Venit ergo Jesus, & invenit eum quartum jam diē in monumento agere.

18 Erat autem Bethania prope Hierosolimam fere stadiis quindecim:

19 Multiq; ex Judæis venerant ad Martham & Mariam ut consolarentur eas de fratre suo.

20 Martha ergo ut audivit Jesū venire, occurrit ei: Maria verò domi sedebat.

21 Dixit autem Martha Jesū, Domine, si fuisses hic, frater meus non fuisset mortuus:

22 Sed & nunc scio fore ut quacunque petierū à Deo, des tibi.

23 Dicit ei Jesus, Resurget frater tuus.

24 Dicit ei Martha, Scio resurrecturū, nempe in resurrectione, ultimo illo die.

25 Dicit ei Jesus, Ego sum resurrectio & vita; qui credis in me, etsi mortuus fueris, vivēs:



- 26 *Et quisquid vivit, & credit in me, non morietur in aeternum. Credi hoc?*  
 27 *Ait illi, Etiam Domine, ego credo te esse Christum Filium Dei, qui in mundum venturus eras.*  
 28 *Et quum hac dixisset, abiit, & clam vocavit Mariam sororem suam, dicens, Praeceptum adest, & se vocat.*  
 29 *Illa ut audiit, surgit cito, & venit ad eum.*  
 30 *(Nondum autem venerat Jesus in vicum: sed erat in eo loco ubi occurrerat ei Martha)*  
 31 *Judei ergo qui domi erant cum ea, & consolabantur eam: quum viderent Mariam cito surrexisse, & exisse, sequuti sunt eam, dicentes, Abit ad monumentum, ut illic flet.*  
 32 *Maria vero quum venisset eo ubi erat Jesus: viso eo, accidit ad ejus pedes, dicens ei, Domine, si fuisses hic, non esset mortuum frater meus.*  
 33 *Jesus autem ut vidit eam flentem, & Judeos qui una venerant cum ea, flentes, infremuit spiritu, & turbavit seipsum:*  
 34 *Et dixit, ubi posuisti eum? Dicunt ei, Domine, veni & vide.*  
 35 *Lachrymatus est Jesus.*  
 36 *Dixerunt ergo Judei, Ecce quomodo amabat eum.*  
 37 *Quidam autem ex ipsis dixerunt, Non poterat hic qui aperuit oculos caeci, facere ut & iste non moreretur?*  
 38 *Jesus ergo rursum fremens apud se ipsum, venit ad monumentum. erat autem spelunca, & lapis erat ei impositus.*  
 39 *Ait Jesus, Tollite lapidem. Dicit ei Martha, soror ejus qui mortuus fuerat, Domine jam oles, quatuor enim dierum est.*  
 40 *Dicit ei Jesus, Nonne dixi tibi, fore, si crederis, ut videas gloriam Dei?*  
 41 *Sustulerunt ergo lapidem e loco ubi mortuus ille fuerat positum. Jesus autem attollens sursum oculos dixit, Pater gratias ago tibi quod me audieris.*  
 42 *Ego vero sciebam me semper a te audiri: sed propter turbam circumstantem hoc dixi, ut credant me a te missum esse.*  
 Primum accessit Jesus ad Lazarum aegrotantem sanandum: sed non venit, usque ad  $\psi$ . 7. Deinde cum Lazarus iam esset mortuus, venit ut eum excitet, a  $\psi$ . 7. usque ad  $\psi$ . 18. Tertio excipitur a sororibus Lazari Martha & Maria, & Judaeis Hierosolymitanis, a  $\psi$ . 18. usque ad  $\psi$ . 33. Quarto turbatur spiritu & Lachrymatur, conspecto fletu Mariae & Judaeorum, a  $\psi$ . 33. usque ad  $\psi$ . 39. Quinto prae parat se ad opus, a  $\psi$ . 39. usque ad 43.

DE SECUNDA PARTE.

- 43 *Et quum haec dixisset, clamavit voce magna, Lazare, ades dum foras.*  
 44 *Tum, qui fuerat mortuus, prodiit pedes & manus vinculis fasciis: facies autem ejus sudar, & erat obvinctus. Dicit ei Jesus, Solvite eum, & sinite abire.*  
 Evocat Lazarum e sepulchro,  $\psi$ . 43. deinde egressum jubet solvi vinculis, versu 44.

DE TERTIA PARTE.

- 45 *Multi ergo ex Judaeis qui venerant ad Mariam, & conflexerant quae fecerat Jesus, crediderunt in eum.*  
 46 *Quidam autem ex eis abierunt ad Phariseos, & dixerunt ei quae fecerat Jesus.*  
 47 *Coegerunt ergo primarii Sacerdotes & Pharisei concilium, & dicebant, Quid agemus? nam hic homo multa signa edidit.*

SCHOLIA IN CAP. XI.

48. Si sinamus eum ita, omnes ei credent; veniensque Romani, & delebimus eum locum nostrum eum gentem.

49. Unus autem ex ipsis Caiphas, Pontifex maximus anni illius, dixit ei, Vos nihil scitis:

50. Nec cogitatis conducere nobis ut unus homo moriatur pro populo, & tota gens non pereat.

51. Hoc autem ex semetipso non dixit: sed quum esset Pontifex maximus anni illius, prophetavit fore ut Jesus pro ea gente moreretur:

52. Nec tantum pro ea gente, sed ut etiam filios Dei dispersos cogeret in unum.

53. Ab illo ergo die consultiabant una ut trucidarent eum.

54. Jesus ergo palam ambulabat inter Judeos: sed abiit illinc in regionem quae est prope desertum, in urbem quae dicitur Ephraim: & illic agebat cum discipulis suis.

55. Prope autem erat pascha Judaeorum: & ascenderunt multi Hierosolimam ex illa regione ante Pascha, ut purificarent se.

56. Querebant ergo Jesum, & loquebantur alii cum aliis in templo stantes, Quid videtur vobis? an venturum non esse ad festum?

57. Dederant autem primarii sacerdotes & Pharisei mandatum: ut siquis nosset ubi esset, indicaret, ut prebenderent eum.

Conspicito hoc miraculo, multi in eum credunt, V. 45. Alii deserunt eum apud Phariseos, V. 46. Pharisei consultant de eo intendendo: ac nominationem Caiphas consilium propheticum proponit de utilitate mortis Christi, à V. 47. usque ad 54. Jesus insidiis animadversis, continet se in urbe Ephrem, usque ad festum, vers. 54. Colloquuntur paulo ante festum de ejus adventu, V. 55. 56. & 57.

SCHOLIA IN CAP. XI.

1. Agrotabat autem quidam. ὃν δὲ πρὸς ἀδελφῶν. Προϊστάμενος δὲ πρ. Sicut Marc. 14. ἐν ἰσραὴλ βαπτίζων, προ, ἐλ, ἀ, πρὶς. Vel vertendum, Erat autem quidam aegrotus: ut participium ἀδελφῶν habeat vim nominis. A Bethania. ὁ τὸν Βηθανίας. scilicet oriundus, quasi dicas, Bethaniensis. Sic supra cap. 1. V. 45. ὃν δὲ ὁ εἰληππὸς τὸν Βηθανίδαν: Philippus erat à Bethsaida, id est, Bethsaidensis. Et ibid. V. 46. Invenimus Jesum τὸν τὸν Ναζαρεθ, illum Nazarenum. Ex vico Mariae. ἐν τῇς κοίτης Μαρίας: id est, in quo nata erat Maria. Hoc sensu Luc. 2. V. 4. Bethleem vocatur πύλις Δαβὶδ, urbs Davidis. Porro haec verba, ἐν τῇς κοίτης, &c. praecedunt, annectuntur per exegesis, ad declarandum scilicet nomen Bethania, plane ut cap. 1. V. 45. dicitur, ὃν δὲ ὁ εἰληππὸς τὸν Βηθανίδαν, ἐν τῇς πόλιν Αὐδίας καὶ Πίπης. Nam quod nonnulli putant, nomine Bethaniz non vicum, sed tractum montis Oliveti significari, nulla firmatione nititur. Vide infra ad V. 18. Ἰψῆς. αὐτῇς. Scilicet Mariae.

2. Quae paucis diebus ante passionem Domini, ut narratur infra cap. 12. Quare haec per prolepsin historicam dicuntur ad plenius declarandum quamnam fuerit ista Maria. Cujus frater, &c. ὁ ἀδελφός, &c. His verbis redit ad narrationem institutam de Lazaro; quia per digressunculam inferuerat descriptionem Mariae.

3. Sorores ejus. αἱ ἀδελφαί. sorores illae, nempe Lazari. Ad ipsum. αὐτῷ. Nempse Dominum: cujus facta mentio versu superiore. Is quem amas. ὃν εἰλεῖς. Id est, Lazarus. Descriptio personae argumentosa, habens πᾶθος, quasi dicant: Amas Lazarum: ergo tibi dolebit, quum audieris eum aegrotare:

ac proinde eum inuises, consolandi ejus & sanandi causa. In ista igitur annuntiatione laret petitio, qua petunt ut agrotantem inuisat.

4 *Hoc audito, auctores* Scil. τὸ το. *Ad mortem.* αὐτοῦ θανάτου. Præpositione αὐτοῦ; notatur finis, cujus gratia Deus istum morbum Lazaro immiserat: sicut & mox præpositione αὐτοῦ. Negatur iste morbus Lazaro immisus esse ad mortem: nempe talem in qua maneret usque ad communem seu universalem resurrectionem. neque enim ignorabat Christus, Lazarum ex illo morbo moriturum, seque illum excitaturum.

*Ve per eum &c.* ἵνα διὰ τοῦτο. &c. Epexegetis. Itaq; perspicuitatis gratiâ suppleri potest, nempe. Porro ex ista epexegesi liquet, Filium Dei esse Deum: quia nomen Dei per nomen Filii Dei exponitur. *Per eum morbum.* διὰ αὐτοῦ. Scilicet ἀδυναμίαν. In versione expressum est antecedens, vitandæ ambiguitatis causâ: quæ in Græco ipsa generum distinctione evitatur.

8 *Et rursum.* καὶ πάλιν. Pro, Et tamen rursum. Interrogatio vim habet dehortandi.

9 *Duodecim.* δωδεκά. Loquitur ex consuetudine Judæorum; qui diem artificialem quemvis distribuebant in duodecim horas.

10 *Quia lux ei non adest.* ὅτι τὸ φῶς ἐκ ἐστὶν αὐτοῦ. Ad verb. Quia lux illa non est in eo. Quod videtur sic exponendū: Quia lux illa de qua modò dictum, nempe lux mundi hujus (quæ est lux solis) non est in ipsius oculis. Et enim intra oculos lucem recipere oportet, ut quis videat.

11 *Dormit.* κακοίμῃται. Ad verb. Sopitus est. *A somno excitem.* ἐξυπνίσω. Græcè uno verbo eleganter.

12 *Servabitur.* σωθήσεται. Id est, conservabitur ex hoc morbo, convalescet.

13 *De dormitione somni.* αὐτοῦ τῆς κοιμήσεως τὸ ὕπνιον. Hic genitivus speciei regitur à nomine generis. nam dormitio hoc loco tanquam genus distinguitur in duas species, somnum, & mortem: quarum illa dormitio nominatur proprie loquendo, hæc verò per metaphoram. Talis est syntaxis in illis verbis Rom. 4. vers. 11. Accepit Abraham σημεῖον περιτομῆς, signum circumcisionis: id est, circumcisionem quæ erat signum quoddam nempe signum fœderis.

15 *Illic.* ἐκεῖ. Scilicet apud Lazarum. *Non fuisse.* ἐκ ἡμῶν. Utrique corpore. nam deitate sua semper ubique fuit. Synecdoche integri. *Eamus.* ἄγωμεν. Pro, ὑπάγωμεν. Sic versu sequente.

18 *Fere stadiis quindecim.* αἱ δὲ ὁδοὶ ἑπτάκιον δώδεκῃται. Id est, fere duobus miliaribus. Vide Scholia suprà cap. 6. V. 19. Fuit autem hic vicus Bethania situs in monte oliveti: ut liquet ex collatione duorum locorum apud Lucam, videlicet Luc. 24. vers. 50. ubi narrat, discipulos à Christo in cælum ascensuro ductos fuisse Bethaniam usque; & Act. 1. vers. 12 ubi ait, discipulos posteaquam Christum conspexissent in cælum ascendere, reversos esse Hierosolymam à monte oliveti. Porro cum mons oliveti (ut ibidem dicitur) ab Hierosolymis absuerit itinere sabbati, hoc est, septem stadiis: ipse autem vicus Bethania ab iisdem Hierosolymis absuerit fere stadiis quindecim, ut hic affirmat Johannes: consequens est, Bethaniam octo fere stadiis retrò à principio montis in ipso monte sitam fuisse: id est, uno miliari & paulo amplius.

19 *Ad Martham & Mariam.* αὐτοῖς ταῖς αἰεὶ Μάρθας καὶ Μαρίας. Ad verb. Ad eas quæ erant circa Martham & Mariam. Metonymia adjuncti.

22 *Des tibi. δίδωσι σοι ὁ Θεός.* Hecbra repetitio antecedentis *πλάσσει* *σιν*.

24 *In resurrectiōe. ἐν τῇ ἀναστάσει.* In resurrectione illa scilicet universali: quam expectant omnes pii. Syrus vertit *ἀναστήσει* benuchama, id est, in consolatione: per metonymiam effecti, nam resurrectio mortuorum piis & consolationem solidam affert in hac vita, & in altera afferet complementum gaudii. Hinc illa exultatio Jobi cap. 19.

25 *Ego sum resurrectio & vita.* Id est, author atque effector resurrectionis & vitæ: ac proinde possum nunc statim excitare fratrem tuum. His verbis continetur tacita promissio: cuius meminit Dominus inf. a vers. 40. *Etiamsi mortuus fueris.* Scil. corpore. *Reviviscet corpore ad vitam æternam.*

26 *Et quisquis vivit.* Scil. vita hac naturali. *Non morietur.* Morte scilicet secunda seu æterna. *In æternum.* Id est, unquam.

30 *In vicum. εἰς τὴν κώμην.* Nempe Bethaniam, Vide sup. *ψ. 1.*

31 *Ad monumentum. εἰς τὸ μνημεῖον.* Nempe Lazari, id est in quo sepultus erat Lazarus. Ponitur autem *εἰς* pro *ὅθεν*. quanquam posset videri accipiendum proprie: quia monumenta Judæorum ita erant constructa ut pateret in ea ingressus: sicut liquet ex historia resurrectionis Domini: inf. ca. 10. *ψ. 6. 8. 11.* & inf. *ψ. 38.* expressè dicitur speluncam fuisse. Sed rectius hic accipitur *εἰς* pro *ὅθεν* vel *in*, nam lapis illi speluncæ erat impositus: ut non posset ingressus nisi lapide amoto: cuius amovendi causa non videtur fuisse lacrymaturis prope monumenta.

32 *Accidis ad pedes ejus. ἐπιπνῖ eis τὰς πόδας αὐτοῦ.* Hic *εἰς* manifestè ponitur pro *ὅθεν*.

33 *Spiritu tu. τὸ πνεῦμα.* Id est, animo. hoc est, intimè. *Turbavit se ipsum ἰσχυράν ἑαυτοῦ.* Nempe considerans miseriam generis humani propter peccatum morti subiecti. Improprie autem vehemens illa commotio qua animus Christi commotus fuit, nominatur perturbatio: quo nomine videlicet excessus affectuum notatur: qui in Christo nullus fuit. Verè quidem affectibus humanis commotus fuit animus Christi, sed sine *ἀταξία*: ut si aqua limpida in puro vitro inclusa agitetur ac moveatur.

35 *Lacrymatus est Jesus. ἰδάμυσεν ὁ Ἰησοῦς.* En *συναρπάξας* Domini: en verum affectum humanitatis. Quod autem pium pectus hæc serò legens ac meditans, à lacrymis temperet?

36 *Quomodo. πότε.* Id est, quantopere, quàm valde.

37 *Non poterat. &c.* En diabolos in medio piorum. Simile exemplum vide *Ad 2. ψ. 13.* *Qui aperuit oculos cæci.* Sarcasmus diabolicus. Innuunt enim, cum oculis cæci non aperuisse: quippe qui non potuerit amicum tam charum in vivis retinere. *Et ille. & ὁ τοῦ.* Conjunctio *&* hoc loco est nota parit: qua innuitur parem esse potentiam in aperiendis oculis cæci & amico in vivis retinendo.

38 *Venit ad monumentum. ἔρχεται εἰς τὸ μνημεῖον.* Rursum *εἰς* pro *ὅθεν*, ut sup. *ψ. 31.*

39 *Olee. ἔλαι.* Id est, scætet: nempe ex putredine. Synecdoche generis verecunda. Syrus quidem & interpret vulgaris, scætetendi verbo hic usi sunt. *Quatuor dierum. τετραπαις.* Ad verbum, quattriduanus. id est, quartum jam diem in monumento jacet. Sic Herodotus lib. 6. utitur vocibus *διωτταίος* & *τετραίος*.

40 *Nonne dixi.* Scil. sup. *ψ. 25.* *Gloriam Dei. τὸ δόξαν τοῦ Θεοῦ.* id est, opus profectum à mea deitate. Metonymia duplex: prima adjuncti, qua ex gloria

ria Dei intelligitur ipsa deitas: altera efficientis, qua ex deitate intelligitur opus deitatis. Sic supra cap. 1. vers. 14. & cap. 2. vers. 11. *Quod me audieris. ὅτι ἠκούσας μου.* Id est, quod me exaudieris, videlicet petentem ut mihi per te liceret exerere divinam meam virtutem in excitando Lazaro. Etsi autem precatio illa Christi non expresse ab Evangelista narratur; tamen exillimandum est, intus precarum fuisse tunc quum spiritu infrenuisset, vers. 33. & 38.

42 *Ut credant. ἵνα πιστεύσωσι.* Epexegetis: qua declarat illa verba, Propter turbam.

44 *Sudario. σιδάριον.* Linteo quo sudor abstergitur. Sic etiam in resurrectione Christi fit mentio sudarii, infra cap. 20. v. 7.

46 *Quidam autem. &c.* En rursus malevolos, ut supra v. 37.

48 *Gentem. τὸ ἔθνος.* Scil. τὸ ἡμῶν, gentem nostram, Judaicam.

50 *Et tota gens non pereat. καὶ μὴ ὅλον τὸ ἔθνος ἀπολέται.* Pro, μάλλον ἢ ἵνα ὅλον τὸ ἔθνος ἀπολέται, potius quam ut tota gens pereat. Instituit enim Cajaphas comparisonem duorum malorum, quorum minus eligendum sit.

51 *Pro ea gente. ὑπὲρ τοῦ ἔθνους.* nempe pro gente Judaica.

52 *Dispersos. τὰ διασκορπισμένα.* Scilicet passim per totum terrarum orbem, inter omnes gentes. *Cogeres. συναγάγῃ.* Congregaret, colligeret.

54 *Palam. παρρησία.* Apertè, liberè. Catachresis. nam παρρησία proprie est libertas dicendi, quum quis omnia quæ sentit, dicit: nihil metu offensionis reticens vel dissimulans: *παρὰ τὸ πᾶν ἱπὲν.* Ephraim. *ἱερὰ μ.* Vulgata, Ephrem. ut videatur legisse *ἱερὰ μ.* quomodo & Syrum legisse apparet, qui scripsit *עפראים* Ephrim, suo more immixtus in *אמינ* pro *אמין* iamin, pro *אפאס* אפאס Kipha. Fieri autem potest ut quemadmodum ex *עשרת* Jeruschalaim (per ai diphthongum) ortum est *ἱεροσολὰ μ.* similiter ex *עפראים* Ephraim (item per ai diphthongum) ortum sit *ἱερὰ μ.* *Agebat. διήρκε:* Ad verbum. Conterebat. Scilicet τὸν χρόνον, tempus. Elliptica phrasis. *Cum discipulis. μετὰ τῶν μαθητῶν.* Id est, ipse & discipuli.

55 *Pascha Judæorum. τὸ πάσχα τῶν Ἰουδαίων.* Subaudi, festum. ne quis putet, fuisse etiam quoddam pascha alterius gentis.

## OBSERVATIONES LOCORVM

### DOCTRINAE EX CAP. II.

I. Ex vers. 3. Quoties calamitate aliqua premimur, ad opem Domini confugiamus, certò confisi, eum nobis pro suo erga nos amore opitulaturum: quantum quidem & sup gloriæ & nostræ salutis interesse iudicabit.

II. Ex vers. 4. & 40. Finis miraculorum Christi est, ut ex iis glorificetur, hoc est agnoscatur divina potentia præditus, tanquam unigenitus Dei filius: denique ut credatur esse Christus, id est servator mundi. Vide infra cap. 20. v. ult.

III. Ex v. 5. & 6. Quum Christus à nobis invocatus non iuvet nos eo modo qui carni nostræ arridet: non debemus patiare hoc inde fieri, quasi

non diligit nos. nam ipse pro sua sapientia novit, quomodo nos juvare velit, ut id ad gloriam suam & salutem nostram conducatur.

**IV.** Ex *ψ* 7. 8. 9. 10. Quoties nobis prælucet vocatio Dei, intrepidè officii nobis commissum administremus, contentis periculis: ut qui tuti simus sub præsidio Dei.

**V.** Ex *ver.* 11. Mors piorum, quasi somnus est, è quo ad vitam æternam suo tempore excitabuntur. Et Deo tam facile est excitare mortuum: quàm nobis, dormientem.

**VI.** Ex *ψ* 15. Christus suo corpore non est ubique. Fuisse enim etiam Bethaniam quum Lazarus moreretur: id quod ipse negat.

**VII.** Ex *ψ* 16. Christus nobis deferendus non est, etiamsi cum eo moriendum sit. Verumtamen ita eum ad mortem quoque sequi debemus, ut confidamus, nos sub ipsius præsidio ab æterna morte semper tutos fore.

**VIII.** Ex *ψ* 19. Consolari lugentes, officium pietatis est, dummodo consolationes petantur ex verbo Dei, ac dirigantur ad fulciendum spem resurrectionis ad vitam æternam. 1. Thes. 4. 13.

**IX.** Ex *ψ* 22. Deus preces piorum ex fide profectas exaudit.

**X.** Ex *ψ* 25. & 26. Christus est unicus servator credentium: quorum & corpora ex morte excitabit ad gloriam æternam, & animas spiritu suo vivificat, & vitam æternam gustandam eis dat etiam in hac vita, nec patitur ut mortem æternam unquam gustent; quippe quàm ipse gustavit pro omnibus. Heb. 2. *ψ* 9.

**XI.** Ex *ψ* 27. Summa fidei Christianæ hæc est, ut credamus Jesum Nazarenum Mariæ virginis filium esse, unigenitum filium Dei, ac promissum Messiam, id est servatorem mundi. Confer Matt. 16. *ψ* 16.

**XII.** Ex *vers.* 31. Amis errantibus non inde legendum est, ut secesserint isti Judæi, sequentes Mariam; quam perabant ad monumentum ire stendi causâ.

**XIII.** Ex eod. *vers.* Luctus propter defunctos non est provocandus aut augendus: sed potius sedandus ac moderandus. 1. Thes. 4. 13.

**XIV.** Ex eod. *v.* Deus arcana sua providentia stultas hominum actiones ad meliorem finem, nempe ad illustrandum gloriam suam, dirigit. Ita voluit istos Judæos Mariam sequi ad sepulchrum Lazari, ut postea miraculi Christi, quo Lazarum excitavit, spectatores ac testes essent.

**XV.** Ex *ψ* 32. Adoratio debetur Christo, quia filius Dei est. Sic Petrus adoravit Christum, quum ex miraculosa piscium captura, animadvertit divinitatem ejus potentiam, Luc. 5. 8.

**XVI.** Christus unâ cum carne nostra, humanos etiam omnes affectus, & quidem in primis misericordiam assumpsit: sed absque ulla *αταξία* vitiove. Vide Heb. 2. *ψ* 17. 18 & c. *ψ* 15. Simile. Quemadmodum aqua pura ac limpida vitro puro infusa, si agitur, spumas quidem concipit, sed turbida non fit: infusa autem vitro impuro ac sordido, si agitur, non solum spumas concipit, sed etiam turbida sordidaq; redditur: Ita cor Christi ab omni vitio purum, affectib. humanæ naturæ insitis, agitur quidem fuit, sed nullo peccato sordidatum: at corda nostra affectibus ita agitantur, ut peccato nobis inhaerente sordidentur.

**XVII.** Ex *ψ* 35. Lachrymari in adversis casib. amicorum, verum Christianum non dedecet. Nec placet Deo Stoicorum illa *απαθεια*.

**XVIII.** Ex *ψ* 37. Non est novum, si piis admixti sint impii, qui actiones piorum calumniantur, & operibus Dei malignè detrahant. Vide Act. 2. *ψ* 13.



·XIX. Ex ver. 39. Tanta est natura nostra imbecillitas, ut fides nostra levi momento facile labascatur. Sed ut fides nostra firma constet, oculos à natura rerum ad potentiam Dei, cum ipsius promissione conjunctam, avertere atque attollere oportet.

XX. Ex ver 40. Si velimus experiri potentiam ac bonitatem Dei in nobis juvandis: caveamus ne incredulitate nostra manus ejus quasi clausas teneamus. Vide Matth. 13. Vult.

XXI. Ex ver 41. Inter precandum oculos in caelum attollere decet: sed cavendum ne illic Deum cogitatione nostra includamus: quippe quem caeli caelorum non capiunt, quique caelum & terram implet: opera autem danda, ut mentes nostrae supra mundum erectae, Deum in throno majestatis suae contemplantur, ne quid humile aut terrenum de eo sentiant.

XXII. Ex ver. 41. & 42. Etsi Christus virtute suae deitatis Lazarum per se excitare poterat: tamen voluit ejus excitandi facultatem humiliter à Patre petere, in assumpta carne, tanquam servus patris: ut doceret, se nostra causa sese Patri subiecisse: & nos quoque invocantes patrem, propter ipsum exaudi umiri, si petamus secundum voluntatem ejus.

XXIII. Ex V. 43. Quod Christus voce Lazarum ex morte excitat: imago est non solum futurae resurrectionis universalis, ubi mortui excitabuntur tuba Dei & voce Archangeli: sed etiam imago est resurrectionis spiritualis: qua corda electorum per praedicationem Euangelii ex aeterna morte excitantur.

XXIV. Ex V. 46. Nullum est Dei opus, quod non impietas veneni sui amantidine inficiat & corrumpat. Ergo ut proficiant ex Dei miraculis homines, necesse est ipsos cor habere purgatum. Nam apud quos non viget Dei metus & reverentia; etiamsi maxima miracula videant, tamen praefracte ingratitudine sanam doctrinam respuere nunquam desinent.

XXV. Ex V. 48. Quod metu it impius, accidit ei: & eo ipso quo poenas effugere impij volunt, eas sibi attrahunt.

XXVI. Ex ver 49. 50. 51. & 52. Deus impiorum etiam linguas sic interdum flectit, ut vel aliud agentes, veritatem doctrinae caelestis confirmet, & vel inviti pijs benedicant. Vide Numer. 23. & 24. exemplum Bileami,

XXVII. Ex V. 52 Christus pro omnibus omnium populorum electis, iisque solis, mortuus est; qui licet naturae sint filij irae, antequam efficaciter vocentur, ac per fidem filij Dei fiant (Johan. 1. ver. 12) tamen etiam ante vocationem censentur filij Dei, ratione electionis, quam vocatio efficax suo tempore certo sequitur. Romam. 8. V. 30.

XXVIII. Ex ver. 54. Cedendum quidem impiorum furori, quum sic expediat: ita tamen ut à Dei vocatione minimè recedamus.

## ANALYSIS CAP. XII.

### ARGUMENTUM.

In hoc Capite primum narratur, quomodo Dominus cena exceptus sit Bethaniae à sororibus Lazari, & quomodo in illa cena à Maria sorore Lazari unctus sit: quidque inde evenierit, usq; V. 12. Deinde narratur quomodo Hierosolymam vectus asello, laetis populi acclamationibus & congratulatio.

gratulationibus exceptus sit: & quid inde evenierit, usque ad ver. 20. Tertio narratur sermo ejus quem ad discipulos habuit de sua morte, item de sui abnegatione & confessione, item de luce verbi sui, usque ad ver. 37. Quarto exponitur causa, cur plerique in eum non crediderint: & cur quidam ex primoribus non ausi sint eum confiteri, usque ad v. 44. Postremo narratur sermo Domini de fide & incredulitate: nempe cur merito in ipsum credendum sit, & unde fides illa oriatur: & cur increduli merito condemnentur, usque ad fin.

## DE PRIMA PARTE

**I**esu ergo sex ante Pascha diebus venit Bethaniam, ubi erat Lazarus ille qui fuerat mortuus, quem excitaverat à mortuis.

2. Ferunt igitur ei cenam illic, & Martha ministrabat: Lazarus autem unus erat ex iis qui simul discumbebant cum eo.

3. Mirra ergo, accepta libra unguenti nardi liquide multo pretii, unxit pedes Jesu, & extersit pedes ejus capillis suis: domus autem impleta est odore illius unguenti.

4. Dixit ergo quidam ex discipulis ejus, nempe Judas Simonis filius, Iscariotes, qui erat eum proditor.

5. Quare hoc unguentum non venit trecentis denariis, & datum est pauperibus?

6. Dixit autem hoc, non quod pauperum ipsi cura esset, sed quia fur erat, & marsupium habebat, & ea que injiciebantur, gestabat.

7. Dixit ergo Jesus, Sine eam: in diem succrationis meae servavi istud.

8. Nam pauperes quid semper habebitis vobiscum, me vero non semper habebitis.

9. Cognovit ergo turba multa ex Judaeis eum illic esse: & venerunt non propter Jesum tantum, sed etiam ut Lazarum viderent, quem excitavit à mortuis.

10. Consultarunt autem primarii Sacerdotes ut Lazarum etiam trucidarent:

11. Quia multi ex Judaeis propter eum abibant, & credebant in Jesum.

Ver. 1. indicantur tempus & locus, quando & ubi illa cena facta fuit. Ver. 2. indicantur ad unctam personam insigniores. Ver. 3. Quomodo Maria Jesum unxit. Ver. 4. & 5. quomodo Judas Iscariotes murruraverit, & factum Mariae reprehenderit. Ver. 6. quo animo id fecerit: ubi hypocrisis ejus ab Evangelista detegitur. Ver. 7 & 8. quomodo Christus Mariam contra Judam defenderit. Ver. 9. cur multi Judaei Hierosolymis Bethaniam tunc venerint. Ver. 10. & 11. cur primores consilium ceperint de Lazaro trucidando.

## DE SECUNDA PARTE.

12. Postero die turba multa quae venerat ad festum, quum audissent Jesum venire Hierosolymam:

13. Acceperunt termites palmarum, & egressi sunt ei obviam, & clamabant, Hosanna, Benedictus qui venit in nomine Domini, Rex ille Israel.

14. Nactus autem Jesus asellum, insedit ei: sicut scriptum est,

15. Ne time filia Sion: ecce, Rex ille tuus venit, sedens super pullum asinae.

16. Haec autem non cognoverunt discipuli ejus primo: sed quum glorificatus esset Jesus, tunc recordati sunt hac esse scripta de eo, & sese hac illi prestuisse.

17. Testabatur verò turba quae erat cum eo, quod Lazarum vocasset à monumento, & excitasset eum à mortuis.

18. Propterea etiam obviam venit ei turba, quia audierat eum edidisse hoc signum.

19. Pharisei ergo dixerunt inter se, Vides: vos nihil proficere? ecce mundum eum sequutus est.

Ver. 12. & 13. narratur, quomodo populus obviamiverit Domino adventanti ad festum, & quibus verbis eum professi sint Christum. Ver. 14. Quomodo Dominus Hierosolymam ingressus sit, nempe vectus asello. Ver. 15. Cur id factum sit, nempe ad implendum prophetiam Zach. 9. Ver. 16. monet Euangelista: quo impulsu ista a discipulis & populo facta sint, videlicet non consilio humano, ut qui ipsi non animadverterent, se honorem Messia Domino tribuere: sed impulsu divino, ut imoleretur scriptura. Ver. 17. & 18. quomodo miraculum excitati Lazari a turba celebratum sit. Ver. 19. Quomodo Phariseorum odium erga Dominum his rebus magis inflammatum sit, ac proinde illi se mutuò cohortati sint ad eum persequendum & e medio tollendum.

DE TERTIA PARTE.

- 20 Erant autem quidam Græci ex iis qui ascendunt ut adorent in festo:
- 21 Isti ergo venerunt ad Philippum qui erat à Bethsaida Galilee, & rogaverunt eum, dicens, Domine, vellemus Jesum videre.
- 22 Venit Philippus & dicit Andreæ: Andreas rursus & Philippus dicunt Jesu.
- 23 Jesus autem respondit eis, dicens, Venit tempus illud quo glorificetur Filius hominis.
- 24 Amen amen dico vobis, nisi granum frumenti cadens in terram, mortuum fuerit, ipsum solum manet: si vero mortuum fuerit, multum fructum adfert.
- 25 Qui amat animam suam, perdet eam: & qui odit animam suam in hoc mundo, in vitam æternam custodiet eam.
- 26 Siquis mihi ministrat, me sequatur: & ubi ego fuero, illic & minister meus erit. & si quis mihi ministraverit, honorabit eum Pater.
- 27 Nunc anima mea turbata est: & quid dicam? Pater libera me ab hac hora, sed propterea veni in horam hanc.
- 28 Pater, glorifica nomen tuum. Venit ergo vox de caelo, dicens, Et glorificavi, & rursum glorificabo.
- 29 Turba ergo quæ adstabat & audierat, dicebat tonitruum esse factum. Alii dicebant, Angelus ei loquutus est.
- 30 Respondit Jesus & dixit, Non propter me hæc vox exiit, sed propter vos.
- 31 Nunc damnatio adest mûdi hujus: nunc princeps mûdi hujus ejcietur foras.
- 32 Et ego, si sublatum fuero de terra, omnes traham ad me ipsum.
- 33 (Hoc autem dicebat, significans quæ morte futurum erat, ut moreretur.)
- 34 Respondit ei turba. Nos audivimus ex Lege, Christum manere in æternum: quomodo igitur tu dicis oportere tolli Filium hominis? quis est iste Filius hominis?
- 35 Dixit igitur eis Jesus, Adhuc parvo tempore lux vobiscum est: ambulate dum lucem habetis, ne vos tenebra deprehendant. nam qui ambulat in tenebris, nescit quo vadat.
- 36 Dum lucem haberetis, credite in lucem, ut filii lucis fiat. Hæc loquutus est Jesus: & quum abisset, occultavit se ab eis.
- Ver. 20. 11. & 22. exponitur occasio sermonis sequentis Domini de morte sua: nempe quod quidam profelyti qui ex Græcia venerant ad festum, eum cupiebant salutare: quæ re significabant, sibi nomen illius innotuisse. Respondit igitur Dominus, jam instare tempus quo nomen ipsius glorificandum sit, nempe per prædicationem Euangelii in toto terrarum orbe, & ea occasione de utilitate mortis suæ discit. Docet igitur, mortem suam multum fructum allaturam, videlicet redempturam omnes electos: quia ex morte resurrecturus sit ad vitam æternam. Hanc doctrinam proponit sub

similitu-

similitudine grani : quod cum in terra computruit, reviviscit ac exurgit in arisiam, in qua multum fructum fert, *V. 24.* Deinde docet, quanti nos mortem suam & resurrectionem facere debeamus, tanti nimirum, ut etiam cum capitis periculo confiteamur coram mundo, nos in sola Christi morte ac resurrectione vitam aeternam habere : quippe quod Christus sua morte nobis remissionem peccatorum sit meritus, quodque resurrectione sua restitutum fecerit, se morte sua plenè pro nostris omnibus peccatis satisfecisse. Huius igitur confessionis laetum eventum exponit, vitam aeternam : non quidè quam confessione nostra mereamur, sed quā sine illa consequi nō possumus, quamq; Deus confessoribus Christi ex grāia daturus sit. Contrā abnegationis tristem eventum indicat, nempe interitum seu exitium aeternum, *V. 25. & 26.* Postea *V. 27.* testatur animæ suæ perturbationem, nimirum horrorem quem concepit ex consideratione iræ Dei contra nostra peccata, quæ ipsi erat expianda. In qua perturbatione & anxietate ad Patrem se convertit, & instantem cruciatum mortis tum corporalis tum aeternæ deprecatur : ita tamen ut mox in voluntate Patris acquiescat, & sese ad illum cruciatum perferendum promptum ac paratum testetur. Itaque orat Patrem ut glorificet nomen suum, hoc est, ut mortem ipsius ad gloriam suam dirigat : nempe vires sibi dando quibus mortem vineat, & filios Dei morte sua redemptos Patri adducat, *V. 28.* Ubi notandum : hoc temporis momento quo hunc horrorem sensit Christus, quievissè ipsius divinitatem, hoc est, non exseruisse suas vires : nisi quatenus naturam humanam sustentavit, & ad Patris opem petendam direxit. Postea eod. versu commemorat Evangelista, quomodo Deus Pater Christum consolatus sit voce è calo emissa : quæ testatur est, se quemadmodum hucusque glorificaverit nomen suum, per miraculi scilicet Christi : ita porro quoque glorificaturum, nempe per mortem ejus, & resurrectionem, & ascensionem in celos, & sessionem ad dexteram suam. Ver. 29. commemorat falsa populi de illa voce iudicia. Ver. 30. exponit Christum caussam, cur illa vox è calo emissa sit : nempe non tam propter ipsum consolandum (poterat enim illud etiam absq; voce fieri, per internam scilicet operationem) quàm propter ipsos, ut nimirum audito testimonio Dei Patris de suo filio, in eum crederent. *V. 31.* Christus voce illa audita, & consolatione inde percepta, magnificè gloriatur de victoria : se scilicet mortem victurum & Diabolum, resurgendo scil. ex morte, atque ita damnaturum mundum, h. e. convicturum in credulos erroris & mendacii, ut qui eum pro Christo nolint agnoscere. Deinde *V. 32.* fructum suæ mortis ad consolandum credentes exponit, nempe se morte sua omnes ad se tracturum, ut cum ipso conjuncti unâ exaltentur in caelestem gloriam ac beatitudinem. Ver. 23. Evangelista verba illa Domini quæ dixerat de fructu mortis suæ, exponit ; monens, eum significasse mortem crucis *Exaltandi* verbo : quo quidem simul significasse videtur exaltationem illam in gloriam caelestem, quæ resurrectionem secuta est. quasi dicat Dominus : Vos quidem exaltabitis me è terra, suspendentes me in cruce, extremæ ignominie caussa : at scitote fore ut hac ratione ac via ego verè exalter in summam gloriam : quippe qui pauli-póst è morte resurgens ascendam in celum, & consilebo ad dexteram Patris mei. *V. 34.* recitat cavillum impiæ turbæ, quo cavillati sunt verba illa Domini de sua morte, concludentes inde, ipsum non esse Christum. Christus, inquit, manebit in aeternum : teste scriptura, quam synecdochicè significant nomine Legis. Atqui tu non manebis in aeternum : quippe qui ipse fateris, te sublatum iri per mortem.

Ergo

Ergo tu non es Christus. Ubi notandum, falsam esse assumptionem. nam et si CHRISTUS moriturus erat: tamen erat brevi re victurus & ingressurus in gloriam suam, atque erecturus regnum illud suum aeternum, V. 35. Dominus illis loco responsionis exprobrat malitiam: ut qui in clara luce petulanter oculos claudant, ne veritatem cernant. Itaque eis minatur, fore ut brevi eis adimatur lux verbi: ac proinde ipsi in tenebris ignorantiae misere errent, seque perditos eant. Contrā, eos hortatur: si pro filiis lucis haberi velint, hoc est, pro iis qui ad lucem illam cælestem fruendam destinati sunt: ut in lucem credant, hoc est, in ipsum qui per Euangelium patefit, quod sit servator omnium credentium. Atque his dictis, ab eis discessit: indignos judicans, apud quos plura verba faceret: ut qui doctrinam ejus petulanter contemnebant.

DE QUARTA PARTE.

37 *Quum autem tot signa coram eis edidisset, non credabant in eum:*

38 *Et sermo Esaiæ prophete impleretur, quem dixit, Domine, quis credidit sermoni nostro, & brachium Domini cui relictum est?*

39 *Propterea non poterant credere, quia iterum dixit Esaias,*

40 *Exccecaui oculos eorum, & obduraui cor eorum: ut ne viderent oculis, & intelligant corde, & se convertant, & sanentur.*

41 *Hæc dixit Esaias quando vidit gloriam ejus, & loquutus est de eo.*

42 *Verumtamen etiam ex primoribus multi crediderunt in eum: sed propter Phariseos hoc non profitebantur, ne synagoga moveretur.*

43 *Dilexerunt enim gloriam hominum potius quam gloriam Dei.*

Ne quis incredulitate Judæorum de qua dictum est, offendatur: Evangelista illius causam exponit: docens, in causa non fuisse Domini doctrinam, quippe quæ multis miraculis abunde coram eis confirmata esset: sed arcanam voluntatem Dei: cui non nisi paucis potentiâ mortis ac resurrectionis Christi revelare & fidem donare placuit: id quod Johannes testimonio prophetæ Esaiæ duplici confirmat: quorum prius versu 38. sumtum ex cap. 53. versu 1. querelam prophetæ continet de paucitate eorum qui doctrinæ de Christo jam tum credebant, atque etiam temporibus Christi & Apostolorum credituri erant. unde & Paulus Rom. 10. versu 16. hanc ipsam Esaiæ prophetiam ad incredulitatem Judæorum sui temporis accommodat. Alterum testimonium est ex Esai. 6. versu 9. ubi Propheta quum vidisset Deum insidentem folio, stipatum satellitio Seraphim, id est angelorum, laudes ei canentium: mittitur à Deo ad Judæos cum hoc mandato, ut eis duritiem ipsorum exprobet & augeat prædicatione verbi, Deo contemptum sui verbi justo judicio ita vindicante: versu 40. Huic prophetiæ subjungit Evangelista circumstantiam temporis, quo Esaias ista dixit: ubi docet, Christum esse ipsum Jehovah, quem Esaias folio insidentem vidit, versu 41. Postea quasi per correctionem narrat, multos ex primoribus in Christum credidisse, id est doctrinam ejus approbasse: sed non ausos fuisse confiteri metu Phariseorum, ne ab illis excommunicarentur. Cuius metus causam Evangelista exponit, nempe ambitionem: quam amplificat antithesi: dicens, eos potius dilexisse gloriam hominum, id est, gloriam mundanam quæ contingit ab hominibus: quàm gloriam Dei, id est, veram illam & solidam gloriam qua Deus facta piorum approbat, V. 42. & 43.

## DE QUINTA PARTE.

44 *Iesus autem clamavit, & dixit, Qui creditis in me, non creditis in me, sed in eum qui misit me.*

45 *Et qui conspiciat me, conspiciat eum qui misit me.*

46 *Ego lux in mundum veni, ut quisquis credit in me, in tenebris non maneat.*

47 *Si quis autem audierit verba mea, & non crediderit, ego non damno ipsum. non enim veni ut damnum mundum, sed ut salutem mundum.*

48 *Qui reiecit me, nec recipit verba mea, habet qui damnet ipsum: sermo quem loquutus sum ille damnabit eum ultimo illo die.*

49 *Quia ego ex meipso non sum loquutus: sed qui misit me Pater, ipse mihi mandavit quid dicam & quid loquar.*

50 *Et sic, mandatum ejus, vitam æternam esse. quæ igitur ego loquor, pronuntio mihi Pater, ita loquor.*

V. 44 & 45 docet Christus, meritò in se esse credendum: quia ipse unum sit cum Deo Patre, ac proinde verus Deus. deinde, quia qui in ipsum credit, illustretur luce cognitionis Dei & salutis æternæ, ac liberetur à tenebris ignorantie ac errorum de Deo & salute æterna, V. 46. Ubi simul docet, unde fides illa oriatur: nempe ab efficacia ipsius tanquam mediatoris: qui ppe qui in mundum venerit lux, id est, ut per prædicationem Euangelii & virtutem Spiritus sancti illuminaret corda electorum. Postea docet, unde oriatur cōdemnatio incredulorum: nempe ex contemptu verbi Dei, nimirum Euangelii: quo ipso significat, eos meritò damnari: à V. 47. usque ad finem.

## SCHOLIA IN CAP. XII.

1 *Sex ante Pascha diebus. ἑξ ἡμέραι πρὶν πάσχα.* Ad verb. Ante sex dies paschæ. Annotat Tremellius, esse phrasin Syram. Est autem verborum tractatio, pro eo quod dicendum erat, ἑξ ἡμερῶν vel ἑξ ἡμερῶν ἡμέραι πρὶν πάσχα.

5 *Trecensio denarii. τριακοσίων δηνάριον.* Si denarius aestimetur quindecim nummis Argentinensibus: tum trecensio denarii facient florenos Francosurdenses (id est quindecim baciorum) triginta septem & dimidium. Vide suprâ ad cap. 6. V. 7.

7 *In diem. εἰς τὴν ἡμέραν.* Subaudi γὰρ, id est, enim: quæ conjunctio ex primatur Matth. 26. V. 12. *Funerationis meæ. τὴν ἐταφιάσ μου.* *Εταφιάζειν* (ut D. Beza annotat) non est idem quod *θάπτειν*, sepelire: sed quod Latini dicunt Funerare, hoc est, funus ad sepulturam præparare, lotionem nimirum & unctionem. Usi sunt hoc verbo Graeci Bibliorum interpretes Gen. 50. versu 2. ubi narratur quomodo Joseph curavit cadaver patris aromatibus condiri à medicis. Verba hæc sunt: καὶ ἐταφιάσεν Ισὼφ τὸν πατέρα αὐτοῦ, τοῖς ἐταφιάσιν αὐτοῦ, ἐταφιάσεν τὸν πατέρα αὐτοῦ, καὶ ἐταφιάσεν οἱ ἐταφιάσαι τὸν Ισὼφ. Significat ergo Christus, hanc sui unctionem, à Mariâ factam, esse sibi pro funeratione, id est eo unctionis genere quo corpus suum præparetur ad sepulturam. Etenim ex professio funeratus seu poñctus non fuit: etsi id operam dederint amici ejus. Vide infra cap. 19. versu 39. & 40. *Servavit. τηρέσκειν.* Vel Asservavit. Non quòd ipsa hoc consilio usâ fuerit: expectasset enim sepulturæ tempus: sed quòd Deus providentia sua mentem illius ita gubernaverit, ut hoc tempore pretiosum istud unguentum in Domi-



Dominum effunderet, ad significantum instare mortem & sepulcrum ejus.

8 Nam pauperes quidem. τῶν πτωχῶν γδ. Proleptis, qua responder objectioni Judæ. ψ. 5.

12 Postero die. τῷ ἑπόμενῳ. Supple ἡμῖν.

13 Termiser. τὰ βατὰ. Nomen Græcum videtur ortum παρὰ τὸ βάττω, ascendendo: quod termites, id est, rami palmæ arboris quo magis premuntur, eo fortius se erigunt. *Israhël.* τῷ Ἰσραήλ. Id est, populi Israëlitiici, seu populi Dei.

14 Natus. ὡγεν. Sic Luc. 1. ψ. 30. de Maria matre Domini, ὅτις χάρει παρέχ τὸ θεῷ.

15 Filia Sion. θυγάτηρ Σιών. Id est, Ecclesia congregari solita in templo extructo super montem Zion.

16 Non cognoverunt. ἐκ ἰγνώσαν. Id est, non intellexerunt, quorum ista fierent. *Quum glorificatus esset.* Nempe post resurrectionem & ascensionem Domini in calum. *De eo. ἐν αὐτῷ.* Super eo, id est, ἀπὸ αὐτοῦ. *Es se hęc.* καὶ ταῦτα. Pro, καὶ ἐπὶ ταῦτα. Nam, ἐπὶ repetendum est ἀπὸ κεφαλῆς. Videtur autem potius vertendum, *Es hęc illi præstita fuisse. nam verbum ἰποίνων* non videtur referendum ad discipulos: quum non præcesserit mentio, quod ipsi asinum Domino adduxerint: sed impersonaliter ad turbam quæ advenientem Christum honorificè excepit, sicut narravit Evangelista.

19 Mundus. ὁ κόσμος. Hyperbole: *Eum sequutus est.* ὁπῶς αὐτὸ ἀπῆλθεν. Ad verb. Post cum abiit, Hebraismus, id est, ei sese ut magistro addixit. Vide suprà ad cap. 1. ψ. 15.

20 Græci. Ἕλληνες. Hos Græcos fuisse profelytos, intelligi potest ex eo quod mox additur, fuisse ex iis qui ascenderant Hierosolymam ut adorarent in festo. *Ex iis qui ascendunt ut adorent.* ἐκ τῶν ἀναβαινόντων ἵνα προσκυνήσωσι. Videtur vertendum, *Ex iis qui ascenderant ut adorarent.* ut ἀναβαινόντων positum sit pro ἀναβαίντων. Secus dicendum fuisset, ἵνα προσκυνήσωσι.

21 Videre. ἰδεῖν. Id est, salutare, alloqui, notitiam cum eo contrahere.

23 Glorificetur. δοξαζή. Nempe per Evangelii prædicationem innotescens etiam Gentibus. Hoc dicit occasione illius petitionis profelytorum. Sed mox monet, prius sibi subeundam mortem.

24 Nisi gratiam. &c. Hęc dicit ἀναγορευκῶς de se ipso morituro.

25 Qui amat animam suam. Nempe tantopere ut ejus retinendæ causâ me abneget. Confer Matth. 10. ψ. 37. *Qui odit animam suam.* Id est, cui paratus est eam perdere mea causâ, ita ut eam odisse videri possit. Confer Matth. 10. ψ. 39. & Luc. 14. ψ. 26.

27 Turbata est. τὸ τεταράχθη. Nimirum cogitatione instantium cruciatuum exsensu iuxta Dei propter peccata electorum, quæ in me suscepi expianda. *Ab hac hora.* ἐκ τῆς ὥρας ταύτης. Id est, ab hoc cruciatu. Metonymia adjunctâ. Sed, ἀλλὰ. Correctio. *Propterea.* διὰ τῆς. Scilicet ut patiar hunc cruciatum.

29 Quæ adstabat. ὁ ἰσθῆς. Pro, παρῆς.

30 Non propter me. Scil. solum (qualis antithesis fuit suprà cap. 5. vers. 22) hoc est, ad me consolandum. Sed ἀλλὰ. Id est, Sed etiam. *Propter vos.* Scil. erudiendos de me.

31 Damnatio. κέκλητος. Synecdoche generis. *Mundi hujus.* Id est, Impiorum qui

qui sunt in hoc mundo, atque adeo qui primas in hoc mundo obtinent. *Metonymia* subiecti, & *synecdoche* generis. *Princeps mundi huius*. Id est, diabolus. *Ejicietur foras*. Id est, abolebitur à me per mortem meam: ut loquitur Apostolus Hebr. 2. v. 14. Manet autem in metaphora: quasi diabolus instar principis in genere humano regnet.

32 *Si sublatum fuerit è terra*. *ἡ γὰρ ὁλβία ἐν τῇ γῆ*. Probabilis est sententia D. Bezae, qui existimat, Dominum in ea lingua qua tum locutus fuit, videlicet Syriaca, usum esse verbo ambiguae significationis: quo nimirum utrumque significetur, & tolli in sublime, & tolli è medio. Etenim ex posteriore hac significatione orta fuit obiectio illa Judaeorum, quae paulo post narratur v. 34. Dominus verò ad utramque significationem respexisse videtur: quum mox testetur Evangelista, cum hoc dixisse ut significaret qua morte moriturus esset: videli. morte crucis. Significavit igitur utrumque, videlicet & se in sublime sublatum in cruce, & ita è medio sublatum in. Porro verbum illud equidem esse puto id ipsum quo in sua versione usus est Syrus interpres: quod originem habet ab Hebraico verbo *רם* *róm*, quod in utraque significatione reperitur. In priore Gen. 7. v. 17. ubi de arca Noë dicitur, *וַתָּרָם הָאָרֶץ* Et elevata fuit è terra, item Gen. 31. v. 45. Et accepit Jacob lapidem, *וַיִּרְמָם מִצְבָּה* & erexit cum in statuam. In posteriore verò Dan. 8. v. 11. Et ab eo sublatum fuit iuge sacrificium. Ibi in Hebraeo est *וַתִּרָּם הָרָם* *huram*: & significatur, iuge sacrificium è medio sublatum seu ablatum esse. Etsi autem verbo illi Hebraeo, ratione quidem ambiguitatis, magis respondet *τὸ ἀρπάξαι* quam *τὸ ἐλβεῖν*: tamen Evangelista hoc posteriore potius usus est, quo supplicium crucis magis videtur exprimi: sicut eodem verbo eandem ob causam usus est & supra cap. 3. v. 14. Porro tum Hebraeo *וַתִּרָּם הָרָם* *huram*, tum Graeco *ἀρπάξαι* respondet Latinum Tollo, Sustuli, Sublatum: è cuius ambiguitate elegans jocus captatus est in illo disticho de Nerone:

Quis neget Aeneae magna de stirpe Nerone?

Sustulit hic matrem: sustulit ille patrem.

Nempe Nero matrem sustulit è medio, at Aeneas patrem sustulit in humeros. *Omnes navis*. Nempe omnes mihi datos à Patre, id est, electos, nam de impiis atque reprobis modò dixit, illorum damnationem adesse. *Traham ad me ipsam*. *ἄλυσον ὡς ἐς ἐμαυτὴν*. Videtur Dominus respicere ad dispositionem corporis sui in cruce suspensi, nempe brachiis expansis, quasi dicat, se ideo brachia in cruce expansurum ut electos suos complectatur & ad se trahat. Significat autem se in cruce electos Patri reconciliaturum, eisque impetraturum Spiritum sanctum, cuius virtute per Evangelii praedicationem ad ipsum trahantur, ut fide ipsi adhæreant & unà cum ipso caelesti hereditate fruantur.

33 *Qua morte*. *ποῖον θάνατον*. Quo mortis genere: nempe morte crucis: in quam fuit sublatum & (ut Evangelista hic loquitur) *ὁλβεῖς*, id est exaltatus.

34 *Ex Loge*. *ἐκ τοῦ λόγου*. Id est, E Scriptura, *Synecdoche* membri. *Christum manere*. *ὅτι ὁ χριστός μένει*. Nempe in vivis, ut Psal. 72. v. 17. Erit nomen ejus in æternum &c. Psal. 89. ver. 30. Et thronus ejus sicut dies calis. *Tolli*. *ὁλβεῖται*. Tolli scilicet è medio. Vide ad v. 32. *Filium hominis*. *τοῦ υἱοῦ τοῦ ἀνθρώπου*. Hinc, & ex interrogatione sequente apparet, Dominum v. 32 in tertia persona de se locutum fuisse, nominando se Filium hominis, Evangelista igitur ibi non verba, sed sententiam recitavit.

35 *Deprehendant*. *ἡγοράσῃ*. Comprehdant, occupent.

36 *Fili lucis.* υἱοὶ φωτός. Id est, veræ lucis (nempe felicitatis celestis) participes. Hebraismus. *Oculus a vis se.* ἐκφύειν. Passiva vox significatione reciproca: ut aliquando apud Hebræos Niphāl. Sic 1. Cor. 7. v. 15. accipitur verbum *καὶ ἐκφύειται.*

37 *Quam autem, &c.* Id est, Quamquam autem &c. *tamen* non credebāt.

38 *Sermoni.* τῷ λόγῳ. Ad verb. Auditui. Metonymia adjuncti, Hebræis usitata. *Brachium Domini.* ὁ βραχίον ΚΥΕΙΣ. Id est, potentia Domini, nempe Christi: quam scil. exeruit in abolendo eo qui mortis habet imperium, id est, diabolo. Metaphora, & metonymia subiecti. nam hominis robur in brachio potissimum se exerit.

39 *Quia iterum dixit Esaias.* Hoc est, Quia oportuit impleri quod prædictum fuerat per Esaiam.

40 *Obdura vis.* πτωρομαι. Callo obduxit. nam πώγος, callum significat: id est, duriciem illam cutis in vola manus aut pedis, quæ sensum illi adimit. *Se se convertiant.* ὁὐκ ἐκτρέπον. Eadem hujus verbi est ratio quæ verbi ἐκφύειν, sup. v. 36.

41 *Quando vidit gloriam ejus.* ὅτι εἶδε τὴν δόξαν αὐτοῦ. Nempe Christi. Vide caput sextum Esaiæ, ubi describit, quomodo Dominum viderit insidentem solis, & astantes illi angelos alatos, quos vocat Seraphim, &c. Hæc est illa gloria, hoc est, gloriosa & majestatis plena species, quam hoc loco nominat Johannes.

42 *Ne synagoga moverentur.* ἵνα μὴ ὑποσωαζώμενοι γίνωνται. Id est, ne excommunicarentur. Sic sup. cap. 9. v. 22.

43 *Gloriam hominum.* τὴν δόξαν τῶν ἀνθρώπων. Id est, gloriam quæ ab hominibus proficiscitur. Et sic mox, *Gloriam Dei,* id est, quæ à Deo proficiscitur. Hæc expositio confirmatur collatione versiculi 44. cap. 5. Significat, illos vanam seu inanem gloriam prætulisse gloriæ veræ ac solidæ.

44 *Non credit in me.* ἢ πιστεύει εἰς ἐμὲ. Hoc non potest intelligi simpliciter: secus enim Dominus sibi ipse contradiceret. Intelligendum est autem ex falsa opinione Judæorum, qui putabant Christum esse nudum hominem & absque Dei mandato docere: ac proinde in ipsum non esse credendum. Similis est ille locus sup. cap. 7. v. 16. ubi ait, Mea doctrina non est mea.

46 *Ego lux in mundum veni.* ἐγὼ φῶς εἰς τὸν κόσμον ἐλήλυθα. Construendum sic. Ego in mundum veni lux: id est, tanquam lux. ὡς φῶς φῶς. *Ut quisque credat.* ἵνα πᾶς. Epexegetis. Est autem hic observanda phrasus Hebræa, ἵνα πᾶς ὁ πιστεύων μὴ μείνῃ, ut omnis credens non maneat: pro ἵνα ὁ δὲ εἰς ὁ πιστεύων μὴ εἴη, ut nullus credens maneat. Sic Rom. 3. v. 20.

47 *Et non crediderit.* ἢ μὴ πιστεύσῃ. Id est, Et tamen non crediderit. *Non timo.* ἢ φοβέο. φοβέο pro κατανέμειν, per synecdochen generis. sic deinceps, hoc versu & sequente.

50 *Mandatum ejus v. tam æternam esse.* ὅτι ἢ ἀπὸ τῆς αὐτοῦ, ζωὴ αἰώνιος ἐστίν. Id est, Doctrinam quam Pater me jussit annuntiare, causam esse vitæ æternæ: quatenus nimirum illa doctrina fide recipitur. In vocabulo *Mandatum* est metonymia adjuncti: in vocabulo autem *vita æterna* est metonymia effecti.

## OBSERVATIONES. LOCORUM

### DOCTRINAE EX CAP. 12.

1. Ex v. 4. 5. & 6. Exemplo Judæ monemur, hypocritas dilectionem proximi præ se ferre, quum interum nil nisi sua ipsorum commoda quarant.

K

11. Ex

II. Ex *ψ*. 6. Si contingat, ministrum verbi sceleratum esse: ne propterea doctrinam Euangelii quam annunciat, in dubium vocemus. Nam & Judas Iscariotes, sceleratus homo fuit: & tamen veram Euangelii doctrinam annuntiavit: quippe quem Christus aliàs inter Apostolos non tulisset.

III. Ex *ψ*. 7. Homines sæpe spiritu Dei direttore faciunt ea quæ ipsi non intelligunt: ut Maria unxit Jesum, ad significandum, corpus ejus propediem sepultum iri. Sic Cajaphas prophetavit de utilitate mortis Christi, sup. c. 11. *ψ*. 50. Sic discipuli & populus Jesum honore Messiae affecerunt, inponentes eum asino, & lætis vocibus eum regem Israël salutes; inf. *ψ*. 13.

IV. Ex *ψ*. 8. Quod Christus hic negat, discipulos cum semper habituros, & tamen alibi affirmat (nempe Matt ult. *ψ*. ult.) se cum ipsis fore omnibus diebus usque ad consummationem sæculi; sciendum, cum sibi ipsum non contradicere; quippe quum ista dicat respectu diverso. nam negat perpetuam suam præsentiam corporalem, id est, per quam adsit corpore; affirmat autem perpetuam suam præsentiam spirituales, id est, per quam adsit gratia & virtute sui spiritus. Sic Matth 18. *ψ*. 20. ait, *Vbi duo vel tres congregati sunt in nomine meo, illic sum in medio eorum*; utique non corpore, sed gratia & virtute spiritus; At inf. cap. 16. *ψ*. 28 ait: *Iterum relinquo mundum*; utique corpore; quo ascensus erat in cælum; non autem deitate, qua replet cælum & terram; nec gratia Spiritus sancti, qua adest Ecclesia, illuminans & consolans corda electorum.

V. Ex *ψ*. 10 11. Exemplo sacerdotum monemur, hostes veritatis cœlestis & doctorum illius eò usque odio suo indulgere, ut etiam eorum quos ipsi innocentes judicant, eadem meditentur; si videant ab illis vel minimam occasionem oriri, ut veritati quam ipsi oderunt, credatur.

VI. Ex *ψ*. 12. Christus quum non ignoraret, se Hierosolymæ in festo paschæ occisum iri: tamen ultro illuc se confert, ut leprosi Dei (sicut vocatio ipsius postulabat) satisfaceret. Quare nos quoque nullis periculis deterri nos patiamur, quo minùs officio nostro constanter fungamur.

VII. Ex eod. vers. Quod Christus ultro Hierosolymam profectus est, ubi se occisum iri sciebat: argumentum est quod mortem nostra causa subierit volens: ut per obedientiam ipsius, inobedientia nostra expiaretur. Vide Rom. 5. 19.

VIII. Ex *ψ*. 14. & 15. Jesus Nazarenus, Mariæ virginis filius est, promissus ille Messias seu Christus: quia in eo impleta sunt ea quæ in Messia impletum in Deus per Prophetas prædixit.

IX. Ex iisdem versib. Quod Christus pullo asinæ vectus fuit, ut se regem nostrum declararet: argumento est, cum esse principem illam pacis, de quo Esa 9. qui scilicet mortē suā pacem fecit inter Deum & nos. Nam tempore pacis reges Israhelitici, eorumq; filii, asinis vehebantur. 2. Sam. 13. *ψ*. 29.

X. Ex *ψ*. 19. Tantum abest ut reprobi operibus Dei ad testandum veritatem adhibitis, ab odio veritatis revocentur: ut potiùs majori odio inflammentur ad veritatis doctores & confessores è medio tollendos.

XI. Ex *ψ*. 23. Quoties nobis mortis nostræ cogitatio ob oculos versatur: opponamus consecuturam gloriam; eaque nos consolemur, quemadmodum Christus caput nostrum fecit.

XII. Ex *ψ*. 24. Tantum abest ut mortis Christi pudere nos debeat: ut potiùs debeamus lætari, quod nobis tam fructuosa fuit: merendo scilicet nobis vitam æternam.

XIII. Ex *ψ*. 25. & 26. Ad constantem Christi confessionem animare nos debet

debet latissimus exitus, nempe vita æterna & honor quo à Deo afficiemur. Contrà à Christi abnegatione deterreere nos debet exitium æternum, quod illam comitabitur.

xxv. Ex *ψ*. 27. Quoties nos invadit horror mortis, petamus consolationem à Christo: qui & ipse horrorem mortis sensit, ut esset fideles & misericors Pontifex noster, & nobis succurreret; ut docet Apostolus Heb. 2. *ψ*. 17. & 18 & cap. 4. *ψ*. 15. & 16.

xvi. Ex *ψ*. 30. Testimonia de Christo nostræ salutis destinata sunt: ut nimirum iis fidem habentes, æternam salutem consequamur.

xvii. Ex *ψ*. 31. Christus per suam mortem ejecit Diabolum foras, id est, abolivit eum, adimens ei imperium mortis quod habebat, quoque electos miserè torquebat. Vide Heb. 2. *ψ*. 14. & 15.

xviii. Ex *ψ*. 32. Christus è terra in sublime exaltatus in cruce, extremæ ignominie causa, ex ignominia illa paulò post ereptus & in cælum exaltatus est ad dexteram Dei.

xix. Ex eod. *ψ*. Christus brachiis expansis in cruce pendens, ipso gestu significavit, se per passionem ac mortem suam nos ad se trahere, summoque amore nos complecti.

xx. Ex *ψ*. 34. & 35. Non est quod moveamur, quum videmus reprobos testimoniis Scripturæ abuti contra manifestam veritatem: sed nos lucem verbi Dei reverenter excipiamus.

xxi. Ex *ψ*. 35. Nisi lucem verbi Dei reverenter exceperimus, credentes Evangelio, & dignè Evangelio viventes; privabit nos Deus tanto bono; unde nil nisi tenebræ errorum exitiales existent.

xxii. Ex *ψ*. 37. 38. 39. 40. Fides paucorum est, nempe electorum Dei. Vide 2. Thess. 3. 2. Tit. 1. 1. Act. 13. 48. Matth. 13. 11.

xxiii. Ex *ψ*. 38. In evangelio revelatur brachium Domini, id est, vis seu potentia resurrectionis Christi; Philip. 3. 10. quod nimirum potenter mortem quam pro nobis gustavit, devicerit, & nobis æternam iustitiam adduxerit.

xxiiii. Ex *ψ*. 40. Etsi Deus per prædicationem Evangelii corda reproborum exæcat & obdurat: non habent tamen illi quod cum Deo expostulent. Judicia enim Domini semper iusta sunt, etsi sæpe sunt occulta. Vide Rom. 9. *ψ*. 19. 20. 21 & cap. 11. *ψ*. 33.

xxv. Ex *ψ*. 41. Christum esse verum Deum, colligitur ex verbis Evangelistæ collatis cum verbis Esaiæ c. 6. *ψ*. 3. ex quibus duobus locis inter se collatis extruitur talis syllogismus:

Is quem vidit Esaias insidentem folio, stipatum satellitio Seraphim, &c. is inquam est Jehova, hoc est, æternus Deus. Esa. 6. 3.

Atqui Christus est is, quem vidit Esaias insidentem folio, &c. hoc versu. Ergo Christus est Jehovah.

xxvi. Ex *ψ*. 42 & 43. Fugiamus ambitionem, tanquam exitiosam pestem: quippe qua homines impediuntur, ne veritatem cælestem profiteri audent. Nos verò hanc ingenuè & constanter profiteamur, etiamsi propterea ignominia afficiamur à mundo; ceterò scientes, Deum nos suo tempore vicissim honoraturum, & quidem solida atque æterna gloria. Vide sup. *ψ*. 26.

xxvii. Ex vers. 44. & 45. Christum esse verum Deum, etiam hinc perspicitur, quod is unus est cum Deo Patre; ut cui in ipsum credit, necessariò etiam credat in Patrem; quique ipsum cognoscit, necessariò etiam cognoscat Patrem.

xxviii. Ex *ψ*. 46. Quicumque vera & salutari Dei cognitione illuminari cupit,

cupit, is in Christum credat oportet; & hanc ipsam fidem à Christo petat; quum ipse solus sit illa lux, quæ corda hominum per prædicationem Evangelii lumine fidei donat.

xxvi 11. Ex  $\Psi$  47. 48. 49. & 50. Increduli merito condemnantur, quia contemnunt verbum Dei: quod ut est æterna veritas, ita etiam vitam æternam confert omnibus iis, qui fide ipsum reverenter excipiunt.

## ANALYSIS CAP. XIII.

## ARGUMENTUM.

In hoc capite primùm narrat Evangelista, quomodo Christus laverit pedes discipulorum, usque ad V. 18. deinde, quomodo conquestus sit de proditore, à vers. 18. ad 27. tum, quomodo Judam Iscariotem compellaverit de proditorum quam moliebatur, à vers. 27. usque ad 31. præterea, quomodo discipulos commonefecerit de sui glorificatione, item de suo discessu, & quomodo eis dederit mandatum dilectionis; à vers. 31. usque ad 36. Postremo, quomodo Petro confidenter promittenti constantiam in vita ejus defendenda, prædixerit lapsum, nempe abnegationem ipsius.

## DE PRIMA PARTE.

**A** Nte festum autem Pasche, sciens Jesus venisse horam ipsam ut transiret ex hoc mundo ad Patrem: quum dilexisset suos illos qui erant in mundo, usque ad finem dilexit eos.

1 Et cæna peracta. (quum diabolus jam immisisset in cor Jude filii Simonis, Iscariotæ, ut proderet eum)

2 Sciens Jesus Patrem omnia dedisse sibi in manu, & se à Deo prodixisse, & ad Deum abire:

4 Surgit à cæna, & deponit pallium: accepitq; lineo, præcinxit se.

5 Deinde immisit aquam in petrum, & cepit lavare pedes discipulorum & exstergere lineo quo erat præcinctus.

6 Venit ergo ad Simonem Petrum: qui dixit ei, Domine, tu mihi lavas pedes?

7 Respondit Jesus & dixit ei, Quod ego facio, tu nescis nunc, cognosces autem postea.

8 Dicit ei Petrus, Non lavabû meos pedes in æternum. Respondit ei Jesus, Nisi lavero te, nihil tecum habebû commune.

9 Dicit ei Simon Petrus, Domine, non solum pedes meos, sed etiam manus & caput.

10 Dicit ei Jesus, Ei qui lotus est, non opus est nisi ut pedes laves, sed est purus totus: & vos puri estis, sed non omnes.

11 Novas enim eum qui ipsum prodebat: propterea dixit, Nô estis puri omnes.

12 Postquam ergo lavisset pedes eorum, & pallium suum recepit: rursus discumbens, dixit eis, intelligitis quid fecerim vobis?

13 Vos me vocatis, Præceptor ac Domine: & rectè dicitis: sum enim.

14 Itaque si ego lavi pedes vestros dominus & præceptor, vos quonq; debetis aliorum pedes lavare.

15 Exemplum enim præbui vobis, ut prout ego feci vobis, ita & vos faciatis.

16 Amen amen dico vobis, Servus non est major domino suo, neque legatus major eo qui ipsum misit.



17 *Sihæc noværitu: beati eritis, si ca feceritis.*

V.1. præfatur Evangelista de constanti amore Christi erga suos discipulos, nempe Apostolos; atque ita causam ostendit, quæ Christum ad pedes discipulorum lavandos impulit. V.2. indicat circumstantiam temporis quando Christus pedes discipulorum laverit: nempe quum Judas jam sibi proposuisset eum prodere: atque ita singularem Christi patientiam in tolerando & humaniter tractando hypocrita commendat. V.3. exponit quibus cogitationibus, se operi accinxerit, nempe cogitationibus suæ gloriæ mortem consecuturæ: atq; ita docet, quomodo injuriam proditoris ac metum mortis superavit. V.4. & parte quinti, quomodo se ad lotionem præparavit. V.5. quomodo rem gesserit. V.6. quomodo Petrus lavari recusavit. V.7. quibus verbis Christus Petro persuadere conatus sit, ut lotionem admitteret. V.8. quomodo Petrus iterum recusavit: & quid Christus ei minatus sit, ut ei persuaderet: ubi occasione recusatationis Petri Christus docet, quam necessarium sit nobis, ut abluiamur sanguine ipsius à sordibus peccati. V.9. quomodo Petrus persuasus, sese promissimum ad lotionem exhibuerit. V.10. quomodo Christus aliud mysterium hujus lotionis significaverit, nempe sanctificationem seu regenerationem per Spiritum sanctum, & hypocritam in re eos latentem notaverit: nempe Judam, sicut declarat ipse Evangelista. V.11. Deinceps narrat, quomodo Christus rationem & præcipuum consilium hujus lotionis exposuerit, nempe se discipulis suis præbuisse exemplum modestiæ, & humilitatis, & a acritatis in officiis dilectionis mutuo præstandis: ad quas virtutes eos hortatur argumento à minori; nam si ipse dominus & magister hoc servile ac humile officium præstitit discipulis: multo magis ipsi inter se officia ejusmodi præstare debent: à V.12. usque ad 18.

DE SECUNDA PARTE.

18 *Non de omnibus vobis loquor: ego scio quos elegerim: sed oportet ut impleatur Scriptura, Qui edis mecum panem, sustulit adversum me calcem suam.*

19 *Jam nunc dico vobis priusquam fiat: ut cum factum fuerit, credatis me cum esse.*

20 *Amen amen dico vobis, quando aliquem misero: quisquæ cum recipit, me recipit: qui verò me recipit, recipit eum qui me misit.*

21 *Quum hæc dixisset Jesus, turbatus est spiritu, & testatus est dixitque, Amen amen dico vobis, unus ex vobis proder me.*

22 *Discipuli ergo aspicientes alii ad alios, dubitantes de quo diceret,*

23 *Erat autem quidam ex discipulis Jesu recumbens in sinu ipsius, nimirum in quem diligebat Jesus.*

24 *Innuisit ergo huic Simon Petrus ut perconsaretur quisnam esses de quo diceret.*

25 *Ille verò allapsus ad pectus Jesu, dixit ei, Domine, quis est?*

26 *Respondit Jesus, ille est cui ego intincta osculam dedero. Es quum intinxisset osculam, dedit Judæ filio Simonis Iscariotæ.*

Conqueritur de perfidia proditoris, simulque consolatur & reliquos discipulos & se ipsum contra istam proditoris perfidiam: discipulos quidem, quod per ipsius gratiam constantes mansuri sint in studio pietatis: Se verò & simul etiam discipulos, quod proditio illa in scripturis prædicta sit. nam quod Davidi ut typo accidit Psal. 41. V.10. id propriè in Christo implendum fuit. V. 19. causam exponit cur discipulos de proditore præmoneat. V. 20. discipulos ad constantiam in munere Apostolico & muneris

muneris Apostolici dignitate. V. 21. aperte monet fore ut ab uno ex ipsis prodatur. V. 22. 23. 24. 25. & 26. quisnam ille sit, unum ex illis (nempe Johannem) signo docet: videlicet ossula in manum data.

## DE TERTIA PARTE.

27 *Et post sumptam ossulam, tunc ingressus est in illum Satanās. Dicitis igitur ei Iesus, Quod facis fac curo.*

28 *Hoc autem nemo accumbentium intelligebat quorsum ei dixisset.*

29 *Quidam enim putabant, quia marsupium habebat Judas. Iesum ei dixisse, Eme quibus opus est nobis ad festum: aut egenus ut aliquid daret.*

30 *Ille igitur accepta ossula, statim exivit: erat autem nox.*

V. 27. exponit quibus verbis Christus Judam compellaverit de proditione. qua compellatione minimè ei esse voluit sceleris author aut suavor: sed tantum significavit, sibi de Judæ molitionibus optimè constare, ac proinde perfidiam ei hoc modo exprobravit. V. 28. & 29. quod reliqui discipuli verba illa Domini non intellexerint. V. 30. quomodo Judas abierit ad proditionem perficiendam,

## DE QUARTA PARTE.

31 *Quum ergo exivisset, dicit Iesus, Nunc glorificatus est Filius hominis: & Deus glorificatus est in eo.*

32 *Quod si Deus glorificatus est in eo, Deus quoque glorificabit eum in se, & se ipsum glorificabit eum.*

33 *Filii, adhuc parviter vobiscum sum, quæretis me: sed sicut dixi Judei, Quod ego vado, vos non potestis venire: ita & vobis nunc dico.*

34 *Mandatum novum do vobis, ut alii alios diligatis; sicut inquam dilexistis vos, ut vos etiam diligatis alii alios.*

35 *Ex hoc omnes cognoscunt, vos esse discipulos meos, si charitatem habueritis alii in alios.*

Consolatur se Dominus consideratione gloriæ, tum illius quæ cum ipsius morte conjuncta erat, tum illius quæ ejus mortem erat consecutura. Cum morte ejus conjuncta erat gloria tum ipsiusmet, tum Patris; Ipsiusmet, quia ex ejus morte effulsit ipsius amor erga genus humanum, item ipsius obedientia erga Patrem, item ipsius justitia in delendis electorum peccatis. Patris verò gloria conjuncta erat cum ejus morte; quia inde effulgebat summa illius bonitas & misericordia erga electos, propter quos unigenitum filium in mortem dederat; deinde summa justitia in puniendis electorum peccatis morte unigeniti sui filii. Porro mortem ejus consecutura erat gloriosa resurrectio, qua mortem devicit; item gloriosa in cælum ascensio, qua de hostibus suis Diabolo & mundo triumphavit; tum sessio ad dexteram Patris in cælis, ubi in summa gloria regnans gubernat ac defendit suam Ecclesiam, quam sanguine suo acquisivit. V. 34. & 35. mandat discipulis mutuum dilectionem; quod mandatum appellat novum; non quod non jam olim in Lege esset traditum: sed quod summo studio observandum sit, non secus ac si novum esset. Solent enim homines leges novas studiosius observare; tum paulatim inveteralescente lege, de studio remittunt.

## DE QUINTA PARTE.

36 *Dicit ei Simon Petrus, Domine, quod abis? Respondit ei Iesus, Quod abeo, non potes me nunc sequi; postea verò sequeris me.*

37 Dicit ei Petrus, Domine, quare non possum te sequi nunc? animam meam pro te deponam.

38 Respondit ei Jesus, Animam suam pro me depones? amen amen dico tibi, non emisses vocem gallus donec ter me abnegaveris.

V.36. Petrus significat, se individuum Domini comitem fore; sed Dominus negat eum nunc id præstare posse: sed tamen secuturum postea, nempe post ipsius in celos ascensionem; quibus verbis martyrium Petri innuit. V.37. Petrus promittit confidenter, se paratum esse ad vitam suam pro Domino deponendam. V.38. Dominus confidentiam Petri refutat; prædicens ei lapsum, nempe abnegationem ipsius.

## SCHOLIA IN CAP. XIII.

1 *Horam ipsius. αὐτῷ ὥρᾳ.* Pro, i autū, id est, suam. Quum dilexisset. ἀγαπῶσα. Hic incipit. Συναγωγῆς periodi. Suos illos. τοὺς ἰδίους. Videlicet sibi datos à Patre, id est, electos.

2 *Cæna peracta. Σίτην γενομένην.* Omnino pro γενομένην videtur legendum γενομένην: ac proinde vertendum, Quum cæna fieret, h. e. inter canandum. Etenim mox versu 4. dicitur, Christum surrexisse ἐκ τῆς σίτης, é cæna: & ψ. 12. dicitur, eum lotionem pedum peracta rursum discubuisse: item ψ. 26. dicitur offulam intinctam dedisse Judæ: ex quibus omnibus clarè perspicitur, cænam illam tum nondum peractam fuisse. Si tamen intelligatur vocabulum Cæna per synecdochen integri de prima illius cænae parte, tum rectè legitur γενομένην. Vide Bezam ad Matth. 26. ψ. 20.

4 *Depone. τίθησι.* Pro, κατὰ τίθησι. Sic suprà cap. 10. ψ. 11. 17. 18. Pallium, τὰ ἱμάτια. Numero pluri ali significantur summæ seu exteriores vestes. Videtur igitur Dominus exuisse non solum pallium, vel potius togam, sed etiam tunicam, id est τὸ χιτῶνα: quam tamen Evangelista infrà cap. 19. ψ. 23. τοῖς ἱματίοις opponit.

6 *Tu mihi lavas pedes?* Interrogatio admirantis & detrectantis tanquam rem absurdam minimèque decentem.

7 *Nescis, vix oides.* Id est, Non intelligis quid sibi velit quod ago. Cognoscet autem postea. Nempe ex me docente, & mysterium hujus actionis declarante, quod facit inf. ψ. 12. & deinceps.

8 *In æternum.* Id est, unquam. Nisi laveris te. Intellige, non tam extrinsecus hac aqua, quàm intrinsecus meo sanguine.

9 *Non solum pedes, &c.* Sermo concisus, utpote festinantis. Quasi dicat: Si tanti est, me abs te lavari: promississimè tibi offero ad lavandum non solum pedes, sed etiam manus & caput.

10 *Qui lotus est, &c.* Allegoria, cuius hic videtur esse sensus. Qui lotus est à peccatis per fidem sanguine meo & spiritu, is non opus habet nisi ut lavet pedes seu sordes pedum, id est, quotidiana peccata quæ ex infirmitate commiserit: dolendo scil. quòd illa commiserit, petendo eorum remissionem, eamque credendo: petendo etiam gubernationem Spiritus sancti, ne posthac similiter peccet: denique senò sibi à peccatis cavendo. Et vos. ὑμεῖς. Id est, Et vos quidem.

11 *Quis ipsum prodebat.* τὸν παραδιδόντα αὐτὸν. Id est, paulo pòst proditurus erat: qui jam hoc agebat, & totus in hoc erat ut eum proderet. Sic dicebat illi. Quod facis, fac cito, pro, Quod facturum es, seu quod facere institutisti, infrà, ψ. 27.

12 *Pallium*, τὰ ἱμάτια. Vide suprà ad vers. 4. *Recepisset*, ἔλαβεν. Id est, iterum induisset. Synecdoche membri. *Rursum discumbens ἀναπαύων πάλιν*. Hic incipit apodosif periodi, vel consequens enuntiati compositi. *Intelligitis*, γινώσκετε. Id est, σιμώτε. Interrogatio docturientis, quasi dicat: *Sintelligitis*, bene est: si non intelligitis (quod omnino puto, quodq; ex recusatione Petri apparuit) docebo vos. Similia exempla vide Psal. 15. Ps. 1. Rom. 13. Ps. 3.

13 *Vocavi* φωνήεν. Id est, salutatis: vel vocantes me, appellatis. *Præceptor ac dominus*, ὁ διδάσκαλος καὶ ὁ κύριος. Pro, ὁ διδάσκαλος καὶ κύριος. Sic Marc. 15. Ps. 34 ὁ θεός μου, ὁ θεός μου, ex Psal. 22. Quod Matth. 27. Ps. 46. dicitur, θεός μου, θεός μου.

14 *Lavi dominum*, ἠνίκα ὁ κύριος. id est, quum sim dominus: vel, quamquam sum dominus. His verbis imuitur. τὸ ἥπιν, quia minus videtur decere ut dominus & præceptor laver pedes servorum ac discipulorum, quam ut conservi & condiscipuli inter se lavent; quum ille sit superior, isti verò æquales. *Vos quoque*, καὶ ὑμεῖς. Pro, πολλὰ μᾶλλον ὑμεῖς, multo magis vos; quis scilicet non estis alterius dominus aut præceptor, sed inter vos æquales ut condiscipuli. *Debetis a'li aliorum pedes lavare*. Id est, alii aliis servire; & servilia quoque officia, si opus sit, hoc est si ædificatio proximi postulet, vobis mutuo præstare. Synecdoche speciei. Exemplum huius præcepti observati vide in Paulo, 1. Cor. 9. Ps. 19.

15 *Ut prout ego*, &c. Epexegetis.

16 *Seruum non est*, &c. Declarat rationem τῷ ἥπιν seu minoris, in entymemate proposito.

18 *Ego scio quos elegerim*. Scilicet ad vitam æternam. Est igitur Christus verus ac æternus Deus. *Sed oportet ut*, ἀλλ' ἵνα. Pro, ἀλλ' α' δεῖ ἵνα. Ellipsis. Quamquam videtur potius supplendum, τῷ τὸ γινώσκω; ac proinde vertendum. *Sed hoc fit ut*, &c. Nempe quod inter vos est hypocrita, qui perfidie me proditorus est. hoc enim dicit ad se consolandum contra perfidiam Judæ. Porro similis ellipsicos exempla vide Marc. 9. Ps. 12 item c. 14. & 49. *Qui edit*, ὁ τρώγων. Id est, edere solet. Sic Matt. 26. Ps. 23. Sententia est, Qui utitur meo convictu. *Sustulit aduersum me calcem suam*. Id est, conatus est me proculcare & pedibus terere; ut calcitriones & refractarii equi calcibus solent petere. sicut erudite declant Tremellius & Junius ad Psal. 41, unde ista sententia desumpta est.

19 *Me etiam esse*, ὅτι ἰσθ' εἰμι. Nempe Christum, de quo Scripturæ testantur.

22 *Aspiciabant alii ad alios*, ἑλκοντες εἰς ἀλλήλους. Intuebantur alii alios. *Dubitant*, δισποκίμντοι. Vulgata, hæsitantes: quo verbo Græcum melius videtur exprimi, quodque hic magis videtur idoneum ad notandum discipulorum anxietatem.

23 *Erat recumbens*, ὡς ἀνακλινόμενος. Recumbebat. *Is quem diligebat Iesu*. Periphrasis Johannis: ut intelligitur ex collatione versiculi 20. & 24. cap. ult. *Diligebat*, Scil. eximie, præ cæteris. nam omnes suos dilexit, & quidem usque ad finem sup. Ps. 1.

25 *Allapsus ad pectus Iesu*, ὅτι πρὸς τὸ στήθος τοῦ Ἰησοῦ. His verbis exprimitur gestus Johannis admoventis sese propius ad os Iesu, ut sibi ex eo in aurem indicaretur proditor. *Dicit*, λέγει. Utique submissa voce, ne cæteri exaudirent.

26 *Respondet*, ἀποκρίνεται. Utique etiam submissa voce, ut solus Johannes exaudiret.

exaudiret. nam si palam & cunctis audientibus, hoc responsum pronuntias-  
set: non habuissent discipuli causam dubitandi, quid sibi veller Dominus istis  
verbis Judæ dictis. *Quod facis, fac cito: v. seq. Cui ego intinxi osculam dedi.*  
¶ *ἵνα βέβαιον τὸ ἰσχυρὸν ἐκδόσω* Cui ego quum intinxero, osculam dederō.

27 *Quod facis, ὁ ποιῆς.* Id est, quod facere instituis, quod animo jam  
moliris & machinaris, ut supra *ψ. 11.*

28 *Nemo id eis.* Videtur tamen excipiendus Johannes: qui cogaoverat  
sem ex Domino, *ψ. 26.*

35 *Ex hoc. ἄρα.* Hebr. *הניח* ut Gen 42. *ψ. 15.* Alii in alios. *ἐν ἀλλήλοις.*  
Pro, *eis ἀλλήλους.*

38 *Animum tuum pro me depones?* Interrogatio vim habet negandi,  
simulque irridendi jactantiam Petri.

## OBSERVATIONES LOCORVM

### DOCTRINAE EX CAP. 13.

I. Ex *ψ. 1.* Qui semel sensit, se à Christo diligi (sensit autem, quisquis in  
Christum credit) is certò sibi persuadeat, se ab eo in æternum dilectum iri:  
ac proinde se extra omne periculum exitii positum esse.

II. Ex *ψ. 2.* Si Christus Judam à quo sciebat se proditum iri, non solum  
toleravit, sed etiam humanissimè atque amantissimè tractavit: idem & nos  
erga hypocritas faciamus, donec Deus eorum hypocrisin patefaciat.

III. Ex *ψ. 3.* Contrà perfidiam & insidias hypocritarum, consolemur nos  
spe gloriæ cælestis, quæ nobis cum Christo capite nostro còmunis futura est.

IV. Ex *ψ. 6. & 7.* Mandatis Dei obedire debemus, etiam quum ratio eo-  
rum nos latet.

V. Ex *ψ. 8.* Quicumque vitam æternam cum Christo communem habere  
volunt, necesse est ut ante omnia abluantur sanguine ejus in cruce effuso,  
hoc est, ut per fidem consequantur remissionem peccatorum, quam Christus  
suo sanguine meritus est.

VI. Ex *ψ. 10.* Etsi fideles puri censentur à Deo, ut qui & sanguine Christi  
loti, & spiritu ejusdem sanctificati sint, ita ut & peccata eis remissa sint, &  
peccatum inhabitans non amplius in eis regnet: tamen quia ex infirmitate  
carnis adhuc quotidie labuntur, opus habent ut quotidie adhuc pedes la-  
vent: nimirum peccata commissa dolendo, remissionem eorum petendo,  
eamque credendo: petendo etiam gubernationem Spiritus sancti, ne post-  
hac iterum peccent, denique sermò sibi à peccatis cavendo.

VII. Ex *ψ. 11.* Etsi hypocritæ puri & sancti censentur apud homines: ta-  
men coram Deo impuri sunt.

VIII. Ex *ψ. 13. 14. 15. & 16.* Quicumque Christi discipuli haberi volunt:  
eos modellæ operam dare oportet, & alacritati in officiis charitatis etiam  
abjectissimis proximo præstandis. Vide exemplum Pauli 1. Cor. 9. *ψ. 19. 20.*  
*21. & 22.*

IX. Ex *ψ. 17.* Non est satis scire, quid nostri sit officii: sed oportet etiam  
facere. Vide Matth. 7. *ψ. 24.*

X. Ex *ψ. 18.* Quòd officium nobis à Deo injunctum præstare possumus: id  
proficiscimur à gratuita electione Dei: qui condidit nos in Christo ad bona  
opera, eaque preparavit ut in eis ambulemus. Ephes. 2. *ψ. 10.* item c. 1. *ψ. 4.*

XI. Ex *ψ. eod.* Quod hic negat Christus, se Apostolos omnes elegisse:  
cum tamen supra cap. 6. *ψ. 70.* assumarit, se elegisse eos omnes: non sibi ipse  
con-

contradicit. nam illic loquitur de electione ad munus Apostolicum: hic  
verò de electione ad vitam æternam.

xii. Ex eod. *ψ*. Christum esse verum Deum, ex eo perspicitur, quòd scie  
quinam sint electi ad vitam æternam, quodque ipse eos elegit. nam cognitio  
hæc propria est *tu xps isrlis*: & electio hæc facta est ante iacta funda-  
menta mundi. Eph. i. *ψ* 4.

xiii. Ex *ψ*. eod. & 21. Si prodamur à falsis fratribus, & quidem ab iis de  
quibus oprime meriti sumus: consolamur nos exemplo Christi, cui idem à  
Juda evenit.

xiv. Ex *ψ*. 19. Jesum Mariæ virginis filium, esse promissum illum Messi-  
am, ideò credimus, quia in eo impleta sunt quæ de Messia per Prophetas  
prædicta fuerunt.

xv. Ex *ψ*. 20. Ministri Evangelii reverenter excipiendi sunt: quia hunc  
honorem Deus sibi ipsi haberi censet.

xvi. Ex *ψ*. 23. Unum præ alio diligere licet: dummodo dilectio fundata  
sit in donis Dei quibus ille quem diligimus excellit, & neminem non diliga-  
mus, in quo vel exigua Dei dona conspiciamus.

xvii. Ex *ψ*. 26. & 27. Tantum abest, ut benevolentia signis ab inquo  
odio revocentur hypocritæ, ut potius magis exacerbentur, & diaboli in-  
stinctui plus loci dent.

xviii. Ex *ψ*. 29. Etiam si non abundemus: tamen decet ut egenis aliquid  
vel ex parvis nostris facultatibus erogemus.

xix. Ex *ψ*. 31. 32. & 33. Quum animadvertimus, impios conspirare in no-  
stram necem: debemus nos consolari consideratione glorificationis necem  
consecutura. Nam si occidimur cum Christo: certum est quòd cum eodem  
regnaturi simus. 2. Tim. 2. *ψ*. 11. & 12.

xx. Ex *ψ*. 34 & 35. Si pro Christianis, id est Christi discipulis, haberi vo-  
lumus: oportet ut nos mutuo quam ardentissime diligamus, videlicet non  
verbo solum neque lingua, sed opere & veritate. 1. Johan. 3. *ψ*. 18.

xxi. Ex *ψ*. 36. Deus mirabiliter regit electos suos, ut quem nunc infirmum  
esse finit, eum suo tempore ita confirmet, ut vel sanguine suo veritatem cæ-  
lestem obsignare non dubitet.

xxii. Ex *ψ*. 37. & 38. Cavenda est confidentia carnalis & præsumptio de  
nostris viribus: nisi gravissime labi velimus.

## ANALYSIS CAP. XIV.

## ARGUMENTUM.

Deinceps per tria capita, videlicet, decimumquartum, decimumquintum  
& decimumsextum, Evangelista exponit sermonem Domini ad discipulos  
extremum: quem scilicet ad eos habuit in ultima cæna, & partim post cæ-  
nam. In quo sermone Dominus discipulos consolatur contra scandalum suæ  
mortis, & contra suum ab eis discessum: item hortatur eos ad constantiam  
in fide erga ipsum, & dilectione mutua; denique consolatur eos contra odi-  
um & persecutionem mundi.

**N**E turbator cor vestrum. Creditis in Deum? etiam in me credite.

2 In domo Patris mei habitationes multe sunt: alioquin dixissem vobis.

3 Profe.



3 Proficiscor paraturus vobis locum: & quum profectus fuero, & paravero vobis locum, rursus veniam, & assumam vos ad meipsum: ut ubi ego ero, & vos sitis.

4 Et quod ego abeam scitis, & viam scitis.

5 Dicit ei Thomas, Domine, nescimus quod abeam: quomodo igitur possumus viam scire?

6 Dicit ei Jesus, Ego sum via illa, & illa veritas, & via illa nemo venit ad Patrem nisi per me.

7 Si nossitis me, Patrem etiam meum nossitis: & jam nunc nostis eum, & vidistis eum.

8 Dicit ei Philippus, Domine, ostende nobis Patrem, & sufficit nobis.

9 Dicit ei Jesus, Tantum temporis vobiscum sum, & non nosti me? Philippe, qui vidisti me, vidisti Patrem: quomodo igitur tu dicis, Ostende nobis Patrem?

10 Non credis, me in Patre & Patrem in me esse? Verba que ego loquor vobis, a meipso non loquor: sed Pater qui in me manet, ipse facit opera illa.

11 Credite mihi, me in Patre, & Patrem in me esse: sin minus, propter ipsa opera credite mihi.

12 Amen amen dico vobis, qui credit in me, opera que ego facio, & ipse faciet, & maiora istis faciet. Nam ego ad Patrem & eum proficiscor.

13 Es quicquid petieritis in nomine meo, hoc faciam: ut glorificetur Pater in Filio.

14 Si quid petieritis in nomine meo, ego faciam.

15 Si diligitis me, mandata mea servate.

16 Ego vero rogabo Patrem, & alium advocatum dabit vobis, ut maneat vobiscum in eternum:

17 Nempe Spiritum illum veritatem, quem mundus non potest accipere, quia non conspicit eum, nec novit eum: vos autem nostis eum, quia apud vos manet, & in vobis eris.

18 Non relinquam vos orbos: redeo ad vos.

19 Adhuc paululum, & mundus me non amplius conspiciet. vos autem conspicietis me quia ego vivo, vos etiam vivetis.

20 In illo die vos cognoscetis, me esse in Patre meo, & vos in me, & me in vobis.

21 Qui tenet precepta mea, & servat ea, ille est qui diligit me: qui autem diligit me, diligitur a Patre meo: & ego diligam eum, & conspiciam ei exhibebo meipsum.

22 Dicit ei Judas, non ille Iscariotes, Domine, quid est cur se sis nobis conspiciam exhibiturus, & non mundo?

23 Respondit Jesus & dixit ei, Si quis diligit me, sermonem meum servabit: & Pater meus diligit eum, & ad eum venimus, & apud eum manebimus.

24 Qui non diligit me, sermones meos non servat: & sermo quem audivi, non est meus, sed ejus qui misit me, nempe Patrem.

25 Hec loquutus sum vobis, apud vos manent.

26 Advocatus autem ille, id est Spiritus sanctus, quem mittet Pater in nomine meo, ille vos docebit omnia, & in memoriam revocabit vobis omnia que dixi vobis.

27 Pacem relinquo vobis, pacem illam meam do vobis: non prout mundus dat, ego do vobis. Ne turbator cor vestrum, neque formidato.

28 Audivistis me dixisse vobis, Abo, & redeo ad vos. Si diligereis me, gauderetis: & itaque quod dixerim, Proficiscor ad Patrem, nam Pater meus major me est.

29 Et nunc dixi vobis priusquam fiat, ut quum factum fueris, credatis.

30 Non loquor amplius multa vobiscum: venit enim princeps mundi hujus, quanquam in me non habet quicquam.

31 *Sed ut cognoscas mundum, me diligere Patrem: & prout mandavi tibi Patrem, ita facere: surgite, abeamus hinc.*

Ver. 1. consolatur eos contra scandalum suæ mortis: quia etsi in cruce secundum corpus moriatur, tamen sit verus cum Patre Deus, in quo fiducia certæ salutis collocanda sit.

V. 2. & 3. consolatur eos contra suum ab eis discessum, ab illius discessus causa finali: quia ab eis discedat, non ut in æternum separatus ab eis suo corpore maneat: sed ut eis locum in cælo paret, & eos suo tempore, nimirum in die ultimo quum rediturus est ad iudicium, ad se assumat: ut cælesti illa gloria & felicitate unâ cum ipso fruantur.

V. 4. per prolepsin eis in memoriam revocat doctrinam Euangelii ante id tempus diu multumque eis à se propositam: nimirum de vita æterna & via quæ ad illam ducit: innuens, se per mortem suam iturum in vitam æternam, idque ipsorum causâ.

V. 5. Thomas sermonem Domini interpellans, contradicit ei: negans se & condiscipulos scire quò abeat: ac proinde de via quoque constare sibi non posse. In qua Thomæ contradictione, magna eius ruditas & doctrinæ Christi obliuio conspicitur. Christus enim de via vitæ æternæ sæpe multumque eos docuerat.

Ver. 6. Dominus Thomam erudit: docens, se, & quidem se solum, esse viam illam, per quam venit in cælum, nempe ingrediendo hanc viam pedibus fidei: item, se esse veritatem, hoc est, promissum illum Messiam, in quo completa sint & complenda sint quæcunque de Messia prædicta & præfigurata fuerunt: denique se esse vitam, id est, vitæ æternæ authorem ac datorem: ut qui eam meriturus sit electis sua morte, & eandem in cordibus eorum inchoet efficacia sui spiritus, donec eos plenè regeneret in resurrectione mortuorum.

Ver. 7. exponit, quonamiturus sit, nempe ad Patrem: & quomodo ille cognoscatur, docet, nempe in ipso tanquam mediatore.

V. 8. Interpellat Philippus: & petit, sibi & condiscipulis ostendi Patrem, id est Deum: qua petitione significat, se non credere verbis Christi, quum dixit, eos vidisse Patrem.

V. 9. Christus Philippum obiurgat propter ruditatem. Deinde cum erudit, quomodo Deus verè cognoscatur, nempe quando ejus majestas cognoscitur in Filio incarnato, in quo tanquam effigie clarissimè resulget: quippe in Christo habitabat & in æternum habitat omnis plenitudo deitatis corporaliter, hoc est, in corpore ejus tanquam templo personalitè assumto. Porro ruditatem Philippi ostendit Christus hoc syllogismo;

*Qui vidit me, vidit & Patrem.*

*Atqui tu Philippe vidisti me.*

*Ergo vidisti & Patrem: Et per consequens impenitè & ineptè facis quum peris tibi ostendi Patrem.*

Assumptio intelligitur ex verbis Philippi, ubi dixit, *Ostende nobis Patrem, & sufficit nobis.* quasi dicat: Nos vidimus quidem, id est cognovimus te: sed ad cognitionem Dei nobis adhuc deest ut videamus Patrem: quem ubi viderimus, acquiescemus.

V. 10. confirmat Dominus propositionem sui syllogismi ex ineffabili illa inhabitatione Patris in ipso, & vicissim sui in Patre: unde fit ut qui Christum cognoscit, si non possit non simul cognoscere Patrem qui in ipso habitat. Hanc autè inhabitationem Patris in se probat ex effectis, videlicet ex doctrina

doctrina sua & miraculis. Christus enim doctrinam arcanam de Deo & hominum salute exposuit, idque non more prophetarum tanquam acceptam ex revelatione, sed tanquam depromptam ē suo ipsius pectore, imō ē pectore ipsius Patris: in cuius sinu erat. sup. cap. 1. v. 18. Et hanc doctrinam proposuit cum divina autoritate & gratia: ut videre est Matth. 7. v. 28. sup. 7. vers. 46. Luc. 4. v. 22. Item miracula ad doctrinam suam confirmandam edidit propria autoritate & virtute: non autem ut Propheta & Apostoli, invocato Deo! nisi quum specimen humiliationis sui exhibere simul voluit, ut sup. 11. v. 41. & 42. in excitatione Lazari.

V. 11. conclusionem probationis infert per exhortationem ad discipulos: ubi est collatio imparium: qua conferuntur ipsius facta cum ipsius persona: & significatur, sermonem ejus fidem mereri per se, quia scilicet proferatur a tali persona: ac proinde multo magis fidem mereri, quod divinis miraculis eum sepe confirmavit.

V. 12. Occasione mentionis operum suorum, redit ad consolationem discipulorum: quibus hic promittit, se postquam in cælum ascenderit, per manus eorum facturum majora opera, quam ipsemet corpore presens fecit. Quibus verbis intelligit non solum miracula quæ post suum in cælos ascensum per Apostolos edidit, tum Hierosolymis tum apud exteras gentes, ut videre est in Actis Apostolorum: sed imprimis conversionem gentium per Evangelii prædicationem. hoc enim maximum ac divinissimum opus est Christi, sedentis ad dexteram Patris, & inde mittentis suum spiritum in corda electorum, eaque per prædicationem Evangelii illuminantis & ad Deum convertentis, atque ita maximum hominum numerum in toto terrarum orbe absque ullis armis sibi subjugantis. Simile est illud dictum Christi de ministris Evangelii post ipsius in cælum ascensionem, quos cum Johanne Baptista comparans ait: Non surrexisse quidem inter natos ē mulieribus majorem prophetam seu doctorem Johanne baptista: veruntamen qui in regno cælorum, id est, tempore prædicationis Evangelii minimus futurus sit, eum fore illo majorem. Nisi quod illud de claritate doctrinæ dictum est: hic autem de efficacia spiritus loquitur.

V. 13. & 14 declarat, quomodo opera illa majora per Apostolos facturus sit, & in quem finem: Nempe interveniente eorum invocatione, qua Patrem invocaturi sint in nomine ipsius. Finem autem esse gloriam Patris.

V. 15. per prolepsin monet, quomodo debeant suam erga ipsum dilectionem testatam facere. Nam quia eum diligebant: optabant ut perpetuo secum maneret. Dominus igitur monet, ut dilectionem suam erga ipsum testatam faciant observando ipsius præcepta.

V. 16. & 17. aliam consolationem annectit, ad mitigandum dolorem, quem ex corporali ipsius absentia percepturi erant. promittit enim, se impetraturum eis à Patre Spiritum S. qui perpetuo cum eis manens, eos consoletur in omnibus ærumnis, & eos edoceat cælestem illam veritatem, cujus cognitio ad vitam æternam necessaria est: simulque hoc Dei donum commendat à raritate, per antithesin mundi, id est, impiorum ac reproborum: quibus donum hoc nequaquam commune sit cum electis. Ubi etiam causam proximam exponit, cur reprobis non detur Spiritus sanctus: nimirum quia eum non curant; sed contemnunt, freti scilicet propria ratione.

V. 18. promissionem hanc repetit: simulque monet, quamam sit priorum conditio absque consolatione spiritus. nempe esse velut orphanos qui & consilio & opibus destituantur in hoc mundo omniumque prædæ & injuriis  
expositi

expositi sint. Promittit igitur, se per Spiritum suum ad eos rediturum, atque ita consilium suggesturum & opem laturum contra mundi injurias.

V. 19. addit alias duas consolationes: unam, quod et si paulo post sit mortuus & in sepulchro recondendus, brevi tamen rursus ipsum conspecturi sint: quippe qui tertio die erat resurrecturus, seseq; discipulis per dies quadraginta ostensurus, deque regno Dei cum eis collocuturus, Act. 1. versu 3. Hoc beneficium illustrat antithesi, qua discipulis opponit mundum, i.e. homines impios: qui cum non amplius in hoc mundo sint conspecturi. Altera consolatio ex priorē manat, tanquam ex causā. Quia enim resurrecturus erat Christus in vitam æternam, promittit discipulis, ipsos quoque viaturos, atque ita sensuros fructum resurrectionis ipsius. Loquitur autem de vita spirituali, qua vivit cor fidele virtute Spiritus sancti, testificantis, resurrectione Christi mortem æternam superatam esse, & vitam æternam adductam omnibus Christi membris, id est omnibus fidelibus.

V. 20. addit aliam consolationem: nempe quod post suum in celos ascensum verē cognituri sint res duas maximas, quas nunc nondum satis intelligant: videlicet unionem Christi cum Patre, & unionem fidelium adeoque & ipsorum cum Christo: nempe Christum esse in Patre, & vicissim Patrem in Christo *et in vita*, essentia: ita scilicet ut sint unus Deus: fideles verō esse in Christo, & vicissim Christum in fidelibus per gratiam Spiritus sancti: qui eos Christo per fidem inserit tanquam membra capiti, tanquam palmites viti: ita ut fideles ex Christo succum vitæ æternæ perpetuo hauriant.

V. 21. addit aliam consolationem, à promissione triplici: promittit enim eis primum dilectionem Patris, deinde suam, postremo manifestationem sui. Quæ quidem omnia non de initio, sed de augmento intelligenda sunt: & duo priora non de ipsa dilectione in se, sed de ipsius sensu in nobis. Antequam autem hanc consolationem proponat: monet, quales eos esse oporteat, si promissionum illarum velint fieri participes, nempe oportere eos præditos esse sincero ipsius amore. Itaq; inter sincerum ac simulatum ipsius amorem discernit hac nota, quod veri amatores ipsius observent præcepta ejus, h. e. ex animo ac vero conatu studeant pietati: hypocritæ verō non item. V. 22. interpellat Judas Jacobi frater, ac quatit, cur Dominus se solis discipulis patefacturus sit, non autem toti mundo. Quod videtur quatere ex falsa opinione de regno Christi, quasi illud terrenum ac mundanum futurum esset.

V. 23. Christus quæstione illa neglecta ac præterita, pergit in instituta doctrina, & repetit promissionem illam pertinentem ad sinceros sui cultores. V. 24. doctrinam hanc illustrat à contrario: simulque causam exponit, cur doctrina sua meritō fide amplectenda sit: quia nimirum sit doctrina cælestis, quam à Deo Patre acceptam in mundum attulerit.

V. 25. & 26. aliam consolationem addit, quæ sumpta est à futura in eis operatione Spiritus sancti, qui doctrinam suam quam hoc tempore nondum satis intelligant, sit eis plenius declaraturus: & si quid oblii fuerint, in memoriam revocaturus ad ipsos consolandum.

V. 27. consolatur eos à communicatione suæ pacis, h. e. veræ felicitatis, quæ consistit in sensu gratiæ Dei, & aliàs pax conscientiæ vocatur. De qua pace inf. c. 16. v. 33. ait. *Hæc loquutus sum vobis ut in me pacem habeatis: in mundo afflictionem habebitis.* Hanc autem pacis communicationē discernit ab operatione pacis quæ usitata est in mundo seu inter homines: ubi alii aliis pacem, id est, felicitatem optant, benevolentię testandæ causā, idq; interdum

non

non serió: nemo tamen felicitatem alteri largiri potest. Postea conclusionem præcedentium consolationum annexit, quam initio hujus sermonis proposuerat, *ψ. 1.*

V. 28. conclusionem factam amplificat, nempe ob discessum suum discipulis non solum non esse dolendum, sed etiam gaudendum, quia hic discessus pertineat ad ipsius gloriam & beatitatem. Patrem enim ad quem proficiscatur, majorem esse se, hoc est, beatiorum ac gloriosiorum, nimirum quatenus ipse, tanquam servus patris, in hoc mundo sit contemptus & pauper: á quo scilicet contemptu liberandus sit per hunc discessum ad patrem, hoc est, ascensionem in cælum & sessionem ad dextram Patris: & particeps futurus illius beatitudinis & gloriæ Patris. Vide inf. 17. *ψ. 5.*

V. 29. causam finalem indicat, propter quam discipulos præmoneat de suo ab eis discessu corporali, & ad eos reditu per Spiritum sanctum: ut scilicet credant ipsius doctrinæ, ac proinde in ipsum credant tanquam servatorem.

V. 30. causam corruptentem exponit longioris sermonis, nempe instantem mortem: quam circumloquitur á causa efficiente, nempe Diabolo, quem vocat principem hujus mundi, quia permissu Dei tyrannidem exercet in impios, eosque pro sua libidine agit: Simul autem intelligit Diaboli organa, nempe Judam proditorem, Sacerdotes, Phariseos, Pilatum & milites, qui ipsum occiderunt. Præterea docet, se moriturum innocentem: quia Diabolus nihil in eum habeat juris aut potestatis: quippe quum sit purus á peccato, atque etiam Diabolo potentior, nempe Deus. V. 31. exponit causam finalem, cur moriturus sit, quantumvis innocens ac potentior Diabolo, nempe ut glorificetur Pater ex sua obedientia: quum Pater decreverit ut moretur, eique hoc mandaverit, propter salutem electorum. Ad extremum hortatur eos ut surgant & secum in hortum abeant. Quanquam videtur non statim exivisse: sed sermonem qui sequitur duobus sequentibus capitibus, atque etiam precationem quæ habetur cap. 17. habuisse in eodem loco ubi cœnarat. Hoc intelligitur ex principio capitis 18 ubi ait Evangelista: Jesum postquam ista omnia loquutus esset, egressum esse cum discipulis trans torrentem Kedron, ubi erat hortus.

## SCHOLIA IN CAP. XIII.

1 *Ne turbator. μὴ ταράσσῃς.* Id est, ne committitote ut turbetur. *Creditis ἐν. πισύετε.* Hæc verba sic sunt distinguenda. *πισύετε ἐν. εἰς θεόν; καὶ ἐν. ἐν. ἐμὴν.* id est, Creditis in Deum? Etiam in me credite, hoc est, Si creditis in Deum, etiam in me credite. Tales interrogationes & subjunctæ responsiones extant 1 Cor 7. *ψ. 18. 21 & 27.*

2 *In domo patris mei.* Id est, in cælo sede beatorum. *Alloqui. εἰ δὲ μὴ.* Nisi ita esset. *Dixissem vobis. εἴπον αἰ. ὑμῖν.* Id est, indicassem id vobis: ne scilicet lactarem vos inani spe.

3 *Proficiscor. πορεύομαι.* Hæc verba omnino á præcedentibus distinguenda sunt: ut hic incipiat nova periodus. Neque enim certè illis subjiciuntur per mimesin seu profopœciam.

6 *Via illa. ἡ ὁδός.* Scilicet quæ ducit in cælum. *Illæ veritas. ἡ ἀλήθεια.* Veritas illæ Sacerdos & rex, per Mosaicos illos præfiguratus. Sic supra cap. 1. *ψ. 17.* *Vita illa. ἡ ζωὴ.* Verè illius vitæ, nempe æternæ, author. Sic supra cap. 11. *ψ. 25.*

10 *Opera illa. τὰ ἔργα.* Nempe eximia illa & mira opera, quæ ego facio.

12 *Majora*

12 *Majora istis. μείζονα τούτων*. Videtur intelligere conversionem popu-  
lorum per prædicationem Evangelii: ut quod Petrus una concione tria mil-  
lia ad fidem Christi adduxit, Act. 2. v. 41. *Nam ego ad Patrem meum profice-  
scor*. Id est Nam ego ascendam in caelum, & inde mittam in vos Spiritum san-  
ctum, cuius virtute instructi prædicabitis Evangelium in toto mundo. Synec-  
doche membri.

15 *Rogabo. ἑρωτάσω*. Proprie τὸ ἑρωτᾶν significat interrogare: sed hic  
orare. *Advocatum. παρακλητὴν*. Sic etiam Christus vocatur *παρακλητὴς*,  
1. Joh. 2. v. 1. Consolator autem, est ac si dicas *παρακλητὴς* vel *παρακλητήρ*.  
*Alium. ἄλλον*. Scilicet pro me, seu meo loco. Ergo se quoque proficitur discipu-  
lorum *παρακλητὴν*, id est advocatum seu patronum apud Patrem. *In aeternum.*  
*εἰς τὸ αἰῶνα*. Id est, semper: non autem a tempore tantum, ut ego ad tem-  
pus vobiscum fui, nunc autem a vobis discedam.

19 *Mundus. ὁ κόσμος*. Id est, impii: ut intelligitur ex antithesi. Metony-  
mia subiecti, & synecdoche generis: quia impiorum in mundo maximus nu-  
merus est. *Vos etiam. καὶ ὑμεῖς*. Coniunctio *Etiam* est nota paris. Par enim  
est vita capitis & membrorum.

22 *Non ille Iscariotes, ἀλλ' ὁ Ἰσκαριώτης*. Quasi dicat: Sed alter ille, Ja-  
cobi fratre. ἀνατατόδον.

23 *Manebimus. μόνον ποιήσωμεν*. Mansionem, id est, habitationem, facie-  
mus, id est, in eo inhabitabimus tanquam in templo: sicut passim Paulus fi-  
deles nominat templa Spiritus sancti.

24 *Et sermo. καὶ ὁ λόγος*. Pr. 1. *Quinquam sermo*. Est enim correctio. *Non est  
meus*. Id est, non est a me excogitatus, tanquam nudo homine, qui destitua-  
tur vocatione Dei. Sic sup. cap. 6. v. 38 & cap. 7. v. 16.

25 *Apud vos manens. παρ' ὑμῶν μένων*. Id est, quum adhuc apud vos de-  
gerem & vobiscum versarer. nam perinde loquitur ac si jam non versaretur  
cum eis, quod paulo post discessurus erat.

26 *Ille vos docebit ἐκείνος ὑμᾶς διδάξει*. Præcessit, τὸ πνεῦμα τὸ ἅγιον.  
Constructio igitur refertur ad sensum: & pronome masculino notatur ma-  
nifeste persona. Similis syntaxis reperitur 1. Cor. 12. v. 2. *ἅπαντες ὁμι-  
λῶμεθα*. Intellige omnia ad salutem necessaria: Synecdoche generis.

28 *Nam Pater. ὅτι ὁ πατήρ*. Rationem adfert enuntiati connexi præce-  
dentis, *Si diligetis me, &c. Major. μείζων*. Id est, beator. Sic infra cap. 15. v.  
20. *Me. μεν*. Nempe qualis nunc sum, donec mortuus fuerit. Significat, se ubi  
profectus fuerit ad Patrem, participem fore celestis illius beatitudinis qua  
Pater fruitur: quo nomine discipuli merito gaudere debeant, non autem ipsi  
hanc beatitatem invidere: si modo eum diligant.

29 *Credatis. πιστεύσητε*. Nempe in me. Id est, in fide crescat & confir-  
memini. Sic sup. cap. 2. v. 11.

30 *Principi mundi huius. Id est, diabolus. Quinquam. καὶ. Pro, καίτοι. In  
me non habet quicquam*. Id est, nihil habet juris in me.

31 *Sed ut cognoscat, &c.* Bisariam hæc verba possunt construi & exponi.  
Vel sic: *Sed surgite abeamus hunc* (Scilicet obviam iis qui me capturi sunt) *ut cog-  
noscat mundus, &c.* Vel post *ἀλλὰ* aliquid supplendum, ad hunc modum: *Sed  
venit ille* (nempe princeps mundi venit, ut me ad mortem rapiat, v. præcedē-  
te) *ut cognoscat mundus, me diligere Patrem, & prout mandavit mihi Pater, ita  
facere* *Surgite, &c.* Possunt etiam suppleri verba generalia, *ut utique τὸ τοῦ πα-  
τρὸς*: sit hoc, vel sunt hæc Cuius ellipsis exempla plura vide sup. ca. 13. v. 18. *Et  
ita facere, καὶ ὅτω ποιῶ*, repetendū ὅτι, ὅτι μοι, quasi dicat, καὶ ὅτι κελεύεις, &c.



OBSERVATIONES LOCORUM

DOCTRINAE EX CAP. 14.

1. Christum esse Deum, multis argumentis probatur ex hoc capite. Primum: quia in eum credendum est, *ψ. 1.* Secundum: quia ascendit in cœlum propria virtute, *ψ. 2.* Tertium: quia assumet credentes ad se in cœlum, *ψ. 3.* Quartum: quia est via, veritas, & vita, *ψ. 6.* hoc est, quia est mediator inter Deum & nos, promissus ille Messias, vitæ æternæ author in credentib. Quintum: quia tam acutè unicus est cum Patre, ut qui ipsum novit, necessariò norit & Patrem: quum Pater sit in ipso, & ipse in Patre, per essentiam: *ψ. 7. 9. 10. 11. & 20.* Sextum: quia doctrinam arcanam de Deo & salute hominum protulit è sinu Patris, idque cum divina autoritate & gratia, *ψ. 10.* Septimum: quia miracula edidit virtute propria, eod. *ψ.* Octavum: quia eloquenti credendum est per se, nempe propter ipsius auctoritatem, *ψ. 11.* Nonum: quia exaudit preces invocantium, corpore longissimè ab illis distans, *ψ. 13.* Decimum: quia facit unà cum Patre quæ credentes petunt, nempe quæ petunt secundum voluntatem Dei, eod. *ψ.* & sequente. Undecimum: quia mandata Dei sunt ipsius mandata, *ψ. 15. & 21.* Duodecimum: quia unà cum Patre mittit Spiritum sanctum in corda credentium ad eos consolandum, *ψ. 16. 17. & 18.* Decimumtertium: quia propria virtute resurrexit ex morte, *ψ. 19.* Decimumquartum: quia vitæ suæ participes facit credentes, eod. *ψ.* Decimumquintum: quia se per Spiritum sanctum patefacit electis, *ψ. 21.* Decimumsextum: quia unà cum Patre venit ad electos, & apud eos manet, nimirum habitans in cordibus eorum per fidem, *ψ. 23.* Ephes. 3. *ψ. 17.* Decimumseptimum: quia credentibus dat pacem conscientiar, *vers. 27.* Decimumoctavum: quia prædixit discipulis quæ sibi & illis eventura erant: prædixit autem non tanquam ex revelatione, ut prophetæ: sed tanquam omniscius, *ψ. 29.*

11. Ex *ψ. 2. & 3.* Cœlum in quod Christus ascendit, est locus destinatus Christo & hominibus in Christu credentibus, ut ibi beatè in æternum vivant. Hic locus vocatur domus Patris: quia Pater illic se plenè fruendum dat filiis suis, nempe hominibus quos in filio suo unigenito in filios adoptavit. A Paulo vocatur tertium cœlum, 2. Cor. 12. 2. respectu scilicet aëris quod est primum cœlum, nobis proximum; in quo quia volant aves, nominantur inde volatilia cœli: & respectu orbium, in quibus hærent sol, luna & cæteræ stellæ, quod vulgò cœlum & à nonnullis firmamentum dicitur. Ac de his cœlis intelligendum est quod dicit Apostolus Ephes. 4. 10. Christum ascendisse supra omnes cœlos, nempe hos aspectabiles. Vocatur etiam ab eodem Paulo hoc tertium cœlum paradysus, 2. Cor. 12. 4. propterea quòd ut primi nostri parentes, quamdiu in paradiso, id est horto illo amœnissimo in quo collocati erant, mandato Dei obediētes permanserunt, beatè vixerunt: Ita in hoc cœlo perfectissima beatitudine fruuntur omnes electi. Quæ quum ita sint: falsum est dogma eorum qui dicunt, cœlum ubique esse.

111. Ex *ψ. 6.* Unicus Christus est via ad vitam æternam, & promissus ille Messias, in quo figuræ Mosaicæ impletæ sunt, 2. Cor. 1. 7. d.

IV. Ex *ψ. 7 & 9.* Qui Christum novit, Deum novit: Qui Christum ignorat, Deum ignorat. Sic sup. 5. 23.

V. Ex *vers. 10.* Dei majestas in Christi tum doctrina tum factis se plane conspicuam præbet.

## ANALYSIS CAP. XV.

v. 1. Ex *ψ*. 13. Orandus est Pater in nomine Christi: & confidendum eum exauditurum.

vii. Ex *ψ*. 15. 21. 23. & 24. Dilectionem nostram erga Christum testatam facere debemus serio studio pietatis: quo qui destituitur, hypocrita est, & falsò gloriatur, se Christum diligere.

viii. Ex *ψ*. 16. 17. & 18. Christus quamvis corpore suo à nobis absit: tamen per gratiam Spiritus sancti omnibus pijs presentissimus est, in omnibus ærumnis eos consolans.

ix. Ex *ψ*. 19. & 20. Vita nostra æterna ex vita æterna Christi fuit: cum ipse sit caput, nos membra: ipse vitis, nos palmites.

x. Ex *ψ*. 21. & 23. Diligi nos à Christo & à Patre inde scimus, quòd Christus se nobis indies magis patefacit: quodque unà cum Patre per spiritum suum in nobis habitat.

xi. Ex *ψ*. 2. Spiritus sanctus non inspirat hominibus doctrinam novam: sed doctrinam Christi mentibus electorum declarat, & per eam illos consolatur.

xii. Ex *ψ*. 27. Pax conscientie & solida felicitas à Christo nobis communicatur.

xiii. Ex *ψ*. 28. Tantum abest, ut discessum Christi à nobis secundum carnem, agrè ferre debeamus, ut è contrario de eo nos gaudere oporteat: quum per eum glorificatus sit: ex ipsius autem tanquam capitis glorificatione pendeat omnis nostra. tanquam membrorum, benedictio.

xiv. Ex *ψ*. 30 & 31. Christus non invitus, sed volens: non Diabolo obnoxius, sed patris decreto obediens, mortem subit: ut illa innocentis sui obedientia nostram culpam atque inobedientiam expiaret.

## ANALYSIS CAP. XV.

## ARGUMENTUM.

In hoc capite Christus sermonem superiore capite institutum continuat, ac tria potissimum agit. Primum hortatur discipulos ad constantiam in fide; docens, eos per fidem sibi tanquam palmites vitæ, esse inritos: usque ad *ψ*. 8. Deinde hortatur eos ad studium pietatis, ac in primis ad mutuam dilectionem: à *ψ*. 8 usque ad 18. Tum consolatur eos contra odium ac persecutionem mundi: à *ψ*. 18. usque ad finem.

## DE PRIMA PARTE.

**E**go sum vitis illa vera, & Pater meus est agricola ille.

2 Omnem palmitem in me non ferentem fructum, tollit: & omnem qui fert fructum, purgat, ut plus fructus adferat.

3 Jam vos puri estis propter sermonem quem loquutus sum vobis.

4 Manete in me: & ego in vobis manebo, sicut palmes non possunt ferre fructum à semetipsis, id est nisi manserint in vite: ita nec vos, nisi in me manseritis.

5 Ego sum vitis, vos palmites: si quis manet in me, & in quo ego maneo, hic fert fructum multum. nam seorsum à me nihil potestis facere.

6 Nisi quis in me manserit, abjectus extra vineam, statim ut palmes arefcis: deinde coguntur isti palmites, & in ignem abiciuntur, & ardent.

7 Si manseritis in me, & verba mea in vobis manserint: quicquid volueritis petite, & fiet vobis.

V.1. docet, discipulos & omnes omnino credentes arctissime secum confunctos esse, videlicet tanquam palmites cum vite. Simul etiam docet, illos sibi infitos esse à Patre, nimirum per Spiritum sanctum, & prædicationem Evangelii: qua scilicet effectum sit, ut per fidem secum coalescant. V. 2. ex hac doctrina cohortationem deducit, qua discipulos hortatur ad ferendum fructum, id est ad studium bonorum operum, quæ Deo instar suavissimi fructus (quales hominibus uivæ sunt) grata sint. Et huc hortatur ab effectibus per antithesin. Exponit enim primum effectum perniciosum, eventurum iis qui fructum non tulerint, nempe hypocritis: quibus minatur fore, ut è vite excindantur, id est à Deo abjiciantur in æternum exitium. Ubi notandum, hypocritas nominari palmites Christo infitos, non quod revera ei infiti sint: quippe quum careant fide, qua sola cum Christo tanquam vite coalescere licet: sed quod propter fidei professionem infiti esse videantur. Contrà vere credentibus & fructum bonorum operum ferentibus promittitur, fore ut à Patre magis subinde purgentur, atque ita copiosorem fructum ferant, Deoque indices magis placeant. Ubi notandum, purgationem hanc nihil aliud esse quàm renovationis incrementum quotidianum, qua Deus per Spiritum sanctum & prædicationem Evangelii atque etiam (quum lascivia carnis id postulat) per crucem & virgas suas quotidie magis renovat corda credentium ad serium studium pietatis.

V.3. doctrinam hanc generaliter propositam accommodat ad discipulos: eosque affirmat puros jam esse: non quod omni prorsus vicio careant: sed quod renovari jam cœpissent. Simul etiam instrumentalem causam indicat, per quam à Patre purgati ac renovati sint, videlicet sermonem suum, id est, doctrinam Evangelii jam sæpe multumq; eis propositam. Etenim fides qua Christo inserimur & ex qua fuit pietatis studium, ex auditu Evangelii proficiscitur: ut docet Paulus Rom. 10.

V.4. hortatur eos ad constantiam in fide, inquiens: *Manete in me.* scilicet per fidem. Argumenta cohortationis affert duo: primum ab effectu utili: promittit enim, se quoq; mansurum in eis, nempe per Spiritum suum. Quod non ita est intelligendum, quasi nos fide nostra mereamur, ut Christus per Spiritum suum in nobis maneat nobis: sed quod ei placeat, hoc modo nos in fide & fidei confessione confirmare: quum sciamus, nos magnum constantie illius premium natura, gratuitum quidem illud; sicut & ipsam fidem, ut gratuitum donum, à Deo accepimus; cui pro sua bonitate & *φιλανθρωπία* placet, dona in nobis sua coronare, ut Augustinus ait. Deinde addit alterum cohortationis argumentum; quod sumtum est à fine: ut scilicet possint ferre fructum, id est facere opera Deo grata quod argumentum illustrat similitudine ante proposita palmitum & vitis. V.5. commoratur in eadem doctrina, similitudinem propositam amplius declarans.

V.6. affert aliud argumentum quo eos ad constantiam in fide hortatur; quod idem est cum argumento quo sup. V.2. hortatus eos fuit ad studium bonorum operum; nempe ab effectu pernicioso. Minatur enim eis, qui à se defecerint, resectionem in æternum exitium: & hoc facit sub similitudine instituta à palmitibus. Tria autem distinctè minatur: primum ejectionem à vinea Domini, id est Ecclesia; deinde securam destitutionem gratiæ Dei: ita ut apostoli illi subinde aridiores reddantur, id est, deteriores miris, que idonei ad bona opera, magis autem idonei ad ignem gehennæ. Post: emò minatur illis abjectionem in ignem gehennæ id est, in æternum exitium.

V.7. alio argumento eos hortatur ad constantiam in fide; quod sumtum

est ab effectu utili, videlicet impetratione rerum ad vitam æternam & muneris injuncti functionem necessariarum. Simul autem docet, quomodo in ipso manere possint, nempe si verba sua manserint in ipsis, hoc est, doctrina sua, nempe doctrina Evangelii. Hæc autem in nobis manet per quotidianam meditationem, præcedente invocatione Dei, ut illam nobis subinde magis patefaciat. Quod autem promissionem hanc generaliter concipit, inquit, *Quicquid volueritis*: sciendum est, hanc generalem sententiam restringi ex ipsa promissionis formula, ad eas res quæ pertinent ad gloriam Dei & ad salutem credentium. promissio enim hæc fit iis qui in Christo permanserint fide, & in quibus verba Christi manserint pia meditatione. Qui autem ex fide petunt, si non petunt nisi secundum voluntatem Dei; ac proinde res pertinentes ad Dei gloriam & salutem suam, petunt simpliciter & absolute: res autem pertinentes ad commoda huius vitæ terrenæ petunt cum hac conditione, Si Deus velit, hoc est, si faciant ad illius gloriam & salutem ipsorum. Similis est locus ille Psalmi, Faciet voluntatem timentium se. Psalm. 144. 19.

## DE SECUNDA PARTE.

8 *In hoc glorificatus est Pater meus, ut fructum multum feratis: & eritis mei discipuli.*

9 *Prout dilexit me Pater, ita & ego dilexi vos: manete in illa mea dilectione.*

10 *Si mandata mea servaveritis, manebitis in dilectione mea sicut ego Patri mei mandata servavi, & maneo in eius dilectione.*

11 *Hæc loquutus sum vobis ut gaudium illud meum in vobis maneat, & gaudium vestrum plenum fiat.*

12 *Hoc est præceptum meum, ut diligatis alii alios, prout dilexi vos.*

13 *Majorem dilectionem nemo habet quam istam, ut quisquam animam suam deponat pro amico suo.*

14 *Vos amici mei eritis, si feceritis quæcunque ego mando vobis.*

15 *Non amplius dicam vos servos, quia servus nescis quid faciat dominus ipsius: vos autem dixi amicos, quia omnia quæ audivi à Patre meo, nota feci vobis.*

16 *Non vos me elegistis, sed ego elegi vos, & constitui vos, ut abeant fructum feratis, & fructus vester maneat: ut quicquid petieritis à Patre in nomine meo det vobis.*

17 *Hæc mando vobis, ut diligatis alii alios.*

V.8. hortatur eos ad studium bonorum operum, argumento ducto à fine vel etiam effectu utili, videlicet gloria Patris. Hanc autem gloriam ex bonis operibus discipulorum existere, tali syllogismo ostendit:

Si sitis (id est esse agnoscaminis) mei discipuli, hinc glorificatur meus Pater.

Atqui si fructum multum feratis, h. e. si multa bona opera faciatis, eritis (id est esse agnoscaminis) mei discipuli.

Ergo si multa bona opera faciatis, glorificatur hinc Pater meus.

Propositio liquet ex eo, quod Pater Christum misit ad docendum: quare, qui discipulus Christi est, hoc est doctrine Christi credit, is credit doctrine Patris: quæ res pertinet ad ejus gloriam: dat enim ei gloriam veritatis. Sic alibi ait Christus, cum qui credit suæ doctrinæ, obsignare quod Deus verax sit. Sup. 3. 33.

Assumptio liquet ex eo, quod bona opera facere, est servare præcepta Christi, hæc autem qui servat, verum se illius discipulum demonstrat. Sup. 3. 35  
V. 9. aliud

V.9. aliud argumentum ab effectu utili affert, quo eos hortatur ad studium pietatis: promittit enim fore, ut maneant in sua dilectione, hoc est, ut dilectionem ejus erga se quasi alant & conservent. Dilectionem autem suam erga eos, amplificat ab adjuncta magnitudine: quam innuit collatione parium. comparat enim eam cum dilectione patris erga se: quam summam esse constat. Porro argumentum latet in ipsis verbis exhortationis. Quum enim ait, *Manete in illa mea dilectione*, perinde est ac diceret, Colite me studio pietatis seu observatione meorum mandatorum: sic enim manebitis in mea dilectione. Hanc esse sententiam, liquet ex V. seq. Est igitur synecdoche metonymica, qua scilicet una cum effectu intelligitur causa: quod tamen dextrè accipiendum est. Sicut explicavimus supra ad vers. 4. de constantia in fide.

V.10. additur argumenti superiore versiculo instituti declaratio per e-munciatum connexum: quod constituit syllogismi propositionem ad hunc modum:

Si velitis manere in mea dilectione, oportebit vos servare mea mandata.

Atque haud dubiè vultis manere in mea dilectione.

Ergo debetis servare mea mandata.

Propositio continetur hoc versu, veruntamen non expressè, sed per reciproca-tionem elicit, syllogismi formandi causa. Assumptio tanquam per se nota omittitur. Conclusio continetur versu superiore, in ipsis verbis exhortationis. Propositio confirmatur ab exemplo, videlicet obedientia Christi erga Patrem & dilectione Patris erga Christum.

V.11. causam finalem superioris argumenti exponit, à dilectionis sue constantia ducti: ut nimirum Apostoli vero illo ac solido gaudio, quod ex sensu dilectionis Christi manat, constanter fruuntur, Quæ ipsa sententia vix habet novi argumenti, item ab effectu utili ducti, quod argumentum è superioribus ita formari potest, in persona Apostolorum.

Si mandata Christi servabimus, fruemur solido gaudio.

Atqui mandata Christi servabimus.

Ergo fruemur solido gaudio. Vel sic, in persona Christi:

Si velitis frui solido gaudio, servabitis mea mandata.

At vultis frui solido gaudio.

Ergo servate mea mandata.

Porro gaudium hoc nominat & suum & discipulorum. Suum quidem, quia ex ipso & ab ipso proficiscitur. Discipulorum verò; quia in ipsis est, ut ipsi eo fruantur. Verbo *manendi* constantiam seu perseverantiam in fide notat: verbo *plenum* fieri perfectionem gaudii, non quidem omnibus numeris absolutam in hac vita: veruntamen talem qua omnes ærumne facilè superentur & veluti absorbeantur. Nam pax hæc Dei tanta est, ut superet omnem intellectum. Vide Phil. 4. V. 7. item Rom. 8. V. 18.

V.12. institutam exhortationem declarat; & genus ad speciem revocat: hortans eos ad mutuam dilectionem: addito argumento à pari seu simili, videlicet suo ipsius exemplo.

V.13. argumentum allatum, nempe exemplum sui ergo discipulos amoris, amplificat collatione imparium, qua suam dilectionem tanquam majorem cum quavis alia dilectione humana comparat: idque ex maximi amoris proprio effectu demonstrat, quod est, mortem oppetere pro amico.

Vers. 14. docet, quomodo discipuli se gerere debeant, ut maneant amici

Christi: nempe quod debeant observare ipsius mandata: quæ ipsa est sententia institutæ cohortationis.

V. 15. rationem exponit, cur discipulos dixerit amicos, à proprio quodam amicorum effectu: nempe quia arcanum Dei consilium de ipsorum salute eis patefecerit: & hanc sententiam illustrat & amplificat antithesi, qua amicis opponit servos: quib. domini nō solent aperire, quid facere constituerint.

V. 16. per prolepsin occurrens falsæ opinioni, docet quænam huius inter se & illos amicitia origo seu causa procreans sit, nempe non illos causam esse, sed se: simulque aliud esse, & am commemorat, quo demonstrat se illos pro amicis habere: nempe quia eos elegerit ad Apostolatam, munus nimirum omnium honorificentissimum & hominibus utilissimum, quid enim honorificentius quàm fieri legatione pro Christo? quid hominibus utilius, eam eos sacrificare Christo & colligere in horreum Dei? Simul etiam docet, qua causa instrumentali opus sit ad fructuosam Apostolatus functionem, videlicet invocatione Dei.

V. 17. exhortationem hanc concludit.

### DE TERTIA PARTE.

18 *Si mundus vos odit, scitis me prius quam vos, illi odio habitum.*

19 *Si ex mundo essetis, mundus quod suum est amaret; quia vero ex mundo non estis, sed ego elegi vos ex mundo, propterea odit vos mundus.*

20 *Memento sermone quem ego dixi vobis, Non est servus maior domino suo, si me persequuti sunt, & vos persequentur: si sermonem meum servaverint, & vestrum servabunt.*

21 *Sed hæc omnia facient vobis propter nomen meum, quia non novierunt enim qui misit me.*

22 *Si non venissem & loquutus essem ei, peccatum non haberent; nunc autem non habent quod prætexant peccato suo.*

23 *Qui me odit, is etiam Patrem meum odit.*

24 *Si opera non fecissem inter eos quæ nemo alius fecit, peccatum non haberent: nunc autem & viderunt, & oderunt & me & Patrem meum.*

25 *Sed hæc faciant ut impleatur sermo qui in Lege ipsorum scriptus est, Oderunt me iniqui.*

26 *Quoniam autem venerit advocatus ille quem ego misit vobis à Patre, (Spiritus inquam ille veniens qui à Patre emanat) ille testabitur de me.*

27 *Sed & vos testabimini, quoniam à principio mecum estis.*

V. 18. consolatur Dominus discipulos contra odium ac persecutionem mundi, argumento ducto à suo exemplo. V. 19. alterum consolationis instituit argumentum affert, quod sumtum est ab odii illius causa: quæ est quod electi, id est segregati sunt ex mundo, hoc est, ex numero impiorum ac filiorum Diaboli, adoptati scilicet in filios Dei. Hoc argumentum illustrat à contrario. V. 20. repetit primum argumentum, nempe à suo exemplo; & plenius exponit: confirmans illud testimonio sententiæ proverbialis, & illustrans antithesi.

Vers. 21. tertium consolationis argumentum affert, quod etiam (ut secundum) à causa odii illius sumtum est, quæ est odium nominis Christi, cuius discipulos sese profitebantur, unde liquet, odium hoc esse iniustum. Simul etiam causam procreantem odii (quo scilicet Christum oderant) exponit, videlicet ignorantiam Dei.

V. 22. per prolepsin docet, ignorantiam illam hostium suorum non talem esse,



esse, quia sese possint excusare; & quia de Deo fideliter ab ipso sint edocti. Unde liquet, meram malitiam ipsis obstitisse, quo minus doctrinæ Christi crederent, atque ita Deum ex illa recte agnoscerent. Hanc sententiam syllogismo connexo concludit ad hunc modum;

Si non venissem, & loquutus essem eis, peccatum non haberent. Nunc autem veni, & loquutus sum eis. Ergo peccatum habent. Pro hoc dicit, Ergo non habent quod pretexant peccato suo.

Ceterum syllogismus iste etsi peccat in formâ, quia tollit antecedens ut tollat cōsequens; tamen bonus est potestate; quia potest fieri bonus, si propositio convertatur; tunc enim tollit cōsequens, ut tollat antecedens. Idem est iudicium de syllogismo qui formatur ex posteriore connexo versiculi vicefimi. Quod autem ait *peccatum non haberent*; non est simpliciter, ut verba sonant, accipiendum; sed ex antichristi sic interpretandum; Possent peccatum suum (nempe odium illud iniquum erga me & inde ortam incredulitatem) aliquo modo excusare, nempe quod a nemine edocti sint, me esse filium illum Dei, servatorem mundi: ac proinde non odio, sed amore; non contemptu sed fide dignum esse.

V. 23. inter sent quartum argumentum consolationis: quia odium illud redundet in Patrem: qui scilicet ceteros suos suo tempore puniturus sit.

V. 24. rursum ostendit, ignorantiam istorum nil facere ad ipsos excusandum, sed petulantem ac malitiosam esse; quia miraculis doctrinam suam confirmant.

V. 25. quintum argumentum consolationis affert, quod sumtum est à prædicatione scripturæ, ac proinde ab arcana Dei voluntate, in qua nimirum est acquiescendum; ubi ex Psal. 35. Etatur sententia, quæ secundum historiam quidem ad Davidem pertinet; sed quatenus David typus fuit Christi, simul ad ipsum quoque Christum refertur.

V. 26. Sextum argumentum consolationis affert à testimonio Spiritus sancti, quo nimirum vindicanda sit sua gloria à contemptu & iniquo odio hostium suorum. Simul autem exponit, quis Spiritum sanctum ad testandum de ipso missurus sit; & testimonium ejus commendat ab adjuncta testantis veracitate. Vult. annexit septimum consolationis argumentum, à testimonio scilicet ipsorum Apostolorum; quod commendat ab adjuncta ipsorum notitia; ut qui ipsum optime notum habeant, quippe cum quo jam diu multumque versati sint.

## SCHOLIA IN CAP. XV.

1 *Ita illa vera. ἡ ἀμπλος ἡ ἀληθινή.* Id est, excellens, insignis: cum qua omnes totius mundi vites non sunt conferendæ. *Agricola ille. ὁ γεωργός.* Id est, vinitor ille. ὁ ἀμπελουργός.

2 *Tollit. αἶρεi αὐτὸ.* Hebræa repetitio antecedentis per pronomen relativum. Sic mox, *καθαίρει αὐτὸ.* Tollit autem, id est aufert, amputat. *Purgas. καθαίρει.* Remotis scilicet superfluis pampinis.

3 *Propter sermonem. διὰ τὸν λόγον.* Nempe Evangelii cui scilicet creditis. excepto Juda: ut supra cap. 13. v. 11.

4 *Id est nisi manserit. ἵνα μὴ μείνῃ.* Similiter interpretandus est ille locus Gal. 2. v. 16. *εἰδότες ὅτι ἡ δικαιοσύνη ἀπορρίπτεται ἐξ ἔργων νόμου. ἵνα μὴ διὰ πίστεως Ἰησοῦ Χριστοῦ.* Scientes non justificari hominem ex operibus Legis, id est nisi per fidem Jesu Christi.

5 Ego sum vitis, vos palmites. ἐγώ εἰμι ἡ ἀμπέλος, ὑμεῖς τὰ κλήματα. Ego sum vitis illa: vos autem palmites illius. *Hic*, ἔτος Epanalepsis antecedentis πλεονασμῷ. *Scorsim a me*, χωρὶς ἐμοῦ. Id est, χωρὶς ἐμῆς ἀπ' ἐμοῦ, separati à me: nempe ut si palmes separatus sit à vite. Alii vertunt, *Sine me*, vel *Abfque me*, unde nonnullis collegerunt, fideles posse aliquid boni ac Deo grati facere partim à seipsis seu ex suis ipsorum vinibus, partim verò adjuutos à Christo seu ex gratia ipsius. Hæc opinio falsa est, & cum huius loci doctrina pugnat. nam modò vers. 4. disertè negavit Christus, palmitem à seipso fructum ferre posse, hoc est, credentes à seipsis bona opera facere posse. *Ἄχρη*, ἰδίῳ. nempe nihil boni, sine doche generis, nam perinde est ac si dicat, Nullum fructum potestis ferre. Fructus autem nomine intelligit bona opera.

6 *Abieciis arefcit*. ἐκλήθη καὶ ἐξηράθη. Pro, ἐκείνηται καὶ ἐξηράνηται. quia mox opponuntur, συναγρυσί, βάλανουσι, καίεται. Enallage temporis. *Abieciis extra vinea n statim ut palmes arefcit*. ἐκλήθη ἔξω ὡς τὸ κλήμα, καὶ ἐξηράθη. Ab icitur foras ut palmes, & arefcit. *Deinde coguntur isti palmities*, &c. καὶ συναγρυσί αὐτοῦ &c. Ad verbi: Cogunt isti palmities, & in ignem abiciunt. Imperpersonaliter, sub audiendo vinicores. *Isti palmities*, αὐτοῖς, Scilicet, τὰ κλήματα, τὰ ἐξ ἐκείνης καὶ ἐξηράνης. *Et ardent*, καίεται. Id est, ὥς καὶ αὐτοῖς, ut ardeant.

7 *Petite αἰτήσαθε*. Petetis, id est petere potentis, petere vobis licebit.

8 *In hoc ἐν τούτῳ*. In hac re. Scilicet quam mox dicam. *Ut fructum*. ἵνα καρπὸν. Hæc verba per appositionem coherent cum illis, ἐν τούτῳ, in hoc. *Et erunt*, καὶ γένοιτα. Id est, Sic enim cognoscemini esse. quippe ex fructibus arbor cognoscitur: ut alibi Dominus ait.

9 *Manete*. μένετε. Id est, Manete igitur, vel, Manete modò. *In illa mea dilectione*. ἐν τῇ ἀγάπῃ τῇ ἐμῇ. Id est, qua ego vos diligo: ex collatione verborum proxime præcedentium. Sic Rom. 8. v. 35. & 39. Ergo manere in dilectione Christi, hoc loco est dilectionem ejus erga se rerinere. Sed quomodo, inquires, hoc possumus consequi? Id ipse docet verbis sequentibus: *Si mandata mea servaveritis* &c.

11 *Gaudium illud meum*. ἡ χαρὰ ἡ ἐμὴ. Id est, ex me tanquam materia gaudii profectum, quo scilicet gaudebitis in me tanquam vestro mediatore.

12 *Et diligatur*. ἵνα ἀγαπᾶται. Coniunctio ἵνα non ponitur hic τελικῶς, sed εἰδικῶς. seu per appositionem, ad declarandum pronomen αὐτῷ quod præcessit: ut sup. v. 8. Similiter versu sequente 13.

15 *Quid faciat*. τί ποιῇ. Id est, quid facere cōpōtet seu in animo habeat: dominus servo non patefacit consilia sua. *Omnia, πάντα*. Nempe omnia ad æternam salutem pertinentia & sciui necessaria.

17 *Hæc, ταῦτα*. Videatur ταῦτα positum pro singulari τῷ τε: quum mox sequatur conjunctio ἵνα, posita εἰδικῶς: quumq; unicum mandatum exponatur.

18 *Mundus*. ὁ κόσμος. Id est, impij: ut suprà cap. 14. vers. 19. Porro sententia huius vers. tali paraphrasi declarari potest: Si hoc vos turbat, quòd mundus vos odit: contra consolari & erigere vos debet, quòd scitis, me magis quàm vos, illis odio habitum: me scilicet dominum vestrum: ut declarat paulo post vers. 20. *Scitis*. γινώσκετε. *Unq; Seitote*, id est, considerate: ut scilicet hæc consideratione vos ipsi erigatis & cōsolentini. *Præis quàm vos*. πρὸς τοὺς ὑμῶν. Id est, ἀφ' ὑμῶν ἢ ἐμῶν. *Me illis odio habuit*. ἢ ἐμὲ μισήσκειν. Scilicet, ὁ κόσμος. id est, quòd me odio habuit mundus. Unde perspicitur, pronomen *illius* referri non ad vocem, sed ad sensum: nam vocabulo

vocabulo τῷ κόσμῳ, id est mundi, intelliguntur hoc loco impij.

19 *Si ex mundo essetis.* Id est, si ex numero impiorum essetis. *Elegi.* Scilicet ad vitam aeternam.

20 *Sermonem quem dixi.* τῷ λόγῳ οὗ εἶπον. Pro, ἐκεῖνος οὗ εἶπον. *Major.* μείζων. Id est, præstantior aut beator. *Si me.* Scilicet dominum vestrum. Itaque pronomen *Me* hic pronuntiandum est cum emphasi. *Et vos.* καὶ ὑμεῖς. Etiam vos, nempe servos meos. *Si sermonem.* εἰ τὸν λόγον &c. Innuit contrarium, quasi dicat: Quum sermonem meum non servaverint, sed contemserint: non debet vobis mirum videri, si & vestrum sermonem contemnant.

22 *Peccatum non habent.* ἀμαρτίαν οὐκ εἶχον. Nempe grande hoc peccatum, videlicet petulantem contemptum veritatis celestis: possent se aliquo modo excusare per ignorantiam. Hanc expositionem innuunt verba, *Si non venissem ἐν λόγῳ ἐσθὲν εἰς:* Item illa in antithesi, *Nunc autem non habent quod pretexant peccato suo.* Sic mox. *ψ. 24. Quod pretexant, ἀπερξαίν.* Dicitur ἀπερξαίνε (à verbo ἀπερξαίνω) quod quis in lucem profert & obtendit tanquam causam, quum interim veram causam dissimulet.

23 *Et oderunt.* καὶ μισοῦσιν. Supplendum *tamen.* Quasi dicat: Quamquam viderunt, tamen oderunt. Non igitur peccant ex ignorantia, sed petulanter.

25 *Sed hoc faciunt ut.* ἀλλ' ἵνα. Supplementum sumitur ex sententia versus præcedentis. *hoc faciunt,* nempe oderunt me petulanter. Similis ellipsis exempla vide Suprà cap. 13. *ψ. 18* item cap. 14. *ψ. ult.* Uti *ἵνα.* Notatur consilium non ipsorum Judæorum Christum odio habentium, sed Dei hoc illis permittentis & hac omnia providentia sua gubernantis. *In lege.* ἐν τῷ νόμῳ. Id est, in Scriptura. Etenim verba quæ citantur, extant Psal. 34. Synecdoche membri. *Ipsorum.* αὐτῶν. Id est, ipsis propriè data, quæ ipsi excellunt aliis populis. *Immerito.* ἀδικῶς. Propriè, gratis: quomodo Hebræi interdum usurpant ἐν τῇ χιunnâm. Est synecdoche speciei κατὰ χεῖρην. Nam ἐν τῇ & ἀδικῶς usitatè rebus bonis accommodantur. Sic Jonathan ajebat patri Sauli, Quare peccares contra sanguinem innoxium, morte afficiendo Davidem ἐν τῇ, id est, immerito. 1. Sam. 19. *ψ. 6.*

26 *Advocatus.* ὁ παράκλητος. Vide suprà cap. 14. *ψ. 16.* Ille. ἐκεῖνος. Uti suprà cap. 14. *ψ. 26.*

27 *Testabimini.* μαρτυρεῖτε. Pro, μαρτυρήσιν. Enallage temporis, manifesta ex eo quod præcessit, ἐκεῖνος μαρτυρήσει. *A principio.* ἀπ' ἀρχῆς. Inde à principio meæ prædicationis, quasi dicat, Fuisitis ἀπὸ πρῶτης & ὑστερίτης mei, ut ait Lucas cap. 1. *ψ. 2.*

## OBSERVATIONES LOCORVM

### DOCTRINAE EX CAP. 15.

1. Ex *ψ. 1. 2. 3. 4. 5. & 7.* Quum Christus sit vitis: credentes verò palmites: quaeritur, cuiusmodi sint hi palmites: native an insititii? Respondeo: Non sunt nativi, sed insititii. Rursum quaeritur: Quomodo igitur hi palmites isti viti sunt insitii? Respondeo: Insitii sunt fide, quam in eis effecit Spiritus sanctus. De hac insitione testatur Paulus sub similitudine paulum divideri, videlicet oleæ & oleastri: Rom. 11. *ψ. 17.* & deinceps. Porro quemadmodum ex vite in palmites insuit succus, quo illi vegetantur & apti redduntur ad ferendum dulces nivarum fructus: ita à Christo fidelibus donatur Spiritus sanctus, quo illi vegetantur spiritualiter & apti efficiuntur ad ferendum

ferendum suaves Deoque gratos fructus bonorum operum. Opus est autem his palmitibus perpetua purgatione, id est meditatione verbi Dei & precibus atque etiam cruce.

II. Ex vers. 2. & 6. Hypocrite, quum fidem profiteantur, videntur & ipsi Christo tanquam palmices viti insui: unde etiam à nobis pro palmitibus, id est fidelibus habentur: sed quoniam fructum pietatis nullum ferunt, sequitur eos cum vite Christo non coaluisse: ac proinde tandem ex vite auferuntur, id est hypocrisis detecta, ad Christum non pertinere declarantur: ac præterea extra vineam, id est Ecclesiam ejiciuntur: ac tandem ut aridi palmices in ignem gehennæ ad æternos cruciatus abijciuntur.

III. Ex vers. 8. Scopus qui piis in omni vita propositus esse debet, est gloria Dei. Confer Matth. 5. v. 16. 1. Cor. 10. v. 31.

IV. Ex eod. v. Qui vult haberi pro discipulo Christi, fructibus bonorum operum se id esse demonstrat. Confer Matth. 7. v. 21.

V. Ex vers. 9. Magna consolatio est, quod Christus nos diligit, sicut eum diligit Pater: nempe dilectione æterna & constante. Sic supra cap. 13. v. 1. de Christo dicitur, Quum dilexisset suos qui erant in mundo, usque ad finem dilexit eos. Et Paulus Rom. 8. v. 35. Quis nos separabit à dilectione Christi? Et rursum v. 38. & 39. Persuasum mihi est, nullam rem creatam separare nos posse à charitate Dei quæ est in Christo Jesu domino nostro.

VI. Ex v. 9. & 10. Studio pietatis nobis opus est ad alendam atque conservandam dilectionem Christi erga nos. Nec tamen putandum: studium illud pietatis vel ex nostris viribus proficisci, vel dilectionem Christi promereri.

VII. Ex vers. 11. Verum gaudium, quo pii in omnibus ætatis sustentantur, est gaudium spirituale, ortum ex sensu dilectionis Christi: quod ipsum gaudium Christus perspiratum sanctum in piis efficit. Vide Rom. 14. v. 17. Philip. 4. v. 7.

VIII. Ex vers. 12. 13. & 17. Ad dilectionem fraternam excitare nos debet tum præceptum, tum exemplum Christi. Vide 1. Joh. 3. v. 11 & cap. 4. v. 21.

IX. Ex v. 15. Quæcunque nobis ad salutem servu necessaria sunt, patefacta sunt nobis in doctrina Evangelii: quæ ipsa doctrina ab Evangelistis & Apostolis descripta extat. Quare peccant Papistæ, quum Scripturam imperfectionis arguunt. Sic Paulus Act. 20. v. 27. ad Ecclesiam Ephesinam dicit: Non subterfugi quo minus annuntiarem vobis omne Dei consilium, nempe de ratione consequendi salutem.

X. Ex vers. 16. Qui legitime ad munus docendi in Ecclesia vocati sunt: consolentur se hac promissione, quod à Christo constituti sint ut Deo fructum ferant, multos nimirum ad fidem Christi adducendo: & fructum hunc ipsorum mansurum, id est semel conversos in fide perseveraturos. Simul tamen meminerint, continenter sibi precandum esse ut Deus laborem ipsorum fructuosum reddat. Vide 1. Cor. 3. v. 6. 7. 8. & 9.

XI. Ex v. 18. 19. 20. & 21. Contra odium & persecutionem mundi pii sese consolentur hac promissione: quod mundus ipsam quoque Christum odio habuerit ac persecutus sit, nempe dominum nostrum: quo mollius haberi vel se servos non decet. deinde, quod causa illius odii iniqua est: odit enim nos mundus propterea quod ab ipso separati per efficacem vocationem Spiritus sancti, nolumus amplius consentire in ipsis impietatibus. denique odit nos mundus, quia Deum & veritatem doctrinæ Evangelii ignorat.

XII. Ex vers. 22. 23. 24. & 25. Qui doctrinam Evangelii ipsis propositam & declaratam oderunt, ejusque confessores hostiliter persequuntur: illis omnis excusatio

excusatio adempta est. Quare tandem iusto Dei iudicio pereunt.

XIII. Ex *ψ* 26. Quia in Spiritus sanctus sit advocatus ille qui efficaciter consolatur fideles: quumque sit Spiritus veritatis, qui veritatem doctrinae caelestis efficaciter Electis persuadet: denique quum a Patre procedat sive emanet: sequitur eum verum esse Deum, & Patri *paritorem*, persona ab illo distinctum.

## ANALYSIS CAP. XVI.

### ARGUMENTUM.

Continuat sermonem duobus superioribus capitibus institutum, & tria potissimum agit. Primum praedicat eis mala ipsis eventura a Judais, usque ad *ψ* 5. Deinde consolatur eos rursus contra tristitiam quam conceperant ex futuro ipsius discessu, usque ad *ψ* 29. Postremo praedicat eis futuram ipsorum signum, sequere contra illam consolatur.

### DE PRIMA PARTE.

**H**AEC loquutus sum vobis ut ne offendamini.  
1. *Moriebunt vos synagogae: imo, veniet tempus quum quisquis crucidabit vos putabit se cum prestare Deo.*

3. *Et haec facient vobis, quia non noverunt Patrem, neque me.*

4. *Sed haec loquutus sum vobis, ut quum venerit tempus illud, memineritis eorum quod ego haec dixerim vobis. haec autem vobis a principio non dixi, quia vobiscum eram.*

Verf. 1. indicat finem seu causam finalem seu denique scopum huius sermonis: significans, propositum sibi esse consolari discipulos, ac fidem eorum praemunire contra eventura scandala, ne scilicet a se deficiant.

V. 2. duo genera iniuriarum quae eis a Judais eveniturae sint, commemorat, videlicet excommunicationem & supplicium capitis: quam posterio-rem injuriam amplificat ab ad iuncta singulari ignominia, quod scilicet futurum sit, ut supplicio afficiantur tanquam homines omnium sceleratissimi ac pestes terrentissimae: quod significat ex adiuncta opinione illorum, quippe qui putaturi sint, se Apostolis occidendis singularem cultum prestare Deo.

V. 3. iniuriis istis consolationem opponit, ab illarum causa procreante: quam rursus facit ignorantiam Dei, ut supra 15. *ψ* 21. Sed hanc ignorantiam nihil facere ad illos excusandum, docuit ibidem *ψ* 22. & 24.

Verf. 4. rursus causam finalem exponit, cur eos de istis injuriis praemoneat, ut scilicet huius praemonitionis memores, non offendantur. Simul etiam causam exponit, cur non jam pridem de his praemonuerit. Causam hanc affert, quia non fuerit opus: quippe cum ipse corporaliter praesens, eos contra quasvis injurias defenderit.

### DE SECUNDA PARTE.

5. *Nunc autem abeo ad eum qui misit me, & nemo ex vobis interrogat me, dicens, Quod ab eo?*

6. *Sed quia haec loquutus sum vobis, tristitia implevit cor vestrum.*

7. *Sed ego veritatem dico vobis. Confert vobis ut ego abeam, nisi enim abiero, advocatus ille non veniet ad vos: si autem profectus fuero, mittam eum ad vos.*

- 8 Et qui venerit ille, arguet mundum de peccato & de iustitia & de iudicio.  
 9 De peccato quidem, eo quod non credunt in me:  
 10 De iustitia verò, eo quod ad Patrem abeam, & amplius nō conspicietis me:  
 11 De iudicio autem, eo quod princeps huius mundi condemnatus sit.  
 12 Adhuc multa habeo quæ vobis dicam, sed nunc non potestis portare.  
 13 Quum autem venerit ille, id est, Spiritus ille veritatis, introducet vos in omnem veritatem, non enim loquetur à semetipso: sed quacunque audieris, loquatur, & quæ ventura sunt renuntiabit vobis.  
 14 Ille me glorificabit, quia de meo accipiet, & renuntiabit vobis.  
 15 Omnia quæ habet Pater, mea sunt: propterea dixi illum de meo accepturum, & renunciaturum vobis.  
 16 Paulisper, & non conspicietis me: & rursus paulisper, & videbitis me: quia ego vado ad Patrem.  
 17 Dixerunt ergo quidam ex discipulis ejus alii ad alios, Quid est hoc quod dicit nobis, Paulisper, & non conspicietis me: & rursus paulisper, & videbitis me: & Quia ego vado ad Patrem?  
 18 Dicebāt ergo, Quid illud est quod dicit, Paulisper, in se ipsum quid loquatur.  
 19 Cognovit autem Jesus eos velle ipsum interrogare, & dixit eis, De hoc queritis inter vos quod dixi, Paulisper, & non conspicietis me: & iterum paulisper, & videbitis me?  
 20 Amen amen dico vobis, flebitis vos, & lamentabimini, mundus autem gaudebit: vos verò tristes eritis, sed tristitia vestra evadet in gaudium.  
 21 Mulier, quum parit, dolorem habet, quia venit hora ejus: quum autem pepererit puerulum, jam non meminit oppressionis, propter gaudium, quod homo sit natus in mundum.  
 22 Et vos igitur nunc quidem tristitia tenemini: sed rursus videbo vos, & gaudebit cor vestrum, & gaudium vestrum nemo tollet à vobis.  
 23 Et illo die me non interrogabitis quicquam. Amen amen dico vobis, quacunque petieritis à Patre in nomine meo, dabit vobis.  
 24 Et sique adhuc non petistis quicquam in nomine meo: petite, & accipietis, ut gaudium vestrum sit plenum.  
 25 Hæc loquutus sum vobis per similitudines: ut veniet tempus quum jam non per similitudines loquar vobis, sed aperit de Patre remanentibus vobis.  
 26 Illo die in nomine meo petetis: & non dico vobis me rogaturum Patrem pro vobis.  
 27 Ipse enim Pater amat vos, quia vos me amastis, & credidistis me à Deo prodiisse.

28 Prodiit à Patre, & venit in mundum: iterum relinquo mundum, & proficiscor ad Patrem.

Verf. 5. rursus meminit sui discessus: & exprobrat discipulis silentium, quod non interrogent quò abeat, hoc est, quod non considerent in quantam gloriam abeat. Verf. 6. exprobrat eis tristitiam, quod propter discessum suum nūmquam contristentur. Verf. 7. consolationem illi tristitiæ opponit ab effectu utili, videlicet missione Spiritus sancti. Deinceps v. 8. 9. 10. & 11. utilitates exponit, quas à Spiritu sancto percepturi sint. Commemorat autem tria Spiritus sancti effecta, quæ ille per ipsorum prædicationem effecturus sit in cordibus auditorum. Illa effecta proponit v. 8. deinde sigillatim & ordine declarat, tribus versibus sequentibus. Videtur autem huius loci, qui ab interpretibus variè exponitur, hic esse sensus. Quum venerit Spiritus sanctus, missus nimirum in Apostolos in die Pentecostes: arguet mundum.

Id est



Id est convincet impios Judæos, efficax nimirum per prædicationem Apostolorum: Arguet inquam illos primum *de peccato*, eò quod non crediderint in Christum, seri doctrina ejus contempta eum tanquam impium ac blasphemum occiderint: quem scilicet tunc sentient regnare in cælo: quippe è quo miserit Spiritum sanctum in Apostolos, eosque mirabili dono linguarum & a miranda profusius atque invicta alacritate & libertate dicendi instruxerit ad testandum de Christo. Agnoscent igitur, in conscientiis suis convicti à Spiritu sancto per prædicationem Apostolorum, se gravissimè peccasse, quod non crediderint in Christum, sed eum potius, qui dux est vitæ, interfecerint. Hoc impletum legimus Act. 2. v. 37. ubi auditis iis quæ dicta fuerant à Petro, nempe ipsos Christum innocentem atque adeo filium Dei occidisse: illum verò ex mortuis resurrexisse, evectum esse dextera Dei in cælum, atque inde Spiritu sanctum ejus effecta coràm sentiant, effudisse: his inquam à Petro auditis compuncti sunt corde, & dixerunt ad Petrum ac reliquos Apostolos, Quid faciemus viri fratres? Quibus verbis certè peccatum suum, nempe incredulitatem ac inde ortum homicidium, agnoscent: quippe cum solliciti sint quid sibi agendum sit, ut hujus tanti peccati reatu liberentur. Atque hoc primum est Spiritus sancti effectum. Deinde arguet idem Spiritus mundum *de justitia*, nempe de justitia atque innocentia Christi, hoc est, convincet eos, Christum quem tanquam blasphemum ac seductorem occiderant, fuisse iustum & innocentem. Hoc autem ex eo agnoscent, quod intelligunt eum ivisse ad Patrem, hoc est, ex mortuis resurrexisse, ascendisse in cælum, confedisse ad dexteram Patris, atque illic potenter regnare, & ad finem usque mundi regnaturum: quippe quum inde miserit Spiritum sanctum in Apostolos, posthac non amplius corporaliter cum eis in hoc mundo versaturus. Hoc ipsum impletum quoque est in illo ipso exemplo, quod modò allegavimus ex Actis, nam Judæi illi, sicut suum peccatum agnoverunt, quod in Christum non crediderint, se l eum interfecerint: ita simul agnoverunt justitiam seu innocentiam Christi. Atque hoc secundum effectum Spiritus sancti est. Tertium & postremum est, quod arguet mundum *de judicio*, hoc est, convincet Judæos ut agnoscant Christum constitutum esse à Patre judicem Diaboli & omnium illi adhaerentium. Hoc autem intelligent ex eo, quod princeps hujus mundi, id est, Diabolus jam ab eo *judicatus sit*, hoc est foras e cæcis (sup. 12. vers. 31.) & per mortem ipsius abolitus, adeo ut amiserit mortis imperium, ac proinde non possit posthac terrere miseros peccatores qui in Christum credunt, Heb. 2. v. 14. & 15. quippe quum contra jus Christum per sua organa occiderit. (sup. 14. v. 30.) atque ita ei per mortem dominatus sit ad tempus, nempe usque dum Christus ex mortuis resurrexerit, Rom. 6. v. 9. Et hoc quoque tertium effectum Spiritus sancti impletum est in jam commemorato exemplo in die Pentecostes. quippe Petrus hoc Christi judicium & dominationem ad dexteram Patris diserte prædicaverat, citato Psal. 110 ubi David ait, Dixit Dominus domino meo, sede ad dexteram meam usque dum ponam inimicos tuos scabellum pedum tuorum. Ex his verbis utique intellexerunt Judæi illi, Christum constitutum esse judicem mundi: qui ut jam per mortem suam Diabolum principem mundi aboleverit, adempto ei imperio in credentes: ita aliquando, nempe in die extremi judicii, eum unam cum omnibus illi adhaerentibus, æternis suppliciis sit adjudicaturus. In summa, tria hæc quæ Christus Spiritum sanctum prædicit effecturum, impleta atque effecta sunt in die Pentecostes in concione illa Petri Act. 2. Nam Petrus de tribus his diserte testabatur: de peccato inquam Judæorum,

rum, de iustitia seu innocentia Christi, deque ejusdem iudicio ac dominatione. De peccato Judæorum dicebat, Eos manibus sceleratis Christum cruci affixum interemisisse, versu 23. & 26. Hoc autem homicidium conjunctum fuit cum incredulitate: de qua hic ait Dominus, *Eo quod non credunt in me*, quippe ex incredulitate homicidium istud fuit profectum: nam certè si in Christum credidissent, nunquam eum tanquam hominem impium interfecissent. Jam de iustitia seu innocentia Christi agebat Petrus, Jesum illum Nazarenum quem interemerint, esse virum à Deo approbatum apud ipsos præstantibus factis & miraculis & signis, quæ per eum Deus ediderit in medio ipsorum, versu 22. Postremò de iudicio Christi ac dominatione dicebat: Quem Deus excitavit solum doloribus mortis, eo quod impossibile erat ipsum ab ea retineri, versu 24. item, David præcius locutus est de resurrectione Christi, non derelictum esse apud inferos animam ejus, ne per carnem ejus sensisset corruptionem, V. 31. Et mox, Hunc Jesum excitavit Deus: cujus rei omnes nos (scilicet Apostoli) sumus testes. Itaque dextera Dei evectus, & promissum Spiritum sanctum adeptus à Patre, effudit hoc quod vos nunc spectatis & auditis. Neque enim David ascendit in cælos: sed dicit ipse, Dixit Dominus Domino meo, Sede ad dexteram meam, usque dum ponam inimicos tuos scabellum pedum tuorum. Tandem concludit: Certe sciat ergo tota domus Israël, hunc esse factum à Deo dominum & Christum, V. 32. 33. 34. 35. & 36. Atque hoc erat testimonium Petri de Judæorum peccato, de iustitia Christi, deque ejusdem iudicio. Huic autem testimonio Judæi illi per efficaciam Spiritus sancti crediderunt: quippe qui eos de his rebus arguebat & convincebat: adeo ut compungerentur corde & exclamarent, Quid faciemus viri fratres?

V. 12. Relicet pleniorẽ doctrinæ institutæ expositionem: & huius reiectionis causam exponit, videlicet discipulorum imbecillitatem: ut qui præ merore non poterant doctrinam Domini assequi. Nec verò nomine *multorum* quæ Christus hic discipulis dicere noluit, intelligi possunt dogmata non comprehensa se totis Apostolorum: quum certum sit eos de multis illis, quorum commemorationem Dominus hic omisit, edoctos esse à Spiritu sancto, & illa ipsa fideliter suis scriptis mandavisse, ut ad posteritatem transmitterent. Nequaquam verò intelligi possunt dogmata scriptis Apostolorum contraria, aut nugæ ceremoniarum Papisticarum.

V. 13. Imbecillitati discipulorum consolationem opponit, nescium eis promittens Spiritum sanctum: qui eos plenè de mysterio salutis sit edocturus: & hanc doctrinam Spiritus sancti commendat ab adjuncta veritate: cuius authorem facit Patrem: item commendat eam ab adjuncta claritate, quam significat verbo *ἀποφαιέι*, renuntiabit. Porro *futurorum* nomine intelligit futurum regni sui spiritualis statum: qualem paulò post resurrectionem ejus Apostoli viderunt: sed tunc comprehendere nullo modo poterant.

V. 14. commendat doctrinam Spiritus sancti ab effectu, videlicet glorificatione sui, nempe Christi: & huius rei causam impulsivam exponit, quod nimirum doctrinam suam accepturus sit ab ipso. Glorificat autem Spiritus sanctus Christum, quando per prædicationem Evangelii testimonium ei reddit, quod ipse sit filius Dei & unicus Servator mundi maxime verò quando per hoc testimonium est efficax, efficiens nimirum, ut multa hominum millia in Christum credant, eumque dominum ac Salvatorem suum profiteantur: quæ res ad gloriam Christi cum primis pertinet. Vide promissionis hujus complementum. Act. 2. V. 41. ubi uno die unica concione Petri ad fidẽ  
Christi

Christi conversi sunt circiter ter mille. Item *V. 47* Dominus addebat quotidie Ecclesie. Item cap 3 *V. 13. 14. 15. & 16.* ubi Petrus Christum autorem prædicat claudi suâ opera sanati. Item cap. 4. *V. 4.* multi eorum qui audierunt sermonem Petri, quo Christum prædicavit autorem sanati claudi, crediderunt: adeo ut numerus discipulorum fieret circiter quinquages mille.

*V. 15* per prolepsin docet, cur dixerit, Spiritum sanctum doctrinam suam accepturum ab ipso: unde ipsius cum Patre æqualitas atque adeo essentialis unio perspicitur.

*V. 16.* brevis & subobscuris verbis duo prædicit: primum suam mortem, deinde suam resurrectionem. De morte ait, *Paulisper & non conspicietis me*, hoc est, post paululum temporis non conspicietis me: quia scilicet crastino die crucifixus recondar in sepulchro. De resurrectione ait, *Et rursum paulisper & videbitis me* hoc est, Post paululum temporis, nempe tertio die, rursum videbitis me: quia tum ex morte resurgam, meque vobis ostendam. Quod autem dicit, *quia ego vado ad patrem*: synecdochica locutio est: q. d. Quia resurgam ex mortuis, ut post aliquot dies ascendam ad patrem in celum. Antequam autem ascenderet, conversatus est cum discipulis per 40. dies Act. 1. *V. 3.*

*V. 17. & 18.* Evangelista commemorat discipulorum sollicitudinem de intelligendis prædictis Domini verbis.

*V. 19* narrat quomodo eos aliquando interrogaturus Dominus antevererit.

*V. 20.* Dominus verba sua declarat, sed ita ut non aperte mortem suam & resurrectionem nominet: sed ex effectibus utranque innuat; mortem quidem, ex discipulorum fletu & lamentatione & tristitia, mundique (id est impiorum Judæorum) gaudio: resurrectionem verò, ex gaudio discipulorum.

*V. 21.* tristitiam illam discipulorum ex morte ipsius eventuram, simulque gaudium eventuram ex sua resurrectione, illustrat & amplificat simili. Comparat enim tristitiam discipulorum cum dolore mulieris parturientis: contra gaudium eorundem comparat cum gaudio mulieris ob infantem quem peperit.

*V. 22.* similitudinem illam ad discipulos accommodat: & resurrectionem suam atque ostensionem sui promittit: simulque gaudium discipulis inde eventurum, amplificat partim à magnitudine, partim ab æternitate.

*V. 23.* ruditati eorum aliam consolationem opponit: promittit enim eis intelligentiæ lucem; quam innuit ex effectibus; quia non sint ipsum interrogaturi. scilicet ut paulo ante volebant interrogare, quum non possent assequi Domini sermonem: sup. versu 17 & 18. Nam quod Act. 1. versu 6. post resurrectionem interrogant, Domine num hoc tempore restitues regnum Israël? interrogatio illa non fuit de verbis Domini non intellectis: sed de impletionem Scripturæ. Alii tamen hanc promissionem referunt ad illud tempus quo Apostoli jam acceperant Spiritum sanctum in die Pentecostes. Sed coherentia sententiarum istam expositionem non videtur admittere. nam verba hæc, *Illo die*, non videntur posse aliò referri quàm ad id tempus cuius modò fecerat mentionem: fecerat autem mentionem ejus temporis, quo post resurrectionem sese ostendit discipulis, cumque eis conversatus est per quadraginta dies, hoc enim tempus significatur istis verbis, *Rursum videbo vos*, v. 22 & istis, *Et rursum paulisper & videbitis me quia ego vado ad Patrem*, *V. 16.* Nisi dicamus verba illa, *Illo die*, referri quidem ad quadraginta illos post resurrectionem Domini dies, sed ita tamen ut tempus consequens non excludant,

excludant, sed synecdochicè simul comprehendant. De quo quidem tempore omnino intelligenda est promissio, quæ proximè sequitur. Nam ad sententiam præcedentem confirmandum promissionem subiungit ex auditione precum, ut doceat, unde & quomodo lucem illam intelligentiæ adepturi sint, nimirum à Deo Patre cælesti per preces fundatas in fiducia ipsius, tanquam mediatoris.

V. 14. promissionem modò propositam illustrat antithesi, qua superiorem Apostolorum statum consecuturo opponit: negans, eos hæcenus quicquam à Patre in suo nomine petivisse. Non quòd non invocarint Deum ex legis præscripto, ex fiducia mediatoris venturi: sed quòd nondum attenderent, ipsum esse hunc Mediatorem. Nec mirum: quum ipse nondum esset officio mediatoris perfunctus, nam necdum seipsum ad expiandum populi Dei peccata in sacrificium obtulerat, nec cælestis sanctuarium ingressus erat. Quoniam autem hæc certò facturum erat: hortatur eos ad petendum, nempe ad petendum à Patre lucem intelligentiæ, ad intelligendum mysteria regni cælorum, idque fiducia sui tanquam mediatoris: ac promittit, eos exaudiri: quod significat expositione effecti, videlicet gaudii illius veri ac solidi, quod ex mysteriis regni Dei intellectis oritur.

V. 25. consolationem præcedentem, qua eis promissit intelligentiæ lucem, repetit: & antithesi illustrat: qua illi præsentem ipsorum ruditatem opponit. Quòd autem ait, se eis locutum per similitudines, perinde est ac si diceret, sermonem suum eis fuisse obscurum ac difficilem ad intelligendum; non quòd talis fuerit in se: sed quòd illis talis visus sit propter ipsorum ruditatem. Tempus autem claræ intelligentiæ quod hic promittit, cæpit post ipsius resurrectionem, ut videre est Act. 1. 3. deinde completum est post missum Spiritum sanctum in die pentecostes.

V. 26. rursum monet, unde & quomodo illam intelligentiæ lucem consecuturi sint, nempe à Deo per preces in ipsius nomine, h. e. ipsius tanquam mediatoris fiducia conceptas. Hanc autem sententiam amplificat correctione, negans se pro eis Patrem rogaturum, quod tamen non simpliciter negat; supra enim cap. 14. V. 16. contrarium affirmavit; sed tantum significat, Patrem sua sponte eos diligere (sicut declarat V. 26.) adeò ut intercessione sua non sit opus, nempe ad hoc ut eis primum Patris gratiam conciliet. Quòd autem Pater eos diligit, probat ex effectu, videlicet dilectione ipsorum & fide erga Christum. Nisi enim Pater eos diligeret, fidem hanc eis non donasset. Quare cum ait, *Pater vos amat, quia vos me amastis*; non vult causam indicare amoris Patris erga ipsos; sed argumentum ab effectu sumtum, unde amorem Patris erga se possint perspicere. Simile est illud dictum Christi de muliere peccatrice ad Simonem Phariseum; Huic multa peccata remissa sunt: quia dilexit multum, Luc. 7. 47. Porro fidem Apostolorum describit ex objecto per synecdochem, ubi ait, *Credidistis me à Deo prodisse*; Quam sententiam vers. 28. asseveratione confirmat, & pluribus verbis exponit; docens, & qualis persona sit, & quod officium gerat; nempe se esse filium Dei qui missus à Patre, exivit à cælesti illa gloria, & venit in mundum, assumendo naturam humanam, ut in illa patiens ac moriens, satisfaceret pro peccatis electorum, & ex mortuis resurgens ascenderit in cælum, ibique locum pararet iis quos morte sua redemisset.

#### DE TERTIA PARTE.

29 *Dicunt ei discipuli ejus, Ecce, nunc aperte loqueris, nec similitudinem vltam dicis:*

30. Nunc scimus te scire omnia, nec opus esse tibi ut quis te interroget: per hoc credimus te à Deo produsse.

31. Respondit ei Jesus, Nunc creditis:

32. Ecce, venit tempus, & jam venis, quum dispergemini unusquisque ad sua, neque solum relinquetis: sed non sum solus: nam Pater mecum est.

33. Hec loquutus sum vobis ut in me pacem habeatis, in mundo oppressionem habebitis: sed confidite, ego vici mundum.

V. 29 & 30. narrat Evangelista occasionem istius prædictionis qua Dominus discipulis prædixit ipsorum fugam ac desertionem sui. Ea occasio fuit professio fidei, qua professi sunt se credere in Dominum.

V. 32. fugam prædicit, seque contra illam consolatur à præsentia Patris.

V. 33. sermonem hunc concludit, finem seu scopum illius repetens, nempe ut discipuli consolationem habeant in ipso; deinde futuras calamitates rursum prædicens, fore scilicet ut à mundo affligantur, postremo consolationem opponens, quòd ipse mundum vicerit, ita nimirum ut Diabolus & tyranni non possint æternam ipsorum salutem quicquam lædere.

## SCHOLIA IN CAP. XVI.

2. Movebunt vos synagogi. Vide suprà cap. 9. V. 22. *Ἰμὸ, ἀλλὰ*. Pro, *ἀλλὰ* &c. Sed & : quod plus est. *Ἐνιέρηται* tempus quum, & c. *ἔρχεται ὁ πατήρ*, &c. Vel, Veniet tale tempus, ut quisquis trucidabit vos, putaturus sit, &c. Nam conjunctio *ἵνα* videtur poni eiὐκείῃ, ut capite superiore aliquoties: nempe vers. 8. 12. 13. 17.

4. Quia vobiscum eram. *ὅτι μετ' ὑμῶν ἦμην*. Perinde loquitur ac si jam cum eis non esset: quia paulo post discessurus erat, ut ipse declarat V. seq.

5. Es nemo. *καὶ ἐγὼ εἰς*. Id est, Et tamen nemo.

8. Arguet mundum de peccato, &c. Hujus loci expositionem vide in Analysi. *ἰλεῖ* &c. Arguet. Id est, Convinceat.

16. Conspicietis. *ὁραήσετε*. Pro, *θεωρήσετε*: ut & suprà V. 10.

20. Mundum, ὁ κόσμος. Id est, impii.

21. Dolorem. *λύπην*. Vel tristitiam: ut versu præcedente. *ἡ ὥρα αὐτῆς*. Tempus ei decretum à Deo ad pariendum. *Quum pepererit ὅταν γενήσῃ*. Genere, generare seu gignere, pro *τίλει*, parere, per catachresin. Sic Matth. 2. V. 1. & 4. *puerulum*, τὸ παιδίον. Græcum nomen utriusque sexui convenit. *Jam non. ἔτι*. Non amplius. *Oppressionem. τῆς θλίψεως*. Id est, cruciatum quem sensit in pariendo.

22. Tristitia tenemini. *λύπην ἔχετε*. Vel, dolorem habetis, ut versu præcedente. *Tollit. αἶψα*. Pro, *αἶψα*.

25. Per similitudines & παροιμίας. Propriè *παροιμία*, proverbium significat: proverbium autem fere constant similitudinibus. Est igitur sine doche species. Ab aliis Evangelistis vocantur *παροιμαὶ*. Istud autem nomen hoc sensu à Johanne usupari, liquet ex cap. 10. V. 6. ubi *παροιμία* nominat similitudinem illam Domini de caula ovium. Et sic Hebræi proverbium nominant *חֲסוּד* quo verbo significatur similitudo. *Jam non. ἔτι*. Non amplius. *Απερὲς. παρρησία*. Sic infrà V. 29. Sic sup. cap. 10. V. 24 & cap. 11. & 14. item Marc. 8. V. 32.

26. Rogaturum. *ἰερωτιώσω*. Ut sup. cap. 14. V. 16. Pro vobis. *ἀπὸ ὑμῶν*. Id est, *ἀπὸ ὑμῶν*. Sic Matth. 26. V. 28. τὸ ἀπὸ πολλῶν ἐκινυρόμενον.

28. Relinquo mundum. *ἀφίημι τὸν κόσμον*. Utique corpore. Quare corpus

Christi jam non est in hoc mundo, sed extra hunc mundum, nempe in tertio illo cælo.

39 *Nec opus esse tibi. κὶ ἔχεται ἔχεις.* Repetendum ὅτι ex præcedente membro: quasi dicatur, κὶ ὅτι ἔχεται ἔχεις. *Per hoc. ἐν τούτῳ.* Pro, διὰ τούτου, Hebraïsmus.

31 *Nunc creditis: ἀπὶ πιστεύετε.* Interrogatio significationem habet miserendi simul & reprehendendi inanem jactantiam. quasi dicat, Ah vos miseros: qui vobis videmini aded constanter in me credere, &c.

32 *Es jam vēnis. κὶ οὖν ἐλήλυθον.* Vel, Imò jam vēnit. Nam est concessio. *Quum dispergemini. ἵνα σκορπισθῆτε.* Vel potius sic vertendum: Veniet tale tempus, & jam vēnit, ut dispergamini, ut suprā *ψ. 2.* Nam, ὅτι, Conjunctio causalis, id est, quia causa seu ratio exponitur ejus quod dictum est, è quocunque argumenti genere illa ratio sit desumpta. Quod diligenter notandum est propter locum illum *Luc. 7. ψ. 47.* de muliere peccatrice. Remissa sunt peccata ejus; nam dilexit multum. ὅτι ἠγάπησεν πολὺ. quo loco Papistę abutuntur, quasi dilectio nostra causa sit qua Deus moveatur ad remittendum nobis peccata. Cui errori occasionem præbuit vetus interpres, qui vertit; Quoniam dilexit multum.

33 *In me. ἐν ἐμῷ.* quatenus in me confiditis.

## OBSERVATIONES LOCORVM

## DOCTRINÆ EX CAP. 16.

1. Ex *ψ. 2. 3. 4. 20. 21. 22. 24. & 33.* Sinceri cultores Dei, quum propter confessionem doctrinæ Evangelii persecutionem à Pontificiis & aliis patiuntur; consolentur se his rationibus, quod similis persecutio acciderit sanctis Christi Apostolis, vers. 2. 3. 10. & 33. quod persecutio ista proficiat ex superflitione seu falsa de cultu Dei persuasionem, atque adeo ex Dei ignorantia, *ψ. 2. & 3.* quod à Christo prædicta sit, vers. 4. quod tristitia ipsorum evasura sit in gaudium, & quidem gaudium constans ac plenum, *ψ. 30. 22. & 24.* quod in media persecutione pacem habituri sint in Christo, id est fruituri sint tranquillitate conscientia ex certa persuasionem dilectionis Dei erga se in Christo, *ψ. 33.* [De hac pace loquitur & Paulus *Philip. 4. ψ. 7.* Pax Dei quæ superat omnem intellectum, &c.] denique quod Christus mundum vicent, ita ut lædi ab illo non possint, quantum quidem ad æternam salutem attinet, *ψ. eod.*

11. Ex *ψ. 5. 7. 16. & 28.* Christus per suum in cælos ascensum verè ex hoc mundo abiit, videlicet corpore suo. quare errant, qui putant, corpus Christi substantialiter latere in pane sacrae cœnæ; longè magis autem, qui opinantur, corpus Christi esse ubique.

111. Ex *ψ. 7. 14. 15. 28. & 33.* Christi deitas confirmatur his argumentis, quod misit Spiritum sanctum in Apostolos, *ψ. 7.* quod Spiritus sanctus ab eo accepit sapientiam illam arcanam atque cœlestem quam renuntiavit Apostolis, *ψ. 14.* quod Christus & sapientiam illam & omnia, cum Deo Patre habet communia, nempe omnia quæ ad naturam atque essentiam Dei pertinent, *ψ. 15.* quod à Patre exivit & in mundum vēnit, nempe per incarnationem, *ψ. 28.* quod mundum vicit, nempe divini sui potentia, *ψ. 33.*

IV. Ex *ψ. 7. 8. 9. 10. 11. & 13.* Spiritum sanctum esse verum Deum, & esse personam à Patre & Filio distinctam, probatur his argumentis. Est *παράκλητος*, id est, advocatus, qui electorum cordibus inspirat vivam consolationem



solationem qua superent omnes tentationes. hoc autem efficere, est certæ personæ, & est Dei proprium. Mittitur à Christo, vers. 7. item à Patre, suprâ cap. 14. v. 26. Ergo est persona à Patre & Filio distincta. Est spiritus veritatis, qui deduxit Apostolos in omnem veritatem, id est veritatem cœlestem de æterna salute per Christum efficaciter eis persuasit, vers. 13. hoc autem efficere, Dei proprium est. Denique convicit Judæos in die pentecostes per prædicationem Petri, de peccato suo quod in Christo trucidando admisserant: item de Christi ad supplicium ab ipsis rapti iustitia atque innocentia: denique de Christi ex mortuis excitati & in cœlum ad dexteram Patris evecti divina auctoritate judicandi, atque adeo de diabolo jam per ipsum judicato. Hæc convictio, divinæ potentie opus fuit.

v. Ex v. 32. Si acciderat nos in necessitatibus deferi ab amicis: consolemur nos exemplo Christi, cui idem accidit ab Apostolis: & hac fide, quod Deus semper nobiscum sit, qui nos nunquam sit deserturus, sed consolatione sui spiritus perpetuo sustentaturus, suæque divina potentia protecturus. Confer exemplum Pauli 2. Tim. 4. v. 16, 17. & 18.

## ANALYSIS CAP. XVII.

### ARGUMENTUM.

Capite decimosextimo continetur precatio Domini nostri Jesu Christi, quam habuit tanquam populi Dei summus sacerdos. quum suum ipsius corpus paulo post in ara crucis oblaturus esset: qua & seipsum & populum suum Patri commendat. Habet autem precatio hæc tres partes. Primum enim orat pro seipso, usque ad vers. 6. Deinde pro discipulis, id est undecim Apostolis, à v. 6. usque ad 20. Postremo pro reliquis electis, qui per doctrinam Apostolorum credituri erant usque ad finem mundi.

### DE PRIMA PARTE.

**H**ÆC loquutus est Jesus, & sustulit oculos suos in cœlum, dixitque, Pater, venis bona illa, glorifica Filium tuum, ut & Filius tuus glorificet te:  
2 Sicut dedisti ei auctoritatem in omnem carnem, ut quosquos dedisti ei, det ei vitam æternam.

3 Hæc est autem vita æterna, ut cognoscant te illum solum verum Deum, & quem misisti Jesum Christum.

4 Ego te glorifica vi in terra: opus consummavi quod dedisti: mihi ut facerem.

5 Nunc igitur glorifica me tu Pater apud semetipsum ea gloria quam habui apud te prius quam mundus esset.

In prima precationis parte petit à Patre glorificati. Rationes petitionis offert quatuor: primam, quia sit filius ejus: secundam, ut vicissim possit glorificare Patrem: tertiam, ut possit vitam æternam dare electis: postremam, quia fideliter functus sit officio docendi mandato sibi à Patre, iamque paratus sit ad poragendum sacrificium itidem à Patre sibi mandatum.

V. 1. Evangelista transitionem facit à superiore sermone ad hanc precationem: ubi simul gestum precantis commemorat. Deinde sequitur precatio: ubi Christus primum præfatur, inquiens, Pater veni bona illa. hæc præ-

fatiguecula continet occasionem precationis, videlicet instantem passionem Domini & mortem. Deinde proponit petitionem, *Glorifica filium tuum*, ubi nomen glorificationis comprehendit resurrectionem Domini ac ascensionem in celum, sessionem ad dexteram Patris & reditum ad iudicandum vivos & mortuos. Continetur autem in ipsa petitione ratio petitionis prima, ubi ait; *Filium tuum*, id est me qui sum filius ille tuus unigenitus & unice dilectus, hæc ratio sumpta est à causa impulsiva: etenim amor impellit ad benefaciendum ei quem quis amat.

Potè antequam ad secundam rationem explicandam progrediamur; observandum est, gloriam hanc, qua Christus se petit glorificari, partim ad naturam ejus humanam, partim ad divinam pertinere, orat enim ut Mediator. Et ad humanam quidem naturam pertinent hæc: Corporis excitatio à mortuis, & glorificatio, ascensio in celum, sessio ad dexteram Patris, plena autoritas super omnia. Ad divinam naturam pertinet illius patetfactio, nam per resurrectionem ex mortuis declaratus est filius Dei, Rom. 1. vers. 4. Petit igitur ut deitas sua patefiat orbi, & per totum illustretur mundum, hoc est, ut cognoscatur quis sit: nempe non solum iustus & innocens homo, sed verus Dei filius, eoque verus Deus & totius mundi servator: qui corporis sui sacrificio per Spiritum suum æternum oblato, mundi peccata expiant: & proinde ut pro tali ab omnibus electis fide recipiatur & colatur. Deinde annectit secundam petitionis rationem; *Pater & Filium tuum glorificet te*, hæc ratio sumpta est à fine. Non potuisset enim Christus Patrem glorificare, nisi ipse prius à Patre fuisset glorificatus. Ut enim veritas Patris clucesceret, oportuit eum præstare quod promiserat: promiserat autem filio glorificationem, Psal. 110. Sede ad dexteram meam, donec ponam, &c. Psal. 2. Postula à me, & dabo tibi gentes hæreditatem: & possessionem tuam fines terræ. Sic alibi passim. Deinde ex glorificatione Christi clucescit potentia Patris, qui eum excitavit è mortuis.

V. 2. sequitur tertia ratio, quæ est, ut det vitam æternam electis. hæc ratio similiter à fine sumpta est. non potuisset autem Christus vitam æternam dare electis, nisi fuisset à Patre glorificatus. Nisi enim excitatus fuisset ex morte: electi, quorum peccata Pater in eum coniecerat, adhuc in suis peccatis essent. 1. Cor. 15. 17. non enim haberent testimonium, quod pro suis peccatis morte Christi sit satisfactum. Ubi autem peccatum, ibi non habet locum vita æterna, sed mors. Deinde nisi ascendisset in celum: non compareret in ecclesiis illo sanctuario coram facie Patris, ad gratiam illius erga electos perpetuo conservandum: ex qua gratia vita æterna fluit. Præterea nisi cõscedisset ad dexteram Patris, non potuisset inde mittere Spiritum sanctum in Apostolos, eosque instruere necessariis donis ad Evangelium omnibus populis prædicandum: perq; illam prædicationem efficere fidem in electis, sine qua ut remissio peccatorum, ita etiam vita æterna non obtinetur. Postremò nisi rediturus esset ad iudicium; non posset electos introducere in celum, & ad se assumere, ad persuendum plenè vita æterna. Hæc tertia ratio superiori annexa est, tanquam illius confirmatio, nam salus electorum ad gloriam Dei tanquam summum finem dirigitur, ait enim; *Sicut dedisti ei potestatem omni carni, ut quosquos dedisti ei, des ei vitam æternam*, ubi observandum, particulam *ut*, id est, habere vim particulæ causalis *quia*. Quem admodum exponi potest etiam sup. 15. 12. Potè istis verbis simul causam impulsivam notat, videlicet voluntatem & mandatum Patris; qui scilicet velit, ut Christus vitam æternam det electis, & hoc ipsum ei mandat, quasi

quasi dicat. Cupio glorificare te, obediendo voluntati & mandato tuo in hoc, ut vitam æternam dem electis: Ergo ut hoc possim præstare, tu me prius glorifica. Nomine *ignis* intelligit potestatem seu auctoritatem regiam, seu jus gubernandi tum mundum universum, tum præcipuè electos. Carnis vocabulo intelligit homines. Sicut hæc vox accipitur in illo dicto Esaia, Omnis caro fœnum. Item in illo dicto Genes. Omnis caro corrumperat vitam suam. Electos describit ab adjuncto mandato Patris, quicquid eis dedit Christo cum hoc mandato, ut eis det vitam æternam, primum quidem promerendo eis remissionem peccatorum sua morte, deinde verò efficiendo in eis fidem vivam per prædicationem Euangelii & Spiritum sanctum.

V.3. declarat, quomodo electis daturus sit vitam æternam, nempe dando eis cognitionem Patris & sui, per prædicationem scilicet Euangelii & Spiritum sanctum. ait igitur. *Hæc est autem vita æterna*, id est, hæc in re consistit vita æterna electorum, seu hinc pendet: *ut cognoscant te, illum solum verum Deum, & (ut cognoscant) eum quem misisti, nempe Jesum Christum*. Ubi observandum, cum Christus Patrem vocat illum Deum qui solus verus Deus est: non excludere à Deitate seipsum & Spiritum sanctum, sed tantum deos falsos, fictitios, commentitios. Deinde observandum, cum cognitione Patris conjungi cognitionem Filii tanquam mediatoris: quia Pater non nisi in Filio tanquam mediatore rectè cognoscitur: sup. 14. v. 7. & 7. Similem locum vide. 1. Corin. 8.6. Præterea notandum, intelligi hic cognitionem talem quæ cum fide seu fiducia conjuncta est. Qui enim Deum agnoscit in Christo tanquam mediatore, is utique agnoscit cum pro Patre suo, sibi per Christum reconciliato, ac proinde eo tanquam Patre confidit.

V.4. sequitur quarta petitionis ratio: quia officio à Patre sibi inuncto fideliter functus sit, & jam amplius fungi paratus sit. Functus quidem erat officio Prophetæ, in docendo Euangelio:ungebatur eo ipso tempore officio summi sacerdotis in orando pro populo: Et mox functurus erat officio præcipuo summi sacerdotis in offerendo suo corpore in sacrificium expiatorium pro peccatis electorum, ubi observandum, mandato Patris cujus hic fit mentio, tacite includi promissionem. Ita enim mandaverat Pater Filio officium summi sacerdotis fungendum in terra in summa humilitate, ut simul ei promitteret, se eum officio in terris cum summa humilitate peracto, exaltaturum in cælum, ut ibi porro in summa gloria fungeretur & summi sacerdotis officio, comparando in cælesti sanctuario pro electis: & præterea officio regis, in gubernando tum mundo universo, tum præcipuè Ecclesia electorum per verbum Euangelii & Spiritum sanctum.

V.5. hanc precectionis partem concludit, & petitionem repetit, pluribusque verbis declarat; diserte petens, ut Pater gloriam suam (nempe ipsius Christi) deitatis patefaciat.

DE SECUNDA PARTE.

6 *Pater feci nomen tuum hominibus quos dedisti mihi selectos à mundo, ut eam, & mihi eos dedisti, & sermonem tuum servaverunt.*

7 *Nunc noverunt, omnia quæ dedisti mihi, à te esse.*

8 *Quia verba quæ tradidisti mihi, tradidi eis: & ipsi receperunt ea, & verè noverunt me à te prodisse, & crediderunt me à te missum esse.*

9 *Ego pro eis rogo: non pro mundo rogo, sed pro iis quos dedisti mihi, quia tui sunt.*

- 10 *Et mea omnia, tua sunt, & tua mea sunt: & glorificatus sum in eis.*  
 11 *Et non sum amplius in mundo, sed isti sunt in mundo, ego autem ad te venio. Pater sancte, serva eos per nomen tuum, quos dedisti mihi, ut sint unum prout & nos.*  
 12 *Quum essem cum eis in mundo, ego servabam eos per nomen tuum: quos dedisti mihi, ego custodiavi, & nemo ex eis perivit, nisi filius ille perditionis: ut Scriptura impleatur.*  
 13 *Nunc autem ad te venio, & hac loquor in mundo, ut habeant gaudium meum plenum apud se.*  
 14 *Ego tradidi eis sermonem tuum, & mundus eos odio habuit, quia non sum ex mundo, prout & ego non sum ex mundo.*  
 15 *Non rogo ut tollas eos à mundo, sed ut serves eos à Maligno illo.*  
 16 *Ex mundo non sum: sicut & ego non sum ex mundo.*  
 17 *Sanctifica eos tua veritate: sermo tuus veritas est.*  
 18 *Sicut me misisti in mundum, ita & ego misi eos in mundum.*  
 19 *Et pro eis sanctifico meipsum, ut sint & ipsi sanctificati per veritatem.*  
 In secunda parte hujus precationis orat Dominus pro undecim Apostolis, eosque Patri commendat. Petit autem ut Pater eos servet à malo, id est Diabolo. V. 11. & 15. usque eos sanctificet: id est Spiritu: S. donis instruat ad munus Evangelii prædicandi constanter & cum fructu surgendum, V. 17. Rationes prioris petitionis affert septem. 1. quod patrescent eis nomen Patris, nempe ex ipsius mandato. 2. quod Pater eos elegerit à mundo, sibi que tanquam proprios vendicavit. 3. quod eos dederit, id est commiserit ipsi, nempe instituendos & servandos. 4. quod sermonem Patris servarint, h. e. fide receperint & vitam ex eo constituerint. Hæ quatuor rationes continentur omnes versu sexto. Deinde V. 7. & 8. prima & quarta ratio repetuntur, & pluribus verbis declarantur.

V. 9. petitionem proponit, sed in genere & indefinite: & eam sententiam illustrat antithesi, qua opponit Apostolis mundum, id est, reprobos: simulque repetit rationem tertiam & secundam. V. 10. confirmat rationem secundam & tertiam; & quintam rationem attexit, nempe quod glorificatus sit in eis, videlicet per fidem & confessionem eorum. Versu 11. sextam rationem affert: quia eos in mundo relicturus sit, inter medios scilicet hostes: & petitionem primam specialiter proponit. V. 12. per prolepsin causam exponit, cur non ante hoc tempus Apostolos patrocinio Patris commendaret: eaque occasione fidem suam in eis custodiendis commemorat: simulque causam exponit interitus Judæ proditoris. V. 13. causam finalem exponit, cur hanc precationem audientibus Apostolis habeat. V. 14. septimam rationem affert, quia mundo exosi sint. V. 15. petitionem repetit, & antithesi illustrat, pleniusque exponit. V. 16. repetit septimam rationem. V. 17. addit alteram petitionem, eamque declarat. V. 18. rationem affert illius petitionis. V. 19. alteram ejusdem petitionis rationem adjungit.

## DE TERTIA PARTE.

- 20 *Non tantum autem pro istis rogo, sed & pro iis qui per sermonem eorum crediderunt: sunt in me:*  
 21 *Ut omnes unum sint, sicut tu Pater in me, & ego in te, ut & ipsi tui nobis unum sint: ut credat mundus me à te missum esse.*  
 22 *Et ego gloriam quam dedisti mihi, dedi eis: ut sint unum, sicut & nos unum sumus.*  
 23 *Ego in eis sum, & qui in me: ut sint consummati in unum, & ut cognoscat mundus*

*mundus me à te missum esse, & que eos diligere sicut me dilexisti.*

24 *Pater, quos dedisti mihi, velim ut ubi sum ego, & illi sine mecum: ut conspiciant gloriam illam meam quam dedisti mihi, quia dilexisti me, ante facta mundi fundamenta.*

25 *Pater iuste, mundus te non novit: ego autem te novi, & hi noverunt me à te missum esse.*

26 *Es notum ipsis feci nomen tuum, & notum faciam: ut charitas qua dilexisti me, sit in eis, & ego sum in eis.*

In tertia parte orat Dominus pro reliquis electis, qui ab illo tempore usque ad finem mundi erant futuri. Hos  $\Psi$ . 20. describit ex proprio adjuncto, nimirum fide: simulque instrumentum indicat, quo fides à Deo in cordibus electorum efficitur: quod instrumentum est sermo Apostolorum, id est doctrina Evangelii quam Apostoli prædicarunt, & literis mandatam posteris reliquerunt. Pro his duo petit: primum ut sint omnes unum in Deo, hoc est, ut per unam fidem inter se devincti tanquam membra unius corporis, cujus caput est Christus, mutuo amore sese complectantur, vers. 21. deinde ut suo tempore transferantur in cælum, ibique conspectu gloriæ Christi in æternum beati sint:  $\Psi$ . 24. Priorem petitionem declarat exemplo arctissimæ conjunctionis quæ est inter ipsum & Patrem: ejusque petitionis rationem affert à fine, nempe à sua gloria: quam significat his verbis, *ut credas mundus me à te missum esse*, hoc est, me esse filium tuum unigenitum, qui obediens tibi factus, descenderim de cælo, & homo factus sim propter hominum salutem. Hic autem finis, ex unitate credentium sic effectus redditur: quia inde perspicitur, eos esse Christi discipulos, sup. 13. v. 35. ac proinde Christum esse filium Dei & servatorem mundi, qui ipsos regar suo Spiritu.

V. 22. alteram petitionis rationem affert, quæ sumpta est à destinato: quia in hunc finem eis dederit gloriam filiorum Dei, ut se mutuo instar fratrum ament idq; ardentissimo amore, qualis est inter ipsum & Patrem. De hac gloria & dignitate *adoptionis*, i.e. adoptionis, vide sup. 1. v. 12. ubi notandum est discriminem inter gloriam Christi & credentium. Christus enim gloriâ hanc habet à natura, ut sit filius Dei unigenitus: at credentes gloriam hanc habent ex gratia Dei, ut sint filii Dei adoptivi, adoptati scilicet in filio dilecto, i.e. Christo. Potest tamen hæc gloria etiam intelligi (& fortasse rectius) de futura illa gloria cælesti, nam certum est, credentes pro suo modulo gloriæ cælestis Christi participes fore. Quam quidem gloriam regni cælestis Christus discipulis promissit, Luc. 22.  $\Psi$ . 29. & 30. Et de eadem mox rursus loquitur hoc loco v. 24. Sic autem erit argumentum hoc à fine. nam ut credentes possint gloriam regni cælestis consequi: necesse est, ut in hac vita unum sint, unitate scilicet fidei & charitatis inter se devincti atque colligati, tanquam membra unius corporis sub capite Christo. Porro utramque hanc gloriam credentium conjungit Johannes 1. Joh. 3. v. 1. & 2. V. 23. tertiam rationem affert, & primam repetit, & quartam annectit. Tertia ratio à destinato sumpta est, videlicet in habitatione Christi per S. sanctum, quam significat his verbis, *Ego in eis*. Quarta ratio est à fine, nempe gloria Patris, videlicet gloria summæ bonitatis & misericordiæ, ut qui credentes diligat summo amore, quæ dilectio Dei erga credentes elucescit, quâ in eis perspiciuntur effecta illius, inter quæ non postremum est mutua illa & fraterna dilectio. V. 24. alteram petitionem affert, & gloriæ suæ causam efficientem exponit, videlicet amorem æternum Patris glorificantis.

V. 25. Redit ad Apostolos: quos rursus Patri commendat ab ipsorum fide, ac petit, ut sentire possint dilectionem Patris, quæ eos complectatur in Christo,

## SCHOLIA IN CAP. XVII.

2 *Authoritatem. ἰσχύος.* Vel potestatem. *Ut quos quos dedisti ei, des eis vitam eternam.* ἵνα πᾶν ὃ δίδωγας αὐτοῖς, δώσῃς αὐτοῖς ζωὴν αἰώνιον. Pro, ἵνα πᾶσι ὅς δίδωγας αὐτοῖς, δώσῃς ζωὴν αἰώνιον. Hebræa loquendi ratio: למנות כור אשר נתחת לו יתן להם חיי עולם.

3 *Hæc est autem vita æterna.* αὐτὴ δὲ ἔστιν ἡ αἰώνιος ζωή. Pro, τὴν δὲ hoc autem, id est, hæc res, nempe ut te cognoscant, &c. Nam conjunctio ἵνα hic rursus ponitur per appositionem seu εἰς διὰ: ut supra cap. 15. vers. 8. & 12. &c. Videtur autem pronomen sæminum αὐτὴ positum absolute more Hebræorum, sic enim illi loquuntur: ut Psalm 27 vers. 4. אחת שאלתי unam petii, id est, unum seu rem unam. Porro cognitio Dei dicitur esse vita æterna, per metonymiam effecti: quia illam efficit seu parit. Sic Rom. 7. vers. 7. ὁ νόμος ἁμαρτία; num Lex peccatum est hoc est, Num Lex peccatum esse gignit seu parit: *Ut cognoscere te, illum solum verum Deum.* ἵνα γινώσκασί σι, τὸν μόνον ἀληθινὸν θεόν. Id est, ut cognoscant te, qui es ille Deus qui solus verus est Deus, id est, ille Deus præter quem non est ullus verus Deus: quum quorquor præter illum nominantur dii, sint falsi, ficti, commentitii dii. Hic autem solus verus Deus, est non solum Pater, sed etiam Filius & Spiritus sanctus: ut alibi Scriptura docet. Neque enim sequitur, Pater est ille solus verus Deus: Ergo Filius & Spiritus sanctus non sunt ille solus verus Deus. quippe de Filio expressè dicitur: Hic est verus ille Deus, ὅςτος ἔστιν ὁ ἀληθινός θεός. 1. Joh. 5. vers. 20. item Rom. 9. vers. 5. ὁ ἀγαπῶν πατέρα τὸν θεόν βλοσυρὸς εἰς τοὺς αἰῶνας: qui est supra omnes Deus laudandus in secula. De Spiritu sancto autem dicit Petrus Act. 5. vers. 4. Non es mentitus hominibus, sed Deo. utique Deo illi vero, necque enim Petrus ullum falsum Deum agnovit. *Et quem misisti Jesum Christum.* καὶ ὃν ἀπέστειλας ἵνα σώσῃς. Id est, Et ut cognoscant quoque Jesum Christum, quem tu in mundum misisti ut sit mediator inter te & ipsos. Post conjunctionem καὶ repetenda illa verba, ἵνα γινώσκασί σι.

4 *Dedisti ἰδωγας.* Id est, commisisti, mandasti.

5 *Ea gloria quam habui.* τὴν δόξαν ἣν εἶχα. Pro, τὴν δόξαν ἐκεῖνην ἣν εἶχα. *Apu-  
de te, παρὰ σοί.* Hæc verba, licet ad finem versiculi trajectory sint, tamen pen-  
dent à verbo εἶχα: ut ex ipsa sententia planum est. Similis trajectory ex-  
emplum vide 2. Tim. 2. ψ ult.

6 *Emundo. ἐν τῷ κόσμῳ.* Id est, è genere humano.

9 *Pro eis, καὶ αὐτοῖς.* Pro, ὑπὲρ αὐτοῖς. ut supra cap. 16. ψ. 26. *Rogo ἵνα  
ut supra cap. 14. ψ. 16. Pro mundo, καὶ ἐν τῷ κόσμῳ.* Id est, pro reprobis: ut li-  
quet ex antithesi. *Pro eis quos dedisti mihi, καὶ ὃν δίδωγας μοι.* Id est, καὶ  
ἐκείνων ὅς δίδωγας μοι. Est autem hæc periphrasis Electorum.

11 *Non sum amplius. ἔτι ἢ εἰμι.* Id est, paulo post non ero, jam jam  
discedo. *In mundo, ἐν τῷ κόσμῳ.* Id est, in terra. Synecdoche integri. *Per no-  
men tuum, ἐν τῷ ὀνόματί σου.* Pro, διὰ τὸ ἐνέματός σου. hoc est, per cognitio-  
nem tuam. Metonymia subiecti.

12 *Quum esset ἐν τῷ ὕμῳ.* Ut supra cap. 16. ψ. 4. *Filius ille perditionis, ὁ υἱὸς  
τῆς ἀπωλείας.* Id est, ille perditioni destinatus & addictus. Sic Eph. 2. ψ. 3.  
τὸν υἱὸν ἐργῆς filii iræ.

13 *Gaudium meum, τὸ καὶ χαρὰν τῷ ὕμῳ.* Gaudium illud meum: ut sup.  
cap. 15. vers. 11. Porro nomen *plenum* à parte posteriore cum verbo habeant  
constituendum



confutandum est: non autem cum nomine *gaudium*, sic enim oporteret Græcè esse τὴν πληροφάνειαν. Plenum πληροφάνειαν. Expletum. Apud se. ἐν αὐτοῖς. In se, i. e. in corde suo. Synecdoche integri.

15 *Rogo. ἰερωτῶ*. Ut sup. cap. 14. *Ψ. 16. Ἀλλοῖς τοῖς ποιηταῖς*. Id est, à diabolo: qui usitate nominatur ὁ ποιητής, ut Matth. 5. *Ψ. 37. & cap. 6. Ψ. 13. & cap. 13. Ψ. 19. item 1. Joh. 2. Ψ. 13. &c.*

18 *Μυστέριον ἀπέκλειε αὐτοῖς*. Nempe ad prædicandum Evangelium & sustinendum propterea mundi persecutionem.

19 *Pro eis. ὑπὲρ αὐτῶν*. Id est, ut eis promerear apud te remissionem peccatorum & vitam æternam. Sic Christus ipse in institutione sacrae cœnæ exponit præpositionem *ὑπὲρ* positam pro *ὑπὲρ*: quum ait, Hoc est sanguis meus novi Testamenti, qui pro multis (*ὑπὲρ πολλῶν*) effunditur in remissionem peccatorum. Item sup. cap. 6. *Ψ. 51* ait, se carnem suam daturum (nempe in mortem crucis) pro mundi vita, *ὑπὲρ τῆς κόσμου ζωῆς*, id est, ad promerendum vitam æternam omnibus totius mundi electis. *Sanctifico meipsum. ἀγιάζω ἑμαυτόν*. Id est, offero me tibi in sanctam victimam. *Ut sint & ipsi. ἵνα καὶ αὐτοὶ ὦσι*. Hæc videntur addi per epexegefin ad declarandū illud *ὑπὲρ αὐτῶν Sanctificationi. ἡγιασμένοι*. Nempe imputata ipsis sanctitate meæ victimæ: sicut declarat Apostolus Heb. 10. *Ψ. 10.* inquit, Qua voluntate sanctificati sumus (*ἡγιασμένοι ἑσμέν*) per oblationem corporis Jesu Christi semel factam. Et paulo-póst *Ψ. 14.* Unica oblatione consecravit in perpetuum eos qui sanctificantur, *πρὸς ἀγαζομένους. Per veritatem. ἐν ἀληθείᾳ*. Nempe per veritatem Dei, id est, sermonem Evangelii: ut modò *Ψ. 17.* nisi quis malit, propter omissum articulum, *ἐν ἀληθείᾳ* hic per Hebraismum æquipollere ad verbio *ἀληθῶς*, id est, verè: ita ut vera & realis sanctificatio per oblationem corporis Christi facta, opponatur sanctificationi ceremoniali quæ fiebat olim per oblationem pecudum.

20 *Pro istis. ὑπὲρ τούτων*. Pro, *ὑπὲρ* τούτων, ut sup. *Ψ. 9.*

22 *Gloriam. τὴν δόξαν*. Nempe felicitatem illam cælestem.

24 *Ubi sum. ὅπου εἰμι*. Id est, ubi paulo-póst futurus sum. *Et illi sint. καὶ κείνοι ὦσι*. Nempe suo tempore: post mortem quidem secundum animam, post resurrectionem verò corporum anima simul & corpore. *Quam dedisti mihi. ὡς ἰδοὺ χάρις μοι*. Id est, dare decrevistī, ut 2. Tim. 1. *Ψ. 9. χάριν τῷ δοθεῖσαν ἡμῖν ἐκ χριστοῦ ἡμεῖς πρὸς χάριν αἰώνιον*. Gratiam quæ data est nobis in Christo Jesu ante tempora secularia. *Ante iacta mundi fundamenta, πρὸς καταβολὴς κόσμου. Ante foundationem mundi*. Ad verb. Ante dejectionem, scil. fundamentorum, *πρὸς θεμελίον*. Hæc autem verba censeo pendere non à proximo verbo *ἡγάπησας*: sed à remotiore *ἰδοὺ χάρις*. Similis trajectio fuit suprà *Ψ. 5.*

26 *Ut charitas qua dilexisti me, sit in eis. ἵνα ἡ ἀγάπη ἣν ἡγάπησας με, ἐν αὐτοῖς ᾖ*. Per ellipsin dicitur *ἣν*, pro *καθ' ἣν* id est, *ᾗ*. Sententia est: Ut in cordibus suis per fidem sentiant charitatem illam tuam qua dilexisti me, & ipsos propter me. quo sensu ait Paulus, charitatem Dei effusam esse in cordibus nostris per Spiritum sanctum, qui datus est nobis, Rom 5. *Ψ. 5. Et ego sim in eis. καὶ γὰρ ἐν αὐτοῖς*. Et ut ego quoque sim in eis, hoc est, habitẽm in cordibus eorum per fidem. Ephes. 3. *Ψ. 17.*

## OBSERVATIONES LOCORUM

### DOCTRINAE EX CAP. 17.

1. Ex *Ψ. 1.* Inter precandum attollere oculos in cælum, gestus est precationis

tioni conveniens, ad significandum elevationem cordis ad Deum. Sic Paulus 1. Tim. 2.  $\psi$ . 8. jubet inter precandum attollere puras manus. Veruntamen quum ex animi demissione propter conscientiam peccatorum oculi inter precandum in terram dejiciuntur, ne ille quidem gestus Deo displicet: sicut videre est in exemplo illius publicani, unâ cum Phariseo adorantis in templo, Luca 18.

II. Ex  $\psi$ . 2. 5. & 8. Argumenta pro deitate Christi. Christus habet potestatem Electis dandi vitam æternam:  $\psi$ . 2. Ergo est Deus, nam solus Deus vitæ æternæ author est. Deinde Christus habuit gloriam apud Deum Patrem ante mundum conditum,  $\psi$ . 5. Ergo est Deus, nam ante mundum conditum nihil fuit præter Deum. Præterea, Christus à Deo Patre exivit,  $\psi$ . 8. nempe tanquam unigenitus ille (ut percipitur ex verbis Johannis supra cap. 1.  $\psi$ . 14. id est, per arcanâ illam atq; ineffabilem generatione: sicut splendor exit à sole. Ergo Christus est Deo Patri:  $\mu\omicron\varsigma\theta\epsilon\omicron\varsigma$ , ac proinde verus Deus.

III. Ex  $\psi$ . 3. Vita æterna consistit in cognitione Dei, qua certò persuasi sumus; Deum verum, esse unicum: eumq; esse Patrem, Filium & Spiritum sanctum: & Filium à Patre missum esse in mundum; ut is assumpta nostra natura, esset Jesus Christus, id est noster servator, summus propheta, summus sacerdos & summus rex: qui scilicet arcanum illud consilium Dei de æterna nostra salute nobis exposuerit: qui sese peccatis nostris in se suscepitis, pro nobis Deo cum precibus obulerit victimam expiatoriam, nosque eo sacrificio Deo reconciliavit: qui sacrificio illo peracto, in sanctuarium cæleste ingressus sit, ibique coram facie Patris pro nobis continenter appareat: deniq; qui in cælis ad dextram Patris regnans, nos Spiritu suo regat, & potentia sua contra hostes protegat, donec suo tempore hostibus plene abolitis, nos ad se in regnum suum cæleste recipiat.

IV. Ex eod.  $\psi$ . Verus Deus unicus est: & is est Pater, Filius & Spiritus sanctus, nam quum hoc loco Christus de Patre dicit, ipsum esse illum solum verum Deum,  $\tau\epsilon\nu\mu\omicron\theta\epsilon\omicron\varsigma\alpha\lambda\theta\iota\nu\theta\epsilon\omicron\varsigma\delta\epsilon\alpha\varsigma$ , id est, Deum illum qui unicus est, & extra quem nullus verus Deus est: observandum est, his verbis à solius illius veri Dei essentia non excludi Filium & Spiritum sanctum: quippe quum illi non sint extra Patrem, sed in Patre: sicut vicissim Pater est in illis: sed excluduntur tantum dii isti falsi atque commentitii quos confinxerunt Ethnici: quippe qui sunt extra Patrem, videlicet creaturæ.

V. Ex  $\psi$ . 4. 6. 7. & 8. Sicut Christus glorificavit Patrem, quum sedulo docuit Evangelium, sicut à Patre ipsi erat mandatum: ita omnes Evangelii ministri statuunt, Deum ministerio suo glorificari, ac proinde sedulo Evangelium doceant.

VI. Ex  $\psi$ . 9. & 20. Quum Christus sese victimam oblaturus Patri, oraverit pro solis sibi datis à Patre, id est pro Electis, mundo (hoc est reprobis) diserte à precibus suis excluso: certum est, cum etiam pro solis electis sese obtulisse: de quibus etiam solis loquitur, quum ait  $\psi$ . 19. *Ego pro eis sanctifico me*, id est, his precibus confecro me tibi in sanctam victimam. Quare quod dicitur 1. Tim. 2.  $\psi$ . 6. Christum dedisse sese redemptionis pretium  $\nu\epsilon\phi\alpha\lambda\omicron\varsigma\pi\alpha\tau\epsilon\rho\upsilon$ , pro omnibus: item 1. Johan. 2.  $\psi$ . 2. ipsum esse propitiationem pro peccatis totius mundi: ista & illis similia dicta necessariò ad Electos restringenda sunt, quum certum sit, Spiritum sanctum per Apostolos locutum esse: is autem Christo non contradicit.

VII. Ex  $\psi$ . 11. Quum Christus expressè dicat, se non amplius esse in mundo, videlicet corpore suo, post suam in cælos ascensionem: errant igitur qui putant,

putant, corpus Christi esse in pane sacrae cœnæ, & longè magis, qui opinantur, corpus Christi esse ubique.

**VI. 11.** Ex **ψ. 12.** Sicut Judas Domini proditor nominatur filius perditionis, eo quod perditioni seu exitio æterno à Deo erat destinatus, idque æterno consilio atque decreto (ut percipitur ex verbis Petri Act. 2. **ψ. 13.** itemque ex verbis Ecclesiæ Hierosolymitanæ, Act. 4. **ψ. 27.** & 28.) Sic de reprobis omnibus statuendum est, quod scilicet ad æternum exitum æterno Dei decreto sint prædestinati. Et sicut Judas, quamdiu latuit ipsius hypocrisis, propter fidei professionem visus est esse in numero Electorum: ita & alii reprobi quamdiu fidem in Ecclesia profitentur, pro electis ex charitate habentur donec pateat ipsorum hypocrisis.

**IX.** Ex eod. **ψ.** Quum Scripturæ prophetarum de Christo, in Jesu Mariæ virginis filio sint impletæ; sicut ex hoc loco & aliis plurimis perspicuum est: consequens est, hunc **JESUM** esse **CHRISTUM**, id est mundi servatorem. Errant igitur Judæi: qui alium expectant.

**X.** Ex **ψ. 13.** Christus per suam in cælum ascensionem verè ad Patrem venit, & mundum reliquit: sicut ipse hoc loco & alibi passim testatur. Falsum igitur dogma est, corpus Christi ubique esse.

**XI.** Ex eod. **ψ.** Scopus doctrinæ Evangelii est, ut habeamus plenum gaudium & veram consolationem in cruce. Confer dictum Pauli Rom. 15. **ψ. 4.**

**XII.** Ex eod. Verum gaudium ex fide Evangelii nascitur. Confer Rom. 3. **ψ. 1.** & deinceps. Quare ut hoc gaudium consequamur, exerceamus nos in fide Evangelii: quumque Christus promiserit, se hoc gaudium in nobis efficiendum, bono animo sumus in persecutionibus: Christus juxta promissionem suam replebit nos gaudio quo superemus omnes tentationes. sicut plurimorum Martyrum exempla abundè testantur.

**XIII.** Ex **ψ. 14.** Si propter Evangelii professionem mundus nos odio habet, ne moveamur: sed cogitemus, istud inde fieri, quod ab impio mundo sumus segregati, & Christo adhæremus.

**XIV.** Ex **ψ. 15.** Etiam si fideles quamdiu vivunt in hoc mundo, odium & persecutionem mundi experiuntur: tamen hac firma consolatione se possunt sustentare, quod Christus pro eis rogavit, ut serventur à malo illo, id est, diabolo, principe illo mundi. quare salus ipsorum æterna in tuto est.

**XV.** Ex **ψ. 17.** Sermo Evangelii, est veritas illa cælestis, qua electi sanctificantur: dum per illius prædicationem virtute Spiritus sancti corda ipsorum illuminantur fide, & renovantur ad serium studium sanctitatis. Quotquot igitur sanctificari cupiunt (cupere autem omnes debent) isti sermoni diligenter attendant.

**XVI.** Ex **ψ. 18.** Doctrina Evangelii per Apostolos annuntiata, est **evangelizans**, id est per se fide digna: quia ad illam annuntiandam missi sunt à Christo eadem autoritate, qua ille missus fuit à Patre.

**XVII.** Ex **ψ. 19.** Quum nos perturbat nostra impuritas, quod nimirum peccatis scdè polluti sumus, ita ut meritò sumus abominationi Deo, consolemur nos his verbis Christi, quibus testatur, quod se pro nobis sanctificavit, hoc est, Patri in sanctam victimam obtulerit ad expiandum omnia nostra peccata, per quam oblationem nos quoque sanctificati sumus, sicut testatur Apostolus Hebr. 10. **ψ. 10.** & 14. Quod autem hoc loco dicimus sanctificari per veritatem, ad efficaciam Christi referendum est, sicut alterum ad meritum. Etenim Christus nos sanctificat & servat partim suo merito, partim sua efficacia. Merito, quatenus sanctificans se ipsum pro nobis

In victimam, oblatione sui expiavit nostra peccata, atque ita illorum remissionem est promeritus. Efficacia verò, quatenus curat nobis annunciari veritatem illam caelestem, id est sermonem Evangelii, & per illius predicationem in nobis efficit fidem virtute sui Spiritus, qua fide purgantur corda nostra, quatenus per illam sanguine Christi in cruce effuso aspergantur.

XVIIII. Ex vers. 20. Quicumque per sermonem Apostolorum, id est, doctrinam Evangelii de Christo edocti, in illum credunt, eoque ut unico suo servatore confidunt: illi certum in se testimonium habent, quod Christus sese pro eis sanctificaverit atque obtulerit, hoc est, quod oblatione sui peccata ipsorum expiaverit. Etenim pro illis Christus Patrem rogavit, ut nimirum sacrificium suum pro illis acceperet, ac proinde peccata eis ignoscat, & ipsos a malo illo servet. Quare salus ipsorum certa est & extra periculum posita. Deus enim preces Christi semper exaudivit.

XIX. Ex eod. vers. Sermo Evangelii est instrumentum seu medium per quod Deus in electis efficit fidem. Quare hoc medium ne contemnamus: sed reverenter ac studiosè eo utamur ad fidem tum consequendum tum conservandum. Confer Rom. 1. v. 16. & cap. 10. v. 17. & 1. Cor. 3. v. 5.

XX. Ex v. 21. 22. & 23. Qui verè in Christum credunt, illi etiam inter sese unum sunt, per mutuam scilicet charitatem.

XXI. Ex v. 22. & 24. Quum à mundo contemnimur & ignominia atque contumelia afficimur: consolemur nos promissione Christi, qua nobis promisit communionem atque societatem caelestis suae gloriæ. Confer Rom. 8. v. 17. & deinceps. Philip. 3. v. 21. 2. Thess. 2. v. 5. & deinceps. 1. Joh. 3. v. 2.

XXII. Ex vers. 26. Si conscientia nos arguit peccati, ac proinde iram Dei tanquam iusti iudicis nobis proponit: opponamus promissionem Christi, qua promisit se nobis patefacturum charitatem Patris, nempe charitatem illam summam qua nos diligit eo ipso amore quo Filium complectitur: de quo cælitus pronuntiavit, Hic est Filius ille meus dilectus in quo acquiesco. Confer Rom. 5. v. 5.

## ANALYSIS CAP. XVIII.

## ARGUMENTUM.

Deinceps cap. 18. & 19. describit Evangelista historiam passionis Domini: quæ universa distribui potest in quatuor principales partes, secundum circumstantiam locorum ubi ea gesta sunt quæ Domino evenerunt. Prima pars continet ea quæ gesta sunt in orto: à principio huius capitis usque ad v. 13. Secunda pars continet ea quæ gesta sunt in domo Caiaphæ summi sacerdotis, à v. 13. usque ad v. 28. Tertia pars continet ea quæ gesta sunt in pratorio coram iudice Pilato, à v. 28. usque ad v. 17. cap. 19. Quarta pars continet ea quæ gesta sunt in loco supplicii, qui nominabatur Calvariz, Hebraicè Golgotha, à v. 17. usque ad 38. à quo v. 38. usque ad finem capitis decimnoni continetur historia sepulture Domini.

## DE PRIMA PARTE HISTORIÆ PASSIONIS.

**H**Æc quum dixisset Iesus, egressus est cum discipulis suis trans torrentem Cedron, ubi erat hortus, in quem introiit ipse & discipuli ejus.

2 Noverat autem eum locum etiam Judas qui prodebat eum, quia Jesus frequenter cum discipulis suis illuc convenerat.

3 Judas ergo quum accepisset cohortem, & a primariis Sacerdotibus ac Pharisaeis ministros, venit illuc cum laternis & facibus & armis.

4 Jesus itaque, sciens omnia quae ventura erant in se, egressus dixit eis: Quem quaeritis?

5 Responderunt ei, Jesum Nazarenum. Dicit eis Jesus, Ego is sum. Stabas autem cum eis etiam Judas qui prodebat eum.

6 Ut ergo dixit eis, Ego is sum, abierunt retrorsum, & ceciderunt humi.

7 Iterum igitur rogavit eos, Quem quaeritis? Illi autem dixerunt, Jesum Nazarenum.

8 Respondit Jesus, Dixi vobis me eum esse, ergo si me quaeritis, sinite hos abire.

9 Ut impleteretur sermo quem dixerat, Ex eis quos dedisti mihi, non perdisi quemquam.

10 Simon autem Petrus quum gladium haberet, eduxit eum, & percussit servum summi sacerdotis, & abscidit auriculam ejus dexteram, erat autem nomen servo Malchus.

11 Dixit ergo Jesus Petro, Reconde gladium tuum in vaginam, annon bibam poculum quod dedisti mihi Pater?

12 Cohors igitur & tribunus & ministri Judeorum comprehenderunt Jesum, & vinxerunt eum.

V. 1. indicat Evangelista viam qua Dominus in hortum ivit, nempe trans torrentem Kedion: qua in re typus Christi fuisse videtur David, quum fugiens Absalonem transiret eundem torrentem, ut narratur 2. Sam. 15. vers. 23. V. 2. & 3. commemorat occasionem, qua Judas proditor usus sit ad Dominum prodendum, nempe consuetudinem Domini quam ille noverat: item comitatum Judae, videlicet satellitum armatorum. V. 4. 5. 6. 7. 8. 9. 10. 11. & 12. narrat formam seu modum agendi, quomodo Dominus in horto captus sit: nempe quod obviam iverit iis, quos sciebat adventare ad se capiendum, seque eis ultro indicaverit, versu 4. & 5. deinde quod ex indicio Domini consternati in terram ceciderint, V. 6. tum quod se iterum eis indicarit, & discipulos tutos praestiterit, ne & ipsi caperentur, V. 7. & 8. ejus rei causa exponitur versu 9. Praeterea quod Petrus conatus sit Dominum defendere gladio, & quod Dominus hoc vetuerit, V. 10. & 11. Postremo quod a ministris Judaeorum victus sit.

DE SECUNDA PARTE.

13 Et abduxerunt eum primum ad Annam, (erat enim socer Caiaphae, qui erat summus Sacerdos anni illius) in verò misit eum vincitum ad Caiapham summum Sacerdotem.

14 Erat autem Caiaphas is qui consilium dederat Judeis, expedire ut unus homo moreretur pro populo.

15 Sequebatur autem Jesum Simon Petrus & alius discipulus, discipulus verò ille notus erat summo Sacerdoti, & simul introiit cum Jesu in aulam summi Sacerdotis.

16 Petrus autem stabat extra ad ostium. Exiit ergo discipulus ille alter qui erat notus summo sacerdoti, & loquutus est ostiariae, & introduxit Petrum.

17 Dixit ergo Petro ancilla ostiaria, Num & tu ex discipulis es hominis istius? Dicit ille, Non sum.

11 Adstabant autem servi & ministri qui prunas congefferant, quia frigus erat, & sese calefaciebant, erat verò cum eis etiam Petrus adstans & sese calefaciens.

19 Summus sacerdos ergo interrogavit Jesum de discipulis ipsius & doctrina ipsius.

20 Respondit ei Jesus, Ego palam loquutus sum mundo: ego semper docui in synagoga & in templo, quo undique Judei conveniunt, & in occulto loquutus sum nihil.

21 Quid me interrogas? interroga eos qui audierunt, quid sim ipsis loquutus: ecce, hi sciunt quia dixerim ego.

22 Hec autem quum ipse dixisset, unus ex ministris qui adstabat, bacillo cecidit Jesum, dicens, Itā ne respondes summo sacerdoti?

23 Respondit ei Jesus, Si male loquutus sum, testare de malo: sin bene, cur me cedis?

24 Miseras igitur eum Annas vinculatum ad Caiapham summum sacerdotem.

25 Stabat autem Simon Petrus, & sese calefaciebat: dixerunt igitur ei, Num & tu ex discipulis ejus es? Negavit ille, & dixit, Non sum.

26 Dicit ei quidam ex servis summi sacerdotis, cognatus ejus cuius abscideras Petrus auriculam, Nonne ego te vidi in horto cum eo?

27 Rursus ergo negavit Petrus, & statim gallus vocem emisit.

Verf. 13. narrat, quoniam deducus sit Christus omnium primus, antequam domum Caiaphæ deduceretur. V. 14. declarat, quis fuerit ille Caiaphas. V. 15. & 16. narrat, quinam ex discipulis Jesum secuti sint, & quomodo in aulam Caiaphæ intromissi sint. Verf. 17. & 18. quomodo Petrus Christum negaverit. Verf. 19. 20. & 21. quomodo Christus à Caiapha de sua doctrina interrogatus responderit. Versu 22. qua contumelia ob illud responsum affectus sit. V. 23. quomodo innocentiam suam contra istam contumeliam defenderit. V. 24. 25. 26. & 27. redit Evangelista ad narrandum lapsum Petri, quomodo scilicet Dominum negaverit.

### DE TERTIA PARTE.

28 Ducunt ergo Jesum à Caiapha in Prætorium. erat autem mane: & ipsi non introierunt in Prætorium, ne polluerentur, sed ut ederent Pascha.

29 Exiit ergo Pilatus ad eos, & dixit, Quam accusationem adfersis adversus hominem istum?

30 Responderunt & dixerunt ei, Nisi iste esset facinorosus, non tradidissemus eum tibi.

31 Dicit ergo ei Pilatus, Accipite eum vos, & secundum legem vestram condemnare eum. Itaque Judei dixerunt ei, Nobis non licet occidere quemquam.

32 Ut sermo Jesu impleretur, quem dixerat, significans quia moris futurum erat ut moreretur.

33 Introiit ergo rursus in Prætorium Pilatus, & vocavit Jesum: dixitque ei, Tu es rex ille Judæorum?

34 Respondit ei Jesus, A teipso tu hoc dicis, an alii dixerunt tibi de me?

35 Respondit Pilatus, Num ego Judæus sum? gens tua & principes Sacerdotes tradiderunt te mihi: quid fecisti?

36 Respondit Jesus, Regnum meum non est ex hoc mundo: si ex hoc mundo esset regnum meum, ministri mei certassent ne traderer Judæis: nunc autem regnum meum non est hinc.

37 Dixit ergo ei Pilatus, Ergo rex es tu? Respondit Jesus, Tu dicis me regem esse, ego ad hoc natus sum, & ad hoc veni in mundum ut dam testimonium veritatis. Quisquis est ex veritate, audit vocem meam.

38 Dicit ei Pilatus, Quid est veritas? Et quum hoc dixisset, rursus egressus est ad



ad Judeos, & dicit eis, Ego nullum invenio crimen in eo.

39 Est autem vobis consuetudo ut unum dimittam vobis pascha: vultisne ergo dimittam vobis regem illum Judeorum?

40 Clamaverunt autem rursus omnes dicentes, Ne istum dimittas, sed Barrabam. Erat verbis iste Barrabas laicus.

V. 28. narrat Evangelista, quando Jesus in prætorium deductus sit, & cur Judæi prætorium noluerint ingredi. V. 29. 30. 31. & 32. quibus verbis cum Pilato tradiderint, supplicio capitis afficiendum; & cur illud factum sit. V. 33. 34. 35. 36. & 37. quomodo Christus à Pilato interrogatus de suo regno, responderit.

Verf. 38. 39. & 40. quomodo Pilatus eum innocentem pronuntiarit, ac proinde dimittere studuerit: sed obtinere istud à populo non potuerit.

## SCHOLIA IN CAP. XVIII.

1 Trans torrentem Cedron. πέραν τοῦ χειμάρρου τῶν κείων. Pro, τῶν κείων reponendum τῶν κείων. Est autem Kedron (ut Tremellius annotat) nomen tam vallis quam torrentis qui per eam fluit, inter Hierosolimam & montem olivarium: sicut ex 2. Sam. 15. apparet. Syrus venit, ad transitum pedis id est, ad vadum. Est enim hæc (ut Tremellius annotat) periphrasis vadi, id est loci torrentis minus-profundi ubi pede transiri potest.

2 Illuc convenerat. συνήχθη ἐκεῖ. Illic congregatus fuerat.

3 A primariis sacerdotibus. ἐκ τῶν ἀρχιερέων. Hic ponitur ἐκ pro ὑπὸ: ut sup. cap. 17. V. 15.

4 Quæ ventura erant tibi. τὰ ἐρχόμενα ἐπ' αὐτὸν. Pro, ἐπισυμμεῖν, id est, συμπεσόμενα: quæ eventura erant tibi, Egressus ἐξ ἐλθῶν. Nempe ex eo loco hortu ubi erat illis adventantibus.

5 Cum eis. μετ' αὐτῶν. Hæc verba non pendent à proximo participio παραδίδες, sed à remotiore verbo εἰσάγει. Similium trajectiorum exempla habuimus sup. cap. 18. V. 5. & 24.

9 Ut impleretur. ἵνα πληροθῇ, &c. Verba Evangelistæ, concisè loquentis, nam præmittenda fuerunt hæc verba: Hoc autem dixit, vel, Hoc autem faciunt est.

10 Eduxit. ἐξήλυσεν. Traxit, id est, extraxit.

11 An non bibam, &c. τὸ ποτήριον ὃ δέδωκέ μοι ὁ πατήρ, & μὴ πίνω αὐτό; In Græco est Hebræa repetitio nominis antecedentis, per pronomem relativum: qualis erat sup. cap. 17. V. 2.

15 Alius ὁ ἄλλος. Articulus hominem certum videtur notare, & putatur vulgò is esse Johannes: quod tamen eruditissimo interpreti non videtur. Vulgari quidem opinioni videtur favere hoc, quod nullus cæterorum Evangelistarum huius discipuli mentionem facit. Solet autem Johannes quædam à se gesta, & à cæteris Evangelistis præterita, nomine suo suppresso, sequæ per periphrasin notato, narrare: ut quod in extrema cæna recubuerit in sinu Domini, suprà cap. 13. V. 23. Item quod viderit sanguinem & aquam exire ex latere Domini lancea confosso, infrà cap. 19. V. 35. Item quod Dominus sibi commendârit matrem, pendens in cruce: ca. 19. V. 27. Quæ opinio si recipitur, tum ὁ ἄλλος hoc loco vertendum erit alius, qui scilicet solebat familiariter cum Petro versari: ut colligi potest ex his locis: infrà cap. 20. V. 2. & deinceps, item cap. 21. V. 21.

16 Quis eras notum. ὃς ἦν γνωστός, &c. Describit se hoc loco Johannes (si tamen

tamen is intelligendus est) periphrasi huic narrationi conveniente: & inde nata: sicut sup. cap. 13. *ψ. 23.* alia periphrasi, isti narrationi conveniente, utitur, *Λογουμν εστ οστιρια. ε. π. τῇ Συεσση. Διδω οστιρια.* scilicet, ut intromitteret Petrum.

18 *Qui prunas congererant.* ειβρημας παρομοιω. Facta strue prunarum id est, quum adomarent, instruxissent vel accendissent struem prunarum. *Se se calefaciebant.* ειβρημαιστο. Verbum vocis mediae, significatione reciproca: ut apud Hebraeos *Hitzpaël* & interdum *Niphāl*.

20 *Mundo.* τῷ κόσμῳ. Id est, quibusvis hominibus in mundo, qui sese mihi obtulerunt.

23 *Si malè.* εὐ κακῶς. Brevissimè & nervosissimè suam innocentiam demonstrat, & adversarium iniuriæ convincit, per dilemma: quod dilemma resolvimus in Animadversionibus nostris Dialecticis.

28 *A Caiapha.* εἰς τῷ Καϊάπα Id est, ex aedibus Caiaphæ. Metonymia vel subiecti recipientis ad se, vel adjuncti contenti. Sic *Marc. 5. ψ. 35.*

28 *Ne polluerentur.* ἵνα μὴ μιαινωσιν. Scil. contactu loci profani ubi degeret homo gentilis, Pilatus: quæ pollutio erat ceremonialis, quanquam nusquam hoc in Lege interdictum erat, hominis profani domum ingredi. *Sed ut ederent pascha.* ἀλλ' ἵνα φάγωσι τὸ πάσχα. Concisa oratio: pro, *Sed ut puri permanerent, ac proinde eis liceret edere pascha:* à quo edendo arcebantur immundi. Synecdoche membri metonymica, nam ex effectu & unâ cum illo intelligitur efficiens. *Pascha.* τὸ πάσχα. Translitum. Id est, agnum illum qui signum memoriale erat illius transitus quo Angelus in Ægypto transit domos Israëlitarum, quum percuteret primogenita Ægyptiorum, Synecdoche generis & metonymia subiecti.

29 *Exire.* ἐξέλθαι. Nempe ex pratorio.

30 *Nisi iste.* &c. R. esponsum plane superbum & iniquum. *Non tradidistis.* Quippe homines tam sancti.

31 *Accipite eum.* Pro, *Accipite igitur eum.* nam ipsorum responsum scitè contra ipsos retorquet. quasi dicat: Si ergo non vultis ut ego ejus causam cognoscam, & vos iam illam cognovistis: accipite eum ipsi & condemnate. *Condemnate.* κολύατε. Propriè judicate, Synecdoche generis, *Non licet.* ἰν ἔστιν. Nempe per Cæsarem: qui illis hoc jus ademerat.

32 *Ut sermo.* &c. ἵνα ὁ λόγος. Verba Evangelistæ præcisa, ut suprâ *ψ. 9.* *Quem duxerat.* Videlicet *Matth. 20. ψ. 19.*

34 *A seipso.* &c. Videtur Dominus hæc simpliciter querere, tanquam ignorans, nempe secundum humanitatem: quo respectu alibi ait, filium hominis etiam ignorare diem & horam finis seculi.

35 *Num ego Judæum sum.* &c. Videtur Pilatus his verbis objurgare Christum, ut qui non perceperit sententiam & scopum interrogationis suæ: quasi nimirum ideo interrogarit, an ipse sit rex ille Judæorum, ut eo cognito, in ipsum credat. Negat igitur se esse Judæum: qua negatione innuit, se nihil curare regem illum quem Judæi expectent. Deinde declarat, se ideo istud interrogasse, ut confessione ejus audita, de hoc crimine judicet. Colligitur autem tum ex ista interrogatione Pilati, tum ex hac ejusdem ad Christi interrogationem responsione, primariis sacerdotes Christum detulisse apud Pilatum, tanquam autorem seditionis: ut qui doceret, se Judæarum regem esse.

36 *Certassent.* ἠγωνίζοντο αὐ. Scil. præterita nocte qua Judæis traditus sum. *Nunc autem.* νῦν δὲ. Particula *νῦν* quum est *συμμοχιστική*, propriè scribit

servit assumptioni. at hic præponitur conclusioni, ita tamen ut assumptio subaudiatur: q.d. Nunc autem quum ministri mei non certarint ne traderer Judæis: liquet hinc, regnum meum non esse ex hoc mundo. *Hinc, ἐκ τούτου*. Id est, ex hoc mundo: ut antè dixit.

37 *Ergo, ἐὰν*. Vel, Nōne igitur. *ἐκ τούτου*. Tu dicis, οὐ λέγεις Responsio concedentis seu consentientis. *Ego ad hoc natus, &c.* His verbis videtur declarare rationem ac naturam regni sui. *Quisquis est ex veritate. πᾶς ὁ ἀπὸ τῆς ἀληθείας*. Similis est phrasis & sententia sup. cap. 8. v. 47. Qui ex Deo est, verba Dei audit.

38 *Egressus est. ἐξῆλθεν*. Videlicet è prætorio ante quod Judæi expectabant: ut colligitur ex v. 28. 29. & 33. sup.

39 *Lupascba, ἐν τῷ πάσχα*. Id est, in festo paschæ. Meronymia subiecti gemina. Nam primū ex transitu intelligitur agnus, tanquam transitus signum: deinde ex agno tempus illud quod agno solenniter edendo adjungebatur. *Πύλυνε δαμνισται* ? Β' λέγει δότο, ἴσω; Pro, ἵνα δότο, ἴσω, ut dicitur.

40 *Ne istum dimittam* μὴ τὸν. Scil. δότο, ἴσω.

## OBSERVATIONES LOCORUM

### DOCTRINÆ EX CAP. 18.

1. Ex *ψ. 1*. Sicut olim David (quem in multis gessisse typum Christi, extra controversiam est) metu rebellis filii Absolonis ex urbe Hierosolyma egressus est cum servis suis trans torrentem Kidronem, ut narratur 2. Sam. 15. ita Christus à rebellibus Judæis extrema passurus, trans eundem torrentem ex urbe egressus est cum discipulis suis. Et sicut in horto Deum cepimus offendere, transgrediendo mandatum ipsius: ita in horto Christus Deum nobis cepit placare, gustando iram ipsius adversus nostra peccata, & tam vehementer luctando cum morte, tantamque anxietatem sentiendo ut sudaret grumos sanguinis.

11. Ex *ψ. 22* & 3. Si accidat, nos prodi ab intimis nostris: consolemur nos exemplo Christi, cui idem à Juda discipulo accidit.

111. Ex *ψ. 4. 5. 6. 7. 8. & 11*. Quum Christus non invitatus ad supplicium pertractus sit, sed sciens ac volens sese inimicis suis obtulerit, quos & absens poterat evitare, & præsens vel uno verbo perdere: hinc certi sumus obedientia ipsius inobedientiam nostram esse expiatam. Confer Rom. v. 5. 19. Philip. 2. v. 8.

1v. Ex vers. 6. Sicut eadem vox Christi, *Ego sum*, discipulis quidem ipsius consolationem (sup. cap. 6. v. 22 & 21.) inimicis verò consternationem attulit, ut videmus hoc loco: ita vox Evangelii (quæ & ipsa vox Christi est) reprobis quidem est odor mortis ad mortem, electis verò odor vitæ ad vitam: ut disertè affirmat Paulus 2. Cor. 2. v. 16.

v. Ex *ψ. 8. & 9*. Christus quoties ei libet, fideles suos servos ab insultu hostili impiorum tutos præstat, sicut hoc loco tutos præstat discipulos, ne quis eorum capiat. Quare ejus tutelam fidamus. Confer exemplum Eliæ 2. Reg. 1. quem à militibus ad ipsum adducendum à rege Achasia missis bis ita tutum præstitit, ut milites illos ad preces Eliæ igne cælesti consumiserit. Item exemplum Elisæi 2. Reg. 6. quem quum exercitus Syrorum à rege Svriz missus capere conaretur: Deus illum copiis angelorum munivit, & milites illos subito scotomate percussit, ut à Prophetâ non agnito delusi nurbem Samariam introducerentur, atque ita in potestatem hostium ve-

nirent, putantes se duci Dothanem ubi tum Elifaeus debebat.

VI. Ex *ψ*. 10. & 11. Quum Christus Petro prohibeat, gladio se defendere: discimus hinc, vindictam privatam esse prohibitam, neque hic excusatur zelus Dei: is enim intra vocationis suae limites ab unoquoque est continendus. Confer Rom. 12. *ψ*. 19. & Luc 9. *ψ*. 54. & 55.

VII. Ex *ψ*. 11. Quum quicquid nobis adversi accidit, sit poculum nobis à Deo datum, id est voluntate ipsius ac providentia destinatum: æquo ac fortianimo omnia adversa feramus, certo persuasi, Deum quum fidelis sit, unà cum tentatione daturum evasione: sicut ait Apostolus 1. Corinth. 10. *ψ*. 13. Etenim sicut paterfamilias potum inter domesticos distribuens, tantum cuique infundit quantum iudicat valetudini ipsius esse accommodatum: ita Deus calamitates inter domesticos suos distribuens, tantum cuique immittit quantum novit ei expedire.

VIII. Ex vers. 12. & 13. Si accidar, nos propter confessionem Evangelii ab hostibus illius comprehendi, vinciri, ad concilium praelatorum adduci: consolemur nos exemplo Christi domini ac praeceptoris nostri, cui eadem acciderunt; memores, eum discipulis suis tales persecutiones praedixisse, simulque hanc regulam indicasse, Non est servus major domino suo, Supr. cap. 15. *ψ*. 18. 19. & 20. Item, Non est discipulus supra magistrum, &c. Matth. 20. *ψ*. 24. 25. Et Petrus ait, Christum patiendo pro nobis (id est propter nos, seu nostrae salutis causa) reliquisse nobis exemplar, ut insequeremur vestigia ipsius. 1. Pet 2. *ψ*. 21.

IX. Ex iisdem versibus. Quum hodie videmus, praelatos Pontificios, qui titulo Ecclesiae sese jactant, hostiliter persequi confessores Evangelii: ne offendamur tanquam te nova: quum hic videamus idem tempore Christi accidisse.

X. Ex *ψ*. 15. & 16. Singulari Dei providentia factum est, ut unus & alter ex Apostolis in aulam Pontificis maximi ubi concilium contra Christum congregatum erat, intramitterentur: ut nimirum ipsi viderent & audirent quid illic cum Christo ageretur, ac proinde de illis rebus verum ac fide dignum testimonium apud Ecclesiam possent perhibere.

XI. Ex *ψ*. 17. 25. & 26. In lapsu Petri, qui Christum ter negavit, habemus vivum exemplum humanæ & imbecillitatis, etiam in praetantissimis quibusque, simulatoque sibiipsis relinquuntur. Item ex eo quod Petrus subinde vehementius negat, secunda scilicet vice addito juramento, tertia autem vice seipsum execrando, sicut alii Evangelistae narrant: hinc discimus, homines semel lapsos, non modo non posse sese suis viribus erigere, sed etiam in deterius magis ac magis precipites ruere, donec nova Dei virtute surgantur.

XII. Ex *ψ*. 28. Hypocritae satagunt in observandis ceremoniis ad cultum Dei insisteris, quasi in illa externa observatione, summa pietatis & cultus Dei consistat: quum interim indulgeant pravis animi sui affectibus, ac timoris Dei (que non minima nec postrema cultus Dei pars est) vani sint. Hoc planè perficitur in isto exemplo Judaeorum, Christum à se damnatum tradentium iudici Pilato, ut illum tanquam facinorosum supplicio capitis plectar. Etenim quum corda ipsorum arderent iniquo odio Christi, interim tamen noluerunt ingredi pratorium, tanquam domum scilicet ethnici, i.e. hominis profani: ne illius contactu polluerentur, hoc est profanarentur seu immundi redderentur secundum legem, atque ita impedirentur in obeunda ac celebranda ceremonia solenni agni paschalis: de quo nimirum non licebat edere immundis. Simile hypocritae istorum exemplum

narratur

narratur Matth. 27. v. 6. ubi receptis triginta illis argenteis pro quibus Christum à Juda proditore emerant, dixerunt: Non licet eos mittere in corbanam: quoniam pretium sanguinis est. Mira religio: non dubitant emere & tradere ad necem sanguinem innoxium; & metuunt ne peccent, si sanguinis illius pretium ad sacram pecuniam apponant. Sic culicem per olivæ hypocrisis, & deglutit camelum: ut eis Christus exprobrat Matth. 23. v. 24. ubi commemorasset, quod in minutis anxii, præcipua negligenter: ibid. ver. 23. Decimatis mentham & anethum, &c. Et ibid. v. 25. & deinceps, ubi Christus ex professo hypocrisin Scribarum & Phariseorum taxat. Ac cō major fuit præsens hæc hypocrisis, quod nusquam in lege prohibitum erat, domum hominis Gentilis ingredi: sed cautio erat à patribus tradita, ne quis per imprudentiam ex domo immunda aliquid contagii acceperet.

XIII. Ex v. 29. Exemplo Pilati admonentur iudices, ne quæ damnent non audita causa. At in Papatu contrā fit, ubi confessores Evangelii ab inquisitoribus, hæreseos damnati, traduntur iudici politico, & ab illo citra causæ cognitionem ad supplicium damnantur ex solo istorum Prælatorum prejudicio.

XIV. Ex v. 30. *Nisi esset iste sacerdos, &c.* Sicut isti primarii sacerdotes, scribæ & Pharisæi, ebrii splendore autoritatis & superba opinione sanctitatis, volunt suæ accusationi credi etiam absque probatione: sic hodie idem volunt & faciunt Prælati Pontificii, quum confessores Evangelii ad supplicium tradunt iudici politico. Quare pii confessores ac martyres sese exemplo Christi, domini & magistri sui consolentur: cui idem accidisse vident.

XV. Ex v. 31. *Secundum legem vestram condemnate eum.* Hypocritarum impietate occasionem præbent hominibus profanis irridendi sanctum Dei verbum, ut hoc loco Pilatus quum videret, primarios sacerdotes velle damnari & supplicio affici Jesum causa non audita neque cognita, atripit inde occasione blasphemandi sanctam Dei legem, quasi diceret, Pælagiam verò legem vestram, quam vos quidem à Deo ipso vobis datam, iactatis: quod secundum illam damnandus est homo qui nullius criminis possit convinci, Sic Rom. 2. v. 24. Dei nomen propter vos blasphematur inter Gentes.

XVI. Ex eod. *Nobis non licet occidere quemquam.* Quod Judæis illo tempore judicia capitalia erepta erant per Romanos: debuerunt inde admoneri, tempus jam esse adventus Messie, juxta vaticinium Jacobi, Gen. 49. Non auferetur sceptrum à Juda, donec veniat Schilô. at jam tum præcipua sceptri, id est regii dominatus, pars, nempe potestas criminalium iudiciorum eis erat ablata. Habebant quidem nascente Christo adhuc aliquam judicariam potestatem: sed tantum in causis Ecclesiasticis & civilibus: in criminalibus verò non item. Et senatores illi Sanhedrin dicti, erant ex tribu Juda. Nos verò hæc temporum consideratione in fide Christi consumamur.

XVII. Ex v. 33. 34. 35. 36. & 37. Christus est rex Ecclesie: hoc enim ipse coram Pilato confessus est: sed regnum ejus non est ex hoc mundo seu terrenum, potentia scilicet opum terrenarum subnixum & vi armata tuendum: sed est spirituale, positum nimirum in potentia Spiritus S. veritatem cælestem de recto Dei cultu & vera ratione consequendi salutem cordibus electorum persuadentis, & illa in obsequium Dei fidentis. Hanc Christi de suo regno confessionem commendat Paulus 1. Tim. 1. v. 13.

XVIII. Ex v. 37. *Quisquis est ex veritate, audit vocem meam.* Testimonium veritatis cælestis, id est Evangelium, ab iis tantum recipitur, qui sunt ex veritate, hæc ab electis, qui a Deo prædestinati sunt ut credant veritati. Quare quibuscumque hoc datum est ut credant veritati Evangelii, illi centum

apud se argumentum habent, quod sint ex numero electorum. Nec est quod incredulitate aliorum offendamur, ut propterea veritatem cœlestem in dubium venire apud nos patiamur: sed acquiescendum est in beneplacito Dei, cui non placuit omnibus hanc gratiam dare ut veritati cœlesti subscribant, sed tantum electis suis. Sic dicebat Christus apostolis: Vobis datum est nosse mysteria regni cœlorum: cæteris autem in parabolis, ut videntes non videant, &c. Item Matth. 11. agit gratias Patri, quod mysteria regni cœlorum patefecerit parvulis; & contrā occultaverit a sapientibus. atque intelligentibus huius seculi: & addit, Næ Pater: sic fuit beneplacitum coram te. Sic suprâ cap. 8. *ψ. 47.* Qui ex Deo est, verba Dei audit: propterea vos non auditis, quia ex Deo non estis. Item cap. 6. vers. 36. & 37. Etiam vidistis me, nec creditis: Quicquid dat mihi Pater, ad me venit. Et rursus ibid. *ψ. 44. & 45.* Nemo potest venire ad me, nisi Pater qui misit me, traxerit eum. Est scriptum in Prophetis: Et erunt omnes (nempe filii Ecclesiæ, hoc est electi) docti à Deo. Quisquis ergo audit à Patre & didicit, venit ad me. Item cap. 10. *ψ. 14.* Ego sum pastor ille bonus: & agnosco oves meas: & agnoscor à meis. Nota, A meis, inquit, id est ab electis, mihi datis à Patre. Et ibid. V. 26. & 27. Sed vos non creditis, inquit: non enim estis ex ovibus meis. sicut dixi vobis, Oves meæ vocem meam audiunt: & ego eas agnosco, & sequuntur me.

xix. Ex *ψ. 38* Dicit ei Pilatus, *Quid est veritas?* Ratio carnalis irridet doctrinam Euangelii & confessores illius, maxime quando propter illius confessionem non recusant vel supplicium capitis subire. Sicut hoc loco videmus irrideri Christum à Pilato, quod propter doctrinam veritatis cœlestis subiret internecinum odium Judæorum. Idem docet Paulus 1. Cor. 2. *ψ. 14.* Animalis homo (*ψυχὴς ἀνθρώπου*) non est capax eorum quæ sunt spiritus Dei: sunt enim ei stulticia, &c. Et in ead. epist. c. 1. *ψ. 23.* Prædicamus, inquit, Christum crucifixum, Judæis quidem offendiculum, Græcis verò stultitiam. Sed nos perverso huic iudicio rationis carnalis opponamus mandatum Dei de Filio audiendo, Matth. 3. & 17. & iudicium Apostoli in loco modo citato, ubi addit; Ipsi autem vocatis, tum Judæis, tum Græcis, Christum Dei potentiam ac sapientiam.

xx. Ex eod. *ψ.* *Ego nullum invenio crimen.* Quia Christus à iudice post causæ cognitionem innocens pronuntiatus sit; & tamen ab eodem in gratiam accusatorum ad supplicium crucis postea sit damnatus; observandum est, Christum non propter sua (quæ nulla habuit) sed propter aliena peccata, nempe peccata electorum quæ ut sponzor in se susceperat, maledicta illa morte crucis affectum esse, atque ita pro illis satisfecisse, ipsosque à maledictione Dei liberasse.

xxi. Ex *ψ. 39.* Mentione consuetudinis Judæorum, qua petebant in festo paschæ sibi unum ex facinorosis dimitti, ad celebrandum nimirum festi sanctitatem; admonemur de vanitate ac perversitate cordis humani; quod dum excogitat & instituit cultus Dei, hoc ipso Deum offendit; quippe agens contra expressum Dei verbum; Nam, teste Scriptura, abominatio est coram Deo qui nocentem absolvit.

xxii. Ex eod. *ψ.* Habemus hic in Pilato exemplum perversi iudicii sapientiæ carnalis, facientis malum ut eveniat bonum, dum fluctet inter duo mala eligere id quod minus est. Etenim Pilatus ut posset dimittere Jesum quem judicabat esse innocentem, non dubitavit eum tanquam nocentem cōparare cum nequissimo latrone Barabba. Quippe duob. malis propositis, nempe ut Jesum innocentē vel damnaver, vel cum nocentissimo nebulone tanquam



tanquam ipsum quoque nocentem componeret; hoc posterius tanquam minus elegit. Eodem pertinet quod eum flagellavit. Sed nobis tenendum est illud Apostoli, ne faciamus mala ut eveniant bona, Rom. 3, v. 8. Et regula illa de minore malo ex duobus eligendo, non est intelligenda de malo culpæ, id est, peccato: sed de malo pœnæ; seu (ut idem aliis verbis dicam) intelligenda est non de malo turpi, sed de malo molesto atque damnofo, ut quum mercator in periculo naufragii constitutus mavult jacturam facere mercium, quàm amittere vitam.

XXXII. Ex v. 40. Quod Christus deterior esse judicatus est nequissimo latrone Barraba: consolationem præbet piis contra maledicta malevolorum, clamantium, eos ipsis Turcis deteriores, item Diaboli martyres esse.

## ANALYSIS CAP. XIX.

Argumentum indicatum est in principio capitis præcedentis.

**T**unc ergo assumptis Jesum Pilatus & flagellavit.

2 Es milites contexuerunt coronam de spinis, & imposuerunt ipsi capiti, & pallio purpureo induerunt eum.

3 Es dicebant, Ave rex Judeorum. Es bacillus eum cedebant,

4 Egredius est ergo rursus Pilatus foras, & dixit ei, Ecce, adduco vobis eum foras, ut noveritis me nullum in eo crimen invenire.

5 Egredius est ergo Jesus foras, ferens spineam illam coronam, & purpureum illud pallium. Es dixit ei Pilatus, Ecce homo.

6 Quum ergo inveniissent eum primarii Sacerdotes & eorum ministri, clamaverunt, dicentes, Crucifige, crucifige. Dicis ei Pilatus, Accipite eum vos, & crucifigite. ego enim non invenio in eo crimen.

7 Responderunt ei Judei, Nos legem habemus, & secundum legem nostram debes mori, quia Filium Dei se fecit.

8 Quum ergo audivisset Pilatus hunc sermonem, magis timuit.

9 Et rursus ingressus est in Prætorium, & dixit Jesu, Unde es tu? Jesus autem responsum ei non dedit.

10 Dicis ergo ei Pilatus, Mihi non loqueris? nescis me potestatem habere crucifigendi te, & potestatem habere te dimittendi.

11 Respondit Jesus, Non haberes potestatem adversum me ullam nisi hoc tibi datum esset supernè: propterea, qui me tradidit tibi, majus peccatum habet.

12 Ex eo tempore studabas Pilatus eum dimittere: Judei verò clamabant, dicentes, Si hunc dimiseris, non es amicus Cæsaris, quicumque se regem facit contradiçit Cæsari.

13 Pilatus ergo quum audivisset hunc sermonem, eduxit foras Jesum, confeditque in tribunali, in loco qui dicitur Lithostroton, Hebraicè autem Gabbatha.

14 Erat autem parasceve Pascha, hora verò quasi sexta: tum dicis Judei, Ecce rex vester.

15 Illi verò clamaverunt, Tolle, tolle, crucifige eum. Dicis ei Pilatus, Regem vestrum crucifigam? Responderunt primarii Sacerdotes, Non habemus regem nisi Cæsarem.

16 Tunc ergo tradidit eum ipsis ut crucifigeretur. Assumerunt autem Jesum, & abduxerunt.

Quæ continentur à principio capitis usque ad v. 17. coherent cum extrema parte capitis præcedentis: pertinent enim ad tertiam hujus historie

partem, de iis quæ cum Christo gesta sunt in prætorio coram iudice Pilato, V.1. exponit Euangelista quid fecerit Pilatus, ut posset à populo impetrare dimissionem Jesu. V.2. & 3. quibus contumeliis Jesus affectus sit à militibus Pilati. V.4. quomodo Pilatus secundò innocentem pronuntiavit Jesum. V.5. quomodo conatus sit populum movere ut pateretur Jesum dimitti. V.6. quomodo sacerdotes Jesum postulaverint crucifigi & quomodo Pilatus tertio cum innocentem pronuntiavit. V.7. quod crimen sacerdotes Jesu objecerint. V.8. quid illa criminatio effecerit apud Pilatum. V.9. quomodo Pilatus Jesum interrogavit de patria. V.10. quomodo Pilatus superbe iactavit suam potestatem. V.11. quomodo Jesus iactantiam illam Pilati retulerit, cumque obiurgavit. V.12. quo argumento Pilatus persuasus sit ut Judæis crucifigatur: ubi nova criminatio Christi continetur. V.13. 14. 15. & 16. quomodo Pilatus à Judæis persuasus, confederit pro tribunali, & Christum tradiderit ad cruciandum.

## DE QUARTA PARTE historiæ passionis.

17 Et ipse habens crucem suam, ierexit in eum locum qui dicitur Calvaria, & crucifixerunt eum.

18 Ibi crucifixerunt eum, & cum eo alios duos, hinc & hinc, medium autem Jesum.

19 Scripsit autem etiam titulum Pilatus, & posuit super crucem. Erat vero scriptum. JESUS NAZARENUS REX ILLE JUDÆORUM.

20 Hunc vero titulum milites Judæi non legimus: quia prope eum erat locus ubi crucifixus erat Jesus, & erat scriptum Hebrææ, Græcè, & Latine.

21 Dixerunt autem Pilato quidam Sacerdotes Judæorum, Ne scribas, Rex ille Judæorum: sed illum dixisse, Rex sum Judæorum.

22 Respondit Pilatus, Quod scripsi, scripsi.

23 Milites ergo quum crucifixerent Jesum, acceperunt ejus vestimenta, & fecerunt quatuor partes, unicuique unam partem, & tunicam, erat autem tunica infusa à summitate usque ad bases.

24 Dixerunt ergo inter se, Ne findamus eam, sed sortiamur de illa cuius fuerit scriptum, illa impleverunt, quæ dicit, Partes sunt vestimenta mea sibi, & super vestimentum jecerunt sortem. Adhuc igitur hæc fecerunt.

25 Stabant autem juxta crucem Jesu, mater ejus & soror matris ejus, Maria Clara uxor, & Maria Magdalena.

26 Quum vidisset ergo Jesus matrem ac discipulum adstantem quem diligebat, dixit matri suæ, Mulier, ecce filius tuus.

27 Deinde dixit discipulo, Ecce mater tua. Et ex illa hora recepit eam discipulus ille domum suam.

28 Postea, quum sciret Jesus omnia jam consummata esse: ut periretur scriptura dicta, Sicut.

29 Hæc igitur illic erat positum acetum plenum. Illi vero impleverunt spongiam acetum, & hyssopo circumpositam admoventur ori ejus.

30 Quum autem accepisset Jesus acetum dixit, Consummatus est: & inclinato capite tradidit spiritum.

31 Judæi ergo, ut non manerent in cruce corpora Sabbato, quoniam erat Pascha, (erat enim magnus dies illius Sabbati) rogaverunt Pilatum, ut constringerentur eorum crura, ac tollerentur.

32 Venerunt ergo milites, & prioris quidem latronis confraxerunt crura, & alterius qui crucifixus fuerat cum eo:

33 Ad Jesum autem quum venissent, ut viderunt eum jam mortuum, non confraxerunt ejus crura.

34 Sed quidam ex militibus lancea latus ejus fodit, & statim exiit sanguis & aqua.

35 Et qui vidit testatur, & verum est testimonium ejus: ille inquam scis se vera dicere, ut & vos credatu.

36 Facta sunt enim hæc ut Scriptura impleretur, dicens, Non confringesur ullum os ipsius.

37 Et rursum alia Scriptura dicit, Videbunt quem transfixerunt.

V. 17. narrat Evangelista, quomodo Christus ad locum supplicii deductus sit. V. 18. quomodo crucifixus sit. V. 19. & 20. qui titulus cruci inscriptus fuerit, & quibus linguis. V. 21. quomodo Judæi à Pilato petiverint, ut titulum illum mutaret. V. 22. quomodo Pilatus petitionem illam recusavit. V. 23. & 24. quomodo milites inter se partiti sint vestes Jesu. V. 25. quæ mulieres cruci affiterint. V. 26. & 27. quomodo Jesus Johannem commendavit Mariæ matri, & vicissim Mariam Johanni. V. 28. & 29. quomodo sitientis præbitum sit acetum. V. 30. quomodo expiravit. V. 31. 32. 33. & 34. quomodo factum sit ne frangerentur ei crura, & quid ex latere ejus lancea confosso effluerit. V. 35. continetur asseveratio rerum proximè narratarum. V. 36. & 37. citantur vaticinia Prophetarum, quibus ista eventa prædicta fuerant.

#### DE SEPULTURA DOMINI.

38 Post hæc autem rogavit Pilatum Joseph Arimathæensis (ut qui esset discipulus Jesu, sed occultus propter metum Judæorum) ut solleret corpus Jesu: quod permisit Pilatus. Finit ergo & sustulit corpus Jesu.

39 Venit autem & Nicodemus (u qui venerat ad Jesum nocte primùm) ferens mistura myrrhe & aloes libras quasi centum.

40 Acceperunt ergo corpus Jesu, & obvinxerunt illud linteis cum aromatis, sicut mos est Judæis funerare.

41 In eo autem loco ubi fuerat crucifixus, erat hortus, & in horto monumentum novum, in quo noudum quisquam positus fuerat.

42 Ibi ergo, Propter Parasceuem Judæorum, quod monumentum illud prope esset, posuerunt Jesum.

V. 38. & 39. indicatur, quinam sepeliverint Dominum, nempe Joseph Arimathæensis & Nicodemus Phariseus. V. 40. quo rita Jesum funeraverint. V. 41. & 42. in qualli sepulchro posuerint, & quare.

#### SCHOLIA IN CAP. XIX.

1 Flagellavit. *ἰμᾱσίζων*. Nempe per ministros. Sic Christus dicitur baptizasse, per discipulos: sup. cap. 4. v. 1.

3 *Ἀντίτροφις*. *ἡ ἀπὸ τοῦ ἀντιπρότερου*. Pro, & *ἀντιπρότερος*. Antiprotis Attica. Bacillus eorum cadebant *ἰσθμὸν αὐτῶν ἀντιπρότερον*. Nomen *ἀντιπρότερος* significat idem, qui virga aut baculo aut fuisse incutitur. A verbo *ἀντιπρότερος*, quod idem valet ac *ἀντιπρότερος* *πατάσκειν*, baculo percutere: sicut ex Plutarcho ostendit D. Bēza in annot. ad Matth. 5. v. 39. Porro verbum *ἀντιπρότερος* deductum est à nomine *ἀντιπρότερος*, id est, virga.

5 *Spineam illam coronam & purpureum illud palliū.* τὸν ἀγρίον στέφανον  
καὶ τὸ πορφυρὸν ἱμάτιον. Nempe de quibus sup. v. 2. Articuli sunt ἀπαρορμητοί.  
Ecce homo, ἰδοὺ ὁ ἀδελφός. Vel, *Ecce hunc hominem,* quasi dicat: Quam misere  
tractatus est hic homo! nam nomen ὁ ἀδελφός hic ad Christum refertur,  
quem ostendebat Pilatus: nec vim habet vocativi, ut sup. v. 3 ὁ βασιλεὺς.

7 *Filium Dei fecit.* ἔαυτὸν υἱὸν τοῦ θεοῦ ἵκτισεν. Sic sup. cap. 10. v. 33. ποιεῖς  
σεαυτὸν θεόν, facis te ipse Deum. Fecit. autem, scil. verbis seu docendo, hoc  
est, docuit & persuadere hominibus conatus est, se esse filium Dei. Videtur  
autem hic deesse articulus τὸν ante nomen υἱόν. nisi dicamus, eos sermonem  
accommodasse ad ruditatem Pilati, & indefinite loquutos: quum Pilatus  
discrimen filiorum Dei ignoraret; nempe unum esse naturalem, ceteros  
adoptivos.

11 *Supernē.* ἀνωθεν. E supernis. scil. locis. ut sup. cap. 3. v. 31.

12 *Quicumque.* πᾶς. Pro, πᾶς ὅς. nam quicumque. *Qui se regem facit.* ὁ  
βασιλεὺς αὐτὸν ποιεῖ. Ut sup. v. 7. *Contradicis.* ἀντιλέγεις. Id est, opponis se,  
resistis, adversatur.

13 *Lithostroton.* λιθόστρωτον. Puto dicendum Latine Lithostrōton, ge-  
nere scilicet neutro; quo etiam positum videtur nomen Græcum. neque  
enim cohæret cum nomine τὸ πῶς, tanquam adiectivum illius: sed tanquam  
nomen substantivum subijciitur participio λεγόμενος: ut quemadmodum  
hic dicitur, τὸ πῶς λέγεται λιθόστρωτον: ita etiam dicendum sit, τὸ πῶς  
λέγεται λιθόστρωτον, non autem λιθόστρωτος. Plinius lib. 36. cap. 28. Pavimenta  
originem apud Græcos habent elaborata arte picturæ ratione: donec Li-  
thostrota expulere eam. Et aliquanto post: Lithostrota capere jam sub  
Sylla, parvulis certe crustis, &c. Nomen ipsum compositum est ex λίθος, la-  
pis, & στρωτον, sterno. Γαββαθα. Γαββαθα. Sic nominatur illud pavimen-  
tum, quod esset elevatum: à verbo Hebræo גָּבַח gabah, quod significat  
elevari.

14 *Parasceue pasche.* παρασκευή τῇ πάσχα. Id est, dies proximus ante  
diem paschæ: quo ad festum sic præparabant, nam παρασκευή præparatio-  
nem significat.

*Ecce rex vester.* ἰδοὺ ὁ βασιλεὺς ὑμῶν. Id est, attendite, hic est ille rex  
vester.

16 *Assumserunt.* παρέλαβον. Nempe milites, ministri Pilati.

17 *Basileus cruce suam.* Videlicet ex more Romanorum: Sicut ex  
Plutarcho ostendit D. Beza. *Inde venit.* ἐξ ἑλθιν. Vel, *extitit,* nempe ex urbe,  
ductus nimirum à militibus. *Golgotha.* Γολγοθα. Pro, Γολγοθᾶ: terminatio-  
ne quidem Syriaca. nam Hebraice est גִּלְגֹּלְתַּי Gulgoletth, id est cranium seu  
calvaria. sic dicta à rotunditate & volubilitate: nam גָּלַל galal volvere  
significat.

23 *Quod scripsi, scripsi.* Id est, Quod scripsi, scriptum manebit: non  
muto.

23 *Vestimenta.* τὰ ἱμάτια. Obscurum est, quomodo hic τὰ ἱμάτια & ὁ  
χρῶν inter se distinguantur: quum tamen & ὁ χρῶν videatur contineri τῶν  
ἱματίων vocabulo. Si legeretur numero singulari τὸ ἱμάτιον, tum perspi-  
cua esset antithesis, videlicet inter pallium seu potius togam, vestem exte-  
riam, & tunicam vestem interiorem: qualis harum vocum antithesis reperi-  
tur Math. 5. vers. 40. & Luc. 6. v. 29. *Tunicam,* τὸν χρῶν. Nomen Græcum  
χρῶν videtur ortum ex Hebræo חֲרָטָה cuttoneth: pro quo Syrus habet  
חֲרָטָה cuttoneth.

24 *Ut Scriptura impleveretur.* Verba Evangelistæ præcisa, ut sup. ca. 18. v. 32. *Ἐστέμ. τὸν ἱμᾶν μου.* Evangelista versu superiore interpretatur *χτώνα*, id est tunicam.

25 *Discipulum quem diligebat.* τὸν μαθητὴν ὃν ἠγάπα. Periphrasis Johannis: ut intelligitur ex capitis ultimi *ψ* 20. & *ψ* 24. inter se collatis. *Ecce filius tuus.* ἰδὲ ὁ υἱός σου. Id est, hic est filius tuus: hoc est: hunc tibi commendo tanquam filium: vel potius te illi commendo, ut tuæ senectutis curam gerat pro me, qui jam abs te divellor.

27 *Ecce mater tua.* ἰδὲ ἡ μήτηρ σου. Id est, hæc est mater tua: hanc tibi ut matrem commendo. Sunt autem hic manifestæ metaphoræ. Etenim Johannes Mariæ filius dicitur, & hæc illius mater: non quod ex ipsa esset genitus, sed quod filiali amore & cura eam deberet complecti. *Domum suam.* εἰς τὰ ἱδία. Ad verb. *In sua*, Metonymia adjuncti. nam suas quisque facultates domi suæ fere habet.

28 *Omnia jam consummata esse.* ὅτι πᾶσι ταῦτα ἔδη τετέλεσται. Nempe omnia quæ requirebantur ad redimendum electos. Etenim sensum iræ Dei jam sustinuerat & superaverat: tum sudans in horto grumos sanguinis, tum exclamans in cruce, Deus mi, quare dereluxisti me? Sic paulo-post *ψ* 30. *Ut perficeretur Scriptura.* ἵνα τελεσθῇ ἡ γραφή. Hic incipit consequens enuntiati compositi seu apodosis periodi. nam versiculus præfens sic est construendus: Quum sciret Jesus, omnia jam esse consummata: dixit, Sitio: *hoc tamen ideo dixit*, ut perficeretur Scriptura. Nam etsi omnia jam essent consummata quæ requirebantur ad redemptionem electorum: nondum tamen impletæ erant omnes prophetiæ de Christo redemptore: sed multa adhuc restabant, ut mors corporis, sepultura, resurrectio, ascensio in cælum, missio Spiritus sancti &c. Inter illa autem quæ adhuc restabant implenda, erat etiam istud quod hoc loco narrat Evangelista, nempe ut ei acetum bibendum daretur.

29 *Hyssopo circumpositam.* ὑάσων περιβίβντε. Observandum, nomen ὑάσωνος hic usurpari non vulgari illa significatione quam habet apud profanos scriptores, significans nimirum herbam quam usitatè appellamus hyssopum: sed ex consuetudine scriptorum sacrorum; apud quos Hebræa vox *חַיָּסוֹן* esôb, propter affinitatem vocum à Græcis interpretibus reddita est ὑάσωνος: ut inter alia loca videre est Exod. 12. *ψ* 22. 1. Reg. 4. *ψ* 33. Psal. 51. *ψ* 9. Nomine autem *חַיָּסוֹן* non significari herbam illam quam vulgò nominamus hyssopum: intelligi potest ex loco illo 1. Reg. 4. *ψ* 33. ubi *חַיָּסוֹן* inter arbores numeratur, tanquam minima scilicet arborum. Sic enim ibi scriptum est: Et locutus est seu disseruit (nempe Salomon) de arboribus, *עֵץ יָסוֹן*, à cedro quæ est in Libano, usque ad esôb qui exiit (i. e. enascitur) in pariete. Quid ergo dicemus significari nomine *חַיָּסוֹן*. Sunt qui muscum interpretentur: at muscus non est in genere arborum: sicut *חַיָּסוֹן*, ut paulo antè ostendimus. Videtur autem *חַיָּסוֹן*, ac proinde ὑάσωνος hoc loco, esse libanotis arborefcens, qui vulgò rosmarinus dicitur: idque propter has rationes. primùm, quia Judæi eo sunt usi pro aspergillo, ad aspergendum sanguinem victimarum: ut videre est Exod. 12. v. 22. Levit. 14. v. 6. & 7. item ad aspergendum aquam, Numer. 19. *ψ* 18. Ad hunc autem usum impermis idogæus est rosmarinus, propter foliorum densitatem, parvitatē & copiam. Deinde, quia opponitur cedro tanquam arborum minima: libanotidem autem nonnullis locis arborefcere, notum est. Tum, quia dicitur nasci in pariete: libanotis autem locis saxosis gaudere traditur. Postremo quia

quia quod hic à Johanne nominatur *ῥοσμάριος*, id à Matthæo cap. 27. v. 48. vocatur *κλάμος*: quo nomine ipsa stirps libanoticis significari videtur, ramis scilicet undique resectis. Ad horum confirmationem addere libet, quæ amicus quidam, vir reconditæ doctrinæ in primis deditus, ex codice quodam suo descripta mecum communicavit: nempe ex libro cujusdam Francisci Georgii Veneti, quem inscripsit Harmoniam mundi. Loca inde excerpta, sunt hæc, Tomo 4. cap. 31. Cantici primi: Unde non abs re rosmarinus erat in frequenti usu sacrificiorum in lege veteri: quem Hebræicè vocant *Ezob*: sed ex vicinitate vocabuli nostri traduxerunt hyssopum. Item cap. 28. cantici primi, tomo 7. Celebratur quoque nimis planta illa, quæ in Hebræo dicitur *Ezob*: quod ex vicinitate vocabuli traduxerunt hyssopum: sed pro veritate libanotis est: quem Romani prius, sed hodie Italici omnes rosmarinum dicunt: quæ inter plantas quidem nobilissima est, & magis quam existimatur excellens: quamvis multitudine & frequentia vilescat. Item cap. 17 cantici secundi, tom. 3. Hyssopus verò aut libanotis (ut alibi declaravimus) planta quidem est omnium excellentissima, ut sapientibus notum est, & asperioni aptissima: quum ramusculos habeat ligneos, densissimis & minutis foliis. Hinc ipsa jubebantur fieri asperiones, &c. Item capite 6. cantici secundi, tom. 4. Aderat quoque in illa expiatione, alutissima larix vel cedrus, & minima omnium hyssopus: quæ aut ipse rosmarinus est, aut species quædam ipsius: ut de mente quorundam alibi diximus: qui est minima arbor, &c.

30. *Consummationem est.* *τετέλεσται.* Nempe quicquid à me fieri debuit ad tedemitionem electorum. Sic paulo. antè v. 28. *Tradidit propter delicta.* Nempe in manus patris: Luc. 23. v. 46. *Spiritum.* *τὸ πνεῦμα.* Id est, animam.

31. *Non manerent, &c.* Mansissent autem nisi mox fuissent sublata: etenim sabbatum instabat, quippe incipiens à vespéra statim post occasum solis: in sabbato autem non licebat Judæis quicquam servilis operis facere. *Erat parasceus.* Vide supra v. 14. *Erat magnus dies.* *ἡ μεγάλη ἡ ἡμέρα.* His verbis ratio exponitur, cur minimè licuisset Judæis, sabbato de cruce tollere corpus Jesu: quia nimirum sabbatum illud fuerit magnum, id est maxime solenne, concurrente scilicet duplici solennitate, una sabbati, altera festi paschæ. *Ac tolleretur,* *καὶ ἀρπάσσεται.* Nempe ipsi, *αὐτοὶ.* Scilicet crucifixi, de cruce.

33. *Ad Jesum autem quum venissent &c.* Hinc apparet, eos crinibus unius latronis contractis, Jesum in medio pendentem præterisse, & ad extremum reservasse: haud dubiè, ut eum diutius in cruciatu relinquerent.

34. *Latui: etus sodes.* Nempe ad explorandam an esset mortuus. *Exivit sanguis & aqua.* Quod erat certum signum mortis, transfuso nimirum pectore, &c. inquit conceptaculo: quo effuso animal quodvis mori protinus necesse est: sicut P. Junius admonuit.

36. *Scriptura.* *α ἡ γραφή.* nempe quæ mox citatur, ex Exod. 12. At ibi sermo est de agno paschali. Intelligamus igitur, agnum illum fuisse typum Christi, tanquam veri agni qui tollit peccatum mundi.

37. *Id est, oculis mentis.* Videlicet oculis mentis, hoc est, cognoscent eum tandem per suum salvatorem.

38. *Ut qui esset discip. nō agnoscere.* His verbis indicatur causa impulsiva quæ impulit J. sephum, ut corpus Jesu à Pilato peteret. *Propter metum Judæorum.* *διὰ τὸν φόβον τῶν Ἰουδαίων.* Id est, propterea quod timebant Judæos, id est, principes Judæorum, qui decreverant, ut si quis Jesum confiteretur esse



esse Christum, synagoga moveretur sup. c. 9. v. 22. *Ut tolleres. i. v. a p.* Id est, ut liceret sibi tollere seu auferre de cruce & sepelire.

40. *Cum aromatis. i. v. a p. d. e. g. u. s. t. a. m.* Cum aromatis illis. quorum scilicet facta est mentio versu superiore, videlicet cum myrrha & aloë quæ attulerat Nicodemus. Verumtamen aromatis illis non fuit unctus atq; pollinctus: quia non licebat propter temporis brevitatem. Imminebat enim sabbatum. Et mulieres sabbato demum finito, venerunt ad monumentum ut Jesum ungerent. *Funerare. i. v. a p. d. e. g. u. s. t. a. m.* Sive pollinere. Vide supra ad cap. 12. v. 7.

42. *Propter parasceven.* Vide supra v. 14.

## OBSERVATIONES LOCORVM

## DOCTRINAE EX CAP. 19.

I. Ex v. 1. Hic recurrit eadem observatio quam paulo ante annotavimus ad v. 39. capitis precedentis, de prudentia carnis: ex duobus malis minus eligente. Vide illic.

II. Ex v. 2. & 3. Si accidat, nos propter confessionem regis nostri Christi, omnis generis continetis a mundo affici: totidem nos exemplo illius: cui idem accidisse videmus. Sic quum hodie in Hispania confessores Evangelii ad supplicium adducuntur, pileos flavos ignominie causa eis imponuntur: item infusa chartacea in quibus imagines diabolorum & gehennæ depictæ sunt. Nonnulli quoque ad pileolos ejusmodi flavos perpetuo gestandum damnantur.

III. Ex v. 4. & 6. Quod innocentie Christi toties ab ipso iudice testimonium est perhibuit, facit ad nostram consolationem: ut videlicet sciamus Christum non propter sua ipsius peccata passum esse, sed propter nostræ: item ut sciamus, sacrificium mortis Christi pro nobis oblatum, Deo fuisse acceptum: quippe quum & sacerdos fuerit sanctus, & victima sancta.

IV. Ex v. 5. & 6. Quod Judæi non fuerunt ad misericordiam commoti miserabilissimo spectaculo Christi flagellati, quo tamen ipse Pilatus homo ethnicus commotus fuit: admonet nos de potentia atque efficacia diaboli in hostibus Evangelii. Quod si accidat ut nos quoq; propter Evangelii confessionem, ab hostibus illius similem inhumanitatem experiamur: consoletur nos exemplo Christi, domini & magistri & denique capitis nostri.

V. Ex v. 7. Criniantur Judæi Christum, quod se fecerit filium Dei, id est, quod docuerit se esse filium Dei, quum tamen non sit: & hanc doctrinam blasphemie damnant. At Christus hanc suam doctrinam illustribus miraculis & testimoniis, ac imprimis voce ipsius Dei callitus pronuntiata, confirmaverat. Verum ad hæc argumenta Judæi petulantur & oculos & aures clauserunt: indulgentes falsis suis opinionibus de regno Christi, & odio suo adversus Christum qui hypocrisin ipsorum reprehenderat. Similiter hodie inquisitores (ut appellantur) hereticæ pravitatis criminantur confessores Evangelii, quod sint heretici, quia scilicet subscribere nolunt ipsorum placitis & humanis commentis: ac interim neq; hæreseos illos ex verbo Dei convincunt, neque argumenta quibus illi confessionis suæ veritatem ex verbo Dei demonstrant, audire volunt, sed tantum eos apud iudices politicos ad supplicium deponunt. Consoletur igitur se confessores Evangelii, exemplo Christi.

VI. Ex v. 8. Pilatus quum audivisset, Jesum accusari quod sese affirmasset filium

filium Dei: magis timuit eum condemnare: existimans nimirum gravius esse peccatum injuria afficere aliquem Deum, quam hominem innocentem. Hinc perspicitur, etiam in Ethnicis aliquem divini numinis sensum ac metum superesse. Quare ethnicis deteriores esse oportet prælatos Papisticos: qui absque ulla Dei metu doctrinam cælestem verbo Dei traditam atque adeo ipsum Dei verbum tam superbe contemnunt & tam securè irident, imò etiam hæreticos, id est mendacii damnant.

VII. Ex vers. 9. Jesus à Pilato interrogatus, unde esset; hoc est, essetne homo mortalis ex terra oriundus, an verò Deus quispiam immortalis, oriundus è cælo: nullum responsum dedit: quia nimirum videbat, Pilatum veritatis illius cælestis de sua persona, capacem non esse; illamque auditam irrisurum, sicut paulo-antè quum Christus declarasset naturam sui regni, affirmans se ad hoc venisse in mundum ut testimonium det veritati: Pilatus per contemtum dixit, Quid est veritas? suprà cap. 18. v. 37. Hinc discamus, non ad quamvis quæstionem respondendum esse: ac nominatim non esse cavillis ac sannis profanorum hominum prostituendam doctrinam cælestem verbi Dei. Sic vetat Christus sanctum dare canibus, & margaritas coram porcis projicere.

VIII. Ex vers. 10. Pilatus ægrè fert silentium Jesu, tanquam cum sui contentu conjunctum, ac proinde quem paulo-antè tanquam Deum quempiam incipiebat revereri, ei nunc tanquam homini mortali minatur, suamque in illum potestatem superbe jactat. Hinc videmus, in hominibus Spiritu Dei non illuminatis non esse constantem, sed evanidum Dei timorem: & cor hominis fraudulentum esse, sicut Jeremias affirmat, cap. 17. v. 9. Deinde hinc perspicimus, quam cæca sit superbia. Etenim Pilatus dum jactat se habere potestatem Jesum vel absolventi vel crucifigendi, hoc ipso se injustitè damnat. neque enim habuit absolutam potestatem utrumvis faciendi: sed absolventi infontem, crucifigendi fontem: at Jesum ipse jam aliquoties infontem pronuntiaverat: non igitur habuit potestatem illum crucifigendi, sed debuit eum absolvere.

IX. Ex v. 11. Quum potestas judiciorum criminalium, atque item civilium, sit à Deo: caveant sibi magistratus, ne illa abutantur pro sua libidine: sed cogitent, se aliquando administratæ illius rationem Deo reddituros.

X. Ex eod. Peccata non sunt æqualia, ut Stoici olim docuerunt: sed aliud alio maius est. Sicut hoc loco affirmat Christus, majus esse peccatum Judæorum qui Pilatum ad injustam ipsius damnationem suis minis adigebant, quam Pilati qui illorum minis cedens ipsum injustè damnaret.

XI. Ex v. 12. 13. 14. 15 & 16. Pilatus, ne amittat gratiam Cæsaris, non veretur offendere Deum; damnando Jesum, quem judicabat innocentem: ne à Judæis apud Cæsarem accusaretur, quòd non cõcederet rebelles, quo crimine Jesum gravabant. Nos contrà teneamus illud Christi: ut demus Cæsari quæ Cæsaris sunt, & Deo quæ Dei sunt: ac potiozem ducamus gratiam Dei quam vel potentissimorum hominum.

XII. Ex ver. 15. Sacerdotes dicunt, Non habemus regem nisi Cæsarem, quibus verbis regem sibi promissum, nempe Messiam sive Christum, prorsus repudiant: in quo tamen veram felicitatem repositam esse norant. Huc eos adigit vis iniqui odii erga Jesum. Quare caveamus, ne iniquo odio indulgentes, vita æterna nos sponte privemus.

XIII. Ex v. 17. & 18. Considerandum, cur Christum oportuerit ad locum supplicii educi extra urbem: cur crucifigi: cur medium inter duos latrones suspendi

suspensi? Causa est, ut sciremus, peccata nostra per mortem ipsius esse expiata, nempe quatenus in cruce gustavit pro nobis mortem æternam. Heb. 2. vers. 9. Etenim peccata nostra ei fuisse imposita, atque adeo ipsum omnibus omnium electorum peccatis fuisse onustum: perspicitur ex eo, quod reputatus est inter latrones, sicut & Esaias (cap. 53.) fore prædixit, & quidem inter duos latrones medius suspensus fuit, tanquam illis sceleratior ac destabilior. Supplicium autem ipsius habuisse rationem sacrificii, quo peccata nostra ipsi imposita, expiarentur; liquet ex eo quod extra urbem ad supplicium eductus fuit. sic enim olim hostiæ Christum præfigurantes, quarum sanguis pro peccato fundebatur, solebant extra castra efferni ex legis mandato, Exod. 29. 14. Levit. 4. 11. quam Legis figuram in Christo completam esse monet Apostolus Heb. 13. V. 11. & 12. Eodem pertinet, quod suspensus fuit de ligno; ea enim re fuit significatum, Christum pro nobis factum esse execrationem, ut nos ab execratione Legis redimeret: sicut docet Paulus Gal. 3. v. 13. quo sensu & Petrus dicit, Christum pertulisse peccata nostra in corpore suo super lignum, 1. Pet. 2. 24.

xiv. Ex v. 19. 20. 21. & 22. Deus sua providentiâ ita gubernavit manum Pilari ut in scribendo titulo crucis, testimonium honorificum Christo, quamvis aliud agens, perhiberet: Videlicet ipsum esse regem illum Judæorum, id est populi Dei. Sic antea rexerat linguam Caiaphæ, ut affirmaret, expedire Jesum mori pro populo: supra cap. 11. v. 50. & cap. 18. v. 14. Discamus igitur famam atq; existimationem nostram commendare providentiæ Dei: hæc facile eam tutam præstabit.

xv. Ex v. 23. & 24. Notetur hic pars argumenti quo demonstratur, Jesum Mariæ virginis filium esse promissum illum Messiam seu servatorem mundi: nempe quod in eo impleta est prophetia Davidis quæ extat Psalm. 22. de vestibus ipsius.

xvi. Ex v. 25. Quod Maria mater Jesu, & reliquæ duæ Mariæ cruci Jesu astiterint, argumentum fuit fidei ipsarum. nisi enim constanter in eum credidissent, non ita constanter ei extrema patienti adhaesissent. Hanc fidem imitemur, & Christo constante confessione adhæreamus: idque eo magis, quod jam non pendet in cruce cum ignominia, sed regnat in cælo cum gloria, sedens ad dexteram patris.

xvii. Ex v. 26. & 27. Quod Jesus commendat matrem Johanni, alendam scilicet, ac defendendam: exemplum est pietatis erga parentes nobis ad imitandum propositum. Item quod Johannes ad commendationem Jesu, Mariam statim ad se recipit: exemplum est promptitudinis atque alacritatis in perficiendis mandatis Christi, nobis item ad imitandum propositum. Commendavit autem nobis pauperes: ergo his promptè & alacriter beneficiamus.

xviii. Ex v. 28. & 29. Rursum notetur pars argumenti quo probatur, Jesum esse promissum illum mundi servatorem: nempe quod in eo impleta est prophetia quæ extat Psalm. 69. de potu aceti qui ipsi præbendus erat.

xix. Ex v. 30. Quum sentiemus adesse horam mortis: commendemus unusquisque animam suam in manus Dei: exemplo Christi. Sic Stephanus animam suam commendavit in manus Christi. Act. 7. penult.

xx. Ex v. 31. 32. 33. 34. 35. 36. & 37. Rursum hic notentur duæ partes argumenti, quo ostenditur, Jesum esse Christum: quia videlicet in eo impleta est scriptura de ossibus ejus non frangendis, & de ipso transigendo.

xxi. Ex v. 31. Exemplo Judæorum rogantium ut corpora tollerentur & crucib. sicut nimirum Deus in lege præceperat: admonemur de ingenio hypocrita-

poëtarum: qui rebus minutis atque externis tantum intenti, sine ullo scrupulo maxima scelera prætereunt. nam ut sabbarum suum religiose celebrant, de externa pollutione anxii sunt: interea non reputant quam nefarium fuerit scelus, vita privare hominem innoxium. Sic supra cap. 18. v. 28. noluerunt ingredi prætorium ne se polluerent: quum tamen intetum totam regionem pollueret eorum impietas. Vide illic.

xxii. Ex v. 34. Christus in cruce mortuus duplici symbolo testificatur, sanguinem ipsius habere vim expiandi, itemq; purgandi seu abluendi nos à peccatis, quatenus nimirum paulo antè effusus fuit cum sensu iræ Dei.

xxiii. Ex v. 36. Quod Moses scripsit de agno paschali, id Johannes ad Christum transfert. hinc intelligitur, Agnum paschalem fuisse typum Christi. quod ipsum Paulus quoque significat. 1. Cor. 5. inquit, Pascha nostrum pro nobis immolatum est, nempe Christus.

xxiv. Ex v. 38. & 39. In Josepho & Nicodemo proponitur nobis exemplū confessionis Christi. Et certe si illi sese Christi discipulos profiteri non sunt veriti, quum is in extrema jaceret ignominia: quanto magis nos hodie confitebimur Christum, quum jam regnet in cœlesti gloria?

xxv. Ex v. 40. Sicut olim Judæi spem suam de resurrectione carnis restati sunt pretiosa aromatum conditura: ita nos hodie spem eandem profiteri debemus, sed longè claiore argumento, videlicet exemplo resurrectionis Christi.

xxvi. Ex vers. 41. & 42. Singulari providentia Dei factum est, ut corpus Christi sepeliretur in monumento novo, in quo nondum quicquam positus fuerat: ne diabolus posset cavillari, non esse certum an corpus ipsius Christi, an verò alterius alicuius ex illo sepulchro excitatum sit. Sic igitur Deus fidem nostram undiquaque munitam esse voluit.

## ANALYSIS CAP. XX.

## ARGUMENTUM.

Deinceps per duo postrema capita narratur, quomodo Christus post resurrectionem suam ex mortuis, sese vivum ostenderit discipulis suis.

**P**rimo verò die hebdomadæ, Maria Magdalene venit manè quum adhuc tenebre essent, ad monumentum: vide, quæ lapidem sublatum a monumento.

2 Currit ergo & venit ad Simonem Petrum, & ad alterum illum discipulum quem amabat Jesus: & dicit eis, Sustulerunt Dominum è monumento, & nescimus ubi posuerint eum.

3 Exiit ergo Petrus, & alter ille discipulus, & venerunt ad monumentum.

4 Currebant autem duo simul: sed alter ille discipulus præcurrit cunctis Petro, venitque prior ad monumentum.

5 Et quum se intus videret, vidit posita lintea: non tamen introiit.

6 Venit ergo Simon Petrus sequens eum, & introiit in monumentum, & conspexit lintea ibi posita:

7 Et sudarium quod fuerat super caput ejus, non cum linteis positum, sed seorsim involutum in unum locum.

8 Tunc ergo introiit etiam alter ille discipulus, qui venerat prior ad monumentum, viditque, & credidit.

9 Nondum enim noverant Scripturam videlicet, quod oporteret eum à mortuis resurgere.

10 Redierunt ergo illi discipuli ad suos.

11 Maria vero fletis stabat ad monumentum foris. Dum ergo fletet, incurvavit se in monumentum.

12 Et conspexit duos Angelos albatos, sedentes, unum ad caput, & alterum ad pedes, illic ubi jacerat corpus Jesu.

13 Qui etiam dixerunt ei, Mulier, quid fles? Dicit eis, Sustulerunt dominum meum, nec scio ubi posuerint eum.

14 Et quum hæc dixisset, convertit se rearorsum, conspexitque Jesum stantem: nec sciebat Jesum esse.

15 Dicit ei Jesus, Mulier quid fles? quem quæris? Illa, putans hortulanum esse, dicit ei, Domine, si in asportasti ipsum, dicito mihi ubi posueris eum: & ego eum tollam.

16 Dicit ei Jesus, Maria. Illa se convertens dicit ei, Rabboni, quod dicitur Præceptor.

17 Dicit ei Jesus, Ne me tangito: nondum enim ascendi ad Patrem meum: sed vade ad fratres meos, & dic eis. Ascendo ad Patrem meum & Patrem vestrum, & Deum meum & Deum vestrum.

18 Venit Maria Magdalene annuntians discipulis quod vidisset Dominum, & quod ea sibi dixisset.

19 Quum ergo vespere esses die illo primo hebdomadis, & fores essent clausæ illic ubi erant discipuli congregati propter mesum Judæorum, venit Jesus: stetitque in medio ipsorum & dixit eis, Pax vobis.

20 Et quum hæc dixisset, ostendit eis manus ac latus suum. Gavisæ sunt ergo discipuli viso Domino.

21 Dicit autem eis iteris, Pax vobis: sicut misit me Pater, ita & ego mitto vos.

22 Et quum hæc dixisset, afflavit eos & dixit eis, Accipite Spiritum sanctum.

23 Si quorum remisistis peccata, remittuntur eis: si quorum retinueritis, retenta sunt.

24 Thomas autem, unus ex illis duodecim, qui dicitur Didymus, non erat cum eis quando venerat Jesus.

25 Dixerunt igitur ei ceteri discipuli, Vidimus Dominum. Ille vero dixit eis, Nisi videro in manibus ejus vestigia clavorum, & immiserò digittum meum in vestigia clavorum, & immiserò manum meam in latus ejus, nequaquam credam.

26 Octo ergo post diebus rursus erant discipuli ejus intus, & Thomas cum eis: venit Jesus foribus clausis, & stetit in medio ipsorum, & dixit, Pax vobis.

27 Deinde dicit Thomæ, Infer digittum tuum huc, & vide manus meas, & profer manum tuam, & immisce eam in latus meum: & ne esio incredulus, sed credens.

28 Respondit autem Thomas, & dixit ei, Domine mi & Deus mi.

29 Dicit ei Jesus, Quia vidisti me, Thomas, credidisti: Beati qui non vident, & crediderunt.

30 Multa vero etiam alia signa edidit Jesus in discipulorum suorum conspectu, quæ non sunt scripta in hoc libro.

31 Hæc autem scripta sunt, ut credatis Jesum esse Christum Filium illius Dei, & ut credentes vitam habeatis per nomen ejus.

Capitis hujus sunt quatuor principales partes. In prima narratur, cui omnium primo innotuit Domini resurrectionis, & quomodo: nempe Johanni & Petro, qui moti indicio Mariæ Magdalene de sublato corpore Jesu, sepulchrum inspexerunt, ac linteis solis repertis, Dominum resurrexisse credide-

## SCHOLIA IN CAP. XX.

crediderunt, usque ad versic. 11. In secunda parte narratur, quomodo eadem Maria viderit in sepulchro duos angelos, & mox extra sepulchrum Jesum ipsum: quem tamen initio non agnovit, donec nominatum ab eo compelleretur: item quomodo mandata Domini ad discipulos detulerit, usque ad V. 19. In 3. parte narratur, quomodo se Jesus patefecerit discipulis in domo clausa congregatis; & quibus mandatis, quaque facultate simul & potestate ad ministerium verbi eos instruxerit, usque ad V. 24. In quarta parte narratur de Thoma, quomodo is narrationi condiscipulorum, testantium Dominum resurrexisse, fidem detraxerit, & quomodo post ostendit Dominus se ei patefecerit, ejusque incredulitatem reprehenderit: ipse vero fidem suam plenissime confessus sit, usque ad V. 30. Duobus postremis versibus, rejicit Evangelista narrationem plurium miraculorum Christi: & causam finalem duplicem exponit, cur ea quæ hoc libro continentur conscripserit.

## SCHOLIA IN CAP. XX.

1 *Primo vero die hebdomadae* τῇ δὲ μιᾷ τῶν σαββάτων τῇ μιᾷ, pro, τῇ ὥρῃ, scilicet, ἡμέρᾳ. Hebraismus. Sic Gen. 1. V. 5. Facta est vespere & factum est mane dies unus. id est, primus. Σαββάτων autem vocabulo, numero plurali, significatur hebdomas: quanquam apud Hebræos, in sacris quidem literis, in hac significatione non nisi numero plurali reperitur, ad significandum non hebdomadem unam, sed plures: ut Levit. 23. v. 15. & cap. 25. v. 8. Ad eundem planè modum loquitur & Matthæus cap. 28. V. 1. item Paulus, 1. Cor. 16. versu 2. *Lapidem. τὸν λίθον.* nempe qui obvolutus erat ostio monumenti.

2 *Aliterum illum &c.* Periphrasis Johannis. Vide sup. cap. 19. V. 26. *Sustulerunt.* ἔπαρ. Pro, Sublatus est Dominus. Oratio impersonalis. nam ignorabat, quis sustulisset.

3 *Ad. εἰς.* Pro ὡς.

4 *Prior. ὡς τοῦ.* Id est, ὡς περ.

5 *Quum se incurvasset. παρεκύνησας.* Vel, Quum introspexisset. *παρεκύπτειν*, est prono capite & propenso collo accuratè introspicere. Contrà *ἀνακύπτειν* est suspicere, oculis & capite sursum erectis: ut Luc. 21. versu 28. Quum hæc fieri incipient, *ἀνακύψατε καὶ ἰδέατε τὰς κεφαλὰς ὑμῶν.* suspicite & attollite capita vestra. Propria illa significatio verbi *παρεκύπτειν* liquet etiam ex usurpatione ejus metaphorica Jacob. 1. V. 25. ἵ δὲ παρεκύψας εἰς τὸ μὺς τέλειον τοῦ τοῦ ἰσχυροῦς. Qui autem introspexerit in perfectam illam legem libertatis.

8 *Vidique. καὶ εἶδ.* Scilicet linthea & sudarium. *Et crediderit καὶ ᾤκισιν.* Etsi ex collatione versiculi sequentis, itemque versiculi secundi supra, videri possit hoc ita exponendum, quod crediderit Johannes Christum esse sepulchro surreptum esse: tamen quia verbum *credendi* absolute positum intelligi solet de fide in Christum, videtur potius ita exponendum, quod crediderit Christum resurrexisse, sicut narraverant mulieres teste Luca: ex cujus narratione liquet Petrum tum demum ad monumentum cucurrisse, quum jam unā cum cæteris apostolis nuntium illum de Domini resurrectione ex mulieribus audivisset: Vide Luc. 24.

9 *Nondum enim noverant. καὶ ποτὶς ἔδεισαν.* His verbis rationem exponit, cur tum demum crediderit, Dominum surrexisse, quum resurrectionis vestigia vidit in monumento. Nam si cognitam jam tum habuisset

Scripturam



Scripturam quæ Christum resurrecturum prædixit: credidisset, etiam signis resurrectionis non conspexisset.

10 *Illi discipuli, οἱ μαθηταί, nempe Petrus & Johannes. Ad suos. τοῖς ἰαυτοῖς.* Id est, domum suam. Metonymia.

11 *Incurvatus se. παρέκλινεν. Vel, inrospexit.* Vide sup. v. 5.

12 *Albatus. οὐ λευκός.* Ad verb. *In albus.* Subaudi. *ἱματίοις*, vestimentis. *Ad caput. τοῖς τῇ κεφαλῇ.* Id est, ad eam sepulchri partem in qua situm fuerat caput Jesu. Metonymia. Sic Gen. 47. *ψ.* ult. Incurvavit se Israël ad caput lecti sui. id est, ad cervical. Sic mox, ad pedes.

13 *Domum meum.* Id est, corpus domini mei. Synecdoche integri.

14 *Nondum enim ascendi. ἔτι οὐκ ἀνέβηκα.* Ex his verbis & proximèsequentibus licet colligere, Mariam ea mente Christum voluisse tangere, ut cum eo maneret tanquam jam in plenum suæ gloriæ statum ingressō. hunc errorem Christus reprehendit: ac monet, familiarem illam ipsius in gloriā recepti fruitionem reservari alii tempore, quum scilicet ipse jam in cælum ascenderit. Nunc autem aliud urgere quod Mariæ agendum sit, nempe ut resurrectionem ipsius annunciet discipulis. *Fratres meos. τὸς ἀδελφούς μου.* Intelligit discipulos: ut liquet ex collatione versus sequentis. *Ad patrem. τοῖς τῷ πατρί.* Post articulum τῷ, videtur subaudiendum participium ἔστα, quasi dicat: Ascendo ad eum qui est pater meus & pater vester, item Deus meus & Deus vester.

18 *Et quod ea sibi dixisset. καὶ ταῦτα εἶπεν αὐτῇ.* Post conjunctionem καὶ repetenda est conjunctio ὅτι ex præcedente membro.

19 *Die illo primo hebdomadæ. τῇ μιᾷ τῇ σαββάτῳ.* Ut suprà *ψ. 1.* *Propter meum Judæorum.* ut sup. cap. 19. *ψ. 38.*

21 *Sicut misit me. ὥς.* Ut sup. cap. 17. *ψ. 18.*

22 *Afflavit eos ἐνπνεύσῃ. Scil. αὐτοῖς.* *Accipite Spiritum sanctum.* Ergo ne flatus ille erat Spiritus sanctus? Respondeo: Flatus ille sic erat S. sanctus, sicut columba illa quam vidit Johannes Baptista e cælo descendantem super Christum: nempe ut signum seu symbolum. nam hoc flatus testatus est Dominus se discipulis dare S. sanctum, eoque illos quasi afflare.

23 *Remiseris.* Nempe annuntiando eis remissionem peccatorum, testandoque remissa eis esse. Metonymia subiecti. nam in remissione peccatorum annuntianda ministri occupantur: propriè autem loquendo solus Deus peccata remittit. *Retinueris.* Testando scilicet quod eis retineantur, ut suo tempore puniantur à Deo.

24 *Qui dicitur Didymus. ὁ λεγόμενος διδύμος.* Nempe si interprete is Græcè, nam Hebraicè gemini dicuntur *דיקאן* theomim: Græcè vero *δίδυμοι*, qui *διὰ τὴν τὴν γαστέρα ἐξέρχονται.* id est, qui gemini unoque partu ex utero matris emerferunt.

25 *Vestigium. τύπον. τύπος.* quod percutiendo imprimitur, & à percussione in corpore percussio relinquitur. Hinc *τυπογραφία* dicta, ars illa scribendi non calamo, sed characterib. in chartam percussis atque impressis.

26 *Intra. ἔσω.* Nempe in illa domo in qua sedebant conclusi: suprà *ψ.*

39. *Venit. ἦρχεται. Pro, ὅτι ἦρχεται.* tum venit. *Afyn-ton.* *Forib. clausis. τῶν θυρῶν καλειγμένων.* Id est, Quum fores essent clausæ. Genitivi absolute positi, notantes circumstantiam temporis, ut si quæras, Quando venit? respondet Evangelista, Foribus clausis, id est eo tempore quo fores erant clausæ. Quomodo autem ingressus sit, non exponitur. Ad nimis impudentes sunt,

qui contendunt, per fores clausas ingressum esse : & quidam id ipsum hoc loco dici.

28 *Domine mi & Demi mi. o uigabz jux xj o dte jux* Pro, o uigabz jux xj o dte jux ut sup. cap. 19. v. 3. His verbis Thomas suam de Christo fidem confirmatur : quam Christus versu sequente approbat.

29 *Quia uidisti me.* Scilicet am a mortuis excitatum. *Credidisti.* Nempe me a mortuis resurrexisse, ac proinde dominum ac Deum tuum esse. *Beati qui non viderunt & crediderunt.* Id est, Beati qui quamvis me non viderunt, tamen crediderunt. Prorsus verò inepti sunt qui hoc trahunt ad commendandum errorem eorum qui opinantur, corpus Christi esse in pane cenz Dominica, etsi id ibi non videant. At, inquam, hæc valde dissimilia sunt nam Christum a mortuis resurrexisse credimus, etsi ipsum nondum videamus : sed credimus, quia Apostoli id testati sunt : & Thomas quoque eandem ob causam id credere debuit, tum etiam quod Christus ipse non semel id prædixerat. At corpus Christi esse in pane cenz non credimus : nec debemus nec possumus credere : quia Apostoli id nusquam testati sunt : imò contrarium testati sunt, nempe oportere ut cali Christum capiant usque ad tempora resurrectionis omnium. Faceant igitur isti cum pueruli sophismate suo.

## OBSERVATIONES LOCORUM

## DOCTRINAE EX CAP. 20.

1. Ex toto hoc capite & sequente, Articulus nostræ fidei, quo credimus & confitemur, Christum ex mortuis resurrexisse tertio die, certus est : quia plurimis hisque fide dignissimis testimoniis & argumentis confirmatus : que partim in hoc capite, partim in sequenti recitantur. Hæc autem res primum facit ad demonstrandum, quod Jesus ille crucifixus in quem credimus, sit Christus seu promissus ille Messias : quia inter alia hoc quoque in Scriptura de Christo prædictum erat : sicut meminit Evangelista hoc capite, vers. 9. Unde & Christus ipse hoc signum dederat Judæis ad probandum suam doctrinam : Matth. 12. vers. 39. Johan. 2. versu 19. Deinde facit hoc ad demonstrandum, quod peccata nostra (quæ nimirum Christo tanquam nostro sponsori erant imposita) iam sint per sacrificium mortis ejus exciata, nosque ab illis justificati seu absoluti. Etenim si vel unum ex illis peccatis quæ Christus expianda susceperat, in expiatum mansisset : non potuisset Christus ad vitam æternam & gloriam cælestem adeundam resurgere. Nam ubi peccatum adhuc imputatur, ibi mors adhuc regnum habet. Hunc resurrectionis Christi fructum indicat Paulus, Roman. 4. versu ult. ubi dicit, Jesum traditum esse (nempe in mortem) propter lapsus nostros (videlicet expiandos suæ mortis sacrificio) & excitatum esse (videlicet ex morte) propter justificationem nostram. Videlicet restitucandam seu demonstrandam. Item 1. Cor. 15. vers. 17. Si Christus non est excitatus : adhuc estis in peccatis vestris. Ergo è contrario. Si Christus est excitatus : non sumus amplius in peccatis nostris. id est, non sumus amplius obnoxii totis peccatorum nostrorum : sed sumus à peccatis nostris justificati seu absoluti, ac ne ita à patris eorum libertas : quippe quas scimus Christum pro nobis fuisse, & iudicio Dei pro illis plenè satisfecisse : sicut resurrectio ipsius clarè demonstrat.

Tertius fructus est, quod sicut Christus resurrectione sua demonstravit se morte sua impetrasse nobis remissionem peccatorum, ita iam patris placasse & favore m

favorem conciliasse: ita ex consequenti simul demonstravit, se impetrasse nobis à Patre Spiritum S. per quem donaremur fide atque ita vivificaremur; item serio studio pietatis, atque ita in novitate vitæ ambularemus. Hic igitur fructus in genere unus est, videlicet donatio Spiritus sancti: in specie autem duplex; vivificatio, & vitæ novitas. De posteriore loquitur Christus Joannis 5. v. 25. inquit; Amen amen dico vobis, veniet tempus & nunc est, quum mortui audient vocem filii Dei; & qui audierint, vivent. De posteriore loquitur Paulus Rom. 6. v. 4. & deinceps; sepulti sumus cum Christo per baptismum in mortem; ut sicut excitatus est Christus ex mortuis per gloriam Patris, ita & nos in novitate vitæ ambulemus, &c.

Quartus fructus resurrectionis Christi est, quod inde certam spem concipimus, nos quoque similiter, hoc est, ad eandem vitam & gloriam resurrecturos. Cuius rei ratio est, quod per fidem sumus Christi membra. Non convenit autem, ut caput sit in gloria, ac interim membra relinquantur in ignominia. Item quia ipse est primogenitus inter fideles tanquam fratres. Ergo fideles communem cum ipso habent hæreditatem. Hunc fructum indicat Paulus 1. Cor. 15. vers. 12. & deinceps. Ad quem fructum illustrandum & confirmandum pertinent verba ejusdem Col. 1. v. 18. Rom. 8. v. 29.

11. Ex vers. 12. & 13. Videmus hic primum, Angelos esse: contra errorem Sadducæorum, deinde, illos à Deo mitti ad sanctos homines, ut eis annuntient ea quæ ipsos scire, salutis eorum interest. Vide Heb. 1. vers. ult. Sunt autem cum hoc Johannis loco conferenda quæ de eadem re plenius narrant ceteri Evangelistæ.

111. Ex v. 19. Jam nondum est tempus ut fruamur corporali præsentia & consuetudine Christi: sed istud tum demum futurum est, cum Christus nos in cælum ad se receperit. Interim querendus & tangendus est manu fidei, in cælum porrecta. Sicut monet Paulus Col. 3. v. 1. Si surrexistis cum Christo, superna querite; ubi Christus est, ad dexteram Dei sedens.

1v. Ex v. 21. Quum Apostoli à Christo ipso sint missi ad docendum Evangelium; certum est, Evangelii doctrinam cælestem veritatem esse, ac proinde prompta fide recipiendam.

v. Ex v. 22. Quum Christus Apostolos ad prædicandum Evangelium mittens, afflatus testatus sit, se per Evangelii prædicationem afflaturum Spiritu S. corda electorum, ut Evangelio credant; ne dubitemus, eum istud adhuc hodie præstare: ac proinde libenter Evangelii prædicationem audiamus, ut subinde magis ac magis per Spiritum sanctum afflemur ac vivificemur. Hinc autem simul perspicitur, Evangelii prædicationem per se non efficere fidem: sed necesse esse ut accedat afflatus Spiritus sancti, hinc dicitur Act. 16. v. 14. Dominum aperuisse cor Lydiæ ut attenderet ad ea quæ dicebantur à Paulo. Idem docet Christus Joannis 6. v. 44. & 45. Nemo potest venire ad me (id est, credere in me) nisi Pater qui misit me, traxerit eum, id est, cor à natura refractarium flexerit ad obsequendum mandato Patris quo jubet audire Filium. Item, Est scriptum in Prophetis, Et erunt omnes filii Ecclesiæ, id est, electi docti à Deo. Quisquis ergo audivit à Patre & didicit, venit ad me. Sic Matth. 16. v. 17. quum Petrus suam de Christo fidem confessus esset, videlicet quod ipse sit Christus, filius ille Dei viventis; subjecit Christus; Beatus es Simon Bar. iona; quia caro & sanguis hæc non reiecit tibi, sed Pater meus qui est in cælis; nempe per Spiritum sanctum.

vi. Præterea observandum hic est exemplum loquutionis Sacramentalis. Christus quum afflasset in Apostolos, dixit, *Accipite Spiritum sanctum.* ubi afflatum

afflatum illum nominat Spiritum S. non quod proprie loquendo is esset, nec quod Spiritus S. cum illo afflatu substantialiter unitus esset. sed quod esset signum, quo promittebat se per ipsorum prædicationem afflatum Spiritus S. exercere velle in cordibus electorum. Simili ratione in institutione sacrae cœnæ panem nominavit corpus suum, & vinum sanguinem suum; non quod corpus cum pane itemque sanguis cum vino substantialiter sit unitus; sed quod sint signa, quibus promisit, corpus ipsius pro nobis traditum iri, & sanguinem ipsius pro nobis effusum iri in remissionem peccatorum.

VII. Ex vers. 23. Officium ministrorum Evangelii est, non solum annuntiare remissionem peccatorum resipiscenibus & credentibus; verum etiam denuntiare retentionem peccatorum impœnitentibus & incredulis. Ne autem vel hi vel illi annuntiationem istam parvi faciant, ac proinde nec illi solidam consolationem, nec isti convenientem timorem inde percipiant: observandum, testimonium illud quod utrisque perhibent ministri, tam certum esse, ac si à Deo ipso esset pronunciatum. hinc enim est, quod ministri ipsi dicuntur peccata & remittere & retinere: quum tamen proprie loquendo solus Deus peccata remittat aut retineat: ministri autem remissionem illam & retentionem solummodo annunciant.

VIII. Ex vers. 27. Habemus hic exemplum insignis bonitatis ac mansuetudinis Christi: qui ad tollendum incredulitatem Thomæ paratus fuit illi præstare ea quæ expetiverat: nempe ut immitteret digitum suum vestigio clavorum &c. quum si pro merito illum tractare voluisset, prorsus eum abjecisset, aut certe graviter eum propter incredulitatem increpasset: ut qui reliquorum Apostolorum testimonio fidem habere noluerit.

IX. Ex vers. 28 & 29. Vera fides de Christo est, ut credamus & confiteamur, ipsum esse dominum nostrum & Deum nostrum. Hanc enim fidei confessionem Dominus ipse in Thoma probat. Est autem dominus noster, non solum jure creationis, sed etiam jure redemptionis, quia precio sui sanguinis nos sibi acquisivit: Act. 20. vers. 28. 1. Cor. 6. vers. ult. Deus item noster est, non solum quia nos creavit, sed etiam quia è potestate diaboli nos eripuit, & salutem aeternam nobis contulit: Heb. 1. vers. 14. 1. Thim. 3. vers. 23.

X. Ex vers. 29. Vera fides ab ore Dei, non ab oculis carnis pendet. Hic autem imprimis curandum, ut verbum Dei rectè intelligamus: ne si illi affinxerimus falsam sententiam, falsò de fide gloriemur. sicut hodie accidit multis: qui verbis Christi in institutione sacrae cœnæ ab ipso pronunciatis falsam sententiam affingunt: quasi videlicet docere voluerit, ex pane suum corpus fieri, aut cum pane suum corpus substantialiter conjungi: quum tamen nihil aliud voluerit docere, quam quod panis signum sit sui corporis, quo significet ac testetur, corpus ipsius pro nobis crucifixum iri: atque ita cibum vivificum animarum nostrarum effectum iri, quibus illæ per fidem cibentur ad vitam æternam. Similiter intelligenda verba quæ de vino pronuntiavit: At inquit nonnulli, Christus hoc loco beatos pronuntiat eos qui non viderunt, & tamen crediderunt: Ergo etsi corpus Christi cum pane præsens non videamus, tamè illud credere debemus. At, inquam, Christus nò loquitur in illis verbis de præsentia corporis sui apud panem: sed de præsentia corporis sui apud eos quibus sese post resurrectionem vivum sistere ipsi placuit. Quare verba ista imperitè ad fiduciam illà præsentiam detorqueatur.

XI. Ex vers. 31. Finis seu scopus atque etiam fructus Evangelii est, fides in Christum. Fidei autem finis ac fructus est vita æterna. Confer Rom. 10. vers. 10. & 17. Rom. 1. vers. 16. 1. Pet. 1. vers. 9.

ANALYSIS CAP. XXI.

ARGUMENTUM.

Argumentum indicatum est in principio capitis præcedentis.

**P**ostea pascere se rursus Jesus discipulis ad mare Tiberiadis. pascere autem sic.

2 Erant simul Simon Petrus & Thomas qui dicitur Didymus, & Nathanael qui erat ex Cana Galilee, & filii Zebedei, aliiq. ex discipulis ejus duo.

3 Dicit eis Simon Petrus, Ab eo piscatum. Dicunt ei, Immo & nos tecum. Profecti sunt, & ascenderunt in navigium statim: & illa nocte nihil ceperunt.

4 Mane autem jam exorto stetit Jesus ad litus: non tamen cognoverunt discipuli Jesum esse.

5 Dicit igitur eis Jesus, Pueri, num quid opsonii habetis? Responderunt ei, Non.

6 At ille dicit eis, Jacite rete in dextram navigii partem, & invenietis. Faciens ergo, & non amplius valebant illud trahere pro multisitudine piscium.

7 Dicit ego discipulo illi quem diligebas Jesus, Petro, Dominus es. Simon ergo Petrus quum audisset Dominum esse, amiculum succinxit, (erat enim nudus) & abiexit se in mare.

8 Ceteri vero discipuli navigio venerunt, (non enim longè abant à terra, sed circiter cubitis ducentis) trahentes rete illud piscium.

9 Ut autem descenderunt in terram, vident prius positas, & piscem impositum, & panem.

10 Dicit eis Jesus, Adferre ex piscibus quos modo cepistis.

11 Ascendit Simon Petrus, & traxit rete in terram, plenam magnis piscibus, centum quinquaginta tribus: & quum tot essent, non tamen est fissum rete.

12 Dicit eis Jesus, Venite, prandere. Nullus autem discipulorum audebat eum interrogare, tu qui es? quum scirent Dominum esse.

13 Venit ergo Jesus, & accepit panem & dedit eis, & piscem similiter.

14 Hac jam tertia vice pascere sese Jesus discipulo suum, quum resurrexisset à mortuis.

15 Quum ergo prandissent, dicit Simoni Petro Jesus, Simon fili Jone, diligis me plus quàm hi? Dicit ei, Certe Domine: tu nosti quòd amem te. Dicit ei, Pasce agnos meos.

16 Dicit ei rursum secundo, Simon fili Jone, diligis me? At ille, Certe Domine: tu nosti quòd amem te. Dicit ei, Pasce oves meas.

17 Dicit ei tertio, Simon fili Jone, amas me? Tristitia fuit affectus Petrus quòd tertio dixisset ipsi, Amas me? Dixitque ei, Domine, tu omnia nosti, tu nosti quòd amem te. Dicit ei Jesus, Pasce oves meas.

18 Amen amen dico tibi, quum esses junior, cingebas te, & ibas quòd volebas: quum autem senueris, extendes manus tuas, & alius te cinget, & transferet quòd nosti.

19 Hoc autem dixit, significans qua morte glorificaturus esset Deum. Et quum hoc dixisset, dicit ei, Sequere me.

20 Conversus Petrus vidit illum discipulum quem diligebas Jesus sequentem, qui

## SCHOLIA IN CAP. XXI.

qui & recubueras in cæna illa super pectus ejus, & dixeras, Domine, quis est ille qui te proliis?

21 Hunc ergo quum vidisset Petrus, dicit Jesu, Domine, hic autem quid?

22 Dicit ei Jesus, Si velim eum manere donec veniam, quid ad te? me sequere.

23 Exus ergo sermo iste inter fratres, discipulum illum non moriturum: sed non dixerat ei Jesus, Non morietur: sed, Si eum velim manere donec veniam, quid ad te?

24 Hic est discipulus ille qui de his testatur, & hac scripsit: & sciam verum esse testimonium ejus.

25 Sunt autem & alia multa quæ facit Iesus, quæ scriberentur sigillasim, ne mundum qui dem ipsum opinor captivum eos qui scriberentur libros. Amen.

Cohæret hoc caput cum præcedente: continet enim adhuc unam patefactionem Jesu post resurrectionem. Sunt autem duæ partes. In prima parte narratur, quomodo se patefecerit Iesus discipulis ad mare Tiberiadis, usque ad v. 15. In altera parte narratur colloquium Domini cum Petro: ubi Dominus ei commendat pascendas oves suas: prædicit ei mortem violentam seu martyrium: & respondet de Johanne, nempe hoc ipso Evangelista, qui hunc librum scripsit.

## SCHOLIA IN CAP. XXI.

3. In *navigium*. εἰς τὸ πλοῖον. Nempe, τὸ τῷ Πέτρῳ. ut percipitur ex verbis Petri, Ab eo piscaturum.

5. *Opsoni*. ὀψωνιάζον. Vox, ὀψωνιάζον composita est ex ὀψὲς & αἰζῶ: significat enim omne id quo cum pane vescimur.

6. In *dextram partem*. εἰς τὴν δεξιὰν μέρη. Hinc intelligi potest, in illa phrasi, ἐν δεξιᾷ, quæ sæpe occurrit, subaudiendum μεσῶν. *Pro multitudine*. ἕπο τῷ πλῑθος. Hebraismus. Sic enim Hebræi usurpant præpositionem ἵπο. pro διὰ τὸ πλῑθος, propter multitudinem.

Discipulus ille quem dixerat &c. Periphrasis Johannis: ut percipitur ex collatione v. 20. & 24. infra. *Domini est*. ὁ κύριος ἐστίν. Scilicet ὁ κύριος. *Amiculum*. τὸν ἱματιστῆα. Indulsiū. *Succinxit*. Nempe partem pudoris causā (ut D. Beza annotat) partem etiam (ut opinor) ne indusio laxato ac diffuente impediretur in natando.

8. *Trahentes*. σὺν τῷ. Suprà v. 6. pro verbo *trahere* in Græco est ἑλκύσαι: quod est generale. at σὺν est propriè per pavimentum vel solum trahere: unde σὺν vestis caudata matronarum nobilium, cujus cauda per solum trahitur. *Retine illud piscium*. τὸ δέχεσθαι ἢ ἱχθύων. id est, in quo erant illi pisces quos ceperant.

10. *Quos cepisti*. ὅν ἐθάρησται. Pro, ἐκείνῳ ἀ ἐθάρησται.

13. *Panem*. τὸν ἄρτον. Panem illum de quo v. 9. Sic mox. *Piscem*. τὸ ὀψιδεσθαι piscem illum.

18. *Cingebas te* ἱζίνων σεαυτὸν. nam Judæi, more populorum orientaliū, prælongas vestes gerebant: quas ambulaturi succingebant, ne essent impedimento. *Extendes manus tuas*. Nempe præbens eas carnifici vinculis constringendas. *Et alius*. Nempe carnifex. *Te cinget*. οὗ ζώνον. Antanaclassis est in verbo *Cingent*: quippe quod hic paulo aliter accipitur quàm ἀνέ.

19. *Qua morte*. ποῖο θανάτου. Nempe morte violenta, propter confessionem Christi.

20. In *cæna illa*. ἐν τῇ δεῖπνῳ. scilicet ultima: suprà cap. 13. v. 23.

21. *Quid?*



21 *Quid? n;* patietur propter nomen tuum.

25 *Ne mundum quidem.* Hyperbole. *Capiturum.* *χωρῖστα.* Pro *χωρῖστα* id est capere posse. Capere autem hic est loci, qui capit, hoc est, infum quasi sinum recipit rem locatam. Sic suprà cap. 2. versu 5.

## OBSERVATIONES LOCORVM

### DOCTRINAE EX CAP. 21.

I. Præcipua ex hoc capite observatio annotata est ad principium capituli præcedentis, videlicet de certitudine resurrectionis Christi & ejusdem fructibus. Illic vide.

II. Ex 3. & 5. Apostoli quum noctu piscantes, nihil cepissent: manè ad mandatum Christi jacentes rete, ceperunt magnam piscium multitudinem. Hinc apparet divina potentia Christi, qua brutas quoque animantes pro suo arbitrio gubernat: idque ad commodum eorum quos diligit. Quare potentia ac benevolentia ipsius confidere discamus. Simile exemplum vide Luc. 5. 4. & deinceps.

III. Ex vers. 15. 16. & 17 Ministri Evangelii officium est, diligenter pascere oves Christi: id est, proponere electis pabulum doctrinae caelestis quo pascantur corda eorum ad vitam æternam, & custodire animas eorum ne à lupis id est falsis doctoribus occidantur. Confer Act. 20. 38. & deinceps, item 1. Pet. 5. 3. & deinceps, item Rom. 12. 3. 6. 7. & 8. 1. Tim. 3. 2. & deinceps. Tit. 1. 9. & deinceps.

IV. Ex 18. Christus prædicat Petro, fore ut alius (nempe carnifex) eum cingat, & transferat quò nolit, nempe ad locum supplicii. Hinc discimus, tametsi martyres prompti sint secundum spiritum ad patiendum cruciatum propter confessionem Christi: id quod historiae martyrum abundè testantur: tamen secundum carnem eos à cruciatibus istis abhorrere. Verum carnis infirmitatem virtus spiritus superat.

V. Ex 19. Martyres, id est, qui sanguine suo testimonium perhibent veritati Evangelii, sua morte Deum glorificant: quatenus nimirum toti mundo testatum faciunt, Deum in suo verbo veracem esse, & confessores suæ veritatis virtute ex alto induere, ut toti mundo insultare possint: quippe quum non possint à mundo ullis cruciatibus à veritatis confessione dimoveri.

VI. Ex 20. 21. & 22. Petrus reprehenditur à Christo, quòd quæreret, quid vellet fieri de Johanne. Hinc discimus cavendum nobis esse, ne curiosè inquiramus ea quæ scire nostra non interest: sed potius operam dandam, ut diligenter attendamus quid nobis à Domino mandetur, atque illius mandatis promptè obsequamur.

VII. Ex 23. Cavendum ne quod connexè enuntiatur est, tanquam simpliciter dictum accipiamus: ac omnino ne quid certi statuamus de eo de quo nihil certi nobis constat.

VIII. Ex 24. Fideles sciunt (nempe per virtutem Spiritus sancti) testimonium Apostolorum de Christo verum esse.

IX. Ex 25. Quum Spiritui sancto non sit visum plura distare Evangelis quæ scriberent de Christo quàm ea quæ scripserunt: non est quòd plura desideremus: sed iis quæ scripta sunt, contentos nos esse decet, ac certò statuere, abundè in illis contineri, quæ nobis ad salutem scitu necessaria sunt.